

পাঁচু-ঠাকুর

শ্রীহরিনাথ বন্দ্যোপাধ্যায় কর্তৃক

প্রণীত ।

তৃতীয় সংস্করণ ।

কলিকাতা,

৩৮।২ নং ভবানীচরণ দত্তের স্ট্রিট, “বঙ্গবাণী-ইলেকট্রো-মেসিন-ঘরে”

শ্রীমটবর চক্রবর্তী-দ্বারা

মুদ্রিত ও প্রকাশিত ।

সন ১৩১৬ সাল ।

প্রকাশকের নিবেদন ।

'পাঁচুঠাকুর' দ্বিতীয় সংস্করণ ইতিপূর্বে প্রকাশিত হইয়াছিল ।
বহুদিন সে সংস্করণ ফুরাইয়া যায় । তার পর, এ পর্য্যন্ত অনেকেই
'পাঁচুঠাকুর' পাইবার জন্য আগ্রহ প্রকাশ করেন । 'পাঁচুঠাকুর'
চিরদিনই নূতন । পাঁচুঠাকুরের সমাদর চিরদিনই আছে ও থাকিবে ।
সুতরাং পাঁচুঠাকুরের আবার এই নূতন সংস্করণ প্রকাশিত হইল ।
৬ই ইতি জ্যৈষ্ঠ, ১৩১৬ সাল ।

প্রকাশক ।

মুখপাত ।

রহস্য এবং রসিকতা এক পদার্থ নহে । আমি সরস রহস্য লিখিতে পারিয়াছি 'কি' না, বলিতে পারি না । কিন্তু শুধু রসিকতার অনুরোধে কিছু লিখি নাই, ইহা যেন পাঠক মহাশয়দের— এখন আবার বলিতে হয়—পাঠিকা মহাশয়াদের মনে থাকে । বালালায় এখন হাসিবার কিছা হাসাইবার দিন আইসে নাই । তবুও যে লোকে হাসে, সে আমার কপালশুণে এবং হাসকদের বুদ্ধির অঙ্গু-গ্রহে, সে পক্ষে ক্ষমতার দাবি-দাওয়া কিছু রাখি না ।

একটা সুসংবাদ দিয়া মুখপাতের চূড়ান্ত করিব । শাস্ত্রে আছে, কাৰ্ঘ্যভেদে অবতার-ভেদ, পঞ্চানন্দ যে পাঁচুঠাকুর রূপে অবতীর্ণ হইলেন, তাহার এক এবং অদ্বিতীয় কারণ—অর্থলোভ ; অথবা, বৈজ্ঞানিক ভাষা বলিতে হইলে,—লক্ষীর চাঞ্চল্য প্রমাণ । ইতি ।

শ্রীহরিনাথ দেবশঙ্খা ।

সূচিপত্র ।

বিষয়	পৃষ্ঠা
ভাষাসিা নয়	১
ভূমিকা (নন্দ উবাচ)	৪
পঞ্চানন্দের আশ্চরিত .	৬
মৃত্যুর পূর্বেবর্তিকালের বিবরণ	৯
ভারতের প্রাচীন ইতিহাস	১১
প্রাচীন বাণিজ্য	১৭
মুসলিম ভারতভিত্তিক বীর প্রতিজ্ঞাপত্র	১৮
পঞ্চানন্দের বক্তৃতা	২০
আইনস্বেতাজ	২০
শ্রাণ্ট-ছোমটা-সংবাদ	৩০
কাবুলস্থ সংবাদদাতার পত্র	৩২
উকীল মোস্তাফিজের আইন	৩৭
মেট্রিক সিবিলসার্ভিস	৩৬
বেশারে বাদশাহী কেন ?	৪২
কাবুলস্থ সংবাদদাতার পত্র (২)	৪৪
পঞ্চানন্দের উপদেশগহরী	৪৮
পঞ্চানন্দের পত্র	৫৪
পুলিশ আদালত	৫৭
বেঠকী আলাপ	৬২
কাবুলস্থ সংবাদদাতার পত্র (৩)	৬৫

বিষয়	পৃষ্ঠা
কাবুলের সংবাদদাতার পত্র (৪)	৭৩
বিচারসংক্রান্ত কথা	৭৭
রাজসভার বিশেষ অধিবেশন	৭৯
শ্রীমান ভক্তবৃন্দ কল্যাণবরেষু	৮০
বিশেষ কথা ;—রাজদর্শন	৮৫
ছুরিসম্বোধন	৮৭
শিবপুরের ব্যাপার	৯১
ছুটের দমনবিধি	৯৫
সরকারের ব্যয়সংক্ষেপ	১০০
লেজ ! লেজ ! লেজ !	১০৪
সাত্তালী সাল	১০৯
লাটমন্দিরের খবর	১১৭
শোকশেল	১২৫
রাজকাষা পর্য্যালোচনা	১২৯
বিদেশের সংবাদ	১৩১
রিউটার প্রেরিত ভারের খবর	১৩৩
দেশহিতৈষিতার ইতিহাস	১৩৪
সুয়েজস্রাযণ	১৩৮
কার্যকারণতত্ত্ব	১৪৭
সংশোধিত যাত্রা—মানভঙ্গন	১৫০
বিজ্ঞা ও অবিজ্ঞা	১৫২
সুকচির কথা	১৫৪
সুনীতির কথা	১৫৬
অসংলোভের চোলে মানস কলিযাগ প্রভৃৎ	১৫৯

ବିଷୟ	ପୃଷ୍ଠା
ସୂକ୍ଷ୍ମ କୃତାରାଘାତ	୧୫୨
ବାକ୍ୟାଳା ଭାଷା 'ଡାଆଇୟ' ନିତେ ଆପଣ ଆଡ଼େ	୧୭୨
ମହାନନ୍ଦୀ ବ୍ୟାକରଣ	୧୭୭
ବର ପ୍ରାର୍ଥନା	୧୮୭
ବସନ୍ତର ବିଚାର	୧୮୭
ନିଧି ଅବହାର	୧୮୭
ବିଜ୍ଞାପନା ୧ ନଂ	୧୯୧
ବିଜ୍ଞାପନ ୨ ନଂ	୧୯୨
ମରକାଶେର ଉପଦେଶ	୧୯୬
ବିଜ୍ଞାତୀୟ ବର୍ଣ୍ଣମାଳାୟ ବର୍ଣ୍ଣାତୀୟ ଭାଷା ନିଧିବାର ବକ୍ତୃତା	୧୯୫
ଧେମା ଧଗେଶେର ଡିପ୍ଲମୀ (୧)	୨୦୧
ଧେମା ଧଗେଶେର ଡିପ୍ଲମୀ (୨)	୨୦୫
ସୁନିକ୍ଷିତ ଏବଂ ଅନିକ୍ଷିତର ସୁଖେର ତାରତ୍ତ୍ୱମା	୨୦୬
ବିଷୟଜନ-ସମାଗମ	୨୧୦
ଗୋରାଟୀନ	୨୧୨

ବିତୀୟ ପରିଚ୍ଛେଦ ।

ମାଟକମାଟିକାର ମରଣବୀଚନ ଗ୍ରନ୍ଥକର୍ତ୍ତାରହି ହାତେ	୨୨୨
ନିଧାହାରୀ	୨୨୨
ଆମି କେ ? ଆର ଆମି କାର ?	୨୩୧
ମାନ	୨୩୬
ଠାକୁରନାଦାର କାହିନୀ	୨୩୭
ସ୍ତ୍ରୀସ୍ୱାଧୀନତା	୨୪୨
ଫିଟିର ମୁସବିଦା	୨୪୬

ବିଷୟ	୩
ବିଦେଶଦ୍ରାଘ ଯୁବକେର ପତ୍ର	୨୧
ବଙ୍ଗଦେଶେର ଇତିବୃତ୍ତ	୨୩
ଧରମସିଂହେର ନାନଥାତ୍ରାହି	୨୫
ଅଦ୍ଭୁତସ୍ତ୍ର	୨୬
ମାଟୀ ଧୋପାନୀ	୨୭
ପରିଚୟ ଏବଂ ପ୍ରାଧନା	୨୮
ମତୀଅମାଦେର କୋଣେର ବୋ	୨୯
ପୂଜନୀ ଶ୍ରୀ ଶ୍ରୀ ପଞ୍ଚାନନ୍ଦ ଠାକୁର	୩୦
ଦେ-ପାତାର ମନ୍ତ୍ରୀ ବୈଷ୍ଣବୀ	୩୧
ଯୋଟା ରମିକେଦ ଅବକ	୩୨
ନୂତନ କୁଶୋଳ	୩୩

ପ୍ରଥମ କାଣ୍ଡ ସମାପ୍ତ

ଦ୍ୱିତୀୟ କାଣ୍ଡ	୩୪
ବିଳାତେର ସଂବାଦନାତାର ପତ୍ର	୩୫
ଘୋରା ଚିଠି	୩୬
ପଞ୍ଚାନନ୍ଦେର ନିଲାମି ଆଞ୍ଜା	୩୭
ପରିମାଣେର ଦୋଷେ ପରିଣାମ ନହେ	୩୮
ଧବର	୩୯
ସମାଲୋଚନା	୪୦
ବ୍ରହ୍ମ ବିଚାର	୪୧
ଅନ୍ଧୋକ୍ତର	୪୨
ଆଶୁ ପତ୍ର	୪୩
ଦୁସମାଚାର	୪୪

বিষয়	পৃষ্ঠা
'সরকারী বিজ্ঞাপন	৬
মাতবর দলীল	৩১৭
টীকা টিপস	৩১৭
নূতন নিয়মে জাতিভেদ	৩২০
দরকারি বিজ্ঞাপন	৩২১
সমযোচিত প্রস্তাব	৩২২
হিসাবী লোক	৩২৩
উপস্থিত বৃদ্ধি	৬
যেটা পছন্দ হয়	৩২৪
অন্ন রাখিবে	৬
বিদ্যাশাগরের নূতন উপাধি	৩২৫
শ্রেণী-কমিশনার হইতে প্রাপ্ত	৬
সার্থক শিক্ষা	৩২৬
যেমন গাছ, তেমনি ফল	৬
কথার অন্তর্থা হয় নাই	৩২৭
ধর্মের অনুরোধে অধাৰ্মিক	৬
বসিকতা	৩২৮
ছেলে চিত্রকর	৩২৯
কেন বল দেখি ?	৬
উচিত সন্দেহ	৬
নিঃসন্দেহ	৩৩
ধাৰ্মিকতার বর	৬
গান গ্রহণে অস্বীকার	৩৩১
প্রবোধ বাক্য	৬

বিষয়	পৃষ্ঠা
মিথ্যা কথা	৩৩১
গিরিশৈব সন্দেহ	৩৩২
হুল হযেছিল	৩৩২
তবে দোষ নাই	৩৩৩
ছিকর কাণ্ড	৩৩৩
ভাত বটে	৩৩৪
বুদ্ধিমান ভূতা	৩৩৪
গিরিশৈব পরিণামশিতা	৩৩৫
সাধনানের একশেষ	৩৩৫
অসুত প্রশংসা	৩৩৬
যতকণ খাস ততকণ আশ	৩৩৬
সত্যবাদী ভূতা	৩৩৭
নীতিকথায় রসিকতা	৩৩৭
বিশেষ আশ্চর্য	৩৩৮
এড়কেশন গেছেটের প্রতি প্রঃ	৩৩
সুখের বিষয়	৩৩
প্রয়োত্তর	৩৩৯
ভারতবর্ষের সুখ	৩৩
সদালাপ	৩৩
চুড়ান্ত কৈফিয়ৎ	৩৪০
সুখের বিষয় (২)	৩৪
প্রয়োত্তর । (২)	৩৪১
ডাকিনের কথা বার্থ	৩৪
পৌরাণিক ঋণ শোধ	৩৪২

বিষয়	পৃষ্ঠা
শাটকের ছড় করা অত্যাশ	১৫
ঈশদেবতা কখন কিছু না নিয়া ছাড়ে কি ?	১৪৬
ভবী ভূমিবার লয়	১৫
মাতাম বাটিয়া লয়	৩৪৪
প্ৰেমাণকারের নিমিত্তই সাধুর জীবন	১৫
প্রতিবাদ	৩৪৭
রাজভক্তির অতিরিক্ত কারণ	১৫
যেমন শিক্ষা তেমনি পরীক্ষা	৩৪৬
প্রেম সন্তাষণ	১৫
বিশেষ বিজ্ঞাপন	১৫
ডাক্তারিতত্ত্বের শিক্ষাসোপান	৩৪৭
দিব্য জ্ঞান	১৫
সংপথের কণ্টক	৩৪৮
সুশীল বালক	১৫
ঈশমায় কলঙ্ক	৩৪৯
শ্রমণী সম্প্রদায়	১৫
ধনী হইবার সহজ উপায়	১৫
জ্ঞান টনটনে	৩৫০
মিউনিসিপেল বিচার	১৫
শোণ শবরের কুটোওঁতাল	৩৫১
জিজ্ঞাসা	১৫
খেদের কথা	৩৫২
চন্দ্রের কথা	১৫
সার কথা	১৫

বিষয়	পৃষ্ঠা
বিষয় বুদ্ধি	৩৭০
যা নয় তাই	৩৭১
দেবলোকের শোক	৩৭২
একটা পরামর্শ	৩৭৩
জ্ঞান-গুণ	৩৭৪
সদালাপ	৩৭৫
বিনয়ের পরাকাষ্ঠা	৩৭৬
গুণা চেয়ে ভূত ভাল	৩৭৭
প্রশ্নোত্তর । (৩)	৩৭৮
আকেল আছে	৩৭৯
অস্তায় দেখিলেই রাগ হয়	৩৮০
পদবুদ্ধি	৩৮১
মর্দুগ্রাহী খোঁজা	৩৮২
একটা ভরসার কথা	৩৮৩
বিদ্যা অমূল্য ধন	৩৮৪
স্তায় সঙ্গত উত্তর	৩৮৫
নির্দোষ প্রার্থনা	৩৮৬
সরকার বাহাদুরের ভ্রম	৩৮৭
স্তায়রত্ন-কীর্তি	৩৮৮
ইসিরার ছেলে	৩৮৯
আসামীর জবাব	৩৯০
দেবতার পক্ষপাত	৩৯১
অকাট্য প্রমাণ	৩৯২
রাজকাব্যের রহস্য	৩৯৩

বিষয়	পৃষ্ঠা
আশ্চর্য্য অস্তিত্ব	৩৬৩
কবির ভবিষ্যদ্বাণী	৩৬৪
জিজ্ঞাসা	৩৬৪
অবৈধ অল্পযোগ	৩৬৫
যে যেমন বোঝে	৩৬৫
কমাপ্রার্থনায় নববিধান	৩৬৬
সংপরামর্শ	৩৬৬
আশার অতিরিক্ত	৩৬৬
বৈজ্ঞানিক দৃষ্টান্ত	৩৬৬
এডুকেশন গেজেটে এই বিজ্ঞাপন ব্যক্তির চাইয়াছে	৩৬৭
হিনি কে ?	৩৬৭
বুঝিবার সুল	৩৬৭
প্রকৃত কারণ	৩৬৭
প্রভুভক্ত ভৃত্য	৩৬৭
তাতে যথার্থ	৩৬৭
কবির শুভঙ্কর	৩৭০
আর একটুকু	৩৭১
ছেলে ছুলানো উত্তর	৩৭১
আইনের উপদেশ	৩৭১
নববিধান	৩৭২
শক্ত শওয়াল	৩৭২
বিনাশ নয় নাশ	৩৭৩
সারগ্রাহী বাবুর গুণগ্রাহিতা	৩৭৩
সন্ধান	৩৭৪

বিষয়	পৃষ্ঠা
সরল বিজ্ঞাপন	৩৬
ব্যবহার অতিরিক্ত	৩৭
শ্রীশ্রী ৮ পঞ্চানন্দ ঠাকুরের	৩৭
বৈবাহিক রহস্য	৩৭
নূতন সংবাদ	৩৭
প্রশ্ন	৩৭
প্রশস্ত অমুখ্য	৩৭
গোয়ালার ফুট	৩৭
বে-খরচা উপদেশ	৩৭
অয়েন্ট ষ্টক কোম্পানি	৩৭
জ্ঞানের পূর্ণ যাত্রা	৩৭
সকল প্রার্থনা	৩৭
শিষ্টাচার ও মিষ্টালাপ	৩৭
বহুদর্শিতার অস্তান	৩৭
প্রশ্ন।	৩৭
উত্তর—	৩৭
উকীল চিনিবার উপায়	৩৭
বিষম সমস্যা	৩৭
পরোপকারী ভূত	৩৭
বিজ্ঞাপন	৩৭
বাকালীর মেয়ে	৩৭
বাকালীর ছেলে	৩৭
বাকালীর মেয়ে (২)	৩৭
বাকালীর ছেলে (২)	৩৭

• বিবরণ	৩০১
বাঙ্গালীর মেয়ে (৩)	৩০২
বাঙ্গালীর ছেলে (৩)	৩০৩
শনিবারের পালা	৩০৪
বড়ের আশা	৩০৫
জাক হরকরা	৩০৬
চিড়িয়াখানা	৩০৭
স্বয়ং রিচার্ড টেম্পল	৩০৮
ষোমটা রহস্য	৩০৯
ভারতবাসীর গান	৩১০
—র কেতন	৩১১
একটা	৩১২
টুটি বিলায় কাব্য	৩১৩
সেন্দেখের বা লোকসংখ্যা	৩১৪
পঞ্চানন্দের গান	৩১৫
খয়াল সংবাদ	৩১৬
বিলাতী বিধবা	৩১৭
দশহরার গান	৩১৮
কুড়িয়ে পাওয়া	৩১৯
হোয়ি	৩২০
বিনয়	৩২১
রায়	৩২২
ভারতের জয়	৩২৩

পাঁচু-ঠাকুর



তামাসা নয় ।

এই ত ভবের হাটে রসের পসরা মাথায় উপস্থিত হওয়া গেল !
এই ত ভবমাগরে রঞ্জিল পান্সী ভাসান গেল ! এই ত ভবের
স্থানিতে আঙ্গ-যোড়ন করা গেল ! এই ত ভবের আসরে নামা
গেল ! এই ত ভবলীলা আরম্ভ হইল ! এখন দেখা যাউক—
তোমারই এক দিন, কি আমারই এক দিন !

পঞ্চানন্দ বাহির হইল, লোক-সমাজে এই আলোক-সামাজিক—
আলোক-সামাজ্যই বলিতাম, কিন্তু তাহা হইলে অল্পপ্রাস ভঙ্গ হয়—
এই আলোক-সামাজিক বস্তুকা এখন নয়নানন্দদায়িনী হইবে, তদ্বিষয়ে
আমাদের সন্দেহ নাই । কিন্তু লোকে জিজ্ঞাসা করিতে পারে, এ
আলোক কতদিন অস্তরে ভারত-উজ্জ্বল করিবে ? সূর্য প্রতিদিন
উদিত হন, কিন্তু সূর্যের আলোক অতি তীব্র—অসূর্য্যাক্ষরূপা !
চন্দ্র ক্রমে ক্রমে কলা প্রদর্শনপূর্ব্বক মাসে একবার মাত্র পূর্ণমাত্রায়
আঙ্গ-বিকাশ করেন ; তদ্বিত্ত পুরাতন কাহিনী অনুসারে চন্দ্রের
কলঙ্ক আছে ! নিত্য নৈমিত্তিক গৃহস্থের প্রদীপ—

“সুবর্ণ-দেউটি যথা তুলসীর মূলে”—

মিট মিট করিয়া জলে, বাতাসে নিবিয়া যায়, এবং টিকা ধরাইবার
সময়ে দীপ-ছায়া উপস্থিত হয়, তবে এ আলোক কেমন ?

এ আলোক কেমন ? গভীরভাবে এই গুরু প্রশ্নের উত্তর দিতে আমরা বাধ্য । এ আলোক—বলিয়াই কেনি—এ আলোক করান কাদম্বিনীর অম্ববিদারিণী সৌদামিনী-সদৃশ ; ঠেঁয়সী আমার সময়-রক্ত-কালীন হাসির মত । ইহাতে জগৎ চকিত হইবে, স্তম্ভিত হইবে, ঘন বিকম্পিত হইবে, মোহিত হইবে ! ভয়ে বিহ্বল হইবে, অথচ আনন্দে অধীর হইবে । তবে আমাদের মুখে এ কথা শোভা পায় না । না-ই পাইল, লেখা ত জমিয়া গেল ! যাহা হইবে, তাহা হইবে । অদৃষ্টবাদ, কারণবাদ, বিবাদ, বিসৃষ্টাদ কিছুতেই তাহার প্রতিবাদ হইবে না ।

অসময়ে যে বন্ধু, সেই বন্ধু—“—শ্রীশানে!চ যন্তিষ্ঠতি সঃ বাহুবঃ ।” —পঞ্চানন্দ সেই অসময়ের বন্ধু, পঞ্চানন্দ সেই শ্রীশানবন্ধু । ষড়-দর্শনের লোপে ভারতে হাহাকার পড়িয়া গিয়াছিল ; ঔরস পুত্রের অভাবে আরও একাদশ প্রকার পুত্রের ব্যবস্থা মনুসংহিতায় আছে ; সেই জন্ত ষড়দর্শনের অভাব দূরীকরণ জন্ত বঙ্গ-দর্শন আখ্যানদর্শন শ্রাম-দেশোক্তব যমত্র ভ্রাতার স্তায় কিঞ্চিৎ অগ্র পশ্চাৎ ধরাতলে অবতীর্ণ হইলেন । এখন তাঁহাদেরও অস্তিমদশা—মুখ ব্যাদান করেন বটে, কিন্তু সে খাবি-খাইবার জন্ত—আর কি নীরব থাকিবার সময় ? অতএব উঠ বন্ধুগণ উঠ ! জাগ ভারতের হিতব্রত, জাগো ! —পঞ্চানন্দ স্বয়ং উপস্থিত । (এখানে বৃষ্টিতে হইবে)—অতএব উপস্থিত ।

পঞ্চানন্দ যুমুর্ দেহে জীবনসঞ্চার করিবে, পৃথিবী নিঃকজিয়া করিবে, অর্থাৎ যাহারা পত্রিকার গ্রাহক হইয়া মূল্য না দেয়, তাহাদিগকে খুব—খুব শক্ত—আরও শক্ত—আশীর্বাদ করিবে । দীর্ঘায়ুস্বস্ত !

“বঙ্গ-দর্শন” প্রভৃতি সাময়িক পত্র ; সেই জন্ত মাসে মাসে দেখা দিবার আশাস দিয়াছিল । পারে নাই, কারণ°বাদালী—স্বীকৃতি ।

ভাষাসা নয় ।

শ্রীজাতির এমন প্রতিজ্ঞা থাকে না । প্রথম প্রথম হুদিন দশ দিন ;
তাহার পরে—ভগবান্‌কি হাত !

পঞ্চানন্দ হুঃসময়ের বন্ধু, সেই জন্ত অসাময়িক, যখন কুরসৎ,
তখনি সাক্ষাৎ । পঞ্চানন্দ শ্রীলোক নহে ।

পঞ্চানন্দের দর্শনী—যে বার যেমন মজ্জি । আধুনিক “দর্শন”
সমূহের অগ্রিম বার্ষিক মূল্য কেহ কেহ দিয়া থাকেন ; সে শ্রেণীর
লোককে এই মাত্র বলা যাইতেছে যে, তাঁহারা যখন চব্বিশ মাসে
বৎসর গণনা করিয়া পরিতুষ্ট, তখন পঞ্চানন্দকেও গ্রাহ্য ইচ্ছা দিয়া
রাধিতে পারেন, অগ্রাহ্য হইবে না !

এখন আশীর্বাদ করি এই শুক্তির মুক্তা, দেবতার ইন্দ্র, নন্দনের
পারিজাত, স্নেহের পঞ্চানন্দ—দীর্ঘজীবী হইয়া নিজের আয়ুর্বুদ্ধি এবং
যশোবুদ্ধি এবং অর্থবুদ্ধি ও সর্ব সমৃদ্ধির কামনা করিতে রহুন ।
—এমেন ।

ভূমিকা ।

দ্বিতীয় প্রবন্ধ ।

নন্দ উবাচ ।

হরিতে হর, হরে হরি,

তুই দেহ এক আত্মা ভিন্ন কভু নয় ।

তুই আত্মা এক দেহ ভিন্ন কভু হয় ?

অতএব হরি, হর তুয়ে এক, একে তুই ; পঞ্চানন্দ তবৎ ।

তথাপি রূপভেদে উপাসনাভেদ ; অবতারভেদে লীলাভেদ ; সেই জন্ত—নন্দেরও ভূমিকাভেদ আছে । এ ভেদে যিনি ভয় পাইবেন, তিনি চৈত্র মাসের কেহ নয়, চৈত্র মাস তাঁহার কেহ নয়, সকের জলপান, সাথে আঠার ভাজা, চণক-চূর্ণ, চাল-কলাই ভাজায় তাঁহার অধিকার নাই । তিনি দম্বহীন বৃদ্ধ, চৰ্কণরসে বঞ্চিত । যখন হৃৎক জন্ত আর্ক্ষনাদ-পুরঃসর আমরা অশ্রুপাত করিব, তখন চকের সেই জলের দু-ফোঁটা, তাঁহারা পাইবেন । ইহার অধিক প্রত্যাশা করিলে—যাও, কুছ নেহি মিলে গা ।

শুকদেব গোস্বামী লায়েক হইয়া, তাহার পর ভূমিষ্ঠ হন ; আর বাল্যলার গ্রন্থকারগণ মৃত্যুর পরে বিদ্যাভাস আরম্ভ করেন ; আমরা ছয়ের ঘা'র । আমাদের যে কিছু বিদ্যা বুদ্ধি, তাহা জন্মগ্রহণের পর উপার্জিত ; এবং আমাদের যে শিক্ষা, তাহা মৃত্যুর পূর্বেই সমাহিত হইবে ।

পঞ্চানন্দ লিখিবেন কি সম্পাদিবেন, সুতরাং অগত্যা এই প্রশ্ন উঠিতেছে । বঙ্গোচ্ছলোল্লসাল-সমুদায় পত্র-পত্রিকাতেই বাল্যলার মসন্ত প্রধান প্রধান লেখক লিখিয়া থাকেন ; এমতাবস্থায় ঈশ্বর বিদ্যাসাগর, অক্ষয় দত্ত, বঙ্কিম চাট্টোপাধ্যায়, সেকৃষ্ণিয়ার, গেটে, এমার্সন, কার্ল হাইল ।

এবং রাজা রামমোহন রায় এই কয়েকজনকে লেখকশ্রেণীতে বেতন দিয়া নিযুক্ত করিয়া আমরা আসরে অবতীর্ণ হইলাম । ইহাতে কেহ কুংখিত হইবেন না । সহস্রেই ষাছাতে লেখকসংখ্যা বৃদ্ধি করা যাইতে পারে, তাহার বন্দোবস্ত করা হইয়াছে ; “শকুন্তলাগৃহের” বাহিরে যে শাদা কর্দম খুলাইয়া রাখা হইয়াছে, তাহা আমাদেরই ; সেখানকার অল্পগ্রাহকবর্গ তথাকার স্ব স্ব কার্য সম্পাদনানন্তর সেই কর্দম নাম লিখিয়া যাইবেন ; আমাদের ঠাঁহাদের বেতনের বন্দোবস্ত করিয়া তদ্দিগের দ্বারা রচাইব ।

পঞ্চানন্দের এক কলম অর্থাৎ এক লেখনী লিখিলে দুই টাকা দেওয়া যাইবে ; ষাছাদের লেখা পত্রস্থ হইবে, ঠাঁহাদিগকে দেওয়া যাইবে না ; ষাছারা বেতনের জন্ত পীড়াপীড়ি করিবেন, ঠাঁহাদের লেখা লওয়া যাইবে না । পঞ্চানন্দ কখন দেউলিয়া পড়িবে না, বুক ঠুকিয়া এ কথা ঘোষণা করা যাইতেছে ।

এবারে যে যে প্রবন্ধ প্রকটিত হইল, তাহা পাঠ-সাপেক্ষ ; সুতরাং তৎসমস্তের গুণ গান করিয়া পঞ্চানন্দ জঘন্ত আশ্র-তৃষ্ণ সাধন করিতে পরাশ্রুত । এতদ্ভিন্ন পঞ্চানন্দ অতিশয় লাজুক, সেই জন্ত প্রথম মজলিসে গলা ছাড়াইয়া গান করিতে চাহেন না । এবারে নিদাশের নব-জলদ-সঞ্চার, করকা-নির্ঘোষ, অশনিসম্পাত, বিহ্বাদাম, এবং কদাচ শিলাবর্ষণে পর্য্যবসান । কিন্তু আগামী বারে প্রাবৃটের মুমলধার, ধরিত্রী-কর্দম-চর্চিতবপু, দর্দুরের স্বরসাধন ওগামরহ মনোহার্যের প্রাচুর্য বিজ্ঞমান দেখা যাইবে । ঈশ্বর বিজ্ঞাসাগর ওজোময়ী সীতার বনবাসের চন্দ্রে “মনসার ভাসান,” রামমোহন রায় “কুলবানার বিষম আলা,” বঙ্কিম চাটুয্যে “স্ত্রী-পুরুষের জাতিভেদ কত দিন হইয়াছে এবং তাহা উন্মুলনের উপায় কি ?” প্রবন্ধ দিতে প্রতিশ্রাব করিয়াছেন । অপর শুভ কিম্বিকমিতি ।

পঞ্চানন্দের আত্ম চরিত ।

প্রথম অধ্যায় ।

অবতরণিকা ।

অনেকগুলি কারণের বশবর্তী হইয়া আমাকে আত্মজীবন-বৃত্তান্ত লিখিতে এবং প্রকাশ করিতে হইয়াছে ; জীবনীতে প্রবেশ করিবার অগ্রে, সেই কারণগুলি ব্যক্ত করা আবশ্যিক বলিয়া বোধ হইতেছে ।

প্রথম কারণ, আমার অনিচ্ছা । আমার বিশ্বাস যে, ছাপার অক্ষরে পুস্তকের আকারে, দোকানদারের মাচায়, ফেরিওলার বোচকায়, বিজ্ঞানলের ছাত্রদের জল-খাবারের ঘরে, আমার এই আত্মচরিত গৌরব বিকীর্ণ করিবে ; আমার বিশ্বাস যে, উই কি ইন্দুর যদি শক্ততা না করে, কিত্যপ্তেজোমক্ছ্যোম যদি বাদ না সাধে, তবে আমার এই অতুলকীর্তি যুগে যুগে বর্তমান রহিয়া কালের লোল-করাল রসনাকে লালান্বিত করিতে থাকিবে ; অথচ কখন তাহার খোরাক হইবে না । গ্রহ পঠিত হইলে কয় পায়, ক্রমে লয় পায় ; প্রথমে ২ টি যায়, তার পর সেলাই যায়, ক্রমে জীর্ণ শীর্ণ, ছিন্ন ভিন্ন । কোন জ্ঞান গ্রহকার এই শোকজনক, লজ্জাজনক, ঘৃণাজনক ভাবে নিজকীর্তি বিধ্বস্ত এবং কালের করালকবলে ফলিত হইতে দেখিয়াও সন্তুষ্ট হন সত্য ; কিন্তু অনেকেরই ভাগ্য অন্তরূপ । আমার সাধ থাকিলেও শক্তি নাই । সেই জন্য আমার অনিচ্ছা । এবং এই অনিচ্ছা নিতান্ত বেগবর্তী বলিয়াই এই আত্মচরিতের প্রকাশ । শতকরা নিরানন্দইখামি

পুস্তক লিখিতে ইচ্ছা নাই, লিখিলে ছাপাইতে ইচ্ছা নাই, কিন্তু নাচার, বন্ধুবান্ধব না-ছাড়, তাঁহাদের অনুরোধে পুস্তক বাহির করিতে হয়। আমার বন্ধু-বান্ধব নাই, কেবল অনিচ্ছাটুকু আছে। সেই জন্য এ জীবন বৃত্তান্ত সহস্র সহস্র দীন-দুঃখীর ভরণপোষণ জন্য সংসারে অগ্রসর হইল। কতক্ৰমে আমার মত মহানুভবগণের প্রকাশ প্রযুক্তি জন্মিবে এই উদ্দেশ্যে, কাগজওয়ালা ছাপা ওয়ালা প্রভৃতি কত কত ওয়ালা, তাঁহাদের কাকের মত হা-প্রত্যাশ করিয়া বসিয়া আছে,— যখন এই কথা আমার মনে হয়, তখন চক্ষে জল আইসে; ইহারা কেহই দাম পাইবে না, সুতরাং নালিশবন্দ হইবে, এই আশ্বাসে কত কত নিরাশ্রয় উকীল মোক্তার, দালাল, দাগাবাজ ছোট বড় আদালতে নিয়ত পরিভ্রাম্যমাণ হইতেছে—এ চিত্র যখন আমার অস্তরে উদ্ভিত হয়, তখন আমি নিজ মহত্ব অনুভব করিয়া অশ্রুপাত করি; তাহার পর ইহারা মামলা জিতিয়া দেনার দায়ে আমাকে ধরিতে আসিবে— এই কল্পনায় যখন আমার মস্তিষ্ক আন্দোলিত এবং সঞ্চালিত হইয়া উঠে, তখন আমি ভাবি-ভয়ে কান্দিয়া ফেলি। তথাপি আমার অনিচ্ছা, এবং সেই অনিচ্ছা হেতু এই প্রকাশ।

দ্বিতীয় কারণ বিদ্যাভূষণ ভায়া। জনষ্ট্রুয়ার্ট মিল্ নামক একব্যক্তি ধরাধামে জন্মগ্রহণ করেন; কিন্তু কেবল জন্মগ্রহণে পরিতুষ্ট না হইয়া মৃত্যুগ্রহণ পর্যন্ত করেন। তিনিও—অর্থাৎ মিল্—আমার মত আশ্র-চরিত লেখেন, কিন্তু তাহা ইংরেজীতে। বিদ্যাভূষণ ভায়া নিঃস্বার্থ-ভাবে বাঙ্গালা ভাষায় সেই আশ্র-চরিতের অনুবাদ করিয়াছেন; কেহই সে অনুবাদ পড়ে না, কেহই সে অনুবাদ কেনে না, তবু স্বার্থ-ত্যাগ এমনই বস্তু, মিল এখন বাঙ্গালা অক্ষরে অমর। হুম্মান্ অমর বর লাভ করিয়া নানা মুর্খিতে আমাদিগকে জ্বালাতন করিতেছেন; দাঁত খিঁচোন, আচড়ান, কামড়ান—ভয়ে কথাটি কহিবার যো নাই।

আমার এই সোভাগ্য হইবে না বলিয়া আশঙ্কা আছে ; কিন্তু আমার নাম অমর হইতে পারে না, ইহা তোমাকে কে বলিল ? আফ্রিকার মরুভূমে, নায়াগারার জলপ্রপাতে ; আল্পেনের উজ্বল শিখরে, স্কয়েজের সঙ্কীর্ণ খালে ; চীনে, তাতারে ; ফ্রান্সে, জর্জানীতে ; মাদ্রিডে, সেন্টপিটসবার্গে—এই ত্রিভুবনে আমার জন্ম একটীও বিদ্যাভূষণ নাই, ইহা কোন্ প্রাণে বিশ্বাস করিব ? তবে, তবে বল দেখি আমি যদি না লিখিয়া রাখি—তবে সে বিদ্যাভূষণটির দশা কি হইবে ? অগত্যা আমাকে আশ্চরিত লিখিতে হইতেছে ।

তৃতীয় কারণ, সাক্ষ পরোপকার । প্রকৃতিতে প্রকৃত মাধুরী নাই, প্রকৃত সৌন্দর্য্য নাই, অনেকে এই বলিয়া আক্ষেপ করেন । সেই হৃৎখে কল্পনা দেবীর উদরে, বঙ্কিমচন্দ্রের মস্তকের গুঁরসে কতকগুলি মাধুরী এবং সৌন্দর্য্যের উৎপত্তি ; পূর্ণচন্দ্রের উপর সেই গুলির লালন-পালনের ভার । কিন্তু আমি মাধুরীর অবতার, সৌন্দর্য্যের রূপ । এই আশ্চরিত লিখিলে বঙ্কিমচন্দ্রের মাথা ঝাঁচিবে ; পূর্ণচন্দ্রের নরক ঘাঁটা ঘুচিবে, সাধও মিটিবে । বিলাতের এক মেম বিজ্ঞানের কোভ নিবারণ উদ্দেশে ব্যবচ্ছেদ জন্ত নিজ মৃতদেহ উইল করিয়া যান ; পূর্ণচন্দ্রের কোভ নিবারণ জন্ত আমি এই আশ্চরিত দান করিলাম । উইল করা অপেক্ষা দান করায় মাহাত্ম্য অধিক ।

তিন কারণের উল্লেখ করিলাম ; আরও তেত্রিশ কোটি আছে ; কিন্তু আমার বিচারে সেগুলির কথা তুলিবার দরকার নাই ।

দ্বিতীয় অধ্যায় ।

মৃত্যুর পূর্ববর্তীকালের বিবরণ ।

বৎসরের বার মাস ত্রিশদিনই কিছু আমার জন্মপরিগ্রহ হয় নাই; নির্দিষ্ট মাস, বার, তারিখে আমি জন্মিলে হই। তৎপূর্বে আমি আমার এই চক্ষুতে সংসার দেখিয়াছি বলিয়া মনে হয় না। কলতঃ ইতিহাসের প্রথমাবস্থা এইরূপ তিমিরাচ্ছন্নই হইয়া থাকে। যাহা হউক, সেই অবধি নিয়তই আমার বয়োবৃদ্ধি হইতেছে; অধিক কি, সূক্ষ্মাণুসূক্ষ্মরূপে আমি হিসাব করিয়া দেখিয়াছি যে, কাল-গণনায় গত কল্য আমার যত বয়ঃক্রম হইয়াছিল, অল্প তাহা অপেক্ষাও বেশী।

কোন কোন দার্শনিকের মতে, কাল-সহকারে বয়সের বৃদ্ধি না হইয়া বয়ঃ কয় হয়। কিন্তু আমি এ মতের অনুমোদন করি না; কারণ, তাহা হইলে ক্রমে স্ত্রী বিধবা হইতে পারেন। প্রকৃতপক্ষে, দেখা যায়, অনেকের স্ত্রী বিধবা হন না, তন্নিবন্ধ বিধবাবিবাহ যুক্তি এবং শাস্ত্র-সম্মত বলিয়া মানিলেই স্ত্রীর সম্ভবত্যাৎ বয়ঃকয়ের অপ্রমাণসিদ্ধান্ত।

হিন্দুশাস্ত্রানুসারে ধনসঞ্চয়ের মত মহাপাতক আর নাই; উপার্জনশীলের হাতে পাছে টাকা-কড়ি জমিয়া যায়, এই আশঙ্কায় বার মাসে তের পর্ক, পনের তিথিতে সঁইত্রিশ ব্রত, সাত পুরুষের শ্রাদ্ধ, অপর পক্ষের তর্পণ, গয়ায় পিণ্ড প্রদান, বিবেকরের মন্দির দর্শন, পুরুষোত্তমে আর্চকে বন্ধন, এবং অতিথিকে ইচ্ছাভোজন ও ভিক্ষুককে মুষ্টিভিক্ষাদানের ব্যবস্থাতে শাস্ত্রকারগণ নিশ্চিন্ত হইতে না পারিয়া বিবাহ, সৌম্যস্বেচ্ছায়ন, গর্ভাধান, সাধ-ভঙ্গণ, অন্নপ্রাশন, নাম-করণ, চূড়া, কর্ণবেধ, উপনয়ন, দীক্ষা প্রভৃতি সাত শত তিরানকই

হাজার বাবের সৃষ্টি করিয়া রাখিয়া গিয়াছেন। সুতরাং আমারও অন্নপ্রাশনাদি হইয়াছিল, এ কথা লিখিয়া এই জীবনী দীর্ঘাকৃতি করা অস্বাভাবিক অল্পচিত।

ষষ্ঠাক্রমে আমি পাঠশালায় প্রেরিত হইলাম; শুভকণে আমার হাতে ধড়ি পড়িল। শুরু বিজ্ঞাবৌদ্ধ ভূমিতে অঙ্কিত করিলেন, আমি যুক্তিকা খনন এবং হলচালন অভ্যাস করিতে লাগিলাম। শুরুর পর শুরু গেল, ক—এর ত্রিসীমার পর অঁকড়ি পর্যন্ত আমার আদায় হইল। এইরূপে দিন দিন শশিকলার স্তায় আমার বিদ্যার ঘোড়শ বা চতুষষ্টি কলা বুদ্ধি পাইতে লাগিল। যাহা হউক ক্রমে ক্রমে আমি বিজ্ঞার পারে গেলাম। তখন আমার বয়ঃক্রম সপ্তদশ বৎসর মাত্র।

একবার মাত্র আমি পরীক্ষা দিয়াছিলাম, আমার বিজ্ঞাশিক্ষা এবং বুদ্ধিবৃত্তির পরিচয় তাহাতেই হইয়াছিল; অতএব সেই বিবরণ লিপিবদ্ধ হইতেছে।

গ্রামে একটা গবর্ণমেন্ট-সাহায্যকৃত বঙ্গবিজ্ঞালয় হইয়াছিল; প্রথম প্রথম অনেকগুলি বালক পড়িতে যাইত। পণ্ডিত মহাশয়ের তাহাতে বড়ই প্রতাপ বুদ্ধি হইল; প'ড়ো অপড়ো সব ছেলেকেই তিনি লাল-চক্ষু দেখাইতেন। আমি একাধিপত্যের বিরোধী, সুতরাং পণ্ডিতের প্রতিদ্বন্দ্বী হইয়া দাঁড়াইলাম। তাঁহার প্রতাপ টুটিল, বালকেরা বিজ্ঞালয় যাওয়া বন্ধ করিল।

ইন্স্পেক্টার একদিন সংবাদ পাঠাইলেন যে, পর দিবস তিনি পল্লি-দর্শনে আসিবেন। পণ্ডিত ব্যতিব্যস্ত, আসিয়া আমার খোষামোদ বুড়িলেন। সেই রাত্রিতে আমার যাত্রার দলের গান হইবে; আমি দূতী সাজিবার জন্য গোক্ কামাইয়া প্রস্তুত; ছেলেরা বালক সাজিবে,

তিনি ছেলেদের কিছু বলিবেন না, আমার যাত্রা নির্বিঘ্নে সম্পন্ন হইবে, আর ইন্সপেক্টার আসিলে আর কেহ যাউক না যাউক, আমি গিয়া স্কুল এবং স্কুলের ইচ্ছিত বজায় করিয়া দিয়া আসিব।

পরদিন আমার মনোমত চারি পাঁচটি বালক সঙ্গে, আমি গিয়া উপস্থিত; গৌক্ ছিল না, আমিও বালক, তবে প্রধান বালক। ইঃ আসিলেন।

ইঃ। বালকসংখ্যা এত অল্প দেখিতেছি কেন ?

পঃ। হজুর, মেলেরিয়া।

ইঃ। পরীক্ষা আরম্ভ করিলেন। বুদ্ধিমান্ চেহারা দেখিয়া আমাকেই প্রথম ধরিলেন।

ইঃ। তোমার বয়স কত ?

আমি। আজ্ অঁকের দিন নয়, ছিলট্ আনি নাই।

ইঃ। প্লেট কেন ?

আমি। বয়সের হিসাব করিতে।

ইঃ। পণ্ডিত মহাশয়ের উপর সোৎসাহ দৃষ্টিপাত করিলেন; পুনরপি পরীক্ষা আরম্ভ—

ইঃ। তোমরা ভূগোল পড় ?

আমি। (মুহুরে) ভূও গোল করি।

ইঃ। পৃথিবীর আকার কেমন ?

আমি। দাঁড়ির (†) মত।

ইঃ। না, ঠিক দাড়িঘের মত নয়; তাহা অপেক্ষাও গোল।

আমি। সবই গোল।

ইঃ। তবে দাড়িঘের মত বলিলে কেন ?

আমি। কৈ তা ত বলি নি।

ইঃ। তবে বল, পৃথিবী কিসের মত ?

আমি। আপনার মাথার মত।

ইন্সপেক্টর চলিয়া গেলেন। সকলে আমার বুদ্ধির প্রশংসা করিতে লাগিল। দিন কতক পরে সংবাদ আসিল, বিজ্ঞানঘরের সাহায্য বন্ধ, পণ্ডিত মহাশয়ের অন্ন বন্ধ।*

৫

* প্রকৃত পক্ষে এ “আন্ধ-চরিত” আন্দাজের নহে; আমরা একবচন নহি। ইহার বিবরণও আন্দাজের জীবনের সহিত সামঞ্জস্য প্রাপ্ত হইতে পারে না। তবে এই প্রবন্ধ ডাক্তার বানরজীর প্রেরিত বলিয়া অনুর্বোধের বশবর্তী হইয়া ইহা আমরা পত্রই করিয়াছি। বঙ্গদেশে আজকাল সকলেই লেখক, তথাপি একখানি পত্রও রীতিমত চলে না; কারণ, প্রবন্ধ পাওয়া হকর। সেই জন্য লেখক চটাই-
বার বো নাই।

পঞ্চানন্দ।

ভারতের প্রাচীন ইতিহাস ।

মহুয্যবর্গ ।

পুরাকালে পৃথিবীর সকল সভ্য দেশ হইতে এক এক জন প্রতিনিধি আসিয়া ব্রহ্মাবর্ষে বাস করেন ; সুতরাং ভারতবর্ষ এক-রূপ আদিম পার্শ্বাশ্রমেণ্ট । কোন্ ঋষি কোন্ দেশ হইতে আসেন ও তাহার কি কি প্রমাণ আছে, তাহা নিম্নে প্রদর্শিত হইল ;—

১। বায়োকি—বাহুলীকের প্রতিনিধি । ইনি যোগল বংশের আদিপুরুষ ; রামচন্দ্র ইহারই বংশ-সম্বৃত । উদয়পুরের বর্তমান রাণা এই যোগলবংশ-উদ্ভূত ; প্রমাণ—টডের রাজস্থান ।

২। কাম্বোজ—কাম্বোজ জাতির প্রতিনিধি । কাম্বোজান্ হুদ ঙ্গারই নামে পরিচিত । এ বিষয়ের প্রচুর প্রমাণ ডাক্তার বন্দ্যো-পাধ্যায়ের গ্রন্থে আছে ।

৩। গর্গ—জর্জিয়ানা (Georgia) দেশ হইতে আসেন । তিনিই প্রথমে ভারতবর্ষে স্ত্রী-শিক্ষা প্রচলিত করেন । প্রমাণ—মাণ্ডুক্য উপনিষদের গার্গী-উপাখ্যান, এবং হিরডটসের ত্রয়োবিংশ অধ্যায়ে—আলেকজান্ডারের আক্রমণ-বার্তা । জর্জ শব্দ গর্গ হইতে বিকসে ।

৪। ভারতাজ—হিন্দুস্তানের বারদোয়াজা (Vardwazza) হইতে আগমন করেন । ভারতাজবংশে বিষ্ণুঠাকুরের সম্ভান অতি মান্য । কিন্তু বিষ্ণুঠাকুর কোন আধুনিক ব্যক্তি নহেন ; অর্ধনোল্লিখিত শত শতকগণ প্রগাঢ় প্রত্নতত্ত্বের মর্মভেদ করিতে না পারিয়া কতকগুলি কাল্পনিক কথা রচনা করিয়াছে মাত্র ; কিন্তু এখন বিজ্ঞানে বিস্তার বৃদ্ধি সহকারে পুরাকালের বিষয় কুজ্জ্বলিকা বিদূহি

হইতেছে ।—বিষ্ণুঠাকুর বলিয়া কোন ব্যক্তি ছিলেন না, ভরদ্বাজ ঋষি হিম্মানিওলা রাজ্যের, বারদোয়াজা প্রদেশের বিষ্ণুকুটারী (Vistukutari or Biscutukari) নগর হইতে আসেন, সুতরাং তাঁহাকে ভরদ্বাজ এবং বিষ্ণুঠাকুর দুই নামই দেওয়া হইয়াছে ।
 প্রমাণ—এখন সন্তোষকর পাওয়া যায় নাই ; আমরা অনেকগুলি পুরাণ আটলাস আনাইয়া আজি কয় বৎসর পুঙ্খানুপুঙ্খরূপে দেখিতেছি, কোথাও বারদোয়াজা বা বিষ্ণুকুটারীর চিহ্ন দেখিতে পাই নাই ; কিন্তু ভরদ্বাজগোত্রজ মুখুটিবংশ যে স্পেনসম্ভূত, তাহা প্রমাণ না থাকিলেও নিশ্চয় ; কেন না, ফুলের মুখুটি অর্থাৎ Chef-del-floro—এরূপ উপাধি স্পেন ভিন্ন কোথায় থাকা সম্ভব ? আর, অনেক মুখুটি বিষ্ণুট বিক্রয় করে ।

৫। গালব—প্রাচীন গাল (Gaul) রাজ্য হইতে আসেন । গালজাতীয়েরাই বর্তমান করাসি জাতি ; ইহারা অতি প্রাচীনকাল হইতে চিকিৎসা বিজ্ঞায় নিপুণ (Galen) গালব মুনির কেন্দ্রজ সন্তান বৈদ্যবংশের আদিপুরুষ । প্রমাণ,—অষ্টসম্পাদিকা ।

[মন্তব্য ।—ধবন্তরিও ঐ গাল দেশজ ।—কিন্তু ধবন্তরি একজন লোক নহেন । মুসেজুম (M. Dumas) এবং মুসে দান্তেরি (M. Danteris)—এই দুই নাম কোন কারণে যুক্ত হইয়া ধবন্তরি নাম সৃষ্ট হইয়াছে ।

৬। ঋষ্যশৃঙ্গ—সালোনিকা দেশের প্রতিনিধি । এটি বুঝিতে লাইভ্যাবিজ্ঞানের কয়েকটি নিয়ম জানা কর্তব্য । সালোনি শব্দে স্বার্থে 'ক' করিলে সালোনিক । সালনি—ক্রমে, সারানি—পরে হারনি এবং হারিণ' হয় । হারিণ—হারিণের অপত্য, ঋষ্যশৃঙ্গ ! ল স্থানে র এবং স স্থানে হ হওয়া ভাষা-বিজ্ঞানের প্রথম পাঠ ; অতএব ইহার প্রমাণ দিবার প্রয়োজন নাই ।

প্রাচীন বাণিজ্য ।



বৃক্ষ-বর্গ ।

‘এখনকার ভারত, আর তখনকার ভারত মনে করিলেই দীর্ঘ নিশ্বাস না ফেলে এমন একটি বীরও জুওনজিকাল গাড়ে নে নাই । এখন যে ভারত উন্নতির পথে অগ্রসর হইতে পাইতেছে না, সে কেবল সেই প্রাচীন দুঃখের স্মৃতি জন্ত । নিম্নত অশ্রুপাতে সেই উন্নতিপথ এখন কর্দমময় হইয়াছে ; এ কাদা চহলায় বাটীর বাহির হওয়া দায়, সুতরাং ভারত কেমন করিয়া অগ্রসর হইবে ? যখন বড় বড় পোতাধ্যক্ষ পত পত শব্দে নীল পতাকা, শ্বেত পতাকা, কৃষ্ণ পতাকা উদ্ভীষমান করিয়া ভিন্ন ভিন্ন দেশ-দেশান্তরে বাণিজ্যার্থ গমন করিত, তখনকার ভারতের শোভাই কত ! কিন্তু ভবভূতি এই বাণিজ্যের হ্রাস দেখিয়া যখন দুঃখ করিলেন ;—

“তে হি নো দিবসা গতঃ”

তাহার পূর্ব হইতেই ভারতের গৌরব লুপ্তপ্রায় । তখনকার প্রসিদ্ধ সওদাগর আত্মবণিক হনুমন্তের নাম মাত্র অবশিষ্ট ।

কলতঃ আর আমাদের দুঃখের নিশা থাকিবে না ।

“স্বপ্না তিষ্ঠতি শর্করী ।”

এখন প্রাচীন তস্বানুসঙ্ঘায়ী পণ্ডিতবর্গ আমাদের শোকশেল উৎপাটনে ব্রতী হইয়াছেন ; বরাহের স্তায় ইহারা বেদোদ্ধারে কৃত-সঙ্কল্প হইয়া লেখনীদস্তে পূর্বগৌরব অনেকটা চাগাইয়া তুলিয়াছেন । আমরা প্রস্তাববাহন্য না করিয়া তাঁহাদের পরিচয়ের ফল সংগ্রহ করিয়া এ প্রস্তাবের উপসংহার করি।

পণ্ডিতবর্গ সপ্রমাণ করিয়াছেন যে;—

১। ভারতের বাণিজ্য কাল্দিয়া (Chaldea) পর্যন্ত বিস্তৃত ছিল, প্রমাণ আজিও আমরা চালুদা কল (সংস্কৃত চালিদহ) খাইতে পাই।

২ যবদ্বীপে যবের ছাত্ত্ব ।

৩ বাটাবীয়াতে—বাতাবী লেবু (সংস্কৃত বাতাবীর ।)

৪ যাটাযানে—মস্তমান রত্না ।

৫ ফ্রাঙ্কে—খুচুনি (করাসী Dejeuner শব্দ হইতে) ।

৬ ফটলগে—কুমড়া (Cameronদের বাগান হইতে (Job Charnock) আনয়ন করেন) । হাইলগারেরা খুব কুমড়া খাইতে ভাল বাসে । প্লিনীর (Pliny) এই মত । ষ্ট্রাবো (Strabo) বলেন, কুমড়া—কাম্‌স্‌চট্‌কা (Kamatschatka) হইতে আনীত ।

৭। গর্নসীতে (Guernsey)—গাঁজা ।

৮। সোগদানা (Sogdana) প্রাচীন পারস্ত—সজিনা গাছ ।

৯। লুচুদ্বীপে—লিচু-ফল ।

১০। জামেকা (Jamaica)—জাম । স্বার্থে-ক ।

শ্রীহুম্যান্ বীর ।

বঙ্গীয় ভারত-হিতৈষীর প্রতিজ্ঞা-পত্র ।

১ দফা। আমি বিশ্বাস করি যে, আমি বঙ্গদেশবাসী ।

২ দফা। প্রাণ, দেহ এবং সুখ্যাতি অপেক্ষা অত্যন্ত কম মাত্রায় ভারতবর্ষকে এবং তদপেক্ষা কিঞ্চিৎ কম পরিমাণে বঙ্গদেশকে

৩ দফা । আমি ভারতবর্ষের উপকারার্থে মন এবং যুগ উৎসর্গ করিতে প্রতিজ্ঞা করিতেছি ।

৪ দফা । আমি প্রতিজ্ঞা করিতেছি যে, বাঙ্গালা লিখিব না ও বাঙ্গালা পড়িব না ।

৫ দফা । আমি বিশ্বাস করি যে, ইংরেজীতে নাই এমন কথাই নাই ; যদি কিছু থাকে, তাহা সত্য বলিয়া বিশ্বাস করি না ; মিথ্যা বলিয়া বিশ্বাস করি ।

৬ দফা । ইংরেজী প্রণালীতে সভা করা, সভার কার্যবিবরণ রীতিমত ইংরেজীতে লিখিয়া রাখা, ইংরেজীতে বক্তৃতা করা এবং ইংরেজীতে আবেদনপত্র লেখা—এই কয়েক বস্তুর অভাব প্রযুক্তই ভারতবর্ষের বর্তমান হীনাবস্থা, অন্ত কারণ বশতঃ নহে, ইহা আমি বিশ্বাস করি ।

৭ দফা । আমি বিশ্বাস করি যে, চল্লিশ বৎসরের উর্দ্ধ বয়সের ভারতবাসী নাই ।

৮ দফা । আমি বিশ্বাস করি যে, ভারতবর্ষে জ্বীলোক নাই, চাষী প্রজা নাই, পল্লীগাম নাই, গোড়া হিন্দু নাই, এবং বুদ্ধিমান লোক নাই ।

৯ দফা । আমি বিশ্বাস করি যে, যে হেতু অগ্নিসংযোগ করিলে খড় জলে, সেই হেতু অগ্নিসংযোগ করিলে জলও জলিবে ।

১০ দফা । আমি বিশ্বাস করি যে, কথা কহিবার সময়ে নাড়িবার জন্ত এবং আহার করিবার সময়ে সুহায়তা করিবার জন্তই হস্তের সৃষ্টি, ইহা ভিন্ন হস্তে অন্য প্রয়োজন নাই ।

১১ দফা । আমি বিশ্বাস করি যে, আপনার ভার আপনি বহন করিবার চেষ্টা করা মহাপাপ, এবং সে চেষ্টার নাম স্বাধীনতা নহে ।

১২ দফা। আমি বিশ্বাস করি যে, বোম্বাইবাসী অপেক্ষা ভাল ইংরেজী লিখিতে পারাই চরম বীরত্ব, এবং তাহাতেই ভারতবর্ষের ভবিষ্যৎ উন্নতি নির্ভর করিতেছে ।

১৩ দফা। আমি বিশ্বাস করি যে, গায়ে মশা বসিলে রাজার উচিত যে মশা তাড়াইয়া দেন, না দিলে রাজা অধাৰ্ম্মিক । নিজে মশা তাড়ান মহাপাপ । রাজা যদি আমার প্রার্থনা মতে মশা তাড়াইবার লোক নিযুক্ত করেন, করিয়া তাহার ন্যয় আমার ঘাড়ে চাপাইয়া দেন, তবে রাজার অন্তায় ; এবং দিবারাত্রি সেই জন্ত আমার চীৎকার করা উচিত ।

১৪ দফা। আমি বিশ্বাস করি যে, কাগজ, কলম, কালী আর ছাপার খরচ অপব্যয় নহে ! *

১৫ দফা। আমি বিশ্বাস করি যে, রাজনীতি ভারতবাসীর একমাত্র আলোচনীয় পদার্থ, যে ব্যক্তি অন্ত কথায় লিপ্ত থাকে, অন্ত কথা ভোলে, সে আততায়ী ।

১৬ দফা। আমি বিশ্বাস করি যে, রাজনীতির অর্থ—রাজাকে গালাগালি দেওয়া ।

১৭ দফা। আমি বিশ্বাস করি যে, সভ্যতা, ভব্যতা, কর্মশীলতা, কার্যদক্ষতা, বিজ্ঞা, বুদ্ধি, এ সমস্তই পোষাকের গুণে ; জর্মনীর লোককে সাঁওতালের বেশ দিলে, তাহারা ঠিক সাঁওতাল, এবং বানরকে ইংরেজের সাজ পরাইলে বানর ঠিক ইংরেজ হইবে, ইহা আমি বিশ্বাস করি ।

১৮ দফা। আমি প্রতিজ্ঞা করিতেছি যে, আদার দর কত, সে

* নহিলে পঞ্চানন্দ বাহির হইত না ;—না ?

অনুসন্ধান কখনই করিব না; জাহাজের সমস্ত খবর রীতিমত রাখিব ।

১৯ দফা । আমি বিশ্বাস করি যে, বহু পরিশ্রমে অল্প উপার্জন করা অপেক্ষা দ্বারে দ্বারে ভিক্ষা করা ভাল ।

২০ দফা । আমি বিশ্বাস করি যে, শিখিবার কিছুই নাই, শিখাইবার সমস্তই আছে ।

২১ দফা । আমি বিশ্বাস করি যে, রাত্রিকালে সূর্যালোক থাকে না অতএব প্রদীপ জালা অন্ভায় ।

২২ দফা । আমি বিশ্বাস করি যে, যে ব্যক্তি আমার মতের পোষকতা করে না, সে মূর্থ; যে প্রতিবাদ করে, সে কৃতঘ্ন; যে বিরুদ্ধাচরণ করে, সে আততায়ী ।

২৩ দফা । আমি বিশ্বাস করি যে, ভারতবর্ষে জাতিভেদ নাই, মতভেদ নাই, ভাষা ভেদ নাই এবং স্বার্থভেদ নাই ।

২৪ দফা । আমি বিশ্বাস করি যে, শরীরের মধ্যে মস্তকই প্রয়োজনীয় অঙ্গ, অবশিষ্টাংশ অকর্মণ্য ভারমাত্র ।

২৫ দফা । আমি বিশ্বাস করি যে, বনমাতুষ্য সর্বশ্রেষ্ঠ জীব, এবং আমার ধর্মপত্নীর বিবাহ হইয়াছে ।

(আমরা ধন্তবাদ সহকারে স্বীকার করিতেছি যে, বঙ্গদেশে প্রতিষ্ঠিত ভারতহিতৈষী সম্প্রদায়ের সূচনাপত্র এবং নিয়মাবলীর এক-খণ্ড পাইয়া আমরা অনুগৃহীত হইয়াছি । বাহারা সম্প্রদায়ভুক্ত হইতে ইচ্ছা করেন, তাঁহাদিগকে উপরি-উক্ত প্রতিজ্ঞাপত্রে প্রকাশিত সত্য স্বাক্ষর করিতে হয় । আমরা সর্বান্তঃকরণে এই সম্প্রদায়ের উন্নতি কামনা করি । বারাস্তরে এ সম্বন্ধে বিস্তারিতরূপে আমরা মত প্রকাশ করিব ।—ঈশ্বরানন্দ ।)

পঞ্চানন্দের বক্তৃতা ।

১ ।—বক্তৃতার হেতুবাদ ।

শ্রীযুক্ত মিষ্টার লালমোহন বাবু বিলাতে গিয়া ভারি এক তরঙ্গ তুলিয়া আসিয়াছেন। অনেকের বিশ্বাস হইয়াছে যে, আজি হউক, কালি হউক, আর দশ দিন পরেই হউক, ভারতবর্ষের বিলক্ষণ একটা উপকার না হইয়া যায় না। আপাততঃ বিলাতী বক্তৃতাতে ভারতবর্ষের নাম খুব বেশি বেশি হইতেছে, ইহাই এক উপকার!

ভারতবর্ষের কথা লইয়া একটা আন্দোলন হইলে, সৌভাগ্য বলিতে হইবে, তাহাতে আর সন্দেহ নাই। “ভারতবর্ষের জন্ম ইংলণ্ড কি করিয়াছেন,” এই কথাকে ধূয়া ধরিয়া হুটৌ সাহেব খুব বকাবকি করিয়াছেন; ইহার উত্তোর দিবার জন্ম আর এক সাহেব— “ভারতবর্ষের ঘাড়ে ইংলণ্ড কি চাপাইয়াছেন” এই প্রশ্ন করিয়া অনেক লেখা-লেখি করিয়াছেন। ইহাই ত যথেষ্ট সৌভাগ্য বলা যাইতে পারে; কিন্তু যখন কপাল ফলে, তখন জলে প্রদৌপ জলে— সৌভাগ্যের শেষ ঐখানেই না হইয়া পঞ্চানন্দের ঘাড়েও বক্তৃতার ভূত চাপিয়াছে। সেই জন্মই সকল বক্তৃতার সার যে বক্তৃতা, তাহার সার নিরে সুবিশুদ্ধ হইতেছে।—

ভারতের জন্ম ইংলণ্ড কি করিয়াছেন? কি করিয়াছেন, তাহা বলা বাহুল্য, কেন না, বলা নিম্প্রয়োজন। দেখিয়া হউক, ঠেকিয়া হউক, অস্ত্রের নিকট শিখিয়াই বা হউক, কি করিয়াছেন, তাহা সকলেই টের পাইতেছেন, কিংবা পাইয়াছেন। তবে এ প্রশ্ন কেন?

এ প্রশ্ন কেন ?—বক্তৃতা করিতেই হইবে, সেই জন্ত । সর্ব্বোত্তম অথো-
দেশে সকলই পুরাতন, কিছুই নূতন নাই । ইহা পুরাতন প্রবাদ,
যেহেতু কিছুই নূতন নাই । তথাপি সেই পুরাতনকে ভাঙ-চুর করিয়া
আবার গড়িয়া, পিটিয়া, মাজিয়া ঘষিয়া, নূতনের মূর্ত্তি দিবার জন্ত সমগ্র
সংসার মাথার ঘাম পায়ে কেলিতেছে । সকলেই যাহা, দেখিতেছে,
সকলেই যাহা শুনিতেছে, সকলেই যাহা জানিতেছে, তাহাই দেখাই-
বার জন্ত, তাহাই শুনাইবার জন্ত, তাহাই জানাইবার জন্ত বক্তৃতা
করিতে হয় । অতএব—ভারতের জন্ত ইংলও কি, করিয়াছেন ?
—এ প্রশ্ন জিজ্ঞাসা করিতে হয় ; আপনা-আপনি জিজ্ঞাসা করিয়া
উত্তর স্বরূপ একটা বক্তৃতাও করিতে হয় । বক্তৃতাই সমাজের
জীবনী-শক্তি ।

বক্তৃতা যে অবশ্যকর্তব্য, তাহা প্রতিপন্ন করা গেল । কিন্তু
কর্তব্যের অনুরোধে কয়জন লোক কাজ করিতে প্রস্তুত হয় ? আমি
দেখাইব যে, বক্তৃতা যেমন কর্তব্য কর্তব্য, তেমনি লাভজনকও বটে ।

মনের কথা যে খুলিয়া বলে, সে যে পাগল ইহা সর্ব্ববাদি-সম্মত ।
পঞ্চানন্দের মনের ভাব গোপন করিবার জন্ত ভাষার সৃষ্টি, ইহাও
পণ্ডিতের কথা । অতএব বুঝিয়া কথা কহিতে পারিলে অর্থাৎ যেখানে
উৎপীড়ন নাই, সেখানে সত্য কথাটা না বলিয়া অল্প কিছু বলিলেই
হুই দিক্ রক্ষা করা হয়,—সাপ মরে, অথচ লাঠিখানি ভাঙে না—
নাম হয়, অথচ মিথ্যাবাদী বলিয়া বদনাম হয় না । 'কে বলিবে
বক্তৃতা লাভজনক নয় ? যে বাঙ্গালী, ইংরেজীভাষায় বক্তৃতা করে,
অথচ "দেশের হিতের জন্ত আমার জীবন ধারণ," কথায় বা ব্যব-
হারে এই ভাব প্রকাশ করে, সে-ই প্রকৃত সারগ্রাহী ব্যক্তি ;—হৃদয়
মানব জন্মে, তাহার স্তায় মানব ততোধিক সুহৃদয় । যাহাকে
বলিজেছি, সে আমার মনের ভাব জানিতে পারিল না ; যাহার হইয়া

বলিতেছি, সে আমার কথার বিস্ময়সর্গ বুদ্ধিতে পারিল না—বক্তৃতার ইহা অপেক্ষা বেশী বুজুকী আর কি হইতে পারে বলা? এ প্রকার বক্তা অপেক্ষা অধিকতর মর্শ্বস্ত্র লোক কোথায় পাইবে, বলা?

অতএব হে মহিলাকুল এবং ভদ্রগণ! আমি বক্তৃতা করিতেছি। ইংরেজী ভাষা আর গোমাংস, দুই আমার উদরে আছেন; কিন্তু হিন্দুর ছেলে, হিন্দু সমাজে চলা-ফেরা করি; দুই চাপিয়া রাখিতে হইবে। সেই জন্ত ইংরেজিতে না হইয়া বাঙ্গালায় আমার বক্তৃতা। দোষ গ্রহণ করিবেন না, মার্জ্জনী ধরিবেন না, মার্জ্জনা করিবেন।

২।—ভারতের জন্ত ইংলণ্ড কি করিয়াছেন?

ইহা অতি অন্তায় প্রশ্ন। হণ্টার সাহেব পছন্দ করিয়া প্রসঙ্গের এরূপ নামকরণ করায় তাঁহার রাজভক্তির অভাব অনুমান করা যাইতে পারে; তিনি যদি সাহেব না হইতেন, উপরন্তু যদি ভারত-বর্ষীয় গবর্ণমেন্টের নিমক না খাইয়া থাকিতেন, এবং আরও নিমকের প্রত্যাশা না রাখিতেন, তাহা হইলে, তাঁহার মাথা কাটিয়া ফেলিলেও অপরাধ হইত না, তাঁহার প্লীহা কাটাইয়া দিলেও বিধিযতে কেহ দণ্ডাই হইত না। কারণ, এরূপ প্রশ্নের ভঙ্গীতে ইংলণ্ড যেন ভারতের কিছু করিতে বাকী রাখিয়াছেন, এমন সংশয় স্ভাব্য হইতে পারে। বস্তুতঃ ইংলণ্ড কি না করিয়াছেন, এইরূপ প্রশ্ন উত্থাপন করিয়া লুণ্ঠের গুণ দেখান হণ্টার সাহেবের উচিত ছিল। ভরসা যে, তাঁহার উদ্দেশ্য তাহাই ছিল, ভাষার বাধুনিটা কম বলিয়াই একটা বফাস কথা তিনি বলিয়া ফেলিয়াছেন।

ভারতের জন্ত ইংলণ্ড না করিয়াছেন কি? কৃত্রিম ভারতবাসী ভিন্ন এমন প্রাণী কে আছে যে, ইংলণ্ডের কীর্তিকলাপ দেখিয়াও ইংলণ্ডের ভারত-কীর্তির প্রমাণ চাহিতে সাহস পায়? ধরিয়া যাও, গণনার তোমার অঙ্গুলী ফরাইয়া যাইবে; তথাপি ইংলণ্ডের কীর্তি

সংখ্যার কিছুই হইবে না। তথাপি ইংলণ্ডের আশ্রয়, ইংলণ্ডের উপচিকীর্ষা; ইংলণ্ডের ভালবাসা, ইংলণ্ডের ধর্মজ্ঞানের ভারতে যে পরিচয় আছে, তাহার সংক্ষিপ্ত বিবরণ করিব। নতুবা পাপিষ্ঠ ভারতবাসীর চৈতন্যসঞ্চার, জ্ঞানোদয় কিছুতেই হইতেছে না!

ইংলণ্ডের জন্ম ইংলণ্ডে বসিয়া ইংলণ্ড কি করিয়াছেন, কিছু করিয়াছেন কি না, ভগবান জ্ঞানেন; যে সমুদ্র ডিঙ্গাইতে পারে, সে-ই সে কথা বলিতে পারে; কিন্তু আমি পৈতাধারী ব্রাহ্মণতনয়, বাস্ত-ভিটার চৌহদ্দীর ভিতরে থাকিয়া যাহা দেখিয়াছি তাহাই বলিব; আর নিজে যাহা দেখি নাই, তাহার বিষয় বলিতে হইলে, ইংলণ্ডের নিজ মুখে যে কথা শুনি নাই, তাহা বলিব না; পাছে সত্যের অপলাপ হয়, সেই জন্ম বলিব না। যাহারা মনে করে, সুখ্যাতির কথা আরোপ করিয়া বলিলে দোষ নাই, তাহারা চাটুকায়, তাহারা ভ্রাস্ত, তাহারা উচ্ছন্ন য়াউক।

তবে দেখ, ভারতের জন্ম ইংলণ্ড কি করিয়াছেন, কি করিয়াছেন? সুসভ্য, শাস্ত্র-বিশারদ, ধর্মযগু, ইংলণ্ড ভারতের উপকার করিবেন বলিয়া, সেই উপকার করবার উপায়বিধান উদ্দেশে আশ্রয়-মাননা স্বীকার করিয়া বেণের পুঁটলী লইয়া, বৈদ্যের ধলীবড়ী লইয়া ভারতের সহিত প্রথম পরিচয় করেন। উপকার করিবেন বলিয়া কত—কত—কতবড় বিস্তীর্ণ সাগরপারে আসিতে কিছু মাত্র সঙ্কোচ করেন নাই! বলো ত, কৃত্রিম পামর, এ কলিকালে কল্পজন ইহা করিয়া থাকে? হুম্মান সাগর লঙ্ঘন করিয়াছিল, সত্য; হুম্মান বিশল্যকরণী প্রয়োগ করিয়াছিল, সত্য; হুম্মান মৃত্যুশর আনয়নার্থ দৈবজ্ঞ সাজিয়াছিল, সত্য;—কিন্তু যদি বুদ্ধি থাকে, তুলনা করিয়া দেখো, ইংলণ্ডরূপ হুম্মানের সমীপে তোমার হুম্মান কলিকাও পাইতে পারিবে না। তথাপি, তোমার হুম্মানের স্বার্থ ছিল, দৈববল

ছিল, তদুত্তর, সে জেভাবুগের লোক, তখন অধাৰ্মিকের সংখ্যা এত অধিক ছিল না—অহঙ্কারের সহিত বলিতেছি—যাহার সাধ্য থাকে আমার দস্তানা তুলুক—আমার হুমুমানের তুলনায় তোমাদের হুমুমান মাহী হইতে সুন্দ্র, মশা হইতে দুর্বল, তেলেশোকা হইতে নিৰ্বোধ, কেবল হইতে ঘৃণ্য। যদি লজ্জা থাকে, ও তুলনা আর তুলিও না।

আবার দেখো, ক্রাইব অসমসাহসী, রণপণ্ডিত, অমিতভেজা, ঈষ্টধর্ম্মে-নাকানিচুবানি ইংলণ্ডের সন্তান। শুধু তোমাদের উপকার, ভারতের হিত, বঙ্গের উন্নতির জন্ত ইহকালকে ভ্রুকুটী করিয়া, পর-কালের প্রতি অক্লুষ্ঠ প্রদর্শন করিয়া আত্মাকে শয়তানের জিন্মার রাখিয়া, জ্ঞান, মিথ্যা কথা, প্রবঞ্চনা—কি না করিলেন, মানুষ হইয়া মানুষের জন্ত কয়জন এতদূর আত্মবিসর্জন দেখাইতে পারে?

ইংলণ্ড জানেন যে, জালসাজী বড় পাপের কর্ম্ম; ইংলণ্ড জানেন যে, পাপীর দণ্ড বিধান না করিলে পাপের প্রশ্রয় দেওয়া হয়; ইংলণ্ড জানেন যে, ভারতের উপকার করিতে হইলে ভারতের ভ্রাস্ত সন্তানকে সংপথ দেখাইতে হইবে। জানেন বলিয়া ভারতবর্ষকে সুদৃষ্টান্ত দেখাইয়া গ্রানি স্বীকার করিতে, হইলেও নন্দকুমারকে ইংলণ্ড ফাঁসি দিতে ইতস্ততঃ করিলেন না; হুবুঁ নন্দকুমারের দুর্গতিতে পাপীর হৃদয় কম্পিত হইল, ধর্ম্মাঙ্ক ভারতবর্ষ ইংলণ্ডের কৃপায় শিথিয়া লইল। এত ত্যাগ স্বীকার, এত ধর্ম্মোপদেশ দিতে আগ্রহ যাহার আছে, কোন্ লজ্জায় জিজ্ঞাসা করিয়া থাকো, যে, এ হেন ইংলণ্ড ভারতের জন্ত কি করিয়াছেন?

ভূমি বলিতে পারো,—এ সকল গৌরবের কথা বটে, তাহা স্বীকার করি, কিন্তু বড় প্রাচীন কথা; এ কথার বলে সম্প্রতি সুখ্যাতির দাবী করা চলে না, দাবিতে তামাদী দোষ ঘটিয়াছে।—মঞ্জুর! আর পুরাতন কথা বলিব না, হালের অবস্থা, হালের ব্যবস্থা, দেখাইয়াই

তোমার চক্ষে জলধারা প্রবাহিত করিতে পারি কি না, তাহা দেখো !
ভক্তি তোমার অন্তরে আছে, তাহা জানি; আমি বক্তৃতা করিলে,
সত্যের আবৃত্তি করিলে, তোমার প্রেমাঙ্ক পড়িবেই পড়িবে ।—

“বাহিরায় নদী যবে পর্বত উদ্দেশে,
কার সাধ্য রোধে তার গতি ?”—

ভারতবর্ষ পূর্ব পূর্বকালে নিতান্ত অসভ্য ছিল, এ কথায় যে বিশ্বাস
করে না, সে ইংরাজী ইতিহাস পড়ে নাই । ইংলণ্ড তাহাকে সভ্য
করিয়াছেন, ইহাও নিঃসংশয় । এমন স্বতঃসিদ্ধ কথার সবিস্তার উল্লেখ
অनावশ্যক হইলেও আমাকে উল্লেখ করিতে হইবে । তাহা হইলেই
বুঝিতে পারিবে, ইংলণ্ড কি করিয়াছেন ।

এই যে জ্যৈষ্ঠ মাসের আম-কাঁঠাল-পাকা'নে গরমে তোমরা
কাহাকেও আপাদমস্তক বস্ত্রাবৃত না দেখিলে অসভ্য বলিয়া থাকো,
সে কাহার প্রসাদাৎ ? এই যে কোচ, কেদারা, কাচের বাসন, আশী
কেরেমের অভাব হইলে তোমার ঘরের শোভা হয় না বলিয়া তুঃখ
করিয়া থাকো, এ শিক্ষা কাহার নিকট পাইয়াছ ? এই যে তোমার
ভাষা তোমার দেশের চাষায় বুঝিতে পারে না, তুমি যে গুণে দেশের
মাড়িপোনের আনা লোকের সঙ্গে আলাপ করিতে পারো না, তাহা-
দের সংসর্গ ঘৃণাজনক মনে করো, এ গুণ কোথায় পাইলে ? এই যে,
শিশুপুরুষের ধর্ম কি তাহা না জানিয়াও তুমি বিসর্জন করিতে
পারিয়াছ, মুষ্টিভিক্ষা উঠাইয়া দিয়া পংশালায় টাকা দিতে
অভ্যাস করিয়াছ, এই যে কোলাকুলি তুলিয়া দিয়া হাত ধরা-
ধরি করিয়া সম্ভাষণের পরাকাষ্ঠা দেখাইতে শিখিয়াছ,—এ বিষ্ঠা কে
তোমাকে দান করিয়াছে ? একটু ভাবিয়া দেখো, বুঝিতে পারিবে,
ইংলণ্ড তোমাদের জন্ত কি করিয়াছেন ?

ভারতবর্ষকে ইংলণ্ড ধনশালী করিয়াছেন! আসাণ্টিতে যুদ্ধ হয়, ভারতবর্ষ টাকা দেয়; পারস্যের রাজা চীন দেশে বেড়াইতে যান, ভারতবর্ষ টাকা দেয়; বিলাতের লোক বিলাতে বসিয়া চাকরী করে, ভারতবর্ষ তাহাদের মাহিনার টাকা দেয়; ইংলণ্ড ভারতের ধর্মের উপর হস্তক্ষেপ করেন না,—সে কৃতজ্ঞতায় ষষ্ঠধর্মের পাদরীদিগকে ভারতবর্ষ টাকা দেয়; ভারতরক্ষার জন্ত ইংলণ্ড সৈন্ত থাকে, ভারতবর্ষ টাকা দেয়; লাক্সাসিয়ারে দুর্ভিক্ষ হয়, ভারতবর্ষ টাকা দেয়; অধিক কি এই যে প্রায় বর্ষে বর্ষে ভারতবর্ষে দুর্ভিক্ষ হইতেছে, তাহাতে প্রতীকারের জন্তও ভারতবর্ষ অগ্রিম টাকা দিয়া রাখে; ভারতবর্ষের মত কোন দেশ ধনশালী? টাকা অনেকেই দিতে পারে, অথচ তাহারা কষ্ট পাইয়া দেয়, তাহা হইলে তাহাদিগকে ধনবস্ত বলা যায় না। ভারতবর্ষের সহক্ষে সে কথাও বলিবার যো নাই। দোতলার গাঁথনি হইতেছে, নীচের তলা কাটিতে আরম্ভ করিল, এতই টাকা যে, ভারতের তাহাতে ক্রক্ষেপ নাই। ইন্দ্রালয় সদৃশ নূতন অট্টালিকা হইল, ঘর বড় সোঁতা; আচ্ছা, ভাঙ্গিয়া ফেলো; ভারত টাকায় কাতর নহে; ঘর বড় গরম; উত্তম কথা, নূতন ঘর করো, টাকার কমি নাই; কলিকাতায় অনেক বড় লোকের বাস, অনেক গোলমাল, রাজকার্য এখানে সুচারুরূপে নিৰ্বাহ করা কষ্টকর, বেস, সবল-বাহনে সিমলা যাও, পথখরচ, খাইখরচ, খোষখরচ কিছুরই অভাব নাই, টাকা দিতে ভারতের মুখ ঘান হয় না। এমন ধনবান করিয়া দেওয়া সহজ কাজ নয়; তোমরা কি বলো, ইংলণ্ড এ কীর্তি করেন নাই?

পূর্বে ভারতবর্ষ অরাজক ছিল; ভারত রাজা জানিত না, রাজ্য জানিত না; ভারতখসী জায়িত, খাইত, ঘুয়াইত, আর বংশী বাধিয়া

পঞ্চানন্দের ৬তম অঙ্ক

মুগ্ধ। এখন সে দুর্দশা নাই; ভারতবাসী রাজনীতি জানে, সমাজ-নীতি বোঝে, ধর্মনীতির বিচার করে, অথচ রাজ্যের চিন্তা তাহাকে করিতে হয় না, ইংলণ্ড স্বয়ং ভারতের হইয়া সেটা করিয়া লন; সমাজের জন্ত তাহাকে ভাবিতে হয় না, ভগবান্ এক প্রকার চালাইয়া লন, আর ধর্মের ভার লইতে হয় না, খোলা হাওয়ায়, খোলা প্রাণে দুইটা উচ্চ-বাচ্য করো উত্তম, না করো, নাই। এ দুইয়ের কর্তা—ইংলণ্ড।

অশান্ত অসভ্য ভারতবর্ষে পূর্বে শান্তি ছিল না, কেবল উপদ্রব ছিল; সেই জন্ত বাণিজ্য ছিল না, সেই জন্ত বাদশাহ স্বয়ং তাজমহল গাঁধিতেন। আর বেগম বেজার কাজ করিতেন। এখন ছড়ি হাতে বেড়াইতে যাও, শ্রীঘর না দেখিয়া গৃহে ফিরিয়া আসিতে পাইবে না। বাণিজ্যের এমনই প্রথর স্রোত যে, তাঁতিকুল একেবারে ভাসিয়া গেল। শিল্পের এমনই উন্নতি যে, সুদৃশ্য হস্তো পাছে কেহ শঙ্কা ক্রমে প্রবেশ না করে, এই আশঙ্কায় হস্তাগণ স্বীয় বন্ধ বিদীর্ণ করিয়া, বাহির হইতে অভ্যস্তর দেখাইয়া থাকে। ইংলণ্ডে এরূপ উন্নতি হইয়াছে কি না জানি না, কিন্তু ভারতবর্ষের জন্ত ইংলণ্ড ইহা করিয়াছেন।

অনন্ত কথা বলিতে গেলে অনন্ত কালও ফুরাইয়া যাইবে; সুতরাং আর কত বলিব? তথাপি দুঃখের বিষয় এই যে, ভারতবাসী রাজভক্তিহীন। স্বয়ং রাজপুরুষ ইংরেজ মহাপুরুষ একথা যখন-তখন বলিয়া থাকেন, সুতরাং কথাটা মিথ্যা হওয়া অসম্ভব। তোমরা ইংলণ্ডের আধিপত্যের চিরস্থায়িত্ব কামনা করিয়া থাকো, সে বিষয়ে কাহারও সন্দেহ নাই; কিন্তু তাহা বলিয়া তোমাদের এই বিশ্বাসের পর নিশ্চয় কে সন্দেহ করিতে পারে? ইংলণ্ডকে তোমরা ভালো বাসো, ভক্তি করো; তাহাতে সকল মহাপুরুষের ত কুলায় না।

হুগলীর অজ্ গ্রাণ্ট্ সাহেব মুসলমান পেয়াদাকে দিয়া সাকীর শ্রেণীতে দণ্ডায়মানা ব্রাহ্মণকন্টার ঘোমটা জোর করিয়া খোলাইয়া দিয়া অত্যাচার করিয়াছেন ; মাস্ত্রাজে মালটবী সাহেব একজন মুনসেফকে গুলি করিয়া কেণা সাজিয়াছেন—এ সব কথা তোমরা কেন বলো ? অমুক আইনে অনিষ্ট হইবে,—অমুক টেক্স বসিলে উৎপীড়ন হইবে,—এ উৎপাতে তোমাদের কাজ কি ? রাজার ঘরে টাকা গেল, তাহার পর লুণের কড়ি তেলে খরচ হইল, কি হিন্দুস্থানীকে বাঁচাইবার টাকা দিয়া আফগানস্থানীর মুণ্ডপাত করা হইল—তাঁহাতে তোমাদের বলিবার অধিকার কি ? ইংলণ্ড যদি চাও, তবে কটা কুকুরে কামড়াইলেও তোমরা কাঁদিতে পাইবে না—ইহা রাজনীতির ভক্তি অধ্যায়ের প্রথম পাঠ, অবোধ শিশু তোমরা এ কথা কবে শিখিবে ?

স্বথের বিষয় এই যে, শিক্ষাদানে ইংলণ্ড এত অকাতর যে, রাজভক্তি শিখাইবার ব্যবস্থাও করিতে ক্রটি করেন নাই ; সে ব্যবস্থার নাম মুদ্রণশাসনীয় ব্যবস্থা ওরফে ন-আইন ।

পঞ্চানন্দ শপথ করিতেছেন, তিনি রাজভক্তির মধুখ অর্থাৎ মোম ; মধু নাই সে কপালের দোষ ।

খাও পরো টেক্স দাও

গৌর-প্রেমে মত্ত হও

রাজনীতি, রাজনতি গৌররূপে কর মতি

গৌর করিবেন গতি, চরণে শরণ নাও ।

পঞ্চানন্দ এই মন্ত্রের উপাসক ।

আইন-স্তোত্র ।

হে ১ আইন ! তুমি বাঙ্গালা লেখার গুরু মহাশয়, বেত্র হস্তে পাঠশালার সকল ছাত্রকে সর্বদা শাসাইতেছ, তুমি ইচ্ছা করিলে আমাদের পৃষ্ঠদেশের ছিলুকা ছাড়াইতে পারো, তুমি ইঙ্গিত করিলেই আমাদের পাততাড়ি গুটাইতে হয় । অতএব তোমাকে গড় করি ।

হে ৫ পাঁচ আইন ! তুমি আমাদের ভূস্বামী রাজা, কারণ তোমার এলাকায় বাস করি । তুমি ইচ্ছা করিলে আমাদের ভিটার ঘুঘু চরাইতে পারো, আমাদিগকে গঙ্গা পার করিয়া দিতে পারো । আমাদের পদঞ্চলনও হইতে পারে, বিচিত্র নহে; পা-টলা দেখিলে তোমার পাহারাওয়ালাদের বড় প্রতাপ বৃদ্ধি হয়,—সেই জন্ত তোমাকে এত ভয় । অতএব তোমাকে গড় করি ।

হে ১ ৫ ন পাঁচ চৌদ্দ আইন ! আমরা তোমার ধার ধারি না—কেহই নহি, সত্য; কিন্তু আমাদের অনেক মুকুবীর মুকুবীর তুমি মুকুবী । তুমি ইষ্ট করিতে পারো, সুতরাং অমিষ্টও করিতে পারো । অতএব তোমাকেও গড় করি ।

হে ১ ৫ নয় পাঁচ পঁয়তাল্লিশ আইন ! তোমার অপার মাহিমা; অপরিসেয় শক্তি । যে কথা কহে, হাসে, হাঁচে, নিশ্বাস কেনে, বিচরণ করে, চড়িয়া বেড়ায়, সেই তোমার আয়ত্ত এবং অধীন । • তোমার গুণগান করিতে হইলে রাত্রি প্রভাত হইয়া যাইবে । তুমি নিত্য, তুমি সৎ, তোমার কথা কি বলিব ? তোমাকে গড় ত করি; তোমার পায়ে পড়ি; তোমাকে বার বার নমস্কার করি । ৯

তোমরা যৌধরূপে এবং পৃথক্ ভাবে আমাদিগকে রক্ষা করিও ।
হরি হরি ও !

গ্রাণ্ট-ঘোমটা সংবাদ

পূজ্যপাদ

শ্রীযুক্ত পঞ্চানন্দ

ঠাকুরেশ্ব—

বিবিধ বিনয়পূর্বক নিবেদন,—

হুগলীর জুজু গ্রাণ্ট সাহেবের কাছে দাওয়ার একটি মোকদ্দমা হইবার সময়ে এক ব্রাহ্মণকন্তা সাক্ষ্য দিতেছিলেন। যে কোন কারণেই হউক, সাহেব নাকি তাঁহার ঘোমটা (সাহেবের নয়, সেই ব্রাহ্মণকন্তার) খুলিয়া দিবার জন্ত আদেশ করেন, এবং একজন মুসলমান প্যালা সেই আদেশ যথাযথ প্রতিপালন করে।

সাধারণীর চরিত্র আপনার অবিদিত নাই; সাধারণী নাকি এই কথা লইয়া পাড়ায় পাড়ায়, দেশে দেশে রটনা করিয়া বেড়ায়; তাহাতে সাধারণীর সঙ্গে যাহাদের আলাপ আছে, এমন আর দশজনেও এই কথা লইয়া ঘোট করিতে থাকে। এখন নাকি শুনিতেছি যে, কথা আমাদের ছোট লাটের কর্ণকুহরে উঠিয়াছে, আর তিনি ইহাকে অত্যাচারের কথা মনে করিয়া তদন্ত করিবার ব্যবস্থা করিতেছেন।

তদন্ত যদি সত্য সত্যই হয়, তাহা হইলে বড় দুঃখের বিষয়। গ্রাণ্ট সাহেবের অনেক শত্রু; আমি বিশেষ জানি, অনেক বাঙ্গালী, গ্রাণ্ট সাহেবের চাকরীটি পাইবার দুরাশায় সময়ে সময়ে তাঁহার অনেক দুর্নাম রটনা করে, এক অনিষ্ট-চেষ্টা করে। সেবার সেই বাঁকুড়ার এমনি এক সাক্ষীকে চড়-মারা না কি একটা কথা তুলিয়া অমন অমায়িক স্বভাবের সাহেবটাকে নাস্তানাবুদ করিয়াছিল। যাহাই হউক যদি তদন্ত হয়, সাহেবকে একটা কৈফিয়ৎ দিতেই হইবে। •আমি

মৌজারদের আইন হইয়া আমার অন্ন মারা ঘাইবার আশঙ্কা হই-
রাছে; সুতরাং এ সময়ে গ্রাণ্ট সাহেবের একটু উপকার করিতে
পারিলে, হয় ত আমারও উপকার হইতে পারে। এই জন্য তাঁহার
কৈফিয়তের একটা মুসাবিদা আমি পাঠাই; অনুগ্রহপূর্বক সংশোধন
করিয়া সাহেবের কাছে আপনি পাঠাইয়া দিবেন।

কৈফিয়ৎ ।

লিখিতঃ শ্রীগ্রাণ্ট সাহেব, সাহেব জজ, জেলা হুগলী কৈফিয়ৎ-
পত্রমিদং কার্যক্রমে হুজুর আলীর পরওয়ানা অত্র আদালতে আগত
হইলে অধীন সেরেস্তাদার ও সেশিয়ান মোহররকে এ বিষয়ে রিপোর্ট
দিবার আদেশ করিবাতে তাহারা যে মর্মে রোয়দাদ দাখিল করিয়াছে,
তাহার একখণ্ড নকল পৃথক্ রোবকারী সহকারী সহ পাঠান এবং এ
পক্ষ স্বয়ং তৎকালে বিচার কার্যে নিযুক্ত থাকায়, বিশেষ হাল অবগত
না থাকা গতিকে তন্মর্ম মতে যাহা জানিতে পারিয়াছে, তাহাতে এ
পক্ষের দোষ প্রকাশ পায় না।

আমার হাল এই যে, বিচার কার্যে পক্ষপাত করিতে আইন ও
ছকুলর মতে নিষেধ থাকায় সকলের প্রতি সমান ব্যবহার করিতে
হয়। বাঙ্গালী পুরুষগণ মুখে ঘোমটা দেয় না এবং স্ত্রীলোকগণ ঘোমটা
দেয়, ইহা সত্য হইলেও হইতে পারে; কিন্তু আদালতে তাহা গ্রাহ্য
যোগ্য নহে। সেই নিমিত্ত স্ত্রীলোকের ঘোমটার খাতির করা যাইতে
পারে না এবং বিচার কার্যের সময় সহজে ঘোমটা না খোলায়, তাহাতে
আদালতের অবজ্ঞা বলা যাইতে পারে; এ পক্ষের উকীলগণের দ্বারাও
ইহা সাব্যস্ত হইবেক; অধিকন্তু সাক্ষীদের মুখভঙ্গী দেখিয়া বিচার
করিবার কথা আইনে স্পষ্ট প্রকাশ, তাহাতে মুখ দেখা আবশ্যিক হইলে
কি প্রকারে ঘোমটা থাকিতে পারে?

আরও জানা যাইতেছে যে, ঘোমটা খুলিবার হুকুম দেওয়া সত্য হইলেও যে পেয়াদা ঘোমটা খুলিয়া দিল, সে ব্যক্তি পর পুরুষও বটে, কিন্তু তাহা এ পক্ষের দোষ বলা যাইতে পারে না, পেয়াদার নিজের দোষ বলিতে হইবে এবং সে মুসলমান, ইহাও তাহারই দোষ ; এমতাবস্থায় যদি কাহারও রুটা মারিতে হয়, তাহা হইলে পেয়াদার রুটা মারাই আইন এবং বিচারসঙ্গত হয় ; এ পক্ষেরও সেই অভিপ্রায়, তাহাতে হুজুর মালিক নিবেদন ইতি ।

[পঞ্চানন্দ কেবল বানান দোরস্ত করিয়া দিলেন, অন্য সংশোধনে তিনি অশক্ত । সাহেবের নিকট পাঠাইবার সুযোগ না থাকায়, ইহা মুদ্রিত করিয়া দেওয়া গেল]

কাবুলস্থ সংবাদদাতার পত্র ।

শ্রীচরণকমলেষু—

ভূমিলুষ্ঠিত অশেষ প্রগতিপূর্বক নিবেদনমিদং । পূর্ব পত্রে যুদ্ধের বিবরণ লিখিতে চাহিয়াছি ; সুতরাং আপনিও সেজন্য অতিশয় ব্যগ্র হইয়া পদদ্বয়ের বৃদ্ধাকৃষ্টে ভর দিয়া আমার এই পত্রের প্রতীক্ষা করিতেছেন, তাহার সন্দেহ নাই । আপনার কৌতূহলের পায়ে আর তুড়ুম ঠুকিয়া রাখা উচিত নয় বিবেচনায় আমিও সহর হইতেছি ।

যুদ্ধের নাম শুনিলে সকলের মনে একটা ধারণা হয় যে, অনেক লোক মারি দিয়া দাঁড়াইয়া গোলা-গুলি ছুড়িতে থাকে ও তরওয়াল চালাইতে থাকে এবং সেইরূপ সম্মুখে দণ্ডায়মান আর একদলের আক্রমণ গ্রহণ করিয়া থাকে । পরে একদল সংখ্যাতে দুর্বল হইয়া পলা-

মারে, কাটে অথবা ধরিয়া আনে । আমি যে যুদ্ধ দেখিলাম, ইহা যদি সে রকমের হইত, তাহা হইলে তাহার বিবরণ লিখিয়া আমি কষ্ট পাইতাম না । এখনকার যুদ্ধ অতি আশ্চর্য্য এবং কৌশলময় । কাবুলবাসিগণ দলবদ্ধ হইয়া যুদ্ধ করিতে জানে না । একাএক মল্লযুদ্ধ করিতে ভাল বাসে বলিয়া আমার বোধ হইল ।

কাবুলে যাহার বাস, সে-ই আমাদের শত্রু ; যে পুরুষ কাবুলের ভিতর পদচারণা করে, সে-ই মল্লযুদ্ধে অগ্রসর হয়—রবার্ট সাহেব এ কথা আমাকে আগে হইতে শিখাইয়া রাখিয়াছিলেন । প্রেস কমিশনের মহোদয়ের প্রদত্ত চসমার গুণে আমি নিজেও দেখিলাম যে তাহা যথার্থ । তাহাতেই যুদ্ধের প্রক্রিয়াটা ভালমতে উপলব্ধি করিতে পারিলাম ।

লড়াই এইভাবে হইতেছিল ;—মনে করুন, একজন কাবুলী আমাদের বাসার নিকট দিয়া যাইতেছে, এবং তাহার দুই হাত দুই পাশে কুলিতেছে বা তুলিতেছে । ইংরেজীভাষায় বাহু এবং অস্ত্রের একই নাম আর্থ ; সুতরাং ইংরেজী মতে সে ব্যক্তি সশস্ত্র শত্রু, যুদ্ধার্থে অগ্রসর, অতএব সাধ্য পক্ষে বধ্য । আমাদের পক্ষে অর্থাৎ ইংরেজ পক্ষে এই মীমাংসা হইবামাত্র তাহাকে রণে পরাভূত করিবার উপায় স্থির করা আবশ্যিক ; অমনি পাঁচ সাত জন সৈনিক সেই কাবুলীটার দিকে দৌড়িল, দুই চারিজন দুই একটা ঘুসা ঘাসি খাইল, তাহার পর কাবুলী ধরা পড়িল । রবার্ট সাহেব সেনাপতি, তথাপি অবিচারক নহেন ; তাহার সম্মুখে পাপিষ্ঠ কাবুলী আনীত হইবামাত্র, তিনি বিচার করিয়া দেখিলেন যে, সে ব্যক্তি কাবানিয়ারি সাহেবকে স্বহস্তে হত্যা করিয়াছে । আমিও দেখিতে পাইলাম, তাহার বিশ্বঘাৰিষ্ট মুখে হত্যার চিহ্ন সমস্ত দোদীপ্যমান ; তখন আমার চসমা আর রবার্ট সাহেবের একমত হওয়াতে, তিনি আমাকে বলিলেন—খুন করিলে ফাঁসি হয়, ইহা যথার্থ কি না?০

আমি উত্তর দিলাম এক শ বার। তিনি বলিলেন—দয়ার সহিত বিচারকে মোলায়েম করিতে হইবে; এক শ বার ফাঁসি দেওয়া বিচার-সঙ্গত হইলেও আমি দয়া করিয়া ইহাকে একবারের বেশী ফাঁসী দিব না। তৎক্ষণাৎ কাবুলীর একবার মাত্র ফাঁসি হইয়া গেল।

আমি রবার্ট সাহেবের বীরোচিত এই দয়া দেখিয়া মোহিত হইয়া গিয়াছি। কিন্তু ইহার ভিতর দুইটি দুঃখের কথা উপস্থিত হইয়াছে। প্রথম এই যে, কাবানিয়ারি সাহেবের দেহ যতই কেন প্রকাণ্ড হউক না, তাঁহার হত্যাকারী প্রমাণে যত লোকের ফাঁসি হইতেছে, তত লোকে তাঁহাকে আঘাত করিতে হইলে, একটা আঘাতের উপর এক শ দেড় শ আঘাত করিতে হইয়াছিল; নহিলে তাঁহার শরীরে কুলায় না। দ্বিতীয় কথা এই যে, কাবুলীরা এমনই অল্পপ্রাণ এবং দুর্বল যে, তাহাদের মধ্যে একজনও রবার্ট সাহেবের দয়ার ফলভোগ করিতে পারিতেছে না,—যেমন কেন কাবুলী হউক না, একবার মাত্র ফাঁসি দিলেই তাহার প্রাণান্ত হইয়াছে। আমার বিবেচনায়, যে জাতির এইটুকু সহ্য করিবার ক্ষমতা নাই, ইংরেজের সঙ্গে তাহার যুদ্ধ করা সাজে না। বাঙ্গালীরা বুদ্ধিমান, এই জন্ত এই ইংরাজরাজের এত ভক্ত।

অধিকন্তু দুঃখ এই যে, ফাঁসির আগে যত কাবুলীকে আমি জিজ্ঞাসা করিয়াছি, তাহাদের সকলেই আমাকে বলিল যে,—দুইদিন অগ্রপশ্চাৎ মরিতেই হইবে, স্মৃতরাং মরিতে কোন দুঃখ নাই। কিন্তু এ ভাবে মরিতে একটু কষ্ট হয়, অঙ্গ-হস্তে মরিতে পাইলে এ কষ্ট হয় না। আমার বিবেচনাতে এ কথা কতকটা সত্য; কারণ ফাঁসিতে মরিতে হইলে দম বন্ধ হয়, তাহাতে অতিশয় কষ্ট হইবারই সম্ভাবনা।

এই সকল ভাবিয়া চিন্তিয়া একজন কাবুলীকে আমি একদিন

জের বশুতা স্বীকার করাই উচিত। তাহাতে সে অসভ্য মুর্থ আমাকে কতকগুলো কটু-কাটব্য বলিয়া শেষে চীৎকার করিয়া উঠিল—কাবুল পরাধীন হইতে পারে, কিন্তু তাই বলিয়া কাবুলী কখনও হইবে না; যেমন মুর্থ তেমনি শাস্তি; পাষণ্ডের ফাঁসি হইল।

এইরূপে ফাঁসি দেখিতেছিলাম, আমোদ করিতেছিলাম এবং বিশ্বস্তালাপ করিতেছিলাম, এমন সময়ে সহসা একদিন রবার্ট সাহেব আমাকে বলিলেন যে, আমাদিগকে ঘেরাও করিতেছে, চলো আমরা এখান হইতে পলাইয়া যাই। “যে আজ্ঞা” বলিয়া আমি আগে আগে দৌড়িলাম; তাহার পর শেরপুরে আসিয়া আবার আমরা জমায়েত-বস্ত হইয়া বসিয়া রহিয়াছি। বাহিরের খবর কিছুমাত্র জ্ঞানি না। রবার্ট সাহেবের সঙ্গে কথাবার্তায় দিন যাপন করিতেছি, সেই কথা-বার্তার সার মর্ম্ম লিখিয়া এ পত্রের উপসংহার করিতেছি। যদি কিরিয়া না যাই কিহা আর পত্র লিখিতে না পাই, তবে অনুগ্রহপূর্ব্বক গৃহিণীর হাতের শাঁখা খাড়ু আপনি খুলিয়া দিবেন, এবং আমার শাল-গ্রামের সেবার ভার লর্ড লিটনের উপর দিবেন, এই আমার অনুরোধ।

আমাদের শেরপুরে ঘেরাও হইবার দিন, হুঃখ প্রকাশ করিয়া দীর্ঘ নিশ্বাস ছাড়িয়া রবার্ট সাহেব আমাকে বলিলেন,—দেখো তুমি যেমন উপযুক্ত লোক অন্ত কাগজের সংবাদ-লেখকেরা যদি তেমনি হইত, তবে আমার ভাবনা কি? তাহারা যুদ্ধের কিছুই বোঝে না, কিছুই জানে না। অথচ আমাকে বিভ্রত করিয়া রাখিয়াছে। অর্থাৎ তাহাদিগকে বাঁচাইবার জন্য আমাকে যুদ্ধ ছাড়িয়াও ব্যস্ত থাকিতে হয়। তাহারা এখানে না থাকিলে, এই যে আমরা বন্দী অবস্থায় আছি বলিলেই হয়, ভারতবর্ষে অদ্যই সংবাদ যাইত যে, সমস্ত কাবুলীকে ধ্বংস করিয়া আমরা জয় লাভ করিয়াছি। এই জন্ত

সংবাদদাতাদের সহজে এমন নিয়ম করা আবশ্যিক, যাতে তাহারা যুক্তক্বে না আসিতে পারে। আমি দেখিলাম, কথা ষথার্থ।

আর একদিন রবার্ট সাহেব বলিলেন—দেখো, কাবুলের যুদ্ধ অধর্মসম্মত বলিয়া অনেকে অনুযোগ করিতেছে, কিন্তু ইহা বড় অশ্রায়। খ্রীষ্টিয়ান ধর্মই সত্যধর্ম; সুতরাং ইহার প্রচার আবশ্যিক, এ দিকে ধর্মের প্রতি সহজে কাহারও অমুরাগ হয় না। এমত স্থানে যুদ্ধ ভিন্ন নিক্রপদ্রবে খ্রীষ্টিয়ান ধর্ম কিরূপে এখানে আনা যাইতে পারে? আমি বলিলাম—তাহার আর সন্দেহ কি? বিশেষত যীশু মনুষ্যের জন্ত প্রাণ দিয়াছিলেন; এখন তাঁহার জন্ত মনুষ্যের প্রাণ লওয়াতে কোনও দোষ হইতে পারে না; অধিকন্তু অর্থনীতির নিয়ম-মুসারে সুদ লওয়া পাপ নহে, সুতরাং প্রাণের শোধ প্রাণ, তাহার উপর সুদ, ইহাতে দোষেরত কিছুই দেখি না। আরও এক কারণে খ্রীষ্টিধর্মের অমুরোধে যুদ্ধ করা আবশ্যিক; মুসলমানেরা এক হাতে কোরাণ, অন্য হাতে তরওয়াল লইয়া যায়, যাহার বেলা যেমন, সেই মত না করিলে চলিবে কেন? অন্যথা, অপরের ধর্মে যে হস্তক্ষেপ করা হইবে! আমার কিছু উন্নতি করিয়া দিবেন বলিয়া এই দিন সাহেব আমাকে আশ্বাস দিলেন; কিন্তু ফাঁসি মনে পড়াতে আমার উন্নতিম্পৃহা একেবারেই লোপ পাইয়াছে। সাহেবকে বলিলাম, আপনার অমুগ্ৰহই যথেষ্ট, উন্নতির প্রয়োজন নাই। তবে কপালে থাকিলে আমিও বন্ধ করিতে পারিব না; আপনাকেও এত অগ্রহ করিতে হইবে না।

সাহেবকে আমি জিজ্ঞাসা করি যে, এ যুদ্ধে প্রয়োজন কি? সাহেব বলিলেন—লর্ড লিটন দেশে কাব্য লিখিয়া কাব্যের বিষয় কুর্নাইয়া কেলিয়াছেন; এখন একখানি বীররসাম্বিত মহাকাব্য তাঁহার লিখিতে ইচ্ছা হইয়াছে; সেই অমুরোধেই যুদ্ধ। কবির কল্পনা এবং

রাজনীতিজ্ঞের কৌশল এমন সম্বন্ধিত দেখিয়া আমার পরমান-
হইল ।

সাহেব আমাকে জিজ্ঞাসা করেন যে, একটা স্বাধীন জাতি
বশীভূত করিতে চেষ্টা করা অন্তায় বলিয়া যে, সকলে এত গোলযো
করিতেছে, তাহাতে তোমার মত কি? আমি বলিলাম, যাহারা এম
কথা বলে, তাহারা বোকা। ইংরাজের মত স্বাধীনতাপ্রিয় জাতি
জগতে আর নাই; সুতরাং যেখানে স্বাধীনতা পাইবে, ছলে হউক
বলে হউক, কৌশলে হউক, তাহা আশ্বস্যাৎ করিবার যত্ন করিবে
ইহাতে দোষ কি? বরং তাহা না করিলে স্বাধীনতাপ্রিয়তার প্রতি
সন্দেহ জন্মিতে পারে।

অদ্যকার মত শ্রীচরণে নিবেদন ইতি—।

উকীল-মোক্তারের আইন ।

এবার ওঝার ঘাড়ে বোঝা চাপিয়াছে; যাহারা আইনের দোহাই
দিয়া, আইন বেচিয়া খান, পরেন, এবার তাঁহাদের সম্বন্ধে এক আইন
জারি হওয়াতে তাঁহারা বিভ্রত হইয়াছেন, তাঁহাদের মধ্যে মহা হল-
স্থল পড়িয়া গিয়াছে।

প্রধান ভাবনা মোক্তারদের ভাগের কথা লইয়া। উকীল মনে
করিতেছেন, ভাগ না দিলে, কাজ যুটিবে না; মোক্তার ভাবিতেছেন,
ভাগ না পাইলে উকীলদিগকে এত টাকা দেওয়া কেন? যেখানে
টাকা বেশী আছে, সেখানে না-হয় বিলাতী সাহেবকেই দেওয়া যাইবে।

মোক্তারেরা যদি এ পরামর্শ করিয়া থাকেন, তাহা হইলে তাঁহা-
দের রাজতন্ত্রের পরাকাষ্ঠা প্রদর্শন জন্ত সরকার হইতে একটা উপাধি
ও খেদ্দাত পাওয়া উচিত। এখন হুর্গোৎসবেও ত্রাঙ্কণ কেহিয়া
সাহেবনিয়ন্ত্রণের প্রথা হইয়াছে, তবে ওকালতীতে না হইবে কেন?

উপরে নীচে চাপ না পড়িলে, ভারতবাসীর জ্ঞানযোগ হইবে না ।
উকীলদের জ্ঞানযোগের এই অবসর,—উপরে সাহেব, নীচে মোক্তার !
বাছা সকল, টিপে ধরবে ছাড়বে না ।

কিন্তু উকীলদেরও তাদৃশ ভয়ের কারণ নাই । পঞ্চানন্দের এক
বন্ধু বলিয়াছেন, উকীল তিন জাতীয় ; প্রথম, ময়ূর,—ইহার পুচ্ছ-
বলে অর্থাৎ পাকাম দেখাইয়া খান ; ইতর লোকে ইহাকে বলে—
পসার, ক্ষমতা, সময়, অথবা কপাল । ইহাদের ভাবনার কারণ
নাই, যতদিন প্যাকাম আছে, ততদিন চিড়িয়াখানায় ইহাদের মান
ঘাইবার নহে । * দ্বিতীয়, কাক—ইহার ছেলে-পুলের টোকা হইতে
মুড়িটা, লাড়ুটা অথবা আঁস্তাকুড়ে এটোটা কাঁটাটা খুঁটিয়া খায় ;
ইহাদের কেহই যত্ন করিতে নাই, কাহারও প্রত্যাশাও নাই, তথাপি
এক রকমে পেটটা ভরে, জীবনটা কাটে । ইহাদেরও ভাবনা নাই ।

তৃতীয়, কোকিল,—ইহার পরের বাসায় প্রতিপালন হয়, পরের
আধার খাইয়া প্রাণ বাঁচায়, সময় পাইলে কুহু কুহু করে আর বসন্ত
এবং বিরহীর কাছে মামে একটু খাতির পায়, কাজে পায়না বরং গালি
খায় । ভাবনা ইহাদের জন্ত ।

নেটিব্‌ সিবিল সার্ভিস ।

অর্থাৎ

কালী আদমিদর গৌরাকপ্রাপ্তির ঘোষণাপত্র ।

ভদীয় উৎকৃষ্টতা, ঐ রাজপ্রতিনিধি এবং মন্ত্রী সভার মধ্যস্থ
বড়লাট সাহেব সন্তুষ্ট হইতেছেন ঘোষণা করিতে তাঁহার ভালবাসার
ধন ভারতবর্ষের প্রজাগণের প্রতি যে তাহাদের হৃৎধনিশার অব-
সান হইল । কোন্ কালে, **শ্রীশ্রীমতী মহারাজী**, "অধুনা ভারতেশ্বরী

'হুঁষ্ট লোকের কুম্ভায় এবং চক্রীদের চক্রান্তে কুহকিত হইয়া বলিয়া কেলিয়াছেন যে, খেত-কৃষের প্রভেদ কিছু মাত্র থাকিবেক না, এবং ভগবতীসেবক ও গোখাদক একাকার হইয়া যাইবেক, এবং গুণ থাকিলেই কোলে, গুণ না থাকিলে পিঠে ;—সেই সকল কথা লইয়া কেরেববাজ ও জালমাজ ভারতবর্ষের প্রিয়তম প্রজাগণ মহা এক গুণগোল করিতেছিল, তাহাতে ক্রমাগত কয়েকজন লাটসাহেব প্রাণে প্রাণে লাটগিরি নির্বাহ করিয়া গিয়াছেন, সত্য ; কিন্তু বর্তমান লাট কিছু খোষমেজাজী ও হাকামাপ্রিয় না হওয়াতে, তদীয় উৎকৃষ্টতার নিজার ব্যাঘাত হইয়াছে । সে বিবেচনায়, উক্ত তদীয় উৎকৃষ্টতা প্রাণতুল্য শ্রীমান্ প্রজাগণকে তোপে উড়াইয়া দিতে পারিতেন, কিন্তু ইহাদের সংখ্যা অতিশয় অধিক, এবং উড়াইয়া দিলে পঙ্গপালের মত স্থানান্তরে পড়িয়া, ইহারা শস্ত্র নষ্ট করিতে পারে, তাহা হইলে দুর্ভিক্ষের সম্ভাবনা, যে জন্ত সর্বদা উৎকৃষ্টতা চঞ্চল আছেন, এবং যাহার উত্তম বন্দোবস্ত করণে তিনি ক্ষমবান্ আছেন । অতএব চতুর্দিক্ নিরীক্ষণ করিয়া বড়-লাট-সাহেব সৃষ্টি করিতেছেন, এবং এতদ্বারা সৃষ্ট হইল এক নূতন জাতীয় জীব, যাহা না-হিন্দু না-মুসলমান, নাতি খেত, নাতি-কৃষ, কিছুই নহে অথচ সকলই বটে, নির্গুণ অথচ গুণাঘন । আর লাট সাহেব এতদ্বারা ডাকিতেছেন, তাহাদিগকে “নেটিব সিভিল সার্ভিস” অর্থাৎ কাল্ অাদমিদের গৌরাক-প্রাপ্তি ।

৩ধর্মগ্রন্থে লেখা আছে যে, পিতৃপুরুষের পাপগণ সম্ভানকূলে তিন পুরুষ পর্য্যন্ত ভুক্ত হইবেক ; সেই অমুশাসনের উপর নির্ভর করিয়া তদীয় উৎকৃষ্টতা এই বিধান করিতেছেন যে, যদি কোনও ব্যক্তির বাপ দাদা কোনও প্রকারে সম্মম ও সম্পদ হাসিল করিয়া থাকে, এবং যদিষ্ঠাৎ সেই ব্যক্তি বা ব্যক্তিগণ ইতর সাধারণের সহিত

বিদ্যাশিকারূপ ঘোড়দৌড়ের মাঠে হাঁপাইয়া গিয়া থাকে, অথবা চক্র কাটিয়া বহির্গত হইয়া থাকে, অথবা মোটেই বড়মানুষরূপ আস্তাবলের বাহিরে না গিয়া থাকে, তাহা হইলে তাহাদের উক্ত কালো-গৌরাক্ষ প্রাপ্তির আশা রহিবে। ইহার প্রতি কারণ হইতেছে যে, হাটে বাজারে যে জহরাত বিক্রী হয়, তাহা ত দাম দিলেই পাওয়া যাইতেছে, এবং শস্তাও বটে, তবে যে রত্ন খনির তিমিরাবৃত গর্ভে গোপনে জ্যোতিঃ বিকীর্ণ করিতেছে, শাস্ত্রানুসারে—“মৃগ্যতে হি তৎ”। আর বিশেষতঃ সকলেই অবগত আছে যে, কোম্পানী বাহা-ছরের আমলে ছাতা ধরিয়া কত জন তিন পুরুষ পর্য্যন্ত বড়মানুষ হইয়া গিয়াছে। ইদানীং সে প্রথা বন্ধ হইয়া কেবল বর্ণমালার অক্ষর সকল নানা রকমে সাজাইয়া, কাহাকেও ছই, কাহাকেও তিন অক্ষর দেওয়া যাইতেছিল, কিন্তু এত ব্যয়ভূষণ করিয়া অক্ষর কিনিতে অনেকে প্রকাশতঃ না হউক, মনে মনে ইতস্ততঃ করিয়া থাকে, তদীয় উৎকৃষ্টতা ইহা টের পাইয়াছেন। তাহাদের প্রতি এবং তাহাদের সম্মানদের প্রতি একটা কিছু করা উক্ত উৎকৃষ্টতা যুক্তিসিদ্ধ এবং যোগ্য বিবেচনা করিতেছেন।

ইহাও নিয়ম করা হইতেছে যে, যে সকল ব্যক্তি কালী হইয়া গৌরাক্ষ প্রাপ্ত হইবেক, তাহারা “নেটিব” রহিল, অতএব দরবারে কিম্বা এজলাসে কিম্বা প্রকাশ্য স্থানে জুতা পায়ে দিয়া উপস্থিত হইতে পারিবেক না; তাহাদের নিতান্ত সাধ হইবেক, তাহারা জুতা পায়ে দিয়া শয়ান শয়ন করিতে পারিবেক, তাহাতে আপত্তি করা যাইবেক না, ইহা সওয়ায় ইহারা বিলাতী কোর্ট গায়ে দিবেক না। অপিচ তাহারা “সিবিল” হইল, অতএব পেনটুলান্ পরিধান করিবেক, এবং হাট তদভাবে বড় হাটনিতে ধানবগাতা জুতাইয়া মাথায় দিবেক; ইহাতে অস্তথা না হয়।

এতদ্বির ইহারা চাপকান বা চীনা কোট কিম্বা অন্য প্রকার নেটিব-চলিত গাঢ়াবরণ ব্যবহার করিতে পাইবেক না। অধিকন্তু এই সকল ব্যক্তি “সার্ভিস” ছুক্ত হইল বিধায় ইহারা সর্বদা ঘড়ির চেইন কিম্বা অন্য কোন প্রকারের চেইন দিন রাত্রি গলায় পরিবেক।

ইহাও নিয়ম হইতেছে যে, সামাজিক ব্যবহারে ইহারা কদাচ সাহেবদের সহিত না মিশ্রিত হয় বা হইবার উপক্রম বা চেষ্টা করে; ফলতঃ যদি ইহারা কাল আদমিদের সহিত সামাজিকতা করে, তাহা হইলে “সিবিল সার্ভিস” হইতে আকৃষ্ট খারিজ করা যাইবেক।

এই ব্যক্তিগণ আসনে বসিয়া খালা পাতিয়া ভাত, ডাল, চচ্চড়ি কদাচ না খায়; কিন্তু ইহাও নিয়ম করা যাইতেছে যে, টেবিলে বসিয়া কাঁটা চামচের সংস্রবে ইহারা না আইসে, তাহা হইলে অসুবিষয়ক আইনে দণ্ডাই হইবেক। মাঝামাঝি এই বিধান হইতেছে যে, টেবিলের নীচে, খালি মেঝের উপর হাঁটু পাতিয়া বসিয়া ইহারা ঝুঁড়া-গাঁড়ি পাইতে, ও ছিটা ফোঁটা খাইতে ও হাড়-গোড়খানা লেহন করিতে সম্মত ও অধিকারী হইল।

যাহাদিগকে এই দলভুক্ত করা যাইবেক, তাহারা দুই বৎসর কাল নিয়ত হাঁড়ুড়ু বা কপাটা খেলিয়া বেড়াইবে এবং সে ক্ষমতায় সরকারি তহনীল হইতে ভাতা পাইবেক।

এই দলভুক্তদিগকে উদ্দেশ্য করিয়া কিছু বলিতে হইলে “নেটিব সাহেব” অথবা “সিবিল বাবু” বলিয়া সম্বোধন করিতে হইবে; যাহারা ইংরেজী জানে না, নেহাত বাকালী, তাহারা পাঁচ পাঁচ শ টাকার যুক্তলেখা লিখিয়া দিলে বলিতে পাইবেক—“কাঁটালের আমস্ব।”

সিমলা পাহার তুঙ্গশূন্য,
বাহান্তরে জানোয়ারী।

}

আদেশক্রমে

শ্রীযুগীয় সরকারি
মোস্তরজম্।

বেহারে বাঙ্গালী কেন ?

কোথাকার রাজা-রাজভা কলিকাতা আসিয়া সাহেব-সুবোদের ভোজ দিয়া গিয়াছেন। সুখের কথা বটে।

পাঁজিতে লেখে যে, কলিকালে অন্নগত প্রাণ; বেদে লেখে যে, চারি যুগেই আহারগত প্রাণ; সেই জন্তেই বলা গেল, এমন ভোজের খবর সুখের কথা বটে।

এই সব ভোজের আগে ইংলিশম্যান জিজ্ঞাসা করিয়াছিলেন—বেহারে বাঙ্গালী কেন? —এই ভোজের পর ইংলিশম্যান আবার জিজ্ঞাসা করিয়াছেন—বেহারে বাঙ্গালী কেন? প্রশ্নের উত্তরে এক জন বাঙ্গালী বলিয়াছেন—ভোজের ভেলুকী বড় প্রসিদ্ধ। উত্তরের সারবস্তা বোঝা যায় নাই।

যথার্থ কথা বলিতে হইলে ছুঃখের বিষয় বৈ কি?—বেহারে বাঙ্গালী কেন? হাকিম বাঙ্গালী; আমলা বাঙ্গালী, ডাকঘরে বাঙ্গালী, রেলের বাঙ্গালী,—

যে দিকে ফিরাই আঁখি

কেবল বাঙ্গালী দেখি,—

এ অত্যাচারের কথা বৈ কি? উত্তরে আর এক বাঙ্গালী বলেন—দোষ বিধাতার, বাঙ্গালী জন্মায় বেশী! এ উত্তরও মনোমত হইল না।

বেহারে বাঙ্গালী কেন? এ কথার জবাব না দিয়া অপর একজন পাণ্টা এক সওয়াল করেন—বাঙ্গালীতে বেহারী কেন? ছারবান্ বেহারী, পাখাটানে বেহারী, চাকর বেহারী বেহারী ইত্যাদি।—এ উত্তরও প্রচুর হইল না।

আর এক উত্তর পাওয়া গিয়াছে, ভারতবর্ষ এক দেশ, এক রাজার রাজ্যভুক্ত। চাকরী দিবার অধিকার সেই রাজার, সুতরাং বেহারে

বাঙ্গালী কেন, তাহা রাজাই বলিতে পারেন, রাজাকেই জিজ্ঞাসা করা উচিত।—উত্তর অতি জঘন্য; এমন বাঙ্গা কথা গ্রাহ্যই নয়।

অতএব মানিতে হইবে যে, বেহারে বাঙ্গালী কেন, ইহা এক বিষম সমস্যা; পঞ্চানন্দ এ সমস্যা পূরণ করিতেছে। অবধান করো—

যে জন্ত, হে ইংলিশম্যান, তুমি বন্ধে, সেই জন্ত হে ইংলিশম্যান, বাঙ্গালী বেহারে। ব্যাখ্যা করিয়া বুঝাইয়া দিতেছি।

পেটের দায় বড় দায়; ঘুরে বসিয়া অন্ন জুটিলে বাহিরে কেহই ঘাইতে চাহে না। ইহার উপর নিশ্চিন্তে আহারের ব্যাপার সারিতে হইলে, নিজের পেটে কুলায় না, আর দশটা পেট আপনা-আপনি আসিয়া যোটে কিংবা যোটাইয়া লইতে হয়। ভাবখানা এই যে সামাজিকতা—পেটের দায়ে; বিলাস—পেটের দায়ে; বিজ্ঞা—পেটের দায়ে, শাস্ত্র—পেটের দায়ে; এমন যে পরকালের ব্যাপার, ধর্ম—তাহাও পেটের দায়ে। ইংলিশম্যানের পেটের দায় না থাকিলে এমন সার কথা বলিতে, এমন গুরুতর প্রশ্ন উত্থাপন করিতেও তিনি বাঙ্গালার মাটিতে পা দিতেন না, বাঙ্গালীও এত আঁক্কেল পাইত না, এমন করিয়া বেহারে যাইত না—কথাটা খুব সামান্ত, ইংলিশম্যানের খাতায় বোধ হয় ইহা টোকা আছে; পঞ্চানন্দের অনুরোধ তিনি একবার খাতার পাতা কয়টা উল্টাইয়া দেখিবেন।

আরও কথা আছে। এই প্রকাণ্ড ভারতবর্ষ যুক্তিয়া—মুর্খ, পাগল আর শিশু বাদ দিলে—এমন প্রাণীকে আছে যে, ইংরেজের রাজ্য স্থায়ী হউক, এ কামনা না করে? তাহা যদি হইল, এ রাজ্য চালাইবার উপকরণ সংগ্রহ করাও আবশ্যিক। ইংলিশম্যান এই নিমিত্ত স্বদেশের মায়া ত্যাগ করিয়া, সাত সমুদ্র তের নদী পার হইয়া এখানে আসিয়াছেন। বাঙ্গালীও নাকি বড় রাজভক্ত জাতি, সেই হেতু বাঙ্গালীও বন্ধের মায়া কাটাইয়া রাজসেবা দ্বারা রাজাকে তুষ্ট করি-

বার মানসে বেহারে গিয়া উপস্থিত হইয়াছে । অতএব বেহারে বাঙ্গালী—দুঃখের বিষয় হইলেও শ্রাব্য কথ্য;—সে শ্রাব্য রাজ্য ।

আর একটু বলিলেই মীমাংসাটা সর্বাক্ষয় হয় । ইংলিশম্যান যেমন পাণ্ডিত্য, ভারতবাসীরা তেমন নহে । পাণ্ডিত্যের দ্বারা যেমন কাজ হয়, মুর্খ তেমন হয় না; কিন্তু দুঃখের বিষয় পাণ্ডিত্যের দর, কিছু বেশী । এই সকল আলোচনা করিয়া, তাহার উপর যথাযোগ্য বিবেচনা করিয়া কাজ চালাইবার মত গোটাঁকতক হাতগড়া পাণ্ডিত্য ইংরেজরাজ ভারতবর্ষে তৈয়ার করিয়া লইয়াছেন; বাঙ্গালার প্রকৃতি বড় নরম, হাতগড়ার সুবিধাও এইখানে । সেই জন্য কাজে বরাত হইলেই বাঙ্গালী পাওয়া যায়, ইংলিশম্যান পাওয়া যায় না । কেরণী চাই—বাঙ্গালায় প্রস্তুত; ডেপুটি চাই—বাঙ্গালায় প্রস্তুত; ইংলিশম্যানের হুকুম, বাঙ্গালীর হাত পা । বেহারী দিয়া বেহারের কাজ নির্বাহ হয় না, তত উৎসুকিতে ইংলিশম্যানের খরচা পোষায় না—কাজে কাজেই বেহারে বাঙ্গালী ।

দুঃখের বিষয় বটে, কিন্তু যদি রাগ করিয়া দেশত্যাগী হও, বেহারী ঠেকাইয়া বাঙ্গালীকে দেশত্যাগী অর্থাৎ বেহার ছাড়া করিবে ! ইংলিশম্যানের কল্যাণেই বেহারে বাঙ্গালী ।

কাবুলস্থ সংবাদদাতার পত্র ।(২)

শ্রীপাদপদেষু ।—

সাঁঠান প্রণিপাতপূর্বক নিবেদনমিদং । অল্পমতি পাইলে এই-বার স্বদেশে কিরিয়া যাইতে ইচ্ছা করি । 'বাঙ্গালীর ছেলে, এত দূরদেশে থাকা সহজেই কষ্টকর, তাহাতে এই বিষম দেশে আসিয়া

এই বিষয় সময়ে বাস করিতে আমার যাহা হইতেছে, আপনি অন্তর্ধামী, আপনার কখনই অবিদিত নাই।

শেরপুর হইতে আমরা বাহির হইয়াছি সত্য, কিন্তু তাহাতে চিন্তাবেগ বাড়িয়াছে বৈ কমে নাই। কে যে কাহাকে মারিতেছে, কে কেন মারিতেছে, তাহার কিছুই আর বুঝিতে পারিতেছি না। কেবল নিত্য নিত্য নূতন ভয়ের কথা কর্ণগোচর হইতেছে। আজি শুনলাম, মীর বাচ্ছা আমাদের মাথা কাটিতে সজ্জা করিতেছে, কাল শুনলাম মহম্মদ জান কোথা হইতে উপস্থিত হইয়া লোক সংগ্রহ করিতেছে। ভাবিয়া দেখুন, আফগান স্থানের বাচ্ছা কাচ্ছা সকলেই যদি লাগে, তবে ইংরেজের ভাগ্যে যাহাই হউক, আমার প্রাণে প্রাণে ফিরিয়া যাওয়া দুর্ঘট হইবে।

অধিকন্তু কাবুলে যে সকল হিন্দু কয়েক পুরুষ ধরিয়া বাস করিয়া আসিতেছে, তাহারা পর্য্যন্ত পলায়নপরায়ণ হইয়াছে। ব্যাপারটা ইহাতেই বুঝিতে পারিবেন। তবে আমি শুধু এক ধূতি-গামছার অনুরোধে বসিয়া প্রাণটার উপর হাতা দিই কেন, বলুন। আফগানস্থান জয় করার কার্য সমাধা হউক, এখানে ইংরেজের আধিপত্য দৃঢ়ভাবে সংস্থাপিত হউক, তখন না হয় আমাকে একটা বড় চাকরি দিয়া একবার এইখানে পাঠাইয়া দিবেন।

আরও এক ভাবনা আমার হইয়াছে। আমি যে এই সকল পত্র লিখি, যথেষ্ট বিশ্বাস থাকার দরুণ, রবার্ট সাহেব সবগুলি খুলিয়া দেখেন না। এ দিকে দ্বিলাতে ও ভারতবর্ষে অনেক মিথ্যাবাদী লোক আছে; তাহারা রবার্ট সাহেব এখানে অনেক অত্যাচার করিয়াছেন বলিয়া কল্পনাব করিতেছে; সেই জন্য সেদিন রবার্ট সাহেব এক লম্বা চোড়া চিঠি লিখিয়া পাঠাইয়াছেন যে, দরকার না হইলে অত্যাচার করা হয় না এবং যতটুকু

দরকার তাহার বেশী অত্যাচারও করা হয় না। আমার অক্ষয়
 এবং এবারত দুই ভালো বলিয়া রবার্ট সাহেব আমাকে দিয়াই
 ঐ পত্রখানি লেখাইয়াছেন, সেই জন্ত এত স বিশেষ জানিতে
 পারিয়াছি। এই পত্রের মর্মে অনেকে মনে করিতে পারে, অল্প
 হটক, অধিক হটক, আবশ্যিক হটক, অনাবশ্যিক হটক, রবার্ট সাহেবের
 কিছু অত্যাচার আছে। অথচ আমি ইতঃপূর্বে যে সকল পত্র
 আপনাকে লিখিয়াছি তাহাতে সাহেবের দয়া, গুণ, ধর্মজ্ঞান এবং সদা-
 শয়তার উচিত সুখ্যাতি করিয়াই লিখিয়াছি। এখন ভাবনা এই যে,
 যদি ভবিষ্যতে এই সব কথা আন্দোলন উপস্থিত হয় এবং সাহেবের
 কবুল জবাবের বিপরীত আমার পত্র লেখা হইয়াছে বলিয়া, আমাকে
 মিথ্যাবাদী বলিয়া একটা দণ্ড বিধান করে, তবে সর্বনাশ হইবে।
 আমার সৈনিক-দণ্ডবিধানে তোপে উড়াইয়া দিবার ব্যবস্থা আছে, ত
 আপনার অবিদিত নাই। উড়িতে আমি অক্ষয়, তাহা জানাতেই কি
 আর তোপেই কি? বাঙ্গালীরা উড়িতে জানে না, তাহাও আপনি
 জানেন; অনেক ভদ্রলোক ছাদ হইতে, বারাণ্ডা হইতে উড়িবার চেষ্টা
 করিয়া শেষে প্রাণটা উড়াইয়া দিয়াছে।

সর্বোপরি স্থানত্যাগের সম্বন্ধ করিবার কারণ এই হইয়াছে যে,
 আমীরের বাটী দখল করিবার সময়ে কৃষিয়ার যে সকল পত্র পাওয়া
 যায়, কবিকল্পনাকুশল, দ্বিতীয় বিখ্যাত, রাজনীতিবিদ পণ্ডিত-
 গণ তাহা হইতে এক ভয়ানক অর্থ আবিষ্কার করিয়াছেন। তাহাতে
 লেখা আছে যে, আমীরের সাহায্য লইয়া কৃষিয়া পঞ্জাব পর্য্যন্ত দখল
 করিবে, এবং ইংরেজ-সেনাপতি, পঞ্জাবের অধিবাসী, ভারতবর্ষের
 রাজস্ববর্গ, প্রজাবৃন্দ, সকলেই তৎকালে কুস্তকর্ণের নিজায় অভিজুত
 থাকিবে; এবং উত্তর-পশ্চিম প্রান্তে যে সকল দুর্গাদি আছে, সে সমস্ত
 কৃষীয় মধুর বংশীধ্বনি শ্রবণমাত্রে ধরাশায়ী হইবে।

• এ কথাই যে আশঙ্কার বিষয় আছে, তাহাতে সন্দেহ নাই । এই আশঙ্কা বশতই বেয়াকুব থাকে কৌশল করিয়া বিশ্বাস জন্মাইয়া বন্দী করা হয়; এবং দেশান্তরিত্ত্ব করিয়া দেওয়া হইয়াছে ! শুনিয়া থাকিবেন, এখনও এক একজন আফগানবাসীকে ‘গবর্ণর’ ইত্যাদি পদ দিয়া বিশ্বাসভাজন করা হইতেছে । শুনিলাম, ইহাদিগের রপ্তানি কার্যে আফগানস্থানে লোকসংখ্যা কমাইবার কল্পনা আছে ; রবার্ট সাহেবকেও আমি জিজ্ঞাসা করিয়াছিলাম, কিন্তু তিনি তখন ব্যস্ত ছিলেন, বিড়্ বিড়্ করিয়া কি বলিতে বলিতে সরিয়া গেলেন, আমি তাঁহার কথা ভালো বুঝিতে পারিলাম না । তবে ক্রমীয় পত্র বাহির হইবার পরে এ সকল হইতেছে ; তাহাতে সন্দেহ নাই ।

এই সকল কারণে আমি বিদায়ের অন্তিম প্রার্থনা করি ।

সম্প্রতি ভাবনার চোটে এক অভিধান প্রস্তুত করিতে আমি মনোযোগ করিয়াছি । তাহার কিয়দংশ আপনার নিকট পাঠাই ; উৎসাহ পাইলেই সম্পূর্ণ করিব ।

আংলো-আফ্গান অভিধান ।

শব্দ—অর্থ ।

ক্রম-শঙ্কা—ভারতবর্ষকে অবিশ্বাস ।

বৈজ্ঞানিক সীমা—রক্তের নদী এবং হাড়ের পাহাড় ।

ভূতিক—যুদ্ধ ।

শব্দ—স্বদেশ এবং স্বদেশের মায়ায় যে প্রাণশয়ন করে ।

সন্ধি—বন্দী ।

দেশাধিকার—দাঁড়াইতে যতটুকু স্থানের প্রয়োজন, মৃত্যু পর্যন্ত সেই পরিমাণ স্থান পদতলস্থ রাখা ।

সেনাপতিত্ব—এরূপ ভাবে সৈন্ত সংস্থাপন করা, যাহাতে বিপৎ-কালে এক দল অন্য দলের সাহায্য করিতে না পারে ।

অসভ্য জাতি—যাহাদের সহিত ব্যবহারে সভ্যতার নিয়ম এবং ষর্ষের শাসন মানিবার প্রয়োজন থাকে না, এবং যাহাদের শিল্প মহিমার অপূর্ণ চিত্রস্বরূপ অটোলিকাদি ভগ্ন ও গৃহাদি ভূমিসাৎ করিলে কলঙ্ক নাই ।

পঞ্চানন্দের উপদেশলহরী ।

বোম্বাই প্রদেশের গবর্ণর সাহেব বিলাতের মহাসভার সভ্য হইবার আকাঙ্ক্ষায় জাহাজে চড়িয়া যাত্রা করিয়াছেন; ভারতবর্ষে তিনি অনেক কাল কাটাইয়া গিয়াছেন, ভারতবর্ষের সকল দলকেই তিনি সম্বুষ্ট করিতে বরাবর প্রয়াস পাইয়াছেন; এবং চিরকালই এরূপ চেষ্টার ফল যাহা হইয়া থাকে, তাঁহার ভাগ্যেও তাহাই ঘটিয়াছে;—তিনি কোনও পক্ষেরই মন রাখিতে পারেন নাই, কেহই তাঁহার উপর রাজি নাই। অধিকন্তু বিলাতের রাজনীতি অনুসারে “গৌড়” এবং “পাতি” নামক যে দুই জাতি বা দল আছে, তাহার মধ্যে তিনি গৌড়দের দলভুক্ত। সেই জন্ত ভারতবাসীর কামনা যে, তাঁহার মনোবাঞ্ছা যেন পূর্ণ না হয়; কারণ, সম্প্রতি ভারত-প্রতিনিধি কলিকাতায় সভা করিয়া বলিয়া দিয়াছেন যে, “গৌড়কে বিশ্বাস করিও না; গৌড়ের হাতে সদগতির আশা নাই।” বিলাতের বিধাতা পুরুষেরা বলিতেছেন, বোম্বাইয়ের গবর্ণরের কামনা নিশ্চিত সিদ্ধ হইবে। অতএব ভারতবর্ষে আশঙ্কার যথেষ্ট কারণ আছে বলিতে হইবে।

ভারতবর্ষের প্রতিনিধি স্বেচ্ছা মহাশয়ও বিলাত রওয়ানা হইয়াছেন ; তিনি স্বয়ং সভ্য হইতে পারিবেন না, কারণ বিলাতের মহাসভার শাস্ত্র অনুসারে ভারতবর্ষ অসভ্য । তবে প্রতিনিধির উপর এই ভার দেওয়া হইয়াছে যে, তিনি “পাতি” সম্প্রদায়ের পোষকতা করিয়া যেন প্রকারান্তরে ভারতের উপকার করেন । ভারতবর্ষের প্রত্যাশা আছে যে, তাঁহার কথায় কাজ হইবে : সেইজন্ম সকলেই তাঁহার জয় প্রার্থনা, এবং সিদ্ধি কামনা করিতেছে । পঞ্চানন্দের আশঙ্কা এই যে, কাঠবিড়ালীর সাগরবন্ধন ত্রেতাযুগে সম্ভব এবং সভ্য হইলেও কলিকালে বুঝি তাহা খাটে না ! এ আশঙ্কা যদি অমূলক না হয়, তাহা হইলে ভারতবর্ষের ভাবনার কথা বটে !

কিন্তু শুধু আশঙ্কার কথা বলিয়া ভয় দেখান ভালো নয়, একটা প্রতীকারের পন্থাও দেখাইয়া দেওয়া উচিত । পঞ্চানন্দের উপদেশ মত কাজ করিলে ভারতে প্রতিনিধি মান বাচাইয়া মান লইয়া কিরিয়া আসিতে পারেন ।

সভ্য ভাব্য হইবার চেষ্টা করা বুঝি : আর পরকে সভ্য করিয়া তাহার দ্বারা কাথ্যোদ্ধারের চেষ্টাও তজ্রপ । অতএব সে সব উৎপাত ছাড়িয়া দিয়া যাহাতে ভারতবর্ষের সঙ্গে বিলাতের একটা নূতন সম্বন্ধ পল্লন হয়, তাহারই উপায় অবলম্বন করাই শ্রেয়ঃ কল্প । নূতন সম্বন্ধ মানা রকমের হইতে পারে ।

প্রথমতঃ।—প্রতিনিধি চেষ্টা করুন, যাহাতে ভারতবর্ষের পত্তন কি তজ্রপ অন্ত একটা স্থায়ী বন্দোবস্ত হইয়া সকল গোলযোগ জন্মের মত চুকিয়া যায় । ভারতবর্ষের শাসনপ্রণালী স্বহস্তে রাখিয়া ইংলণ্ড যে স্বার্থ সাধনের অভিপ্রায় করেন, ইহা কেহই বিশ্বাস করিবে না ; ইহা ভারতের উপকার করাই—ইংলণ্ডের উদ্দেশ্য ; এবং সেই উদ্দেশ্য সাধনের কল্প বহুতর ত্যাগ স্বীকার করিতে হয় বলিয়া কিঞ্চিৎ পারিশ্রমিক

স্বরূপ ইংলণ্ড অল্পস্বল্প অর্থ গ্রহণ করিয়া থাকেন যাত্র। ইহা যদি অবি-
স্মাদিত সত্য হইল, তাহা হইলে একটা পাকা লেখা-পড়া করিয়া
বৎসর বৎসর ইংলণ্ডকে মালিকানার টাকা কয়টা পাঠাইয়া দিবার নিয়ম
করিতে পারিলে প্রতিনিধি সকল জালা চুকাইয়া আসিতে পারেন।
ইংলণ্ডের ইহাতে আপত্তি না করিবারই সম্ভাবনা; এ দিকে প্রতিনি-
ধিকে এই বন্দোবস্তের পুরস্কার স্বরূপ ভারতবর্ষের শাসনকর্তৃপদ
পদ এবং যাবজ্জীবন “খুব বাহাদুর” উপাধি দিয়া পুরস্কৃত করা
যাইতে পারে।

এক আফগানবুদ্ধের ব্যাপারটা ইহার ভিতর আসিতেছে না
বলিয়া গোঁড়ারা পঞ্চানন্দের প্রস্তাবে বাধা দিতে পারেন। ফলতঃ
আফগানবুদ্ধের সাধটা যদি এতই প্রবল হয়, তাহা হইলে পারস্য উপ-
সাগর পর্যন্ত ইংলণ্ডের দখলে থাকিবার একটা সৰ্ব্ব লেখাপড়ার ভিতর
রাখিয়া দিয়া সে বাধার অপসারণ করিলেই হইতে পারিবে; এবং শেষ
মহা প্রলয় পর্যন্ত যুদ্ধ করিলেও ভারতবর্ষের এবং তাহার উত্তরাধিকারি-
গণের ও স্থলাভিষিক্তগণের তাহাতে কোন আপত্তি থাকিবেক না;
আপত্তি করিলে তাহা বাতিল ও নামঞ্জুর হইবে, এই মর্মে একটা
অঙ্গীকার রাখিয়া দিলেই চলিবে। নিতান্তই যদি এরূপ বন্দোবস্ত
না হয়, তাহা হইলে—

দ্বিতীয়তঃ।—ভারতবর্ষকে উন্নত করা, সুনীতিপরায়ণ করা, সভ্য
করা, জ্ঞানী করা এবং ধার্মিক করাই ইংলণ্ডের অভিপ্রায় এবং সঙ্কল্প।
এমত অবস্থায় খাস-দখল ছাড়িয়া দিলে ইংলণ্ডের কার্যকারিতার প্রতি
! ব্যাঘাত পড়িতে পারে। এ কথাই যদি প্রতিনিধির সম্মুখে উপস্থাপিত
হয়, তাহা হইলে তিনি ইংলণ্ডের খাস-দখল ছাড়িয়া দিতে পারিবেন।
সভ্য হইতে বা উন্নত হইতে ভারতবর্ষের কোনও আপত্তি নাই; বরং
সম্পূর্ণ সম্মতি আছে। যাহা কিছু আপত্তি, দক্ষিণা দিতে। ইহাই যদি

ইংল, আদায়-তহশীলের ভার, ব্যয়-বিধানের ভার এবং জমা-ধরার
রাধিবার ভার প্রতিনিধি মহলে রাধিতে পারিবেন, এবং অন্য যাব-
তীয় ভার ইংলকে প্রদান করিতে পারিবেন। বোধ হয় একরূপ করিতে
উভয় পক্ষের মনোমুগ্ধ হইবার সম্ভাবনা। নিঃস্বার্থ পরহিতৈষিতার পরিচয়
দিবার সুযোগ পাইবেন বলিয়া ইংলও এই প্রস্তাবে সম্মত হইবেন।
একরূপ বিশ্বাস করা যাইতে পারে, এদিকে নিজের কতি না করিয়াও
অপরের উপচিকীর্ষা-বৃত্তি পরিচালনের ক্ষেত্র দেওয়া হইবে জানিয়া
ভারতপ্রতিনিধিও ইহা স্বীকার করিতে পারিবেন। ফলে, ধরের কড়ি
দিয়া বনের মহিষ তাড়াইতে ইংলও যদি কেহ ক্ষুদ্রাশয়ের ন্যায় আপত্তি
উত্থাপন করেন, তাহা হইলে—

তৃতীয়তঃ।—আয়-ব্যয় প্রভৃতি রাজস্ব সম্পর্কীয় যাবতীয় ক্ষমতা
ইংলকে প্রদান করিয়া ভারতপ্রতিনিধি সমস্ত আইনব্যবস্থার অধি-
কাবটা মহলে রাধিবেন; এবং ইংলও আইনবিরুদ্ধ কোনও কর্ম
করিলে বা করিবার উদ্যোগ বা উপক্রম করিলে ভারতপ্রতিনিধির
নিকট প্রত্যেক উদ্যোগ বা উপক্রমের নিমিত্ত খেঁশারং ও খরচার দায়ী
হইবেন, এইরূপ নিয়ম করিতে হইবে। এইরূপে উভয়ে উভয়ের
হস্তগত থাকিলে কোনও পক্ষই কাহারও অনিষ্টজনক কার্যনি-
দেখাইতে পারিবেন না, অথচ উভয়েরই কাজ হইতে থাকিবে। তবে
কোনও কোনও বিষয়ে উভয় পক্ষের মধ্যে সরল ভাবের মতভেদ
উপস্থিত হইতে পারে, এবং তাহা হইলেই কাজের বেলায় একটা
বিতর্ক ঘটিবার আশঙ্কাও কেহ কেহ করিতে পারেন। এমত ক্ষেত্র
উপস্থিত হইলে, মধ্য এসিয়াতে কৃষিয়ার যে সকল কর্মচারী উপস্থিত
থাকিবেন, তাহাদিগকেই মধ্যস্থ মানিবার নিয়ম করিয়া রাধিলেই এ
আপত্তির ধগুন হইয়া যাইবে। কৃষিয়ার মধ্যস্থতা করিলে তাঁহাকে
কিঞ্চিৎ বেতন সময়ে সময়ে দেওয়া হইবে অথবা একটা নির্দিষ্ট বার্ষিক

যুক্তির নিয়ম করিয়া রাখিলেও সুবিধা হইতে পারিবে । কৃষিয়ার সহিত ইংলণ্ডের যে শত্রুভাবের আশঙ্কা আছে, এরূপ নিয়ম করিলে সে আশঙ্কা দূরীভূত হইবাব কথা এক চিরসখাতা বন্ধনেরও উপায় হইতে পারিবে । কলে কেহ কেহ বলিতে পারেন, যে যাহার সহিত সম্পূর্ণ সম্ভাব নাই, তাহাকে বিশ্বাস করিয়া মধ্যস্থ করা যাইতে পারে না । এ প্রকার আপত্তি প্রবল হইয়া দাঁড়াইলে—

চতুর্থতঃ ।—এই নিয়ম করা পরামর্শসিদ্ধ যে, সম্প্রতি ভারতবর্ষের সহিত কোনও প্রকার সম্বন্ধ না রাখিয়া ইংলণ্ড বিবাদ করিয়াই হউক বা আশ্রয় বন্দোবস্ত করিয়াই হউক, কৃষিয়ার সঙ্গে একটা এধার-ওধার করিয়া ফেলুন ; এবং যত দিন লাজ না হয়, তত দিন পর্যন্ত ভারতবর্ষ নিতান্ত অরাজক থাকুক, এমন কি বিদেশবাসী বা বিধর্ম্মাবলম্বী এক প্রাণীও ভারতবর্ষের ভূমিতে পদার্পণ না করিতে পারে, এমন নিয়ম থাকুক । পশ্চাৎ বিবাদ ভঞ্জন হইয়া গেলে পৃষ্ঠ-প্রস্তাবিত মত আচরণ হইবে, অথবা ভারতবর্ষ উচ্ছেদে গেলেও ইংলণ্ড কম্বিন্‌কালে এক কপর্দকের কাজও ভারতের জন্ত করিবেন না । এই দণ্ডের ব্যবস্থা থাকিতে পারিবে । তবে এ যুক্তি অস্পষ্ট এবং অনিশ্চিত বলিয়া যদি কেহ আপত্তি করেন, তাহা হইলে—

পঞ্চমতঃ ।—এখন যে ভাণ্ড চলিতেছে, ইংলণ্ড ও ভারত'ধে এই ভাব চিরদিন চলুক, তাহার পর—যা থাকে কপালে । প্রতিনিধি মহাশয় স্বদেশে প্রত্যাবর্তন করিয়া পরিশ্রম স্বীকারপূর্ব্বক অন্নচেষ্টা করিতে থাকুন, এ ং ভারতবর্ষের একটা সাধের গলগ্রহ ঘুচিয়া যাউক ! তবে ভারতবর্ষের নাম করিয়া বক্তৃতা করান যদি নিতান্তই আবশ্যক বলিয়া বোধ হয়, তাহা হইলে একটা দৈনিক তেন বন্দোবস্ত করিয়া এক জন নিতান্ত কৌশলীকে ওকালত-নামা দিয়া রাখিলেই বোধ হয় কার্য্য নির্বাহ হইতে পারিবে ।

যে সকল প্রস্তাব করা গেল, তাহাতে প্রতিনিধি স্বাধীনভাবে স্বীয় বিবেচনা-শক্তি পরিচালনপূর্বক সকলকণ্ঠে অথবা যেটা ইচ্ছা মইয়া আন্দোলন করিতে পারিবেন ; এং ইহার মধ্যে একটা-না-একটা প্রস্তাব যে নিতে গ্রাহ হইবে, তাহাতে কোনও সন্দেহ নাই ।

যদি এই কয়েকটা প্রস্তাবে প্রতিনিধি মহাশয়ের মন না ওঠে, তাহা হইলে তিনি অকুতোভয়ে ইংলণ্ডস্থ “গোডা” এবং “পার্টি” উভয় দল-কেই বলিতে পারিবেন যে, মহাসভার ভগ্নদশায়, গুরুতর আহার ধৌতকরণ কালে এবং বিষয়াভাব হইলে সংবাদপত্রের কলেংরে তাঁহারা ভারতবর্ষের নাম গ্রহণ করিলে ভারতবাসী কুণ্ঠিত হইবে না, বরং সাধুবাদ দিতে শশব্যস্ত থাকিবে ; এবং ঐ দুই দলের মধ্যে যাহার যখন প্রাধান্য এবং প্রবলতা থাকিবে, তাহাকে গালাগালি দিবার জন্ত অপর দল ভারতবর্ষের নাম করিয়া ভারতের বকুহ করিবেন, তাহাতেও তাঁহাদের মঙ্গল হইবে । ভারত বর্ষের শাস্ত্রে লেখে—“শশানে চ যস্তিষ্ঠতি স বাঙ্কবঃ ।” অর্থাৎ ভারতবর্ষের অগ্নিসংস্কারকার্যে অর্থাৎ ভারতকে পোড়াইতে যিনি যত সহায়তা করেন তিনিই তত উৎকৃষ্ট বন্ধু ।

প্রতিনিধির মঙ্গল হউক, মাঞ্চেষ্টরের বাণিজ্য অপ্রতিহত হউক, আর ভারতবাসী গোলায় যাউক, পঞ্চানন্দ মুক্তকণ্ঠে এই আশীর্বাদ করিতেছেন । ইহাতে কেহ অরাসিক বলে সেও ভালো ।

পঞ্চানন্দের পত্র ।

পরম কল্যাণীয়

শ্রীমান জারজ ফ্রেডরিক সামুয়েল রবিন্সন মার্কিস, রিপন,
রেস্টের আরলগ্রে, রিপনের আরল, নক্টনের বৈকুণ্ঠ গোদরিক,
গ্রন্থামেং বারন গ্রন্থাম, বারনেট (১)

দীর্ঘায়ু নিরাপদেশ ।

বৎস,

ভারতবর্ষ হরস্ত দেশ, তুমি শান্ত সুধীর । এখানে যে কেমন
করিয়া কি করিবে ভাবিয়া আমার প্রাণ আকুল হইতেছে ।

ভারতবাসী লঙ্কার প্রতিবেশী, কত মায়া জানে, কত কুহক জানে ।
ভয় দেখাইয়া, মিষ্ট কথা বলিয়া অহরহ তোমাকে ভুলাইয়া ইহারা স্বার্থ
সাধনের চেষ্টা করিবে । তুমি নূতন লোক, পাছে ভয় পাও, পাছে
চক্ষুলজ্জা করো, সেইজন্য তোমাকে কিঞ্চিৎ রাজনীতি শিখাইতে
ইচ্ছা করি । উপদেশ অবহেলা করিওনা; করিলে মারা যাইবে ।

ভারতবর্ষে এক হিন্দুর মধ্যেই ছত্রিশ জাতি মনুষ্য আছে,
কিরিঙ্গী আছে, আরও কত আছে । সকলেরই মন যোগাইতে
পারিবে না, কারণ তাহা অসম্ভব । অতএব কাহারও মন যোগাইও
না । সকলকে ২য়ং অসম্ভষ্ট করিও । তাহাতে অন্ততঃ এই লাভ
হইবে যে, পক্ষপাতরূপ মহাপাতকে তোমাকে পতিত হইতে হইবে না ।

(১) বাঙ্গালী হইলেই যে বাঙ্গালা বুঝিতে পারিবে, এমন কোনও শাস্ত্রে নাই,
বুঝিবে না এমন ব্যক্তি পাওয়া যায় । অতএব এই প্রকার অবোধ বাঙ্গালীর
উপকারার্থ এই কয়েক পংক্তির মরল ইংরাজ অনুবাদ দেওয়া যাইতেছে ।—
George Frederick Samuel Robinson Marquess of Ripon Earl de
Grey of Wrest Earl of Ripon, Viscount Goderic of Nocton, Baron
Grantham of Grantham and Baronct.

বৎস, এখানে যোজনাস্তরে ভাষা ইহা জানিয়াও যখন অধ্যাপক মোক্ষমূলরকে না পাঠাইয়া উদারনীতি মহাপুরুষগণ রাজকর্ষা নির্বাহ জন্ত তোমাকে পাঠাইয়াছেন, তখন বুঝিতে হইবে যে, এখানকার কোনও ভাষার সঙ্গে সংশ্রয় রাখিলেই তোমার মহাপাপ। এমন অ স্বায় তোমার উচিত যাহাতে এই ভাষা ছেলোর লোপ হয় তৎপক্ষে যত্নপর হও। কা . . . করিতে নিতান্ত যদি না পারো ছাপার শাসন অবশ্য করিবে।

হাতে পয়সা হইলে পুত্র পিতাকে মানে না, উচ্ছ্‌ঙ্খল হয়, উচ্ছ্রে যায়। অপত্যনির্বিশেষে প্রজা পালন রাজার অবশ্য কর্তব্য। অতএব কসিয়া টেক্স বসাইবে। ছেলে কাঁড়ক, কিন্তু আখেরে তাহারই মঙ্গল।

রাজনীতিঘটিত বিষয়ে ভারতবাসী এখনও শিশু। শিশুগণ অতিশয় অব্যবস্থিত হইয়া থাকে। অতএব যথেষ্ট পরিমাণে ব্যবস্থা করিবে। ব্যবস্থাপক সভা যাহাতে নিত্য নিত্য নূতন আইন প্রসব করিতে পারেন, তাহার উপায় করিবে। ছেলের শাসন চাই, কারণ শিক্ষার মূল শাসন।

ভারতবাসী জানে ছত্রদণ্ডই রাজচিহ্ন; যে দিকে দেখিবে অসন্তোষের রোদ্র চিন্ চিন্ করিয়া উঠিতেছে কিম্বা নয়নজলের বৃষ্টি পড়িতেছে, সেইদিকে বিলাতী বিক্রমের ছত্র ধরিবে। আর, দণ্ড ছুচোখো, সম্মুখে যাহাকে পাইবে তাহাকেই বসাইবে। ভারতবাসী জানে, বসাইলে শাসন হয় সম্মানও হয়।

রাজার দয়া চাই। দুই বেলা কিছু দয়ার ক্ষেত্র পাওয়া যায় না। অতএব মধ্যে মধ্যে যাহাতে দুর্ভিক্ষ হয় তাহার চেষ্টা করিবে। দয়া দেখান হইবে, রাজকর্মচারীদের কার্যতৎপরতার পরীক্ষা হইবে, দরিদ্রের সংখ্যা কমিলে দারিদ্র্যের হ্রাস হইবে—এক শুলিতে হাজার কাক ধরিবে।

চারিদিকে নজর রাখিবে, যেন দৃষ্টিবিভ্রম না হয়, শ্বেত কৃষ্ণ একা-
কায় হইয়া না যায় ।

কাশ্মীরে হৃভিক্ষে হইয়াছে, অতি অশ্রায় কথা । সেখানকার
হৃভিক্ষে এক প্রকার বন্দোবস্ত, এখানকার হৃভিক্ষে অন্য প্রকার ;
ইহাতে লোকের মনে ছঃখ হয় । কাশ্মীরকে এলাকাতুচ্ছ করিয়া
লইবে, সকল জালা চুকিয়া যাইবে ।

যেখানে উদ্দেশ্য মহৎ সেখানে উপায়ের জন্ম মনে কোরকাপ
করিবে না ; অর্থাৎ হৃভিক্ষে না কুলায় না-ই । বাগানটা হাতছাড়া
না হয় ।

তোমার পুৰুষপুৰুষ লিটন বাহাদুর তোমাকে ধারে ডুবাইয়া
গেলেন । তুমি পাতাল না দেখিয়া ছাড়িও না ; তিনি মুক্তি পাইয়া-
ছেন. তুমি মুক্তি পাইবে ।

বৎস, বদান্ততা দেখাইতে ক্রটি করিও না । হুই হাতে নক্ষত্র
বৃষ্টি করিবে, লোকে যদি সরিষার ফুল দেখে, দরবারে ডাকিয়া মিষ্ট
কথায় তাহাদের ভ্রম বুঝাইয়া দিবে । ভারতবর্ষ জাতিভেদের দেশ,
এখানে উপাধির বড় সম্মান, কারণ, ইহাতে বিধাতার ভুল সংশোধিত
হইবে । যাহারা বিধাতা মানে না, তাহারা ধাত্মীর ভুল মানে ।
ফল সমান । *

বৎস, তুমি গুণবান, ধনবান স্ত্রীমান ; আমার উপদেশ গ্রহণ
করিবে । আমি নিতান্ত ভরসা করি যে, তুমি মনে রাখিবে, ভারতবর্ষ
তোমার বিলাসভূমি । তুমি পেটের দায়ে এখানে আইস নাই,

* “ধাইমাগী কি ভুল করেছে,

নাড়ী কাইতে লেজ কেটেছে ।”

তাই নাকি ?

ছাপাখানার নন্দী

তোমার গুণের পুরস্কার জন্য এ পদ তুমি পাইয়াছ ; তোমারই দোষে যেন তোমার শ্রীর লীলায় বিঘ্ন-বাধা উপস্থিত না হয়, সখের রাজ্যে রং তামাসা ছাড়িবে না। ভারতের রাজত্ব প্রকাণ্ড তামাসা, ইহা যেন অল্পক্ষণ তোমার মনে জাগরুক থাকে।

আশীর্বাদ করি, তুমি আমার উপদেশ প্রতিপালনে লক্ষ্য হও, তোমার সোণার দোয়াত-কলম হউক ; ধনে-পুলে লক্ষের হইয়া সুস্থ শরীরে স্বদেশে কিরিয়া গিয়া অপরকে সখ মিটাইতে পাঠাইয়া দেও, আপনি সুখী হও। ইতি,

পুনশ্চ।—মাকে মাকে যদি এরূপ উপদেশের আবশ্যকতা হয়, তাহা হইলে পত্রপাঠ পত্র লিখিবে, পাঁচ টাকা দক্ষিণা পাঠাইবে, নোমাকে শিষ্যশ্রেণীভুক্ত করিয়া লইব।

পুলিশ আদালত।



শ্রীযুক্ত মাজিষ্ট্রেট উপস্থিত।

গত কল্যা উপাস্ত্রী শ্রীযুক্ত মাজিষ্ট্রেট সাহেব বিচারাসন অবলম্বন করিবামাত্র শ্রীযুক্ত কোর্শলী সূতার সাহেব দণ্ডায়মান হইয়া প্রার্থনা করিলেন, যে—

“বিচারক হোয়াইট সাহেবের বিরুদ্ধে শমন প্রেরণের আক্রমণ হয় ! উক্ত বিচারক হোয়াইটের উপর আমি দুই অভিযোগ করিতে উপদিষ্ট হইয়াছি ; প্রথমতঃ নেয়ারণ্ নামক এক জাহাজী গোরার ফাসির লক্ষ্য দিয়া উক্ত বিচারক হোয়াইট পণ্ডিগের প্রতি নিষ্ঠুরতানিবারিণী

পাঁচুঠাঘুর।

সভার নিয়মবহির্ভূত অতি গর্হিত কার্য করিয়াছেন; দ্বিতীয়তঃ ষাটশটি দয়াশীল সাহেবের তিনি অপবাদ করিয়াছেন।

হুজুরে অবিদিত নাই যে, অস্বদেশীয় পণ্ডিতবর ডার্বিন সাহেব সপ্রমাণ করিয়াছেন যে, আমরা বানরকুলসম্ভূত। আমি ভয়সা করি যে, এ বিষয়ে কেহ সংশয় করিবেন না।

এখন প্রশ্ন এই যে, যাহারা দ্বিপদ এবং কথা কহিয়া মনের ভাব প্রকাশ করিয়া থাকে, তাহারা সকলেই মানুষ কি না? আমি বলি, তাহা কখনই নহে। বানরগণ ক্রমশঃ সভ্য হইয়া মানুষা বলিয়া আত্ম পরিচয় দিয়া থাকে, ইহা আমি অস্বীকার করি না। আমি মানুষ, হুজুর মানুষ, তদ্বিষয়ে আমার বিশেষ সন্দেহ নাই; কারণ আমরা গাছে উঠি না, গাছের ডাল কাটিয়া আসন প্রস্তুত করিয়া তাহার উপর উপবেশন করি। কিন্তু তাহার সহস্কে কি বলা যাইবে—ই, তাহার সহস্কে—যে গাছের অভাবে দীর্ঘ দীর্ঘ জাহাজের মাশুলে অবলীলাক্রমে, নির্ভয়ে সদা সর্বদা উঠিয়া থাকে? তাহাকে কি মনে করিতে হইবে, যে অতি সামান্য মানুষ, নিতান্ত ছোটলোক কালো পাহারাওয়ালার কথা-বার্তা, এমন কি ইঙ্গিত ইসারা পর্য্যন্ত বুঝিতে পারে না? সে দ্বিপদ হইতে পারে, সে সোজা হাঁটিয়া—(যখন সজ্ঞানে থাকে)—যাইতে পারে, কিন্তু তাই বলিয়াই যে, সে মানুষ হইবে ইহা কদাচই নহে। সে বানর, অবশ্যই বানর, দশ হাজারবার বানর!

মনে রাখিতে হইবে—যেহেতু ইহা আমার তর্কসোপানের এক প্রধান ধাপ—মনে রাখিতে হইবে যে, বানর শব্দের অর্থই কখনও নর, কখনও বা নর নহে। আমি বলি,—আর এ বিষয়ে আমি হুজুরের সর্বিশেষ মনোযোগ আমন্ত্রণ করিতে ভিক্ষা করি,—আমি বলি যে, নেদারল্যান্ডের সঙ্গীদেব সঙ্কে আমোদ প্রমোদ করিত, মদ্য-

পান করিত, তখন সে নর ; নেয়ারণ যখন আমোদনিরত একতম সঙ্গীকে ফাঁফরে ফেলিয়া চলিয়া গেল, তখন সে বানর । আবার নেয়ারণ যখন জাহাজে আসিয়া বেশ পরিবর্তন করিল, যখন এক জনের নিকট ছুরী চাহিয়া লইল, তখন সে নর ; কিন্তু আবার যখন একটা কালো কদাকার মনুষ্য পাহারাওয়ালার দেখিয়া তাহার স্কন্ধে আঘাত করিল, তাহার গলদেশ ব্যবচ্ছেদ করিয়া দিল, তখন সে কখনই নর নহে, অবশ্যই বানর ।

বানর, বিকল্পে নর । যখন ইচ্ছা তখন নর । স্বদেশীয় বা স্বজাতীয়ের সহিত নেয়ারণের কেমন সম্ভাব ! কত উত্তম কত প্রশংসনীয় ব্যবহার ! কি উদার চরিত্র ! তখন নেয়ারণ ইচ্ছা করিয়াছিল, অতএব নর ; কিন্তু যখন তাহার নরত্ব দেখিতে ইচ্ছা নাই, তখনও কি তাহাকে নর হইতেই হইবে ? মুহূর্ত্তের নিমিত্ত একরূপ অভিমতির ফলাফলটা চিন্তা করিয়া দেখুন ; তাহার পরে বলুন, তখনও কি সে নর ? কখনই না ! তখন যে অবশ্যই বানর । যাহার যাহাতে ইচ্ছা নাই, তাহাকে তাহা বলপূর্ব্বক করাইলেও সে কার্যের জন্ত সে দায়ী হইতে পারে না । সে হিসাবেও সে বানর । নতুবা কি ভয়ঙ্কর অনিষ্ট, কি ঘোরতর অত্যাচারই হইয়া উঠিবে ?

ইহা ভাবিতেও আমার হৃদয় কম্পিত হইয়া উঠিতেছে, আমার লোমগণ প্রাণ্তোপরি দণ্ডায়মান হইতেছে । অতএব আমি বিনয় সহকারে, অথচ দৃঢ়তার সহিত বলি যে, নেয়ারণ বানর ; মনুষ্য কদাচই নহে । আমি ভরসা করি, এ পক্ষে হজুরকে আমি সন্তুষ্ট করিতে পারিয়াছি ।

তবে এখন দেখিতে হইবে যে, বানর পণ্ড কি না ? আমার বোধ হয়, এতৎসম্বন্ধে তর্ক করা বাহুল্য মাত্র । বানর যদি পণ্ড না হয়,

তাহা হইলে আমি নাচার, নেহাত মারা যাই। বানর অবশ্যই পশু।

সুতরাং নেয়ারণ যে পশু, ইহা স্বতঃসিদ্ধ।

হঠক স্বতঃসিদ্ধ, তথাপি ইহার প্রমাণ আছে। ষাদশটী ভদ্রলোক অকাতরে অকপটে, ধর্মকে সাক্ষী করিয়া ঐ বিচারক হোয়াইটের মুখের উপর, বলিয়াছিলেন যে, নেয়ারণ বুকিয়া স্কিগা, মতলব ছাদিয়া, দোষ ভাবিয়া পাহারাওয়ালাকে মারে নাই। তবে আর চাই কি? যে জীব এ প্রকারে কাজ করে, সে কি পশু নহে? এই আমি দণ্ডায়মান হইলাম; কে বলবে বলুক, যে পশু নয়, অন্য কোনও জীব? হজুর! বারংবার কি বলিব, নেয়ারণ যদি পশু না হয়, তাহা হইলে আমরা সকলেই পশু।

এ হেন নেয়ারণের ফাঁসির হুকুম! গলদেশে রজ্জু বন্ধনপূর্বক লঙ্ঘিত করিবার আদেশ। যতক্ষণ প্রাণান্ত না হয় ততক্ষণ পর্য্যন্ত ঝোলাইয়া রাখিবার হুকুম! ইহা যদি পশুর প্রতি নিষ্ঠুরতা না হয়, তাহা হইলে নিষ্ঠুরতা কাহাকে বলে, আমি জানি না। নিষ্ঠুরতা? এ ত নিষ্ঠুরতার বাপান্ত! হৃদয়, বিদৌর্ণ হও। শিরা, ছিন্ন হও! ধমনী, ফাটিয়া যাও! অনর্গল রক্ত পড়ুক, আমার মনের জ্বালা যাউক! নেয়ারণের ফাঁসি!! পশুর প্রতি নিষ্ঠুরতা! ডাবিন আমাদের কুলাচার্য্য, ডাবিনকে আমরা মান্ত করি, কালো ভারতবাসীর পৃথক কুলাচার্য্য আছে, ডাবিনের কথা ভারতবাসী গ্রাহ্য করে না; তবে কি এই ভারতবাসীর চক্ষের উপর আমাদের কুলাচার্য্যের কথা আমরাই মিথ্যা বলিয়া রটনা করিব? আপনি কি ইহাতে সায় দিবেন? কখনই না! যদি স্বজাতির প্রতি অনুরাগ থাকে, যদি স্বদেশের গৌরব অক্ষুণ্ণ রাখিতে বাসনা থাকে, যদি দয়া, সরলতা, সত্যনিষ্ঠার মানবধর্মের ইচ্ছা থাকে, তাহা হইলে ঐ উচ্চসঙ্গ হইতে হজুর ঘোষণা করুন যে, বিচারক হোয়াইট কুলাঙ্গার, বিচারক হোয়াইট

নিজ নামে কলঙ্ক দিয়াছে, সে হোয়াইট নহে, ব্রাকস্‌ ব্রাক্‌ :
শমন ভিন্ন তাহার পাপের প্রায়শ্চিত্ত নাই ।

অতঃপর সংক্ষেপে আমার দ্বিতীয় অভিযোগের উল্লেখ কর
আবশ্যক । একটা-আধটি নয়, দ্বাদশটা ভদ্রলোক ; দয়ালী, স্থায়-
পরায়ণ, সাধু ! এই দ্বাদশটা সমবেত স্বরে বলিলেন যে, নেয়ারণ
নিষ্ঠুরতার পাত্র নহে, দয়ার পাত্র ; বিচারক হোয়াইট সে কথা
অগ্রাহ্য করিলেন ; শুধু তাহাই নহে, তিনি বলিলেন যে, নেয়ারণ
পশু হউক আর না হউক, এই দ্বাদশটা ভদ্রলোক স্বজাতিপক্ষপাতী
হইয়া দয়ার জন্ত উপরোধ করিয়াছেন ।

এখন, হজুর বিচার করুন, হোয়াইট ইহাদের অপবাদ
করিলেন কি না ? যদি তাঁহার এইরূপ অভিপ্রায় হয়
যে, নেয়ারণ মনুষ্য, অতএব দয়ার পাত্র নহে, তাহা হইলে
দ্বাদশটা ভদ্রলোককে মিথ্যাবাদী বলা হয় । মিথ্যাবাদী বলা
ভয়ানক অপবাদ ! আর যদি বলেন, নেয়ারণ পশু হইলেও দয়ার
পাত্র নহে, দ্বাদশের স্বজাতিপক্ষপাতের জন্ত দয়ার কথা উত্থাপন
করা হইয়াছে, তাহা হইলে এ দ্বাদশটাকে পশু বলা হইয়াছে
সে দিকেও অপবাদ ।

এই আমার দুই শিষ্ট ; যেটা ইচ্ছা হোয়াইট অবলম্বন করিতে
পারেন ; কিন্তু অপবাদের দায় এড়াইতে পারিতেছেন না ।

আমি জিজ্ঞাসা করি, হোয়াইট স্পষ্ট বলুন, এই দ্বাদশটা মিথ্যাবাদী
না পশু ? উত্তরের জন্ত আমি অপেক্ষা করিতেছি ।

উপসংহারে আমার প্রার্থনার পুনরুক্তি করিয়া, হোয়াইটের উপ-
শমন প্রেরণের আদেশ তিচ্ছা করিয়া আমার কাষ্ঠাসন আশ্রয় করি-
তেছি । আশা আছে, ভরসা আছে, সাহস আছে, যে আমা
মনোরথ পূর্ণ হইবে ।”

মাজিষ্ট্রেট সাহেব অনেককণ পর্যন্ত চিন্তা করিয়া 'ও স্বীয় ক্রোড-কুকুরের সহিত বিস্তর পরামর্শ করিয়া এই অভিপ্রায় প্রকাশ করিলেন যে, বিবেচনাপূর্বক আগামী এজলাসে উচিত আদেশ করিবেন ।

আদালতে এ প্রকার জনতা হইয়াছিল যে, তিল-ধারণের স্থানও ছিলই না; দৈলাঠেলিতে তিনটা কালা-আদমির প্লীশ কাটিয়া স্থানটা নিতান্ত অপরিষ্কার হইয়া উঠিয়াছিল । মিউনিসিপেল-সীমানার ভিতর একপ ময়লা করার নিমিত্ত প্লীশকাটাের আত্মীয়গণের উপর গ্রেপ্তারি পরওয়ানা বাহির হইবার ভয় হইবার পর, আদালত অন্ত্যায় কার্যে হস্তক্ষেপ করিলেন ।

বৈঠকী আলাপ ।

(পঞ্চানন্দের বৈঠকখানায় বাবুদের প্রবেশ ।)

পঞ্চা । আশুন, আশুন । বড় সৌভাগ্য, ভালো করে' বসুন না ?
বাবু । থাক, আপনি ব্যস্ত হবেন না, আমরা বেশ বসেছি ।

পঞ্চা । কি মনে' করে' আসা হয়েছে ?

বাবু । কিছু ভিক্ষা করতে আসি-নি, অমনি দেখা সাফাৎ করতে আসা ।

পঞ্চা । ভালো ভালো । আপনার নাম ?

১ম বা । . কার্ড তো পাঠিয়ে দিয়েছি ।

পঞ্চা । সে কেমন ? বুঝতে পারলাম না যে ?

১ম বা । বুঝতে পারলেন না ? হোঃ হোঃ হোঃ হোঃ—

পঞ্চা । ভয় কি বাবু, এখানে কোনও বেটা আসতে পারবে না, আপনি নির্ভয়ে নাম বলুন ।

১ম বা । ভালো গ্রহতে পড়লুম এসে, দেখছি । আমার নাম সুদর্শন ঘোষাল এম, এ, ।

পঞ্চা। খ্রীষ্টীয় কবুলেন যে ? যাক্ আপনার পিতার নাম ?

১ম বা। মাফ্ কবুবেন, ভদ্রলোক মনে করে' দেখা কবুজে এসেছি, কুলজী আওড়াতে আসিনি ।

[বিজ্ঞাতীয় ভাষায় বাবুদের কিঞ্চিৎ কথোপকথন ।]

১ম বা। গ্লাড্‌ষ্টোন এবার খুব আড়ে হাতে লেগেছে, বোধ হয় মিনিষ্ট্রী বদল না হয়ে' যায় না। আপনি কি বিবেচনা করেন ?

পঞ্চা। সে আবার কি ?

১ম বা। চমৎকার ! সে আবার কি বললেন ? সেই ত সর্বস্ব ।—আমাদের রাজা কে জানেন ?

পঞ্চা। কেন, ইংরেজ ।

১ম বা। তবু ভালো ! আচ্ছা, কেমন করে' ইংলণ্ডে রাজা চলে, তা' জানেন ?

পঞ্চা। দরকার ?

১ম বা। আশ্চর্য্য ! এই উনবিংশ শতাব্দীর শেষে, এই সুশিক্ষিত বাঙ্গালীর সমাজে থেকে, এ কথা জানেন না ? আর জানেন কি দরকার তাও জানেন না ?—শুনুন তবে ; মিনিষ্ট্রী যদি বদল হয়, আমাদের অনেক দুঃখের লাঘব হবে ।

পঞ্চা। সে কি ? ইংরেজদের রাজ্য থাকবে না ?

১ম বা। আমোদ মন্দ নয় ।—তা' থাকবে বৈ কি ? কেবল মন্ত্রী আর কর্মচারী—এই সব নূতন হবে ।

পঞ্চা। নূতন যা'রা হবে, তা'রা বুঝি ইংরেজ নয় ?

১ম বা। হোপলেস্ ।

(পুনশ্চ বাবুদের অবোধ্য কথোপকথন ।)

পঞ্চা। আপনারা দেখছি অনেক খবর রাখেন, বিস্তর জাণে

শোমেন, আপনাদের একটা কথা জিজ্ঞাসা করি—বাক্সালায় কত লোকের বাস ?

১ম বা। ৬৬ মিলিয়ন, কি এই রকম কত হবে ।

পঞ্চা। সে কত ? (বাবুর ওষ্ঠাধর কম্পিত) আচ্ছা, এদের মধ্যে ইংরেজী লেখা-পড়া জানে কত লোক ? বাক্সালা লেখা পড়াই বা কত লোকে জানে ? (বাবু নীরব) আমাদের একটু বড় গোছের চাষ করবার ইচ্ছা আছে, খুব বেশী পরিমাণে পতিত জমি কোন জেলায় পাওয়া যেতে পারে, বলতে পারেন ? (বাবু নীরব) ধানী জমীর আবাদ বাড়েছে, কমছে, না সমান আছে ? (নীরব) গত পাঁচ বছরের মধ্যে কোন্‌বার কত ধান জন্মেছে, বলতে পারেন ?

১ম বা। এ সব সামান্ত কথা, বোধ হয় রিপোর্ট দেখলেই জানতে পারবেন ।

পঞ্চা। বাক্সালায় পাওয়া যায় ?

১ম বা। কৈ তা' বলতে পারি নে ; বোধ হয় বাক্সালায় পাওয়া যায় না । পড়বে কে ?

পঞ্চা। বাক্সালায় হ'লে সকলেই পড়তে পারে, আপনারা পারেন, আমরা পারি—

১ম বা। (ঈষৎ হাসিয়া) বাক্সালা কি ভদ্র লোকে পড়ে ?

পঞ্চা। অপরাধ ?

১ম বা। সময় নষ্ট ; বাক্সালায় আছে কি, যে পড়বে ?

পঞ্চা। তবে লেখেন না কেন ?

১ম বা। (ঘড়ি খুলিয়া) আজকে একটু বরাত আছে । আবার দেখা হ'বে !

পঞ্চা। আপনাদের সঙ্গে আলাপ করে' সুখী হ'লাম । অনুরোধ করে মধ্যে মধ্যে বেড়াতে আসবেন । [(নিষ্ক্রান্ত)]

কাবুলস্থ সংবাদদাতার পত্র । (৩)

শ্রীচরণকমলেষু,

দেশে কিরিয়া যাইবার জন্ত পূর্ব পত্রে অনুমতি চাহিয়াছিলাম । কিন্তু আজ্ঞাপত্র বা তাড়িতবার্তা কিছুই না পাইয়া মন বড় উদ্ভিগ্ন হইয়াছিল । কাবুলীরা যে রকম অধাৰ্ম্মিক এবং দুষ্টিপ্রকৃতি, তাহাতে অনুমান হয় যে, তাহারা ডাক মারিয়াছে এবং তার কাটিয়া দিয়াছে ; নহিলে আপনার মত দয়ালীল লোকে কখনও খাড়ুনাড়া হাতের ভাত ব্যঞ্জন খাইবার সাধে বাধা দিবেন ইহা কিছুতেই সম্ভব নহে । কলে স্পষ্ট কথা বলাই ভালো, আপনি নিষেধ করিলেও আর আমি কাবুলে থাকিতাম না । কেন থাকিতাম না, তাহা বলিতেছি ।

প্রথমতঃ, কাবুলীদের মত মুর্থ লোক পৃথিবীতে আর নাই । মুর্থ লোকে নিজের ভাল বোঝে না, কাবুলীরাও বোঝে না ; সেই জন্ত ইহাদের সঙ্গে বাস করিতে প্রবৃত্তি হয় না, দেখুন, বলি রাজা মুর্খেরই ভয়ে স্বর্গের বাসনা ত্যাগ করিয়াছিলেন । ইংরেজ অতি সুসভঃ সুপণ্ডিত এবং সদাচারী জাতি, বাঙ্গালায় আসিয়া, ভারতবর্ষে আসিয়া ইহারা যে যে উপকার করিয়াছেন—ইংরেজের উপকারের কথা বলিতেছি না, আমাদের উপকার যাহা করিয়াছেন—তাহা প্রাঃ থাকিতে কেহ ভুলিবে না । কাবুলীরা উপকারের কথায় আমল দেয় না ; কেবল বলে যে, ভিন্ন জাতি ভিন্ন দেশ হইতে আসিয়া আমাদের উপকার করিলেও আমরা লইতে চাহি না, সাধ্যপক্ষে অপকার করিতেও দিব না । দিবে না—তবে মরো ! যেমন দুৰ্বুদ্ধি, শাস্তিঃ হইতেছে । আর, ভিন্ন জাতি, ভিন্ন দেশী—এসব কথার মামেই আমি বুদ্ধিতে পন্ন নই । পরম কাকর্ষিক পরমেশ্বর সকলই সৃষ্টি করিয়াছেন, সুত্তরাং মনুষ্যমাত্রেই এক জাতি ; ইহার আবার ভি

জাতি কি ? কাবুলীরা এমনই মুর্থ যে চাকুপাঠ পর্যন্ত ইহাদের পড়া নাই, চাকুপাঠে মানব জাতির কথা অনেক বার লেখা আছে । তন্ত্র পৃথিবী সমস্তই এক ; এক মাটি, এক জল, এক সকলই । তবে আবার ভিন্ন দেশ কি ? হায় ! ইহাদের ইহকাল ত গেলই, পরকালে পরিণামে ইহাদের কি হইবে, তাহাই ভাবিয়া আমার হৃদয় শোক-সাগরে নিমগ্ন হইতেছে । কাবুলবাসীগণ ! এখনও হোমরা অন্নতাপ কর, এখনও পাপচিন্তা হইতে বিরত হও, এখনও কমা-প্রার্থনা কর, অবশ্যই মঙ্গল হইবে । যে হেতু অন্নতাপই প্রায়শ্চিত্ত, প্রায়শ্চিত্তই স্বর্গের দ্বার । বাস্তবিক, অঃর আমি কাবুলে আসিতে ইচ্ছা করি না ; তবে যদি যীশুর ছোট ভাই, সিদ্ধার্থের হাড়ি-ফেলা-জাতি, চৈতন্যের খুড়া সেনজা মহাশয় কাবুলে পদার্পণ করিয়া, কাবুলীদিগকে স্বার্থপবতা, বিষয়ীর ভাব, এবং ভ্রান্ত স্বদেশ আদির বোধ ভুলাইতে পারেন, আমারও সঙ্কল্প তাহা হইলে টলিতে পারে ।

দ্বিতীয়তঃ, কাবুলের সমস্ত ব্যাপার এখন একঘেয়ে গোছ হইয়া পড়িয়াছে, রকমওয়ারি না থাকিলে মজা নাই, বিবরণ লিখিয়াও সুখ নাই । ঐ ক্রিয়া এল,—ঐ আমীর তাহার সঙ্গে পরামর্শ করিল,—ঐ যুদ্ধের আয়োজন করিল—ঐ আজ মারামারি—ঐ ওখানে কাটা-কাটি—ইহা ছাড়া নূতন কথা কিছুই নাই । তা একটা কথা ভাঙ্গ-চুর করিয়া বাড়ী বসিয়াই লেখা যায় ; তবে আর বাসা-খরচ করিয়া, রাম রাবণ উভয়ের ভয়ে সশঙ্কিত হইয়া, প্রাণ হাতে করিয়া বসিয়া থাকিবার প্রয়োজনটা কি ? তাহার উপর আগাগোড়া কথার ঠিক রাখিয়া পত্র লেখা খুব সহজ ব্যাপার মনে করিবেন না ; কারণ, নানা মুনির নানা মত । কাবুলীদের উপর অত্যাচারের কথা লইয়া যে প্রকার বাদ-বিসম্বাদ হইতেছে তাহাতে ‘না হাঁ’ যাহাই বলিব

তাহাতেই সর্বনাশ। দোহাই ধর্মের, আমি ইহার কিছুই জানি না, সাতালী জন লোককে ফাঁসি দেওয়া হইয়াছে বলিলেও আমার স্বস্তি, সাত শ ফাঁসি হইয়াছে, তাহাতেও স্বস্তি, মোটে হয় নাই, তাও স্বস্তি। ভগবান্ রক্ষা করিয়াছেন যে, কোনও পত্রেই আঁকবোঁকের কথা লিখিয়া ফেলি নাই। তবে বুক ঠুকিয়া এই ফাঁসির সম্বন্ধে এক কথা আমি বলিতে পারি; ষাহাদের ফাঁসি হইয়াছে, ইংরেজ যদি এ যাত্রা কাবুলে শুভাগমন না করিতেন, তাহা হইলেও সে লোক কটার ফাঁসি হইত। নিতান্ত পক্ষে ফাঁসি না হইলেও তাহারা গলায় দড়ি দিয়াও মরিত। যাহার যাহা কপালে লেখা আছে, তাহা ঘটবেই ঘটবে; মানুষ কেবল নিমিত্তের ভাগী। সমস্ত নিয়ত্ আর কিছুই নয়, নিয়ত্। তবে আর অত্যাচারের কথা ওঠে কিসে, তাই ত বুঝিতে পারি না। যুদ্ধ হইতেছে, সে নিয়তের লেখা, টাক দরচ হইতেছে নিয়তের লেখা, লোক মরিতেছে নিয়তের লেখা, ইহা যে না মানে, সে নেহাত অস্বাভাবিক—সে খিরিষ্টান।

তৃতীয়তঃ, শর্করকন্দ—(রাজা আলুকেও শর্করকন্দ বলে, এ তাহা নয় জায়গার নাম)—রেলওয়ে প্রস্তুত; সুতরাং এখন আর কাবুলে থাকিবার প্রয়োজন নাই, থাকাকা যুক্তিসিদ্ধও নয়। প্রয়োজন নাই, কেন না, আপনার যখন ইচ্ছা হইবে তখন এই রেলওয়ের কল্যাণে লোকগাড়ীতে হউক, মালগাড়ীতে হউক, ডাকগাড়ীতে হউক, আমাকে বস্তারস্তু করিয়া আবার চালান দিতে পারিবেন, আমিও সঙ্গে সঙ্গে ফেরত গাড়ীতে খবর পাঠাইতে পারিব। কাবুলে থাকা যুক্তিসিদ্ধ নয়, কারণ লিটন বাহাদুর পরমেশ্বরকে সাক্ষী করিয়া বলিয়াছেন যে, কৃষিয়া অগ্রসর হইয়া আসিতেছে; তিনি কৃষিয়ার নাম করেন নাই বটে;

কিন্তু বলিয়াছেন,—“That despotic and aggressive military Power which has for years been steadily advancing to her (i. e. that of the Indian Empire) gates”—“বহু বৎসর ব্যাপিয়া য়োক করিয়া যে অত্যাচারপরায়ণ এবং আক্রমণাত্মক সৈনিকশক্তি ভারতসাম্রাজ্যের দ্বারাভিমুখে অগ্রসর হইতেছে।” আমি কীর্ণজীবী বান্ধালী, বলুন দেখি, আমার কি পশ্চাৎসর হওয়া উচিত নহে। আর লিটন বাহাদুরের কথা যদি সত্য হয়, তাহা হইলে কাবুলে না আসিয়াও হয় ত কাণ্ডকারখানা অনেক দেখা যাইবে। হা ভগবান! আবার কি “চর্চ চর্চ উড়েন চর্চ” শিখিয়া টাকা রোজকার করিতে হইবে।

চতুর্থতঃ, আমার মনে বড় দুঃখ হইয়াছে; সংবাদপত্রপাইয়াছি যে, কেহ কেহ আমার পত্রে যে সকল কথা লেখা থাকে, তাহা সত্য বলিয়া বিশ্বাস করে না, এমন কি কেহ কেহ আমার কাবুলে আসা পর্যন্ত বিশ্বাস করে না। এ দুঃখে আর কি কাবুলে থাকিতে ইচ্ছা করে? তবে জিজ্ঞাসা করি, যাহারা এ কথা বলে, তাহারা কি কাবুলে আসিয়া আমাকে না দেখিতে পাইয়া কিরিয়া গিয়াছে? তবে বাপু কেন? সংবাদপত্রের নীতি, রাজত্বের নীতি এ সকল বোঝো না, অর্ধচ গোল কর কেন?

বিদেশে অনেকেই যায়, আবার দেশেও কিরিয়া আইসে; কিন্তু শুধু সেই কথা বলিবার জন্য লক্ষ্যচোড়া একখানা পত্র লেখা ভালো দেখায় না। অস্ততঃ কেবল সেই কথা লিখিয়া কাস্ত হওয়াটা কখনই ভালো নয়। সেই জন্য পথে যাহা দেখিয়াছি কি শুনিয়াছি, তাহার মধ্যে এক জায়গার বৃত্তান্ত এবার লেখা যাইতেছে। জায়গাটার নাম বৈদ্যনাথ গুরকে দেওঘর।

বেলা ১টার সময়ে বৈদ্যনাথের ষ্টেশনে ভ্রমণ ভঙ্গ করিলাম,

অর্থাৎ রেলের গাড়ী থেকে নামিলাম । মাটিতে পা দিতে না-দিতে একজন আসিয়া আমাকে বাঁকা বাঁকা বাঁকানো কথা কহিয়া জিজ্ঞাসা করিল—“বাবু আপনি কি বৈদ্যনাথ দর্শন করিতে যাবেন ?” আমি বলিলাম হাঁ ; তৎক্ষণাৎ আর এক ব্যক্তি আসিয়া আবার ঐ কথা আমাকে জিজ্ঞাসা করিল, তাহাকেও বলিলাম হাঁ ; আরও লোক আসিয়া, জিজ্ঞাসা করিল, সেই এক উত্তর পাইল । সকলেই আমাকে পাইবার জন্য ব্যগ্র । তখন আমার মনে হইল যে, আমি যে পঞ্চানন্দের কাবুলস্থ সংবাদদাতা তাহা ইহারা জানিতে পারিয়াছে, নাহলে এত আদর-যত্ন কেন ? আবার মনে করিলাম, তাহাঁই বা কি প্রকারে সম্ভব হইতে পারে, তবে আমি যে একজন প্রতিভাশালী ব্যক্তি তাহা নাকি আমার চেহারা দোঁধলেই জানা যায়, (আমি অনেক বার আশীতে আমার মুখ দেখিয়া এটা টের পাইয়াছি) তাই ইহারা বুঝিতে পারিয়া এ প্রকার করিতেছে । তখন একটু চিন্তপ্রসাদ আপনা-আপনি হইল, মনে হইল যে, ধরাতলে আমার জন্মগ্রহণ সার্থক, তুল্লভ মানব জন্মে আমার মত ব্যক্তি আরও তুল্লভ । আহ্লাদের সঙ্গে অহঙ্কার, সেই সঙ্গে একটু অভিমান মিশিয়া আমার হৃদয়-জলধি ওতপ্রোত হইতেছে ; চকুবয়ের কোণ দিয়া জ্যোতিকণা নির্গত হইতেছে, গ্রীবা একটু স্ফীত, একটু বন্ধিম, হইয়াছে—এমন সময়ে এইভাবে একবারে চতুর্দিকে দৃষ্টি নিক্ষেপ করিয়া দেখি—ও মা ! গাড়ী হইতে যে নামিতেছে, তাহারই এত সম্মান, এইরূপ অভ্যর্থনা—কাহারই আদর কম নয় ! কি অধঃপাত ! কি দর্পহরণ ! হুঃখ ত হইলই, লজ্জা হইল, একটু রাগও হইল । আর সেখানে না দাঁড়াইয়া ষ্টেশনের বাহিরে আসিয়া একখানি একা লইয়া দেওঘর যাত্রা করিলাম । পাণ্ডী পাঁওয়া যায়, রাগে লইলাম না । গরুর গাড়ী পাওয়া যায়, লজ্জায় লইতে পারিলাম না । মনের হুঃখে একা চড়িয়া

শরীরের সব কথখানি হাড় কেন এক ঠাই হইবে না ইহাই ভাবিতে ভাবিতে ঘাইতে লাগিলাম ।

মানুষের দুর্গতি আরম্ভ হইলে পদে পদে অপমান ঘটে ; আমার অহঙ্কার, তাহার পরে লজ্জা হইয়াছে, এটা বোধ হয় সকলেই টের পাইয়াছিল ; নতুবা একটা লোক আমার পাছে পাছে ঢাক বাজাইতে বাজাইতে দৌড়িবে কেন । তামাসা করিতেছি না, সত্য সত্যই ঢাক বাজাইতে বাজাইতে একজন দৌড়িতেছিল । এই দুঃখের অবস্থায় একবার গাভোয়ান আমার কোলে বসিয়া রাধাশ্যামের প্রণয়সঙ্গীত ধরিয়া দিল । লোকটা রসিক বটে, কিন্তু তাহার রসিকতায় আমার সর্বাক অলিয়া ঘাইতে লাগিল । অথচ তাহার সঙ্গ ছাড়িবার ও উপায় ছিল না । তখন এমনই ঘণা হইল যে, সেখানে যদি দাঁড়াইতে আমার প্ররক্তি হইত, তাহা হইলে একা হইতে নামিয়া পৃথিবীকে দ্বিধা বিদৌর্ণ হইতে বলিতাম, এবং বিদৌর্ণ হইলে ধরণী গর্ভে প্রবেশ করিতাম । যাহা হউক নিক্রপায় হইয়া সেই বিটলে ঢাকাকে কিঞ্চিৎ ধুস্ দিয়া ক্ষান্ত করিলাম এবং ফিরাইয়া দিলাম । অহঙ্কার অন্তায়, ইহা স্বীকার করি, কিন্তু এত লঘু পাপে এরূপ গুরুদণ্ডও অন্তায়, তাহার আর সন্দেহ নাই । এইরূপ বিতর্ক করিতে করিতে দেখিতে পাইলাম যে, আমার চতুর্দিকেই পাহাড়গুলা ঘাড় উঁচু করিয়া আমার দিকে কক্ষ দৃষ্টি করিতেছে । পরে বুঝিয়াছি যে, সেটা পাহাড়ের স্বভাব, আমার অন্ত বিশেষ করিয়া কিছু করে নাই । কিন্তু তাহা বলিলে কি হয়, দুঃখের দশায় মানুষের স্বভাবতই এইরূপ মনে হয় যে, সকলই বুঝি তাহাকে টিটকারী করিবার জন্ত চলা-ফেরা করিতেছে, তন্নিম্ন অন্ত কোন কর্মও তাহার নাই ।

দেওঘরে পৌঁছিলে তবে আমার দুঃখের অবসান হইল ; আবার সুখ হইল । সবার্ট সাহেবই হউন, প্রেশকমিশনারই হউন, আর

লাট সাংহেবই হইন, বোধ হয় কেহ আমার জন্ত তাকে খবর পাঠাইয়া থাকিবেন ; কারণ দেওঘরের প্রধান প্রধান কর্মচারী— ডেপুটী মেজস্টর, ডাক্তার, স্কুলের মাষ্টার প্রভৃতি—এবং যে সকল বাঙ্গালী সেখানে ভ্রমণ বা আবহাওয়া পরিবর্তন করিতে আসিয়াছেন, সকলেই খুব ধুমধামের সহিত আমাকে অভ্যর্থনা করিলেন; এবং আমার সুখ-সচ্ছন্দতা সংসাধন বিষয়ে তৎপর হইলেন। বাস্তবিক যান্ত্রিক ব্যক্তির উপযুক্ত সমাদর করা সকলেরই কর্তব্য, বরং না করিলে প্রত্যবায় আছে। আমি এই সকল ব্যক্তির ব্যবহারে পরিতুষ্ট হইয়াছি। যদিও ইহারা কর্তব্য কার্য্য করিয়াছিলেন যদি, তথাপি ইহাদের প্রতি ক্রীতি প্রকাশ করিতে আমার দ্বিধা বোধ হইতেছে না।

দেওঘর অতি ক্ষুদ্র স্থান, কিন্তু দেখিলাম, এই হৃথের বাটীতেই এক তুফান হইতেছে। তাহার বিবরণটা লিখি।

দেওঘরে কিঞ্চিৎ শিবমূর্ত্তি আছে, কিঞ্চিৎ বলিবার তাৎপৰ্য্য এই যে, শিবমূর্ত্তি বড়জোর আট অঙ্গুলের বেশী উঁচু নহে। কিন্তু এই আট অঙ্গুল শিবের পসার হাইকোর্টের বড় বড় কৌশলী হইতে বেশী। শিবের মকেলদের কর্ম্মার্থী এবং যাত্রী বলে।

এখন গত ত্রীপঞ্চমীর সময়ে এখানে বিস্তর যাত্রী আসিয়াছিল ; চিরদিনই আসিয়া থাকে, এবারও আসিয়াছিল। তবে অস্তান্ত বৎসর থাকিবার স্থানের ভাবনা থাকে না, এবারে থাকিবার স্থান পায় নাই। সরকার বাহাদুর হুকুম দিয়াছেন যে, কাহার বাড়ীতে কত যাত্রী থাকিতে পাইবে, সরকার হইতে তাহার নিয়ম করিয়া দেওয়া হইবে। আর কষ্ট স্বীকার করিয়া এই নিয়ম করিতে হইবে বলিয়া বাড়ী-ওয়ালাদের কাছে কিছু কিছু দক্ষিণা পাইবেন বা লইবেন।

এইরূপ নিয়ম করা অতি সঙ্গতই বলিতে হইবে ; কারণ আইন-বিরুদ্ধ জনতা নিবারণ করা অবশ্য কর্তব্য। যাত্রীদের সকলেরই

উদ্দেশ্য এক, সুতরাং তাহাদের সংখ্যার প্রতি দৃষ্টি না রাখিলেই শাস্তি ভঙ্গ, এমন কি রাজবিপ্লব পর্যন্ত হওয়া অসম্ভব নয় । কয়জন লোক একত্রে থাকিতে পারিবে, ইহার নিয়ম করিয়া দিলে এ আশঙ্কার অনেকটা প্রতীকার হইতে পারে । মনে করুন, যেন একটা স্থানে ৬ জন লোক থাকিবার অনুমতি আছে ; একদল যাত্রীর মধ্যে একজন পিতামহী, একজন মাতামহী, দুই মাসী, এক পিস্তুতো ভগিনী, আর এক বোঁ, আর সেই বোঁয়ের কোলে আড়াই বৎসরের এক মেয়ে । এখন এই মেয়েটি নিয়মিত সংখ্যার উপর হওয়াতে তাহাকে স্থানান্তরে রাখিবার ব্যবস্থা করিয়া দিলেই এ দলের দ্বারা কোনও অনিষ্ট ঘটিবার সম্ভাবনা থাকিবে না । কারণ তাহার শিশুর চিন্তায় অন্ত-মনস্ক থাকিলেই রাজ্যের অনিষ্ট চেষ্টা করবার অবকাশ পাইবে না ।

হুঃখের বিষয় এই যে বৈদ্যনাথের রাজদ্রোহী লোকগণ এ নিয়মের বশীভূত হইতে স্বীকার করে নাই, এবং অনুমতি লইয়া বাসা দেওয়া দূরে থাকুক, অনুমতিও নয় নাই, বাসাও দেয় নাই । এখন শ্রীপঞ্চমীর সময়ে খুব দৃষ্টি হইয়াছিল, শীতও কিছু ভয়ানক গোছের হইয়াছিল । ছুটিপ্রকৃতি লোক সকল এই সুযোগ পাইয়া সরকার বাহাদুরের আইনের উল্লঙ্ঘন ও এ সম্বন্ধে উপস্থিত হইয়াছে এই বলিয়া তাহারা খবর, দরখাস্ত ইত্যাদি নানারকমে এক ছলছল আরম্ভ করিয়া দিল । ইহার রটনা করিয়া দিল যে, বিস্তর লোক শীত-রুষ্টিতে মারা গিয়াছে, সরকার বাহাদুর আইন করাতে এবং আশ্রয় না দেওয়াতে এইটী হইল । সরকারের পক্ষ হইতে ডেপুটী বাবু বলেন যে যাত্রীদের আশ্রয় দেওয়া হইয়াছিল এবং কেহই মরে নাই । এখন এই মরা না-মরার তদন্ত হইতেছে ; এ দিকে আইনেতে কতকটা অপরাধী বিবেচনা করিয়া সরকার বাহাদুর আইনকে আপাততঃ সম্পূর্ণ করিয়াছেন বলিয়া শোনা যাইতেছে ।

তদন্তের কল যাহাই হউক, আমার বিবেচনায় যাত্রী মরা না মরা সম্বন্ধে উভয় পক্ষের কথাই প্রকৃত । একজন লোকও যোল আনা মরে নাই, ইহা হইতে পারে, কিন্তু মনে করুন, পাঁচশ লোক যদি আদমরা হইয়া থাকে, তাহা হইলে আড়াইশ লোক মরিয়াছে বলিলে দোষ কি ? তবে আইনের দোষ কিছুতেই দেওয়া যাইতে পারে না, কারণ শীত-বৃষ্টি দৈবাধীন কাণ্ড, আইনের দ্বারা কিছু শীত-বৃষ্টির সৃষ্টি হয় নাই, বরং আইনের উদ্দেশ্য অনুসারে কাজ হইলে বরং শীত-বৃষ্টি নিবারণ হওয়াই উচিত ছিল ।

যাহাই হউক, আমার মতে বাসা দেওয়াও আইন জারী থাকাই উচিত, এবং অনুমতির দক্ষিণায় যে টাকা উঠিবে তাহাতে কলিকাতায় একজন পাদ্রি বাড়াইয়া দিলেও হইবে কিম্বা ফিরিঙ্গীদের জন্য একটা বেথরচা পড়িবার স্কুল করিয়া দিলেও চলবে ।

আপনি এই প্রস্তাবের পোষকতা করিলেই আমি সুখী হইব, ইহা শ্রীচরণে নিবেদন করিলাম ইতি ।

কাবুলের সংবাদদাতার পত্র । (৪)

শ্রীচরণকমলেষু—

সেবকশ্য দণ্ডবৎ প্রণামা নিবেদনঞ্চাদৌ প্রভুর শ্রীচরণানীর্বাণে এ ভৃত্যের ঐহিক পারত্রিক সকল মঙ্গল বিশেষ । পরে শ্রীচরণসমীপ হইতে বিদায় হইয়া আসিয়া নির্বিঘ্নে শ্রীযুক্ত প্রেসকমিশনের মহাশয়ের বাটীতে পৌঁছিলাম ।

দরজার অনেক ধাক্কা-ধাক্কির পর তাঁহার কী আসিয়া খুলিয়া দিল ; আমি তখন আনন্দ সাগরে নিমগ্ন হইয়া কণবিলম্বে শ্রীযুতের হস্তরোহাজির হইলাম । কী আঘাকে দেখাইয়া দিয়া কাপড় কাচিতে

গেল । আপনি না কি পুঙ্খানুপুঙ্খরূপে সকল কথাই লিখিতে আদেশ
করিয়াছিলেন, সেইজন্য এত বিস্তর ।

হাইড্রোকোবিয়ার রোগী জল দিলে যেমন আঁতকিয়া উঠে,
শ্রীযুক্ত- আমাকে দেখিয়া প্রথমতঃ সেইরূপ শশবাস্ত হইয়া উঠিয়া
ভাঁড়াইলেন : এবং আমি না বসা পর্যন্ত শিষ্টাচার প্রদর্শন করিতে
রহিলেন । তাহার পর আমাকে বসাইয়া দিয়া জিজ্ঞাসা করিলেন,
কি হেতু আগমন ?

তখন তদীয় উপহার জন্য যে মর্তমানছড়াটা লইয়া গিয়াছিলাম
তাহা দিয়া বলিলাম, হে জনবুলের গোরব, আমি কাবুলে যাইব ।
আমার অভিসন্ধি বুঝিবার জন্য শ্রীযুক্ত বলিলেন, এই যে কাবুলে
এত কারখানা করা যাইতেছে, ইহাতে তোমার মত কি ? আমি
বলিলাম,—চূড়ান্ত ।

শ্রীযুক্ত । পত্রপ্রেসকন্দের সহক্ষে যে নিদ্রম করা হইয়াছিল,
তাহাতে তোমার মত কি ?—সেই চূড়ান্ত !

শ্রীযুক্ত । লড লিটন সহক্ষে তোমার মত কি ?—চূড়ান্ত !

ভাজিয়া বলিতে আদেশ করিলে আমি নিবেদন করিলাম,—
কাবুলের কারখানা বিষয়ে লোকে বলে যে, গবর্ণমেন্ট অন্তায়
অর্থ ব্যয় করিতেছেন, বিশেষতঃ দুর্ভিক্ষনিবারণের টাকা দিয়া
যুদ্ধ করাটা ভাল হয় নাই । আমার মতে তাহা নহে । ভারতবাসী
নেমকহারাম ; কেবল টাকার কথাই বোঝে, আরে বাপু, আগে
অর্থাৎ ইংরেজের আমলের আগে চোর-ডাকাইতে সর্বস্ব লইত,
তখন ত খবরের কাগজে হাঙ্গামা কর নাই । টাকা কার ? টাকা ত
গবর্ণমেন্টের । তন্নিম্ন দুর্ভিক্ষনিবারণের টাকা দুর্ভিক্ষনিবারণের
কার্য্যেই ব্যয় হইতেছে । মধ্যে হইতে মাছের তেলে মাছ ভাজিয়া
লওয়ার মত একটা চৌহদ্দীর যদি পাকা বন্দোবস্ত হয়, তাহা হইলে

সুখের বিষয় বলিতে হইবে। দুর্ভিক্ষ নিবারণও বন্ধ নাই, কারণ এই দুঃস্থ শীতে যে সকল বেহারা ও কুলী, ও দেশীয় সৈন্ত ইহলোকে পরিত্যাগ করিতেছে—যুদ্ধে কেহ মরে নাই, মরিবে না, মরিলেও সে মরা, মরাই নয়—তাহাদের অভাব হেতু (কারণ যে মরে, তাহার সঙ্গে সঙ্গে পেট এবং মুখ নিশ্চিত মরে ; এবং সে আনিয়া টানিয়া যে বাচ্ছা-টাচ্ছাদের আহার যোগাইত তাহারাও মরে) চাঁউল এবং গোদুম অবশ্য শস্তা হইবে। তাহা হইলে বিলাতে রপ্তানি করিবার সুযোগ হইল। এ দিকে দুর্ভিক্ষও হইল না।

দ্বিতীয়তঃ, পত্রপ্রেসকদের সন্দেহে নিয়মগুলির ত কথাই নাই। যুদ্ধের সময়ে সত্য কথা প্রকাশ হইলে অনেক দোষ, তাহা আমি অবগত আছি। বাঙ্গালা সংবাদপত্রে লিখিলে ইংরেজীতে তাহার অনুবাদ হয়, সেই অনুবাদ ডাকে ইউরোপে যায় ; সেখানে ক্রমিয়ার চক্ষে পড়িলে ক্রমিয় ভাষায় তাহার তর্জমা হইতে পারে, সেই তর্জমা আসিয়ার মধ্যস্থলবর্তী ক্রমিয়ার কন্সচারার কাবুলের ভাষায় ব্যাখ্যা করিয়া অনায়াসে কাবুলীদিগকে জানাইতে পারে, তাহা হইলেই বিভ্রাট। বিশেষতঃ সত্য কথা কোনও সময়েই ভাল বস্তু নহে। আমি ত প্রাণান্তেও বলি না।

তৃতীয়তঃ, এই সমুদয় কাণ্ড বা অন্য কোন কাণ্ড সন্দেহই লর্ড লিটনের দোষ নাই এবং হইতে পারে না ; কারণ লর্ড লিটন এ সকলের বিদ্ববিসর্গ কিছুই জানেন না, ইহা আমি বিশ্বাস করি। কেনই বা তিনি এ সকল জানিয়া মাথা ধরাইতে যাইবেন। ভারতবর্ষে নানা জাতি, নানা ভাষা, নানা রকম আচার ব্যবহার। এ সকলের কিছুই লিটন বাহাজুরের জানিবার সম্ভাবনা নাই। সুতরাং তিনি এখানে আসিয়া যাহা করিবেন, বিলাতে বসিয়াও তাহা করিতে পারিতেন, এ সহজ কথা যে পরকাল বোঝে না, তাহার ইহকাল পরকাল

দু-ইনেষ্ট । গিটন বাহাদুর কবি, বড় লোকের ছেলে, সৌধীন, অই অভাগাদের দেখা দিয়া ভারতভূমি পবিত্র করিবার জন্ত কষ্টকে কষ্ট, দূরদেশকে দূরদেশ না মনে করিয়া, কালাপানি পার হইয়া, লাল-পানি গঞ্জবৎ করিয়া ত্রিপাস্তুর মাঠে আসিয়া উপস্থিত হইয়াছেন, ইহা কি আমি জানি না ?

আমি আরও বলিয়া যাইতেছিলাম, কিন্তু শ্রীযুক্ত বলিলেন— যথেষ্ট হইয়াছে, তোমার মত সারগ্রাহী লোক ভারতবর্ষে অল্প আছে, নহিলে, এত দুর্দশা কেন ?

তাহার পর আমি বলিলাম যে তবে অনুমতি দেন ত বিদায় হই, বেলা অনেক হইয়াছে, স্নানাহ্নিক করিতে ইইবে ।

সন্তুষ্ট হইয়া শ্রীযুক্ত আমাকে একখানি ছাড চিঠি, একখানি গলায় বুলাইবার তক্তি, এক যোড়া বুলু রঙের চসমা দিয়া বলিলেন, ইহা কদাচ ভুলিও না, কদাচ ফেলিও না । আমি বলিলাম, শয়নে, স্বপনে, জাগরণে, ধ্যানে, ভোজনে, পানে, ইত্যাদি এই আমার সঙ্গল, এই আমার কঙ্গল, এই আমার অঙ্গল ।

তথা হইতে গতকলা কাবুলে পৌঁছিয়াছি । এখানে অতিশয় শীত, নীলবর্ণের বরফ পড়িতেছে, এবং লোকগুলা নীল বাদরের মত দেখাইতেছে । রবার্ট সাহেব আমাকে খুব ভালবাসেন । অল্প সকানে কাহনটাক ফাঁসি আমাকে দেখাইয়া বলিলেন যে, এইগুলি তৈয়ারি করিয়া রাখিয়াছি ; গলা পাই, উত্তম ; না পাই তাহাতে কিছু ফাঁসির অপমান হইবে না ।

এই বলিয়া আমার হাতে ধরিয়া তাঁবুতে লইয়া গেলেন । সেখানে দেখি, সাহেবদের খোরাক ফুরাইয়াছে ; অন্য খোরাক না আসা পর্যন্ত ছোলার বন্দোবস্ত করিয়া দেওয়া হইয়াছে । তাহাতে সাহেবদের কষ্ট হইতেছে । বাজে অর্থাৎ দেশী লোকদের নিমিত্ত ছোলায় কুলায়

নু বনিয়া অন্য প্রকার ব্যবস্থা হইয়াছে ; তাহাদের এক প্রকার বর্দ্ধান্ত আছে বনিয়া কেহই স্বিকৃতি করিতেছে না ।

এখানকার আর আর সমস্ত মঙ্গল । লড়াই যেপ্রকার হই-
তেছে ; কল্য তাহা সবিশেষ লিখিব ।

শ্রীচরণে নিবেদন ইতি ।

বিচারসংক্রান্ত কথা ।

ভারতবর্ষে বিচারের দোকান আছে ; এই সকল দোকানের প্রচলিত নাম আদালত । যে যেমন খরিদদার অর্থাৎ যে যেমন দর দেয়, সে তেমনি আদালত পায় । সেই জন্ত আদালতের শ্রেণীবিভাগ আছে ।

যাহার যৎসামান্য পুঁজি, অল্প গোল্লেই যাহার সর্বনাশ হয়, সে-ই অতি অল্প বিচার পায় ; যাহা পায় তাহারও এত দাম পড়ে যে, আসল গণ্ডা কিছুতেই পোষায় না ।

বিচারের মহাজন রাজা ; যাহাদের জিম্মায় বিচারের দোকান আছে, তাহাদের সম্বন্ধে রাজা এই নিয়ম করিয়া দিয়াছেন যে, যেখানে বিচারের কাটুতি বেশী সেইখানেই দোকানদারের যোগ্যতা অল্প, মজুরী অল্প ; কোঁক অধিক । তাহাদের সুখের মধ্যে মাল-বিক্রয় দেখাইতে পারিলেই, আর কোন বিষ নাই । সেই জন্ত তাহাদের মধ্যে যাহারা কার্যদক্ষ তাহারা একধার হইতে বিচার মাপিয়া যায়, তাহাতে যাহার ভাগ্যে যত পড়ুক, বিচার মাপিয়া দেওয়ার নাম ফয়সল করা ।

বিচারে পক্ষপাতের নিষেধ আছে ; সেই জন্ত যাহার যেমন পয়সা খরচ এবং যোগাড়, তাহার তেমনি সুবিধা । যে সকল উপায় অব-

লক্ষন করিলে ওজন স্থান্ন হইতে পারে, সেই সকল উপায় বাদ দিবার ব্যবস্থা আছে । সে ব্যবস্থার নাম প্রমাণবিষয়ক আইন ।

যাহারা খুব বড় বিচারপতি, তাহারা ছোট বিচারের কেহ নহেন, ছোট অবিচারেরও কেহ নহেন ।

সুন্দ্র বিচারক নানা রকম আছে ; কিন্তু অধিকাংশই অপদার্থ ; ইহারা ভাবিয়াই আকুল । কার্যকুশল বিচারক দুই চারি জন আছে ; ইহাদের একটীর নমুনা অঙ্কিত করা যাইতেছে—

• “আমাদের বিচক্ষণ মুন্সেফ বাবু.

বিজ্ঞানশিক্ষা সাক্ষ করিবার পর এবং মুন্সেফি পদ পাইবার আগে, আমাদের বিচক্ষণ বাবু ওকালতীর চেষ্টা করিয়াছিলেন । ছয় মাসে নগদ সাত সিকা তাঁহার উপার্জন হইয়াছিল, অথচ সেই ছয় মাসের মধ্যেই অন্ত উকীলে মাসে মাসে হাজার টাকা পাইতেছে, বিচক্ষণ বাবু স্বচক্ষে ইহা দেখিয়াছিলেন । সেই অবধি উকীল জাতির উপর বিচক্ষণ বাবুর বিলক্ষণ ঘৃণা, উকীল দেখিলেই ইহার কম্পজ্বরের জ্বালা অনুভব করিতে হয় । এখন যে ইনি পাকা হাকিম, যোল আনা হজুর, তবু উকীল আসিলে বিচারাসন টলমল করিতে থাকে ।

বিচক্ষণ বাবু ফয়সলে মূর্তিমান । যে মকদ্দমার বাদী প্রতিবাদী, সাক্ষী সাবুদু উপস্থিত, তাহার দিন পরিবর্তন করিয়া দেন ; কিরাইয়া কিরাইয়া যে পর্য্যন্ত অনুপস্থিতি, অভাব বা ক্রটি না ঘটে, সে পর্য্যন্ত তাঁহার বিচার প্রত্যাশা করিবার অধিকার কাহারও নাই । সে অবস্থা ঘটিলেই সঙ্গে সঙ্গে স্থান্ন বিচারের সরু ধারে দাঁড়ি কাটিয়া, বিচক্ষণ বাবু কার্যদক্ষতার পরিচয় দিয়া থাকেন ।

বিচক্ষণ বাবুর বিশ্বাস যে, বিজ্ঞায় তিনি অদ্বিতীয়, বুদ্ধিতে বৃহস্পতির অগ্রজ ; দৃঢ়সঙ্কল্প তাঁহার ভ্রূণ ; কিন্তু হৃৎকের বিষয় এই

যে, লোকে ইহা না বুঝিয়া তাঁহার এই গুণকে গুণের গো বুলিয়া ব্যাখ্যা করে ।

বিচক্ষণ বাবুর বিলক্ষণ উন্নতি ; কারণ, এ হাতে এমনি ব্যাপারীই দরকারি ।

• রাজস্বসভার বিশেষ অধিবেশন ।

উপস্থিত .—গ্রহাধিপাত মার্গে—সভাপতি ।

অষ্টগ্রহ গলগ্রহ—সভাগণ ।

অতিরিক্ত মান্তবর পঞ্চানন্দ—

ধুমকেতুঃ ।

তদনন্তর মান্তবর পঞ্চানন্দ, “কর-সংগ্রহের সঙ্গুপায়” বিষয়ক ব্যবস্থায় পাণ্ডুলেখ্য উপস্থাপিত কারবার অনুমতি পাইবার জন্য গা তুললেন । তিনি বলিলেন যে, ভারতবর্ষ ব্রাহ্মণশাসিত দেশ ; এখন যে এত হোটেল হইয়াছে, এত সা কোম্পানী একসায় একসায় করিয়া তুলিয়াছে, তথাপি একথা বলা যায় না যে, মূল হিন্দুয়ানির কোনও রকম ব্যাঘাত হইয়াছে । মূল কথা এই যে, হিন্দুধর্ম ইস্পাতের মত,—ঢালো, পেটো, যাহা ইচ্ছা করিয়া লও, আদত জিনিস বজায় থাকিবেই থাকিবে । অনেকের মুখে মান্তবর সভাগণ গুলিয়া থাকিবেন যে, পাশ্চাত্য সভ্যতা ও পাশ্চাত্য ধর্মের সহিত ভারতবর্ষের সভ্যতা এবং ভারতবর্ষের ধর্মের সংঘর্ষণ হইয়া এক তুমুল কাণ্ড উপস্থিত হইয়াছে । তিনি (মান্তবর পঞ্চানন্দ) স্বীকার করিতে প্রস্তুত আছেন যে, তুমুল কাণ্ড হইয়াছে, তিনি ইহাও স্বীকার করিতে বিমুখ নহেন যে, এক বিকট সংঘর্ষণ হইয়াছে ! কিন্তু তিনি জিজ্ঞাসা করেন, সে সংঘর্ষণের ফল কি ? হিন্দুর ধর্ম

তিনি ইস্পাতের সহিত তুলনা করিয়াছেন, এখানেও নে উপমা খাণ্ডিতেছে—ঘর্ষনে ইস্পাতের চাক্চিক্য বাড়িয়াছে, ধার বাড়িয়াছে, অতএব যিনিই যত করুন, হিন্দুর মনে হিন্দুর ধর্মের যে এক অপূর্ণ ডাঢ়িমা আছে, তাহা কিছুতেই বিনুপ্ত হইবার নহে।

যদি তাহা হইল, তিনি (মানুসবর পঞ্চানন্দ) এই ব্রাহ্মণপ্রাধান্তের একটা ফলের প্রতি, মানুসবর সভ্যগণের বিশেষ মনোযোগ আকর্ষণ করিতে যাচ্ঞা করেন। সে ফল এই যে, কড়তু থাকিলেই কুড়েমির টানটা স্বভাবতই বেশী বেশী হইয়া ওঠে; কুড়েমি হইলেই বিনাশ্রমে বাবুগিরি করিবার প্রবৃত্তিটাও আপনা-আপনি আসিয়া উপস্থিত হয়। সেই প্রবৃত্তির বলে ব্রাহ্মণদিগের এত ব্রহ্মোত্তর জমী। মানুসবর সভ্যগণ অবগত থাকিতে পারেন যে, ব্রহ্মোত্তর জমীর জন্ত কাহাকেও সিকি পয়সা কর দিতে হয় না, এবং এই কুড়োত্তর ফলে, যাহাদের ব্রহ্মোত্তর নাই, তাহারাও কোনও না-কোনও প্রকারে, নিজের ভূমির মালিক হইবার চেষ্টা করে, বা উপায় বিধান করে। তিনি (মানুসবর পঞ্চানন্দ) যে কথার প্রতি মনোযোগ আকর্ষণ করিতেছিলেন, তাহা এই;—নিজের দিকে ভারতবাসীর অতিশয় টান। জর-বিকারের রোগীর জলটানের মত ইহা অস্বাভাবিক এবং দুঃস্থ হইলেও ইহার দমন করা দুঃসাধ্য। কিন্তু বিজ্ঞ চিকিৎসক এ প্রকার অবস্থায় কি উপায় অবলম্বন করিয়া থাকেন? কেন, তিনি পিপাসা শান্তি হয়, সঙ্গে সঙ্গে রোগের প্রতীকারও হয়, এইরূপ শীতল সেব্য শীতলগুণ-বিশিষ্ট ঔষধই প্রয়োগ করিয়া থাকেন।

অতএব ভারতবাসী যখন কর দিতে কাতর, অথচ পঞ্চাশত্রে কর না পাইলে রাজত্ব করা না-করা তুল্য, তখন করসংগ্রহ বিষয়ে উপরি-উক্ত বিজ্ঞ চিকিৎসকের পন্থা অবলম্বন করাই যে শ্রেয়ঃকল্প, ইহা কোন

রাজসভার বিশেষ আবেদন ।

১

মানুষের সভ্য অস্বীকার করিবেন? ভারতবর্ষে সাধারণ করে প্রবর্তনা না করিয়া পাকত যাহাতে কার্যোদ্ধার হয়, তাহাই করা যে যুক্তিসঙ্গত, তদ্বিষয়ে কে না একমত হইবেন?

এই তত্ত্ব কথার প্রতি আস্থা প্রদর্শন না করা গতিকেই, এ পর্যন্ত ভারতবর্ষে যত কর বসান বা চালান হইয়াছে, তাহার প্রত্যেককেই এবং সকলগুলিতেই অসন্তোষ, এবং ফুঁকিয়ে ক্রন্দন করা পর্যন্ত পরিমাণে উদ্ভূত হইয়াছে, ইহা অবিসংহারিত সত্য। তিনি (মানুষের পঞ্চানন্দ) একজন নম্র স্বভাবের পরামর্শদাতা, সামান্য উপগ্রহ হইলেও অণু কর-সংগ্রহের এক সূক্ষ্ম উপন্যস্ত করিতে মনঃস্থ করিয়াছেন। তাঁহার ভরসা আছে যে, তিনি এত কাল মনে মনে তোলপাড় করিয়া যে প্রসঙ্গের অবতারণা করিতে উদ্যত হইয়াছেন, মানুষের সভ্যগণ তাহার প্রতি অবহেলা করিবেন না, সম্যক্ বিচার না করিয়া তাহা তাকে তুলিয়া রাখিবেন না।

এই সকল অবস্থা বিবেচনা করিয়া তিনি প্রস্তাব করিতেছেন যে, “রাজনৈতিক আন্দোলন-ক.” নামে এক কর-সংগ্রহ বিষয়ে তিনি যে পাণ্ডুলেখা প্রস্তুত করিয়াছেন, তাহা এক নির্বাচিত সমিতিতে বিবেচিত এবং কৃতমস্তব্য হইবার জন্ত অর্পিত হউক। ষাঁহার রাজনৈতিক বিষয়-আশয়ের জন্ত সভা করেন, বক্তৃতা করেন, সময় নাই অসময় নাই, বৃহৎ বৃহৎ আবেদন করেন এবং স্থানান্তানের বিচার না করিয়া পাঠাইয়া দেন, তাঁহাদেরই জন্ত এই করে সৃষ্টি। ইহার সুবিধা এই যে, কোন ব্যক্তিবিশেষের বা সম্প্রদায়ের এক কর দিতে হইবে না—সভা সকল এই কর দিবে। যে সামান্য ব্যক্তি নিজ যৎসামান্য অথচ যথাসর্বস্ব ছুটের হাত হইতে উদ্ধার করিবার জন্ত রাজস্বারে দণ্ডায়মান হয়, সে কর দিয়া থাকে;—দেশের উপকারের জন্ত দুশটা বড় বড় লোক হাজার হাজার মধ্যবিত্ত লোকের সহিত

একত্র হইয়া কিছু ভিক্ষা করিলে, বা অপ্রাপ্য আদায় করিতে ইচ্ছা করিলে কর দিতে কুণ্ঠিত হইবে, একথা অগ্রাহ্য। বরং এই সকল সভা-আবেদনকারীর নিকট কর না লওয়াই পক্ষপাত জাজ্ঞনামান ; তাহার উপর মান্তবর সভ্যগণ যদি ভাবিয়া দেখেন যে, যাহার নিকট ইহা প্রার্থী, সে শঠ নয় বঞ্চক নয়—রাজ্যেশ্বর রাজা,—তাহা হইলে এই পক্ষপাতের আয়তন কিরূপ বিভীষণ হইয়া উঠে।

সামান্য বিচারপ্রার্থীর নিকট যে কর লওয়া যায়, তাহার উদ্দেশ্য এই যে, অমূলক অভিযোগ দ্বারা সমাজ উপপ্লুত না হয়। প্রসঙ্গা-ধীন প্রস্তাবে যাহার উপলক্ষে সমাজ ওতপ্রোত হইয়া যাইতেছে—সেই উদ্দেশ্য কি দক্ষগুণ বলের সহিত কার্য্য করিতেছে না ?

সর্বোপরি এই প্রকার কর সংস্থাপিত হইলে, বৃথা বাগাড়ম্বর দ্বারা কল্পিত অভাব প্রদর্শন করিয়া যে অসন্তোষের সূত্রপাত এবং পরি-পোষণ হইতেছে, তাহাও নিবারণিত হইবে। যদি বাঙ্গালা মুদ্রণের শাসন করা প্রয়োজনীয় বলিয়া সিদ্ধান্ত হইয়া থাকে—এবং মান্তবর সভ্যগণ অবগত আছেন যে, তাহা হইয়াছে—তাহা হইলে ইহার যে কেবল শাসন আবশ্যিক তাহা নহে, প্রত্যুত অনুমতিমূল্য ও আদায় করা আবশ্য কর্তব্য। তিনি (মান্তবর পঞ্চানন্দ) ইচ্ছা করেন যে, এই অবস্থা বিধিবদ্ধ হইলে, মুদ্রণশাসনের ব্যবস্থার এক অংশ স্বরূপ পঠিত হউক।

কাহাকে কি অবস্থায় কি নিয়মে কত পরিমাণে কর দিতে হইবে, পাণ্ডুলেখ্যে তাহার সবিস্তার উল্লেখ করা হইয়াছে। পরিশেষে তিনি (মান্তবর পঞ্চানন্দ) আশা করেন যে, এই কর সংস্থাপিত হইলে অন্ত লাইসেন, এমন কি, আবকারি-লাইসেন পর্য্যন্ত উঠাইয়া দেওয়া চলিবে, অথচ তাহাতে রাজকোষের সঙ্কোচ হইবে না।

শ্রীমান্ ভক্তবৃন্দ কল্যাণবরেষু ।

বৎসগণ, তোমরা নরলোক, অল্পেই ব্যাকুল হইয়া ওঠো। দেব-
চরিত্র বুদ্ধিতে পার না, দেবতার নীলা তোমাদের ক্ষুদ্র বুদ্ধির আয়ত্ত
নয়, সেই জন্য 'সবুরে মে ওদা কলে'—এই স্বর্গীয় বাক্যের সম্মান
ইহলোকে তোমরা রক্ষা করিতে পারো না। তবে আমার দুর্ঘটি ;
নহিলে এখানে সাধে-সাধে আবির্ভূত হইলাম কেন ?—সেই দুর্ঘটির
ফলভোগ স্বকপ তোমাদের কাছে আমিও কৈক্ষিয়ত দিতেছি।

আমি কিছুদিন অর্থাৎ তোমাদিগকে দেখা দিতে যে, এত শৈথিল্য
করিতেছি, তাহার অনেক কারণ আছে। যখন আমি প্রথম অব-
তাৰ্ণ হই, তখন আমার স্বর্গীয় বুদ্ধিতে এই ধারণা ছিল যে, নর-
লোকেও বুদ্ধি প্রকৃতি দেবলোকেরই মত। কিন্তু অল্পদিনেই বুদ্ধিতে
পারিলাম যে, দেবাচক্ষেও ভ্রমের স্থান হইয়া থাকে। অতএব নর-
লোক ভালো মত চিনিবার জন্য এতদিন যুরিয়া যুরিয়া বেড়াইতে-
ছিলাম, তাই এত বিলম্ব। দুঃখিত হইও না, বিলম্বে তোমাদের ক্ষতি
নাই, লাভই আছে। এতদিন কি দেখিলাম, এত বিলম্বে তোমাদের
কি লাভ, সবিশেষ জানাইতেছি, অবধান করো।

সাধারণত একটা কথা জানা গিয়াছে যে, এ পাপ পৃথিবীতে
অনেক পাষণ্ডের দোষে অনেক ভক্ত মারা পড়ে। তুমি আমার পরম
ভক্ত, সেবক ; যথা সময়ে ভক্তিপূর্বক ষোড়শোপচারে আমার পূজা
দিয়া, হা দেব, হা দেব, করিয়া আমাকে ডাকাডাকি করিতেছ ; এ দিকে
তখন আমি এক পাষণ্ডের ছলনায়, স্তোক-স্তবে আত্মবিস্মৃত হইয়া,
সেই পাষণ্ডের আড্ডায় হরিতানন্দ্রের আশ্রমে বসিয়া আছি।
তাহার দোষে তুমি ফাঁক পড়িলে ; শিরে করাঘাত করিয়া আমাকে
ভোলানাথ ভাবিয়া, মনে মনে গালি দিতে লাগিলে। বৎস, দোষ
আমার নহে, দোষ তোমাদের কপালের, আর দোষ এই দুষ্ট-

সংসর্গের। সকলে যদি স্ত্রীয়া সময়ে স্ত্রীয়া গণ্ডা ফেলিয়া দেয়, তাহা হইলে তোমাদিগকে কষ্ট পাইতে হয় না, আমাকেও কথা সহিতে হয় না। আমি ত করিবই, তোমরাও পাষণ্ড-দলনের চেষ্টায় বন্ধ-পরিষ্কার হও।

আর একটা সাধারণ কথা টের পাইয়াছি। নরলোক যে বানর লোকের সাক্ষৎ বংশধর, এটা অনেকেরই এখন বিশ্বাস হওয়াতে, ব্যবহারটা তদনুরূপ হইয়া উঠিয়াছে। তোমাদের মধ্যে যিনি কথক, তিনি উচ্চ কাষ্ঠাসনে তোমাদের অবোধগম্য কিচির-মিচিরে তোমাদিগকে উপদেশাদি দিয়া থাকেন, তোমরাও দাঁত দেখিয়াই পরম তুষ্ট লাভে হইতে এই দাঁড়াইয়াছে যে, আমাদের ভাষার অনেকটাও তোমাদের বুদ্ধির ও জ্ঞানের অতীত হইয়া পড়িয়াছে। প্রমাণ তোমাদের সাধারণী, তোমাদের সঞ্জীবনী। আর সাধারণীর কথা, আজি কাল তোমাদের বেদ। বৎসগণ, ভ্রান্তি পরিহার করো, ধৈর্য শিক্ষা করো. ব্যস্ত হইও না। তোমাদেরই পুরুষপুরুষেরা সাত শ বৎসর পাষণ্ডে বুক বাঁধিয়া ধৈর্য দেখাইয়া আসিতেছেন; তোমরা আর মাসেক জ্বাস পারিবে না? ধিক্ তোমাদিগকে!

সাধারণ কথা আর একটা বলিয়াই বিশেষ কথার অবতারণা করা যাইতেছে। যাহারা ভাবুক, তাহারা বুঝিতে পারিয়াছে যে, পঞ্চানন্দের উদ্দেশ্য সিদ্ধ হইয়াছে। বাস্তবিক বাঙ্গালা কথার ইজ্জত নাই, বাঙ্গালীর সময়জ্ঞান নাই, বঙ্গে প্রতিজ্ঞার দৃঢ়তা নাই, এই সকল তত্ত্বের প্রমাণ দেওয়াই পঞ্চানন্দের উদ্দেশ্য। তাহা সকল হইয়াছে। পঞ্চানন্দ সকলে আদর করিয়া পড়িতে চাহে না, পঞ্চ পড়ে, চারইয়ারি পড়ে, নীদরাগি করে,—কিন্তু বাঙ্গালা কথার তিনকূলে কেহ নাই, পঞ্চানন্দের আদর নাই। সুতরাং বাঙ্গালীর সময়জ্ঞান নাই, ইংলিসমানের নাম অগ্রিম সকলেই দেয়,

কিন্তু বঙ্গদর্শন, বাহুবের কথা কাহারও মনে থাকে না, কাজে কাজেই আষাঢ়ীয় দর্শন ভাদ্র মাসেও তাহা পড়িতে পারেন না । আর প্রতিজ্ঞায় যে দৃঢ়ত্ব নাই, তাহা বলিতে হইবে কেন ? যে দিন শ্বয়ং পঞ্চানন্দ প্রতিজ্ঞা করিয়াছিলেন যে, সময়ে সময়ে নিয়মিত-রূপে তিনি দেখা দিবেন, সেই দিনই লোকের দিব্য জ্ঞান হওয়া উচিত ছিল । বৎসগণ অদ্য হৃদয় রবে রোদন করিলে কি হইবে ?

যাহা হউক, বিশেষ কথা এখন বলা যাউক ; আমি এতদিন কি দেখিলাম, কি শুনিলাম, কি বুঝিলাম, একে একে সে সব বলা যাউক । তোমরা ফল ধরিয়া উপবিষ্ট হও ।

বিশেষ কথা ।

১। রাজদর্শন ।

যখন সংসার দেখিতে আমার বাসনা হইল, তখন উপর হইতে তলা পর্য্যন্ত দেখাই কর্তব্য বলিয়া সিদ্ধান্ত করিলাম । নরলোকে রাজা এবং রাজপদই সর্বোচ্চ জানিয়া আগে রাজদর্শনটাই উচিত বিবেচনা করিলাম ।

কিন্তু গোড়াতেই গোল বাধিল ;—ভারতে রাজা কে ? যাহাকে জিজ্ঞাসা করিতে যাই, সেই এত মহারাজ, রাজা, রাজ্যের খপর দেয়, যে ভাবনায় দেব-প্রীহাও চমকিয়া ওঠে । ভূমিশূন্য মহারাজ, হিন্দু বিধবা অপেক্ষা হীনতর, কারণ জীবনের কয়ৎকালের নিমিত্ত বেতন-ভোগী রাজা—এসব এত অধিক যে, আমি অন্ধকার দেখিতে লাগি-

লাম ; মনে হইল, তবে বুঝি ডু-ভারতে সত্য রাজা নাই, সমস্তই অরাজক ।

শেষে অনেক অনুসন্ধানের পর জানিতে পারিলাম যে, আমার ধারণাটা নিতান্ত অমূলক নয় ; এ মুনুকে আসল রাজা নাই, রাজ-প্রতিনিধি মাত্র আছে । তথাক্কা । আমি সেই প্রতিনিধি হইতেই আরম্ভ করিয়া দিলাম ।

প্রতিনিধি দেখিতে কলিকাতায় গেলাম । প্রকাণ্ড অটালিকা, ততোধিক প্রকাণ্ড ফটক, যেন ই করিয়া জগৎ সংসার গ্রাস করিতে উদ্যত ; তার সেই ফটকে ব্রহ্মসম্বন্ধিত যমদূত-রূপে প্রহরী ! দেখিয়া একটু ভয় হইল, ভাবনাও হইল । এ প্রহরী কেন ? তবে কি রাজার-প্রজার মৈত্র্যভাব নাই ?

সাহস করিয়া প্রহরী পুরুষের সম্মুখবর্তী হইলাম, সেই প্রান্তর-প্রতিম প্রাঙ্গণে প্রবেশ করিতে উদ্যত হইলাম । প্রহরী বোধ হয় কোন আত্মীয়ের প্রতীক্ষা করিতেছিল, আমাকে তদবস্থ দেখিয়া শঙ্কর-কুল-সম্ভূত কুঁটুপ বিখাসে সম্বোধন করিল । আমি অবাক ! প্রহরী নিজের ভ্রম বুঝিতে পারিল, স্বীয় দক্ষিণ হস্ত আমার গলদেশে সুবিম্বস্ত করিয়া ভক্তিভাবে 'যাও' বলিয়া আমাকে বহির্দেশের পথ দেখাইয়া দিল । আমি ভাবগতিক না বুঝিতে পারিয়া, তাহার ব্যবহারে পরিতুষ্ট হইয়া প্রবেশবাধা পরিত্যাগ করিলাম । 'পরে জানিতে পারিয়াছি যে প্রতিনিধি তৎকালে তথায় উপস্থিত ছিলেন না' । প্রহরীর চিত্তটা খুব ভক্তিশীল বটে ! কিন্তু নীচ প্রবৃত্তি অবলম্বন করিতে তাহার হস্ত কিঞ্চিৎ কঠোরতা প্রাপ্ত হইয়াছে ! তাহার জন্ত আমার গুংথ হইল ।

যাহা হউক, একবার সেই প্রকাণ্ড অটালিকা কাণ্ডের চতুর্দিক নিরীক্ষণ করা আবশ্যিক বোধ হওয়াতে দেখা গেল যে, আলয়ের, বাস-

যোগ্যতা যত হউক, না হউক, বংশবাহন্য কিঞ্চিৎ ভীতিজনক ! সরল, সক্ষম, স্বল্প, স্বল্প, প্রভৃতি বিবিধ প্রকার বাঁশ প্রতিনিধিকে নিয়ত যেন—

“মনে কর, শেষের সে দিন ভয়ঙ্কর” স্মরণ করাইয়া দিবার জন্য নিয়ত বিরাজ করিতেছে । প্রতিনিধি বড় সুখের চাকরি বলিয়া আমার বোধ হইল না ।

বুঝিয়া-সুঝিয়া স্থির করিলাম যে, এমন অসুখী প্রতিনিধির সঙ্গে দেখা না করাই ভাল । জিজ্ঞাসাবাদে টের পাইয়াছি যে, প্রতিনিধির ভাবনা চিন্তা ত আছেই, তাহার উপর তিনি দশচক্রে নিপতিত পুতুল, নিজে হাত-পা নাড়িয়া কাজ করিবার ক্ষমতা তাঁহার নাই, আর নিরেট অজ্ঞতা নিবন্ধন মুগ্ধফোড় হইয়া কিছু করিতে তাঁহার প্রবৃত্তিও হয় না । যাহার পরমাণু পাঁচ বৎসর মাত্র, সে বেচারা করিবে কি ? দেখিতে দেখিতে, হৃদয়ের তরঙ্গ উঠিতে না-উঠিতে, তাঁহার হিন্দু রমণীর বাল্য-বৈধব্য উপস্থিত হয় ।

অতএব এখন প্রতিনিধির সঙ্গে আমার আলাপ করাই হইল না ।

ADDRESS TO THE JURY.

অর্থাৎ

জুরি সম্বোধন ।

জুরিমহাশয়গণ,

একটা লোক গুরুত্বর অপরাধ করিয়াছে কি না, এই কথার বিচার করিয়া সিদ্ধান্ত করিবার জন্য আপনারা এখানে আসিয়াছেন । আপনাদের বিচার জোরে কিম্বা বুদ্ধির কেরে যে, এই সিদ্ধান্ত করিতে

হইবে, তাহা নয় ; জজ সাহেব আইন বুঝাইয়া দিবেন, সাক্ষীরা ঘটনার কথা বলিবে, উকীলেরা সাক্ষীদের পেটের কথা টানিয়া বাহির করিবেন, কি সম্ভব কি অসম্ভব তাহা প্রাণপণ করিয়া দেখাইয়া দিবেন, তারপর আপনারা বলিবেন, ইহা এ লোকটা দোষী বটে, কিহা বলিবেন, না এ দোষী নয়।

কাজটা সহজ, কিন্তু যত সহজ মনে করিয়া, জুরিপতি মহাশয়! এই আদালতের কড়ি-বরগাগুলি বারংবার গণনা করিতে আপনার গোটা মনটা সংলগ্ন করিয়াছেন, তত সহজ নহে। অনুগ্রহ করিয়া আমার কথা কয়টা শুনুন, একবার আমা পানে চাহিয়া দেখুন।

আইনকর্তারা স্পষ্টাক্ষরে লিখিয়া দিয়াছেন যে, আপনাদিগকে ডাকিয়া, আপনাদের অভিপ্রায় জানিয়া তবে জজ সাহেব এক ব্যক্তিকে দোষী বা নির্দোষ ঠিক করিবেন। আইনে লেখা আছে বলিয়াই জজ সাহেব আপনাদিগকে ডাকিয়াছেন। আর, আপনারা না কি দেশের অবস্থা জানেন, লোকের ব্যবহার জানেন, কেন লোকে মিথ্যা বলে, কি হইলেই বা সত্য বলে, এ সকল জানেন ; সেই জন্তই আইনকর্তারা বলিয়াছেন যে, অপরাধের বিচার করিতে আপনাদের থাকা চাই।

তা, জুরিমহাশয়! টানা পাথর বাতাস ঠাণ্ডা লাগে কি না, গিষ্ঠ লাগে কি না, এ বাতাস গায়ে লাগাইয়া চক্ষু বুজিয়া থাকিলে ধুম আসে কি না, ইহা দেখিবার জন্ত ত আপনাকে এখানে আনা হয় নাই ; তবে কোন্ বিবেচনায়, ও জুরিমহাশয়!—জুরিমহাশয়! বলুন দেখি, তবে কোন্ বিবেচনায় চক্ষুলজ্জার মাথা খাইয়া আপনি নাসিকা-ধ্বনি করিতেছেন ?

সাক্ষীরা বলিয়াছে যে, আসামী করিয়াদীর গায়ে দলাদলি আছে। এদেশে, দলাদলি থাকিলে এক দলের লোক অন্য দলের লোককে

কল্প করিবার জন্য লুকা বারণ, অপিত বন্ধ, কুৎসা রটনা, মিথ্যা প্রবঞ্চনা, মারামারি—কত কি যে করে, তা আপনারা জানেন। এই মোকদ্দমায় সাক্ষীদের কথা শুনিয়া, সেই দলাদলির ব্যাপারটা মনে করিয়া, আপনাদিগকে স্থির করিতে হইবে যে, আসামী সত্য সত্যই দোষ করিয়াছে, না কি সেই দলাদলির দরুণ, মিছামিছি ইহার নাম করিয়া দিয়া সাক্ষীর আপন দলের বাহাত্তরী বজায় রাখিতে আসিয়াছে ?

না জুরিমহাশয় ! আপনি যদি দাদার বোলে মোর বোল, জুরীপতির যে অভিপ্রায় হইবে, আমি তাহাতেই সায় দিব, কিহা জজ সাহেব যে দিকে চলাইয়া দিবেন আমি সেই দিকে চলিব, এইরূপ মনে করিয়া ঘরকন্নার কথা ভাবেন, আমার কথায় মন না দেন, তাহা হইলে চলিবে না। আপনাদের প্রত্যেককে নিজের মত স্থির করিতে হইবে। সত্বে মতন বসিয়া থাকিবাব জন্য আপনি এখানে আইসেন নাই, আদালতে তামাসা দেখিবার জন্যও আইসেন নাই। কোথায় কে ঠাঁচিল, ঐ লোকটা কেন হাসি উঠিল, বাহিরে ঠক ঠক করিয়া কিসের শব্দ হইতেছে—এ সব কথা মনে করিলে চলিবে না। এ মোকদ্দমাটা হইয়া যাউক, তাহার পর দশ দিন উপরি উপরি আদালতে আসিয়া আপনি মজা দেখিয়া যাইবেন, আমি তাহাতে কিছুই বলিব না। কিন্তু আজি অমন ঠাঁ করিয়া থাকিলে আমি মার যাই। একটা লোকের ধন, প্রাণ মানব কথায় অমন করিয়া তুড়ি দিয়া হাই তুলিলে অধর্ম হয়। অধর্ম ক্রমকে বলে তাহা ত জানেন ?

প্রথমতঃ, যখন আসামীকে মেজেষ্টরের কাছে ধরিয়া আনা হয়, তখন সে কবুল করিয়াছিল, এখন বলিতেছে যে, পুলিশের মারের চোটে সে কবুল করিয়াছিল, কিন্তু দোহাই ধর্ম, সে এ পাপে ছিল না। একবার কবুল করিয়াছিল বলিয়াই যদি নিশ্চিত

হইতে পারিতেন, তাহা হইলে সে কাজে আপনাদিগকে এখানে না অনিলেও কতি হইত না ; তবু যে আপনাদিগকে বসাইয়া রাখা হইয়াছে, তাহাতেই বুঝিতে পারিবেন যে, একবার করিলেই সব গোল চুকিয়া যায় না ।

একটা ঘটনা হইলে তাহার কিনারা করিতে না পারিলে পুলিশের বদনাম হয়, তাহা আপনারা জানেন ; কাজে কাজেই এক প্রকার দায়গ্রস্ত হইয়া কখনও কখনও পুলিশ যে হাড়কাঠে যেটা সেটা একটাকে টানিয়া কেলিবার চেষ্টা করে ইহা অসম্ভব নয় ; আর সে রকমে টানিয়া ফেলিতে হইলেই, হয় দুটো ফাঁকি ফুঁকি দিয়া ভুলাইতে হইবে, নয় সেখানে মস্ত তস্ত ছিটা ফোটায়া কাজ না হইল, সেখানে গুঁতো গাঁতাটা বসাইতে হইবে । এখন আপনাদিগকে বলিতে হইবে যে, এ লোকটার একবার কি গুঁতোয় দরুন, না কি লোকটা বড় ধার্মিক, পাপ করিয়া আর স্থির থাকিতে পারে নাই, সব বলিয়া ফেলিয়াছে, সেই দরুন ?

বেলা যাইতেছে, তাহা আমি জানি ; এই তিন দিন আপনার দোকান বন্ধ, আর আপনার তাঁত কামাই, তাহাও আমি জানি । কিন্তু যখন আসিয়াছেন, হালকা করিয়া বিচার করিতে বসিয়াছেন, তখন বিরক্ত হইলে চলিবে কেন ? হালকের অর্থ আপনি জানেন না ; লেখা-পড়ার মধ্যে আপনি ঢেরা সহী করিয়া দুইখানি ভমঃসুক লিখিয়া দিয়াছিলেন, এ সকল কথা আমি জানিলেই বা কি হইবে ? এখন যে আপনারা বিচারক ; যেমন করিয়াই হউক, আপনাদিগকে বিচার করিতেই হইবে । আমি ব্রাহ্মণ, লেখা-পড়া জানি, বড় লোক;—ষথার্থ ; আমি আপনাকে আপনি আপনি বলিলে আপনার মন ধড় ফড় করে, প্রাণে কষ্ট হয়, তাহাও জানি । কিন্তু আপনি এখানে দোনা ময়রা নহেন, আপনিও গুপে মুদৌ নহেন, এখন আপনাদের আদনকে

আমিও সম্মান করিতে পারি, তাহাতে দোষ হয় না। আপনারা বোকা, মুর্থ, কাণ্ডজ্ঞানরহিত হইলেও এখন দণ্ডমুণ্ডের কর্তা। অতএব যথাসাধ্য আমার কথা কয়টা শুনিয়া, মন দিয়া বুঝিয়া, আপনারা সকলে বনুন, এ ব্যক্তি দোষী কি নির্দোষ? ভাবিয়া চিন্তিয়া বলিলেই আপনারা ধর্ম্মে খালাশ; তাহাতে যদি অবিচার হয়, সে পাপের ফল ভুগিবেন—যিনি আপনাদের ডাকেন, তিনি।

না, আপনাদের কাছে বকাবকি করা, কেবল বকমারি। আপনাদের কর্ম্মভোগ, তাই এখানে আসিতে হয়; আর, আমারও পোড়া কপাল, তাই কথা কহিতে হয়। অমি ক্ষান্ত হইলাম, আপনারাও বাড়ী যান।

শিবপুরের ব্যাপার ।

“দোষ কারুর নয় গো মা,

আমি স্বখাদ সলিলে ডুবে মরি শ্রামা”!

১। ওকালতিতে আর সুখ নাই, হুবেলা হুমুটো অন্ন যোটা ভার হইয়াছে, চাকরির উমেদার এত বেশী যে, একটা কর্ম্মের শুধু প্রত্যাশাতেই তিন পুরুষ কাটাইয়া দেওয়া যায়, ঘরে ঘরে ব্যারাম হইতেছে বটে, কিন্তু চিকিৎসক পায়ে পায়ে। এই সকল দেখিয়া শুনিয়া, প্রাণের মায়ায় মুগ্ধ হইয়া কতকগুলি ভদ্রসন্তান শিবপুরের কালেজ কারখানার মিস্ত্রীর কাজ শিখিতে গিয়াছে; চাকরি যোটে, উত্তম, না যোটে, গতর খাটিয়ে দেহযাত্রা নির্বাহ হইতে পারিবে, ভদ্রসন্তানদের এই আশ্বাস! কিন্তু কপাল এমনি যে, কাজ শিখিতে গিয়া বেচারাদের দুর্গতির আর বাকী রহিল না; জেলের কয়েদীও খাইতে শুইতে স্থান পায়, কুলী

মজুরও উহারই মধ্যে একটু স্বাধীনভাবে আপনার শরীরের ভাব, মনের গতি বুঝিয়া চলিতে পায় ! কিন্তু এই ভালমানুষের ছেলেদের কষ্টের আর পরিসীমা ছিল না । বাস করিতে হইবে, তা এমনি ঘর যে, “ডিঃ ঞ্চু” সঙ্কে না লইলে প্রবেশ করিবার যো নাই, রাঁধিয়া বাড়িয়া পোড়া পেটে চারিটি দিতে হইবে, তা উনন পাতিবার স্থান নাই, কোদাল ধরিয়া অষ্টাঙ্গ ঘামাইয়া একটু খেলা-ধুলার জায়গা করিবে, তা সেই দিকেই, তার উপর দিয়াই বোঝাই গাড়ি যাইবার হুকুম হইবে ; স্নান-পানের জল লইবে, তা কিরিঙ্গি ছেলেরা ঘাটে নামিতে দিবে না ।

বড় কষ্টের সময়ও লোকে অন্তমনস্ক হইয়া একটু গামোদের কাজ করে ; পুত্রশোকবিহ্বলা রমণী কাঁদিতে কাঁদিতে একটা তুণ কাটনা কাঁচ খণ্ড করে ; সে এক প্রকার আমোদ বৈ কি ? শ্রীশচন্দ্র ভদ্রসন্ত... এ দুঃখের সময়ে আনমনে একটু আমোদ করিতে গেল; কারখানার একখানা ছেনির কল নাড়া চাড়া করিতে লাগিল । একে অন্ত-মনস্ক, তায় কপাল-মন্দ, শ্রীশচন্দ্রের হাতে সেই ছেনিটা ভাঙ্গিয়া গেল ।

ফল কি হইল, সকলেই জানে । কারখানার ছোট কর্তা ফোরেকস সাহেব ভদ্রলোকের ছেলের ঘাড়ে ধরিয়া ধাক্কাধাক্কি, বেঞ্চের উপর ষষ্টিতাড়না, এক মহাব্যাপার আরম্ভ করিয়া দিলেন । মানুষে কত সময় বলো ? সমস্ত ভদ্রসন্তান যুটিয়া একপরামর্শ হইয়া শিক্ষা-বিভাগের সর্কেষসর্কা সাহেব বাহাদুরের কাছে দরখাস্ত করিল; কাঁদিয়া জানাইল যে, এ অপমান, এত অত্যাচার ভদ্রলোকের প্রাণে কিছুতেই সহ হয় না । কোরেকস সাহেবকে না তাড়াইলে ভদ্রসন্তান আর মান লইয়া, আস্ত হাড় রাগিয়া আর তিষ্ঠিতে পারে না ।

বাস্তবিক, এত দুঃখ সংসারে কাহারও হয় নাই ; ভদ্রসন্তানের

উপর এত অত্যাচার কুত্রাপি হয় নাই । দরখাস্ত করা অতি চমৎকার কাজ হইয়াছিল ।

* * *

২। ছেলে-পিলে পড়িতে আইসে, শিখিতে আইসে । তাহার। যদি বাবু হয়, উদ্ধত হয়, উচ্ছ্বল হয়, তাহা হইলে তাহাদেরই পরকাল নষ্ট । শিক্ষার স্থানে পদগৌরব, বংশগৌরব, মান-মর্যাদার কথা লইয়া ব্যস্ত থাকিতে গেলে, শিক্ষা ত হয়ই না, শিক্ষকের পক্ষে আপন মান বাঁচাইয়া চলা ভার হয় ।

শিবপুরে যাহারা শিখিতে গিয়াছিল, তাহার। গরবেই অধীর— আমরা ভদ্রসন্তান । আপনি ভদ্র কি না সেদিকে দৃষ্টি নাই, শুধুই ভদ্রসন্তান । তা ভদ্রসন্তান হইলেই কি রান্নাঘরে আস্তাকুড় করিতে হয় ? সাহেব কিরিন্দ্রির ছেলেরা কি খায়, কেমন শোয়, দিবা রাত্রি তাই ভাবিতে হয় ? আর শেখা গেল, পড়া গেল, কেবল তাদের হিঁসাই করিতে হয় ? তাহার উপর ভদ্রসন্তান হইলেই কি আপন কাজ ফেলিয়া, যেখানে সেখানে গিয়া, কল ভাঙ্গিয়া, জিনিস পত্র নষ্ট করিয়া অশিষ্টতা, অবাধ্যতা দেখাইতে হয় ? শিক্ষার মূল গুরুভক্তি, তা গেল চুলোয় । কেবল বাবুয়ানা হইল না, শিক্ষক কেন রুদ্ধ কথা বলিল, কিছা গায়ে হাত তুলিল, কেবল এই জপ তপ ধ্যান জ্ঞান । এমন ছেলেদের কি বিদ্যা হয় ? অত বড়মানুষ, অত ভদ্রলোকের ছেলে বলিয়া গুমর করিতে গেলে এখানে চলে না । এমন অশাস্ত দুর্দাস্ত ছেলেদের ঘাড়ে ধরিয়া বাহির করিয়া দেওয়াই উচিত । ফোরেকস সাহেব রীতিমত কাজ করিয়াছিলেন । তাঁহার কর্তব্যনিষ্ঠা এবং দৃঢ়মতির প্রশংসা করা উচিত ।

* * *

৩। এই কাণ্ডে যদি কাহারও কষ্ট হইয়া থাকে, কি অপমান

হইয়া থাকে, তাহা হইলে একা ত্রিশচন্দ্রেরই হইয়াছিল . . . কিন্তু সব
 ছেলে যোট পাট করিয়া—এ শিক্ষক থাকিলে শিখিব না, এ দোষের
 প্রায়শ্চিত্ত না হইলে কারখানায় থাকিব না—এ সব কোন্ দেশী কথা ?
 বিদ্যালয় ত গুরুমারা বিচার জন্ত হয় নাই । কিসে মান, কিসে অপমান,
 কি ভালো, কি মন্দ, এই সমস্ত শিখাইবার জন্তই হইয়াছে । ছেলেরা
 যদি এত লায়েকই হইয়া থাকে, কর্তার উপর কর্তৃত্ব করিবার কি
 কলম চালাইবার অধিকারই । যদি তাহাদের জন্মিয়া থাকে, তবে আর
 বিদ্যালয়ে কেন ? অবশ্য মূনিরও ভ্রম হয়, গুরুরও দোষ হয়, কিন্তু
 যার ক্ষতি, সেই কেন বিনয় করিয়া চুঃখ প্রকাশ করুক না ? সব
 কক্ষনে জমাতবস্ত হইয়া বগীর দলের মত হাজামা করা কেন ? এ
 যে বড় কৃশিক্ষা, ভয়ানক কুদৃষ্টান্ত ! এখন থেকে যত্ন করা অভ্যাস
 করিলে কালে এ সকল ছেলে যে কি ভয়ানকই হইয়া উঠিবে, তাহা
 বলিবার কথা নয়, অনুমান করা যাইতে পারে ।

কিন্তু শিক্ষা-বিভাগের অধ্যক্ষ মহামনা ক্রকট সাহেব যেমন
 সন্ধিবেচক, তেমনি দয়ালু ; যেমন দৃঢ় শাসক, তেমনি সুনীতির
 পোষক । ছেলেদের একবারে দূর করিয়া দেওয়া সঙ্গত হইলেও,
 তাহাদিগকে নিজ দোষ দেখিবার সময় দিলেন । আপন আপন
 ভ্রম বুঝিয়া যৎসামান্য অর্গ দণ্ড দিয়া তাহারা পুনর্বার স্বকার্যে
 প্রবৃত্ত হয়, এই তাঁহার সদয় ইচ্ছা । ইহাতেও ত্রুটিদের চৈতন্য
 হইল না । না হইল, ত মরো । শিখিলে নিজের উপকার, না
 শিখিলে নিজেরই অপকার । শিক্ষা-কালে বড়মানুষ হইয়া কেহ ত
 অধ্যক্ষ-প্রবরকে সম্পত্তির অংশ দিবে না । সুতরাং ক্রকট সাহে-
 বের বিবেচনার গুণবাদ করা অবশ্য কর্তব্য । তাঁহার দয়াগুণের কথা
 সহস্র মুখে বর্ণিতব্য ।

। যিনি যাহাই বলুন, আমাদের গবর্ণমেন্টের মত রাজ্য-
 প্রণালী, এত প্রজ্ঞানুরাগ, এরূপ সমদর্শিতা বড় একটা সুলভ পদার্থ
 নহে। রাজ্য-বিপ্লব নয়, শাসন সহকারী কোনও প্রকাণ্ড সমস্তা নয়,
 এই বিশাল রাজ্যমধ্যে কোথায় এক গুরুমহাশয়ের সঙ্গে ছাত্রদের
 বিরোধ হইয়াছে, বিভাগের কর্তা তাহার একটা যেমন হটক নিষ্পত্তি
 করিয়া দিয়াছেন, তথাপি এই সামান্ত উপলক্ষে রাজপ্রতিনিধি
 বন্ধের ছোট লাট ইডেন সাহেব মধ্যস্থতা করিতে অগ্রসর হইলেন।
 এ ব্যাপারে রাজ্যের একটা সামান্ত মশাও স্থানভ্রষ্ট হয় নাই,
 অথচ রাজ্যের স্বীয় স্বীকৃতোদর্শন দেখাইতে বাস্তব হইয়া উঠিলেন!
 এমন কোনও কথা নাই যে, সকল বিষয়েই লাট সাহেবকে হস্তক্ষেপ
 করিতে হইবে, এমন কাহারও সাধা নাই যে, লাট বাহাদুর অমুক
 প্রসঙ্গে নিজ মত প্রকাশ করিলেন না বলিয়া কেহ তাঁহার কেশস্পর্শ
 করিতে পারে। কিন্তু তথাপি এই সামান্ত বিষয়ের জন্য লাট সাহে-
 বের মাথাব্যথা। তাই যে যা হটক একটা করিয়া দেওয়া, তাহা
 নয়। প্রকাশ্য গেজেটে, প্রকাশ্য ভাবে উভয় পক্ষের দোষ-গুণের
 সমালোচনা করিয়া লাট সাহেব যেন সাধারণ প্রজাবর্গসমীপে নিজের
 কৈফিয়ৎ দিতে, সাক্ষ্য করিতে বসিয়াছেন। কি সাহস! কি সূদা-
 শয়তা! কি লোকানুরাগ! কি সার্বজনীনতা! যিনি ইঙ্গিত
 করিলে মাথার পর মাথা গড়াগড়ি যায়, যিনি নিশ্বাস ফেলিলে ফাঁসীর
 আসামী খালাস পায়,—তাঁহার এই সৌজন্য। এমন সুখের কথা,
 এত আনন্দের কথা আর কি হইতে পারে? রাম-রাজ্যের যদি
 কোনও অর্থ থাকে, তাহা হইলে এই সেই রাম-রাজ্য; রাজপদে বসিয়া
 কেহ যদি গৌরব করিতে পারে, তাহা হইলে ইডেন সাহেবের গৌরব
 অপারিসীম এবং অপরিমেয়।

৫। পঞ্চানন্দ দেখাইলেন যে, সকলেই নিজ নিজ কর্তব্য কন্ম যথারিহিতরূপে প্রশংসার সহিত সম্পন্ন করিয়াছেন। এত ছলছল হইয়া গেল, অথচ কাহারই তিল মাত্র দোষ নাই। তবু যে এত গোলযোগ, এত মনোভঙ্গ, এত দীর্ঘ নিশ্বাস, এত দৃষ্টিনিপীড়ন এই এক ব্যাপার লইয়া হইল, সেইজন্য মনের আনন্দে সচ্চিদানন্দ পঞ্চানন্দ বলিতেছেন,—

“দোষ কারু নয় গো মা,
কেবল স্বখাদ সলিলে ডুবে মরি শ্যামা।”

দুষ্টের দমন-বিধি ।

[কৌজদারি কার্যবিধির প্রস্তাবিত সংশোধনে পর্যাপ্ত প্রতীকার হইবে না বিবেচনায় পঞ্চানন্দের পাণ্ডুলিপি]

আইন হইবার কথা ।

যেহেতু নানা রকম চেষ্টা করিয়াও ইংরেজ বাহাদুর ছুরাফা, পাপিষ্ঠ ভারতবাসীর দমন ও শাসন করিয়া উঠিতে অক্ষম হওয়ায়, অপরাধের বিচারপ্রণালী সংশোধন না করিলে, রাজত্ব অচল এবং প্রজাত্ব প্রবল হইতেছে, এ মতে নিম্নলিখিত বিধান করা যাইতেছে ।

অনুষ্ঠান, রুদ, ব্যাণ্ডি এবং পরিভাষার কথা

১ দফা। সংকেপ নামের কথা ।

এই আইন দফা রফার আইন নামে অভিহিত হইতে পারিবে ।

ব্যাপ্তির কথা ।

এ আইন যেখানে চলিবে না, সেখানে নিতান্ত অরাজক হইয়াছে
বুঝিতে হইবে ।

আরম্ভের কথা ।

এবং এ আইন জারি হইবার পূর্বেই চলিতে থাকিবে ।

২ দফা । রদের কথা ।

যে সকল আইন এবং বিধান হাকিমানের মনোমত নহে বা হইবে
না, তাহা এতদ্বারা রদ করা গেল ।

৩ দফা । দায়ের মোকদমার কথা ।

যে সকল মোকদমা দায়ের আছে, তাহার নিষ্পত্তি এই আইন
মতে হইবে ।

৪ দফা । পরিভাষার কথা ।

এই আইনে নিম্নলিখিত শব্দ এবং ভাষার নিম্নলিখিত মত অর্থ
হইবে, অন্যথা হইবে না ।

তদারকের কথা ।

লোককে ধরিয়া চালান দিবার জন্ত পুলীশ যে কোনও কার্য
করিলে, তাহার নাম তদারক । তদারক শব্দে হাতকড়ি দেওয়াও
বুঝাইবে ।

বিচারের কথা ।

লোককে সাজা দিবার জন্ত আদালতে যে সকল অবস্থ হইবে,
তাহার নাম বিচার । বিচার শব্দে খালীস বুঝাইবেনা ।

ফৌজদারি আদালতের কথা ।

জজ, মেজেষ্টার প্রভৃতি যে কেহ সাজা দিবে, আদালত শব্দে
তাহাকেই বুঝাইবে ।

হাইকোর্টের কথা।

যে আদালতে আসামীর উকীল, কৌশলি চড়টা, চাপড়টা অভাবে মুখধাবড়া খাইবে, হাইকোর্ট শব্দে তাহাকেই বুঝাইবে।

কৌজদারি আদালতের কথা।

৫ দফা। আদালতের রকমারির কথা।

হাইকোর্ট ছাড়া, আরও দুই প্রকার আদালত থাকিবে, যথা,—

(ক) মেজেষ্ট্রি।

(খ) সেশন।

৬ দফা। যে আদালতে বিচার হইবে, তাহার কথা।

মেজেষ্ট্রির ইচ্ছা করিলে সকল মোকদ্দমার বিচার করিতে পারিবেন। মেজেষ্ট্রির অপ্রস্তুতি বা আলস্য হইলে, কোনও কোনও মোকদ্দমার বিচার সেশনে হইতে পারিবে।

গোঁরাঙ্গের মোকদ্দমার কথা।

৭ দফা। গোঁরাঙ্গের কথা।

গোঁরাঙ্গ শব্দে নেটিভ নহে, এরূপ কোর্ট-পেণ্টু লান-পরা ব্যক্তিকে বুঝাইবে। এরূপ ব্যক্তির উপরের সাত পুরুষ এবং নীচের সাত পুরুষের মধ্যে কেহ কখনো কালে সমুদ্র না দেখিয়া থাকিলেও তাহারা সকলেই গোঁরাঙ্গ হইবে।

৮ দফা। গোঁরাঙ্গের মোকদ্দমা করিবার অধিকারের কথা।

যদিও গোঁরাঙ্গ না হইলে কেহ গোঁরাঙ্গের মোকদ্দমা করিতে পারিবে না।

৯ দফা। গোঁরাঙ্গ ভলব করিবার কথা।

কতিগ্রস্ত ব্যক্তি বয়ঃ অভিযোগ করিলে গোঁরাঙ্গের নামে ভ্রমোচ্চিত নিমন্ত্রণপত্র বাহির হইতে পারিবে। কিন্তু কতিগ্রস্ত ব্যক্তি মরা কিবা অকম হওয়া কি অস্ত কোনও ওজর করিয়া কোনও ব্যক্তির

প্রতিনিধি স্বরূপে গৌরাক্ষের বিরুদ্ধে অভিযোগ করিতে পারিবে না।
এক তরুণ অভিযোগ গ্রাহ্য বা তন্মূলে নিমন্ত্রণ পত্র বাহির হইবে না।

১০ দফা। গৌরাক্ষের বিচারের কথা।

গৌরাক্ষের অনতিপ্রায়ে কেহ তাহাকে সাজা দিতে পারিবে না।

পুলীশের কথা।

১১ দফা। পুলীশকে সাহায্য করিবার কথা।

মল্পাষা মাত্রেই ধর্ম, অর্থ, লোকবল এবং বাহুবল দ্বারা নিম্নলিখিত
বিষয়ে পুলীশের সাহায্য করিতে বাধ্য ; যথা,—

(ক) শাস্তিভঙ্গ করণ বিষয়ে।

(খ) একরার এবং চোরামাল বাহির করা বিষয়ে।

(গ) সাধারণতঃ তদারক বিষয়ে।

১২ দফা। বিনা পরোয়ানায় গ্রেপ্তার করিবার কথা।

পুলিশ যেখানে খুশি, যাকে খুশি, বিনা পরোয়ানায় গ্রেপ্তার
করিতে পারিবে।

১৩ দফা। গৃহপ্রবেশের কথা।

আসামী থাকা জানিতে পারিলে, কিম্বা থাকা সন্দেহ হইলে, কিম্বা
থাকিবার সম্ভাবনা থাকিলে, কিম্বা থাকিলেও থাকিতে পারে এরূপ
অসুমান হইলে, কিম্বা যদিই ভুল ভ্রান্তি ক্রমে থাকিয়া যায়, এরূপ বোধ
হইলে ঘর ভাঙিতে, ছুয়ার ভাঙিতে, জানালা ভাঙিতে, আসবাব
ভাঙিতে, মান ভাঙিতে, সম্বল ভাঙিতে, বৈঠকখানায়, সেংখানায়,
ঠাকুরঘরে কিম্বা অন্তরে অব্যাহিত দ্বারে প্রবেশ করিতে পুলিশ
ইচ্ছামত পারিবে।

১৪ দফা। অন্তরের বিশেষ কথা।

অন্তরে প্রবেশ করিবার পূর্বে বাড়ীর এবং পাজার বয়ঃপ্রা
পুরুষবর্গকে হাতকড়ি দিয়া, কিম্বা অন্য প্রকারে বন্ধন করিয়াপাহারায়া

পুলিশ রাখিতে পারিবে, এবং আবশ্যিক বোধ করিলে জোরপূৰ্ব্বক
কুলকামিনীকে বাহির করিতে পারিবে।

১৫ দফা। তদারকের কথা।

তদারক করিবার সময়ে পুলিশ শ্রামচাঁদের সাহায্যে আসামীকে
একরার করাইতে এবং চোরা মালের কিনারা করিতে পারিবে।

১৬ দফা। পুলিশের তদারকি কাগজের কথা।

তদারকের প্রণালী সম্বন্ধে পুলিশ কোনও কথা লিখিয়া রাখিতে
পারিবে না, এবং লিখিয়া রাখিলেও তাহা পুলিশের বিরুদ্ধে প্রমাণ-
স্বরূপ গ্রাহ্য হইতে পারিবে না।

বিচারের পূৰ্ব্বানুষ্ঠানের কথা।

১৭ দফা। উকীল মোক্তারের কথা।

আদালতের অনুমতি ব্যতীত আসামী উকীল মোক্তার দিতে
বা দিবার প্রসঙ্গ উত্থাপন করিতে পারিবে না। তদ্রূপ প্রসঙ্গ উত্থাপন
করিলে, তাহা অপরাধস্বীকারের তুল্য গণ্য হইবে।

১৮ দফা। উকীল মোক্তারের অধিকারের কথা।

কোনও উকীল মোক্তার আসামীর পক্ষ হইতে সাক্ষীর
জেরা কিম্বা সওয়াল জবাব করিতে পারিবে না। সাক্ষীর
অনুমতি লইয়া সাক্ষীগোপালের মত দাঁড়াইয়া থাকিতে
পারিবে।

মেজেষ্ট্রের বিচারের কথা।

১৯ দফা। ধনোধরি বিচারের কথা।

মেজেষ্ট্রের ইচ্ছা হইলে ধীরে শূন্যে, লিখিত পঠিতপূৰ্ব্বক ধন-
ধরি বিচার হইতে পারিবে।

২০। সরাসরি বিচারের কথা।

ঘোড়দৌড় করিতে করিতে কিম্বা পথে ঘাটে বেড়াইতে বেড়াইতে

ভাঙিতাঙি করিয়া বিনা লেখা পড়ায় মেজেষ্টর স্বেচ্ছাক্রমে আসামীর সন্নাসরি বিচার করিতে পারিবেন ।

সেশনে বিচারের কথা ।

২১ দফা । জুরি ও আসেসরের কথা ।

সেশনে প্রত্যেক মোকদ্দমায় জুরি অথবা আসেসরের সাহায্যে আসামীর বিচার হইবে ।

জুরি হইলে, অন্যান্য তিনজন এবং আসেসর অন্যান্য একজন নির্বাচিত হইবে ।

উপস্থিত দর্শকমণ্ডলী, বাহিরের মুটে মজুর, ঘোড়ার গাড়ীর কোচ-মান কিম্বা গোকুর গাড়ীর গাড়োয়ান হইতে জুরি অথবা আসেসর মনোনীত হইতে পারিবে । তাহাতেও পরিমিত সংখ্যা পূর্ণ না হইলে, বলদ ধরিয়া বসান চলিবে ।

২২ দফা । আসেসর ও জুরির সাহায্যে বিচারের কথা ।

জুরি অথবা আসেসরের সহিত একমত হইয়া সেশনের হাকিম আসামীকে সাজা দিতে পারিবেন । জুরি অথবা আসেসর বা তাহাদের মধ্যে অধিকাংশ, আসামীকে নির্দোষ প্রকাশ করিলে, তাহাদিগকে অসুষ্ঠপ্রদর্শনপূর্বক সেশনের হাকিম একাএক আসামীকে সাজা দিতে পারিবেন ।

আপীলের কথা ।

২৩ দফা । আসামীর আপীলের কথা ।

সন্নাসরি ভিন্ন ধরাধরি এবং সেশনের বিচারের অসম্মতিতে আসামী আপীল করিতে পারিবে ।

২৪ দফা । আসামীর আপীলের ফলের কথা ।

আসামী আপীল করিলে জরিমানার স্থলে মেয়াদ এবং মেয়াদের স্থলে ফাঁসি এবং সকল স্থলেই সাজা বৃদ্ধি হইতে পারিবে ।

২৫ দফা । সরকারের আপীলের কথা ।

আসামীর প্রতি অবিচার অর্থাৎ আসামী খালাস পাইলে সরকার হইতে আসামীর মৃত্যুর পূর্বে যে সময়ে হউক আপীল হইতে পারিবে ।

২৬ দফা । সরকারের আপীলের ফলের কথা ।

সরকারের আপীলে আসামীর সাজা হইতে পারিবে এবং লঘু পাপে গুরু দণ্ড হইতে পারিবে, এবং আসামীর আপীলের যে ফল, স্তায়াও ফলিতে পারিবে ।

হাইকোর্টের কথা ।

২৭ দফা । পুনরালোচনার কথা ।

অবিচার অর্থাৎ আসামী খালাস হইলে হাইকোর্ট খোদ একেয়ারে অথবা পরের কথায় সমস্ত মোকদ্দমার নথি তলব দিয়া দেখিতে পারিবেন, এবং খালাস দিলে অরাজক হইতে পারে বলিয়া সুবিচার করিতে পারিবেন ।

সরকারের কথা ।

২৮ দফা । আইন স্থগিত করিবার কথা ।

এই আইনের বিধান মতে কার্য হইলেও তৃষ্ণের যথোচিত শাসন হইতেছে না, এমত বোধ করিলে সরকার বাহাদুর কিছুকাল বা চিরকালের জন্য আইন স্থগিত করিতে পারিবেন ।

২৯ দফা । আইন স্থগিত হইলে উচিত কথা ।

তদ্রূপ আইন স্থগিত করিয়া দেশের চতুর্দিকে উচ্চ প্রাচীর নির্মাণপূর্বক দেশবাসিগণকে জাঁদিয়া পরাইয়া সরকার বাহাদুর তৈল-নিষেধে নিযুক্ত করিতে পারিবেন ।

সরকারের ব্যয়সংক্ষেপ ।

মহকুমার ডিপুটী ম্যাজিস্ট্রেটের নাজির সরকারি লেফাকা বন্ধ করিতে গিয়া দেখিলেন, গালাবাতি ফুরাইয়াছে । এক পয়সার গালাবাতি বাজার থেকে কিনে আনিবার জন্য ডিপুটী বাবুর অনুমতি চাহিলেন ।

ডিপুটী বাবু আশ্চর্য্য বোধ করিলেন ; সংবৎসরের জন্য যাহা কিছু সরকার, গত ১লা এপ্রেল হিসাব করিয়া আনান হইয়াছিল ; অল্প ৩০শে মার্চ গালাবাতির অভাব হইল, ইহা অস্বাভাবিক কথা । ডিপুটী-বাবু নাজিরের কৈফিয়ৎ তলব করিলেন । লেফাকা বন্ধ হইল না, পড়িয়া রহিল ।

নাজিরের কৈফিয়তে প্রকাশ যে, আফিসের কাগজ কলম, ছুরী, কাঁচি, গালা বাতি, ফিতে কালি প্রভৃতি সরঞ্জামের বরাদ্দ কেরাণীখানা হইতে হইয়া থাকে ; কমি বেনীর কথা কেরাণীখানার আমলারাই বলিতে পারেন । নাজির যাহা পায়, তাহার হিসাব প্রস্তুত আছে, সে হিসাব সমঝাইয়া দিতে নাজিরও প্রস্তুত আছে । কৈফিয়তের উপর হুকুম হইল, হেড কেরাণী তিন দিবসের মধ্যে গালাবাতির জবাবদিহি করে । লেফাকা রওয়ানা করা বন্ধ রহিল ।

হেড কেরাণীর রিপোর্ট পাঠে ডিপুটী বাবু অবগত হইলেন যে, গত বারের বরাদ্দ করিবার সময়ে যিনি কেরাণী ছিলেন, তিনি পেন্সন লইয়া বিদায় পাইয়াছেন ; হাল কেরাণী বিশেষ হাল অবগত নহেন । অগত্যা ডিপুটী বাবু এক দিনের খরচের আন্দাজ গালাবাতির জন্য জেলার মেজেষ্ট্রেটের কাছে রুবকারি পাঠাইলেন । মূল লেফাকা বন্ধ করা সম্ভবিত্ব বন্ধ রহিল ।

জেলার মেজেষ্ট্রেটের সেরেস্তাদার খুব ইশিয়ার, পাকা আমলা ।

রুবকারি পৌছিবা মাত্র, মেজেষ্টরকে দেখাইয়া দিলেন, গালাবাতির ইণ্ডেন্ট কারম্ অল্পসারে হয় নাই ; সাহেব কিপ্রবুদ্ধি তৎক্ষণাৎ বুঝিয়া লইলেন ; এবং হুকুম দিলেন যে, উচিত সংশোধন জন্ত ডিপুটী বাবুর সদনে রুবকারি ওয়াপাশ পাঠান যায় ।

কি জন্ত বেমানুলী রুবকারী দ্বারা গালাবাতির ইণ্ডেন্ট পাঠান হইয়াছিল এবং কেনই বা কারম্ মোতাবেক পাঠান হয় নাই, ডিপুটী বাবু তাহার তদন্তে লিপ্ত হইলেন । জানা গেল যে, কারমের অভাব হওয়াতে রুবকারী পাঠান হইয়াছিল ; সুতরাং কারমের জন্ত ইণ্ডেন্ট গেল ।

ক্রমে কারম্ আসিয়া পৌছিলে, কারম্ পূরণ করিয়া পুনর্বার মেজেষ্টরের সদনে প্রেরণ করা হইল । মেজেষ্টর তাহা কমিশ্বনরীতে পাঠাইয়া দিলেন । কমিশ্বনর সাহেব মঞ্জুর করিয়া কাগজ কলমের সরবরাহকারী আফিসে চালান দিলেন । বজেটের অতিরিক্ত খরচ মঞ্জুর করাইবার জন্ত একোর্টেন্ট জেনেরেলের অভিপ্রায় লইয়া সরবরাহকার সাহেব যথাক্রমে, যথানিয়মে, যথাসময়ে, পুলীন্দা করিয়া বান্ধী ডাকে আধখানা গালাবাতি কমিশ্বনরের জরিয়তে, মেজেষ্টরের মারফতে মহকুমার ডিপুটী বাবুর কাছে পাঠাইয়া দিলেন ।

-ডিপুটী বাবু দস্তুর মত রসিদ পাঠাইয়া দিয়া আপন সেরেস্ভায় গালাবাতি জমা কয়াইয়া লেকাফা বন্ধ করিবার জন্ত হুকুম জারি করিলেন । ৭ মাস উনিশ দিন পরে লেকাফা যথাস্থানে যথাপথে চলিয়া গেল । লেকাফার ভিতরে বাজার দরের রিপোর্ট ছিল ; নভেম্বর মাসের প্রথম সপ্তাহে কলিকাতা গেজেটে প্রচলিত বাজারদর ছাপা হইল :

দস্তুরি একদিন নাজির বাবুর তামাক সাজিয়া দেয় নাই । লেকাফা বন্ধ করিবার সময়ে গালাবাতি গলিয়া তিন ফোটা মাটিতে পড়িয়াছিল ;

নাঞ্জির সেই দোষ ধরিয়া দপ্তরির বিরুদ্ধে রিপোর্ট করিয়া দিলেন। রিপোর্ট ক্রমে ক্রমে উচ্চতম কর্তৃপক্ষের গোচর হওয়াতে এক সার্কুলার বাহির হইয়াছে; তাহার মর্ম এই যে, দপ্তরির গাফিলী করিয়া সরকারের যেরূপ লোকসান করে, তাহাতে দপ্তরির পদ উঠাইয়া দেওয়া উচিত, না কি দপ্তরিদিগের কার্য পরীক্ষার জন্য ষ্টেশনারি অফিসে একটা নতুন সেয়েস্তা খুলিয়া সরবরাহ কার সাহেবের মাসিক দুই শত টাকা বেতন বাড়াইয়া দিয়া এ বিষয়ের ব্যবস্থা করা উচিত, প্রত্যেক জেলার এবং প্রত্যেক মহকুমার হাকিমান, এ সম্বন্ধে আপন আপন অভিপ্রায় জ্ঞাপন করেন।

ইতিমধ্যে প্রধান প্রধান ভারতবর্ষীয় সভার কমিটি বসিয়া ফস্টে সাহেবের দ্বারা ব্যয়সংক্ষেপের জন্য বিলাতের মহাসভায় একটা হাজায়া করিবার প্রস্তাব হইতেছে।

এখনও লেখালেখি ফুরায় নাই, সুতরাং কোনও কথার মীমাংসাও হয় নাই। সেই এক পয়সার গালাবাতির গোল মিটিলে প্রেসকমিশ্যনর অফিস হইতে পঞ্চানন্দ অর্থাৎ সংবাদ পাইবেন, এই আশ্বাস সম্প্রতি পাঠকবর্গকে নিশ্বাস ফেলিবার অবসর দেওয়া গেল।

লেজ ! লেজ ! লেজ ! ! !

অতি উৎকৃষ্ট, সুগোল, সুদীর্ঘ, সুগঠন বিস্তর লেজ আমাদের দোকানে বিক্রয় জন্ত প্রস্তুত আছে। লেজগুলি আসল বিলাতী কারিকরের তৈয়ারি এবং জাহাজে করিয়া খাস চালানে আমদানি করা হইয়াছে। এই লেজগুলি এত উত্তম এবং উপাদেয় যে, সঙ্গতি থাকিলে আমরা নিজেই ব্যবহার করিতাম। যাহাদের পয়সা নাই, যাচার

আমাদের মত নিরন্ন, তাহাদের কিনিবার চেষ্টা করা বৃথা। • লেজগুলি
সুলভ ; কিন্তু কেবল রোজগাণের পক্ষে ।

লেজগুলি বিশেষ উপকারজনক । তুমি যখন মাতাল হইয়া
আড়ষ্ট ভাবে পড়িয়া থাকো' চক্ষুতে পলক নাই, মুখে বচন নাই, হাত
পায়ে স্পন্দন নাই, তখন এই লেজ আপনা-আপনি তোমার বিনা
চেষ্টায়, বিনা পরিশ্রমে, মুখের কাছে ইতঃস্তুতঃ সঞ্চালিত হইয়া মাছি
তাড়াইতে থাকিবে । টাকাওয়াল বাবু হও তো লেজ লও ।

তুমি এক প্রকাণ্ড বক্তা, মস্ত বুদ্ধিমান উকীল, সওয়াল জবাব
করিতেছ, হাত পা কতই নাড়িতেছ, এমন সময়ে মোক্তার আপন
কার্দানি দেখাইবার জন্য তোমার কাণের কাছে ভিন্ ভিন্ করিয়া
তোমার শ্রোত ভঙ্গ করিয়া দিতেছে, তোমাকে বিরক্ত করিতেছে ।
ধামাও তাহাকে লেজের এক বাড়ি মারিয়া । লও লেজ, ভালো
উকীলের বিশেষ দরকারী । অনেক কাজে লাগিবে ।

তুমি হাকিম, এজলাসে বসিয়া উত্তর পূর্ব জ্ঞান হারাইয়া কি মাথা-
মুণ্ড করিতেছ, তাহার ঠিকানা নাই । যে টুকু বুদ্ধিওদ্ধি গোড়ায় ছিল,
তাহা মেজাজের গরমে গলিয়া গিয়াছে । শেষে আপীল আদালত
উপরওয়ালার ভয়ে উবিয়া গিয়াছে । আমি তোমার বন্ধু মানুষ, কাছে
বসিয়া আছি, অধচ সময় মতে উপদেশ দিয়া তোমার উপকার করিতে
পারিতেছি না, প্রকাণ্ডভাবে তখন কিছু বলিয়া দিলে তোমার আত্ম-
গরিমায় জ্বখম লাগে, বাজে লোকের কাছে তুমি অপদস্থ হও । একটি
লেজ থাকিলে কোন ভয় থাকিবেনা, সময়শিরে লেজ টিপিয়া দিয়া
তোমার বন্ধু পথভ্রম হইতে তোমাকে রক্ষা করিতে পারিবেন । যদি
সুবোধ হও, বুদ্ধির পরিচয় দিতে চাও, দেশের কাছে আপন গুণ-
পণার স্বার্থ পরিচয় দিতে চাও, তাহা হইলে লেজ লও ! লেজ
থাকিলে আর ভুল হইবে না ।

তুমি ময়লাকেলা কমিশনর, অমুক কমিটির মেম্বর, রায়ে রায় দিয়া সাহেবের মন যোগানো, আর পাড়াপড়সিকে ভোগান তোমার অবশ্য-কর্তব্য। সাহেবের হাতে যদি তোমার লেজটি দিয়া রাখিতে পারে, তাহা হইলে তুমি নির্ভয়, নিঃসংশয়, নিশ্চিন্ত। সাহেব যেই লেজ-ধরিয়া টান দিবেন, অমনি তুমি সাহেবের দিকে ঝুঁকিবে। যদি এ সম্মানের পদ রাখিতে চাও, একটি লেজ লও। লেজ নহিলে তোমার কিছুতেই চলিবে না।

তুমি বড়লোক, চিরিত ক্যাক্তি ; কত সভা সমিতিতে, কত দরবারে, তোমার নিমন্ত্রণ হয়। লেজ থাকিলে অনেক যায়গায় অপ্রতিভ হইবে না, পাগড়ি সঙ্গে না থাকিলে তোমার কতি হইবে না, আর, বাজে লোকের গোলে কখনও মিশিয়া যাইবে না। লেজ না থাকায় অনেক অনেক জায়গায় অনেক সময়ে তোমার গোল হয়, লোকে তোমাকে চিনিতে পারে না, তোমার উচিত সম্মান করিতে পারে না, সেইজন্যই গোল হয়। লেজ লও, তাহা হইলেই যত গোল মিটিয়া যাইবে।

তুমি বাগ্মিপ্রধান সভাপতি মহাশয়, তোমার একটি লেজ থাকা নিতান্ত আবশ্যিক। তুমি বায়ুর বর পুত্র, তুমি কথায় কথায় ঝড় বাহিয়া দাও, বায়ুবেগে আপনি কতই উচ্চে আরোহণ করো। তোমার সঙ্গে উঠিবার ক্ষমতা থাকিলে ভারত এতদিন অধঃপতিত থাকিত না। কিন্তু নিঃসহায়, নিরবলম্ব ভারত কি ধরিয়া উঠিবে? তুমি লেজে বাধিয়া না তুলিলে এই অসাড় জড়ভরত ভারতের কোনই উপায় নাই। লেজ লও, তোমার মহিমার ধ্বজা উড়াও, ভারতের উদ্ধারবার্তা বায়ুবেগে বিঘোষিত করো। মহাভাগ, লেজ লও।

আর তুমি বকরাজ, কুবেরের কুঠিয়াল, লক্ষীর বিশ্বাসপাত্র, তোমাকে একটি লেজ লইতেই হইবে। তোমার অভাব নাই তাহা

জানি, তথাপি তোমার যত লেজ বাড়িবে, ততই সম্মান বাড়িবে, সে
কিষয়েও সন্দেহ নাই। দেখো তোমার কত দিকে কত টান, কিন্তু
সাহেব সুবার টানেই তোমার লেজমালা দিবানিশি যোড়া থাকে।
আমাদের মত গরিব লোকের জন্ত একটা পৃথক লেজ যদি রাখিয়া
দাও, তাহা হইলে অনায়াসেই তোমার বার পাইতে পারি। তাই
বলিতেছি, ঔগধাম একটা লেজ লও। তোমার ক্ষতি নাই, আমাদের
ষোলো আনা লাভ, ভারতবর্ষের চারি পোষা উপকার, একটা
লেজ লও।

নগদ-মূল্যে লইলে এক একটা রস্তা দস্তার দেওয়া যাইবে।

পেসাদার এণ্ড কোম্পানি।

[বাণিজ্যের উন্নতি একান্ত প্রার্থনীয়, এই জন্ত আমরা বিনা
মূল্যে এই বিজ্ঞাপন পত্রস্থ করিলাম। ভরসা করি গ্রাহকবর্গ লেজের
গোরব অনুভব করিয়া আমাদের বদান্ততার জন্ত ধন্যবাদ প্রদান
করিবেন।]

পঞ্চানন্দ।

পুনশ্চ নিবেদন।—পঞ্চানন্দের ছাপাওয়ালার বোধ হয়, অত্যন্ত
অলস এবং অমনোযোগী, আর বোধ হয়, সে পঞ্চানন্দের চক্ষের
উপর কাজ করে না! এই বিজ্ঞাপন বিনা মূল্যে প্রচারিত হইতেছে,
সেই কৃতজ্ঞতায় ছাপাওয়ালাকে একটা লেজ বিনা মূল্যে দিতেছি;
ইহাতে উভয় পক্ষের সুবিধা হইবে। পঞ্চানন্দের একটা অবলম্বন
হইবে, আর ছাপাওয়ালারও লেজের মমতায় একটুকু ভয় থাকিবে।

পেসাদার এণ্ড কোং।

সাতাশী সাল ।

সাতাশী সাল চলিয়া গিয়াছে, বাঙ্গালীর আর এক বৎসর ফুর
য়াছে । ইহাতে সুখ-দুঃখের কিছুই তো দেখি না । নিতাই
এক বৎসর যাইতেছে ; সাতাশী আটাশী কেবল গণনার কথা ।
সুখেব দুঃখের কথা তুলিতে হয়, কি বলিতে হয়, ভ্রাশ হইলে ।
গেল বলিয়া সুখ দুঃখ প্রকাশ করাই উচিত । কিন্তু দিনের
বোঝে, এমন লোক অল্প, তাই দীর্ঘকাল পরে নিঃসাড়ে দিনের
দিন—বড় দিন—কাটাইয়া নিদ্রিতের পার্শ্বপরিবর্তনের অ্যায় বর্ষা
এক দিন, এক বার, বৎসর গেল বলিয়া লোকে অধরোষ্ঠ সঞ্চা
করিয়া থাকে । তাহার পর যে ঘুম, সেই ঘুম । সাতাশী সাল বা
গেল , দশ জনে বলে, আমিও একবার বলি ।

হরি বলো, দিন গেল ! তিনটা ভূড়ি দিয়া বিকট হাই তু
সাতাশী সালের অন্তিম দিনের অন্ত্যেষ্টিক্রিয়া সম্পন্ন করা যাউ
যেমন করিয়াই হউক, যে সময়েই হউক, হরিনাম লইলে ফল আ
যে অসাড়, নিস্পন্দ, ক্রিয়াহীন, প্রাণবর্জিত, তাহার জন্ত হরি
বিশেষ মায়ায়া ধারণ করে । “যার কেউ নেই তার হরি আছে
যখন নিজীব মানবের মৃতদেহ গঙ্গাতীরে লইয়া যাইতে হয়, ত
তাহাকে “হরি হরি বলো, হরিবোল” বলিয়া হরিনাম শুনাইবার বা
আছে, রীতি আছে । সাতাশী সালের বঙ্গবাসিসমীপে, এক
“হরি বলো, দিন গেল” বলিয়া হরিনাম দক্ষীর্জন করা কর্তব্য ।

যাহা বলিলাম তাহা সত্য । কিন্তু তবু উহারই মধ্যে এ
কথা আছে ; যে মাছটা স্তূত কাটিয়া অথবা জাল ছিড়িয়া পা
সেটা খুব বড় মাছ ; আর যে মাছটা মায়াস্তূত কাটাইয়া অ
শব্দকাল ছিন্ন করিয়া লোকলীলা সংরণ করে, সেই খুব বড় লোক

চুনো মাছের জালের ভিতর থেকে একটা দেড় ছটাক ওজনের পোনা মাছ লাকাইয়া পলাইল; অমনি “খুব মাছটা পালিয়েছে, যস্ত মাছটা হাতছাড়া হয়েছে, মাছটা খুব প্রকাণ্ড” ইত্যাকার বিশ্বয় কোভ প্রভৃতি বিবিধ বৃত্তিবিকারজ্ঞাপন ধ্বনি হইয়া থাকে। সেইরূপ মনসারাম রায়, আমরণ গৃহিণীর গহনাচিন্তায় নিযুক্ত থাকিয়া, আর পেটের ভিতর মদের ভাটি খুলিয়া বমনোদগারে পাড়া-তোলপাড় করিয়া অবশেষে এক দিন শান্তিনিকেতনে যাত্রা করিলেও —“এমন মানুষ, এমন দাতা ভোক্তা, এমন ক্রিয়াবান্ ব্যক্তি আর হইবে না” বলিয়া হাহাকার শব্দও শোনা যায়। এমন অবস্থায় সাতাশী সাল যে একটা খুব সালের মত সাল চলিয়া গিয়াছে, একথা বলিলে সামাজিক প্রথার সম্মান ভিন্ন অবমাননা করা হইবে না। এ হিসাবে সাতাশী সালের একটা ইতিহাস লিখিয়া সংসারের উপকার করিলে দোষ হইতে পারে না; বরং না করিলে প্রত্যবায় আছে!

ইতিহাস লিখিতে হইলে বিস্তর কথা লিখিতে হয়। আমি প্রধান প্রধান কথাগুলো লিখিয়াই কাস্ত হই।

১। পারলৌকিক বিবরণ ।

যাহার বিনাশ নাই, বিবর্তন নাই, উন্নতি নাই, অবনতি নাই, গতি নাই, স্থিতি নাই, সেই পুণ্য-আস্রার পুণ্যধাম-যাত্রার উল্লেখ করাই সর্বাগ্রে উচিত; সেই জন্ত বক্তের পারলৌকিক প্রসঙ্গের অবতারণা প্রথমেই করা যাইতেছে।

এ সম্বন্ধে সাতাশী সাল বক্তের সৌভাগ্যের কাল বলিয়া পরিগণিত হইবে। পাপাঙ্গার দৌরাণ্ড্য হইতে পরিজ্ঞান পাইয়া অনেকগুলি পুণ্যাস্রা তবত্বন হইতে প্রস্থান করিয়াছেন।

(ক) বাহাদুরের গৌরবপ্রাপ্তি হইয়াছে, তাহাদের ধুব ভে কপাল; বুটের সুপারিশে গৌরবপ্রাপ্তির ভয় করিয়া আশ্চর্য্য প্রাপ্ত পক্ষী উড়িয়া যাইবে, কিম্বা গুলিখোরের বদনাম না লইয়াও শু ভক্ষণপূর্ব্বক পঞ্চভূতেয় অধীনতা হইতে পার্দ দেহের পাপপ্রাণ পাঁ ত্রাণ পাইবে, এর চেয়ে ভালো কথা আর কি আছে বনো? সাতাশী সাল এ সৌভাগ্যে বঞ্চিত হয় নাই।

কতকগুলি আত্মা ফাঁসীযাত্রা করিয়াছে; ইহাদের উন্নতি কাল্পনিক কথা নহে, কারণ ইহারাও গৌরবের ইচ্ছামূরূপ কা করিয়াছে!

ভক্তিমাগে এই পর্য্যন্ত।

(খ) আরও অনেকগুলি আত্মা, গৃহিণীর গল্পনা সহিতে পারিয়া, ভ্রাতাকে বিষয় বিভবের হিসাব বুঝাইয়া দিতে অপাঃ হইয়া, ছেলের স্কুলের মাহিয়ানা যোগাইতে না পারিয়া, মেয়ের বিয়ে দাম দিতে অসমর্থ হইয়া; ওদিকে কতকগুলি আত্মা, গহনা বেচি স্বামীর মদের যোগান যোগাইতে না পারিয়া, পরপুরুষের কো ধরিয়া নৃত্যভঙ্গী প্রদর্শনে অক্ষম হইয়া চেয়ারে বসিয়া “অপূর্ব্ব প্রে নবস্তাস পড়িবার সময়ে দুঃখমতি শাশুড়ী কর্তৃক ব্যাহত হইয়া— ইত্যাকার নানা কারণে নানা প্রকারে নানা আত্মা, কতি কঠে পড়িব পূর্ব্বক উদ্ভঙ্কনে ভববন্ধন ছিন্ন করিয়া আরাম-কুঞ্জে চলিয়া গিয়াছে।

এতদ্বিন্ন বাহারা জরের সঙ্গে বিশিষ্ট আত্মীয়তা প্রযুক্ত, অং ওলাউঠার অনুল্লঙ্ঘনীয় নির্ব্বন্ধ জন্ত বা এবস্থিধ অন্তবিধ কাঃ ডাক্তার বাবুর অমুরোধে, হাতুড়ের উপরোধে, ইহলোক পরিত করিয়াছে, তাহাদের দলও নিতান্ত পাতলা নহে।

আর বাহারা প্রাজ্ঞার সম্মান রক্ষার জন্ত শুদ্ধ পেটের দায়ে বাঁ তিটের মায়া ছাড়িয়া লোকান্তরে বসবাস করিতে গিয়াছে, তাহা

সংখ্যা যতই কেন হউক না,—তাহারা গণনার মধ্যে আসিতে পারে না। আর গণ্য মান্ত লোক ভিন্ন অশ্চের হিসাব রাখিয়া পঞ্চানন্দই বা আশ্বলাঘব করিবেন কেন ?:

তদনন্তর ছাঁকা পরলোকের কথা এইখানে শেষ করিয়া ইহলোক মিশ্রিত পরলোকের কথা বলা যাইতেছে। অর্থাৎ ইহলোকে থাকিয়া ও পরলোকের ব্যবস্থা যাহারা করিয়া থাকেন, সেই ধার্মিক দলের প্রসঙ্গ উত্থাপন করা যাইতেছে।

সাতাশী সালে ধর্মের বিলক্ষণ শ্রীবৃদ্ধি হইয়াছে। ঝট্টান রাজা আকগানস্থানে এক গণ্ডে চপেটাঘাত খাইয়া দক্ষিণ আফেরিকাতে দ্বিতীয় গণ্ড পাতিয়া দেন এবং তদ্বারা ধর্মোপদেষ্টার উপদেশ সার্থক করেন।

মহম্মদের শিষ্যগণ এক হস্তে কোরাণ, অন্য হস্তে তরবাল চালাইবার সুবিধা না দেখিয়া, হোটেলে খানশামাকপ ধারণপূর্বক হারাম অর্থাৎ শৃকরমাংস ছেদন করিয়া ধর্মের সম্মান রক্ষা করিয়াছেন।

জুর্গোৎসব উপলক্ষে ব্রাহ্মণ পণ্ডিতকে ফলার এবং সাহেব ডুবাকে খানা দিয়া “সর্বজীবে সমান দয়া” পড়িয়া মার খাইয়া কথাটা না কহিয়া “অহিংসা পরম ধর্ম” ইত্যাদি শাস্ত্র বাক্যের মাহাত্ম্য রক্ষা করিয়া, হিন্দুসম্মান কুলধর্ম নিষ্ঠা প্রদর্শন দ্বারা ধর্মের গৌরব বর্দ্ধন করিয়াছেন।

ব্রাহ্মধর্মী সকল ধর্মের উপাদেয় খিচুড়ি পাকাইয়া অকাতরে বিতরণপূর্বক সগৌরবে নববিধানের ধ্বজা তুলিয়া ধর্মের মহিমা কীর্তনে ক্রটি করেন নাই।

আর ইহার পর উপধর্ম, বাজে ধর্ম, অধর্ম প্রভৃতি কত প্রকারে যে প্রভাব বিস্তার করিয়াছে,—তাহার তালিকা এখনও প্রস্তুত হই নাই এবং সংক্ষেপে বর্ণনাতীত।

মূল্য করে ধর্মের এই ভাব; গোণ করে চতুর্দিকে সুফল।
 আর্ঘ্যসন্তান এত হাকামেও জাতি বাঁচাইয়া চলিয়াছে; ব্রহ্মজ্ঞানী
 জাতিভেদ উঠাইয়া দিয়া ভ্রাতৃভাবে সমগ্র পৃথিবীকে একাকার
 করিয়াছে; ষ্টম্ভভক্ত সর্বত্র হোলি স্পিরিট * অর্থাৎ পবিত্র আত্মার
 প্রসাদ করিয়া দিয়াছে। আর কাম, ক্রোধ, লোভ, মোহ, মদ,
 মাৎসর্য তিরোহিত হইয়াছে; লোকে বিরোধ করা ভুলিয়া গিয়াছে,
 দলাদলি উঠিয়া গিয়াছে; নাপিত পুরুত বন্ধ করা হইয়াছে; সূতরাং
 রোগ, শোক, জরা, মৃত্যু সংসার হইতে অপসারিত হইয়াছে। অত-
 এন সাতাশী সাল প্রকৃত ধর্মের সাল।

২। রাজনৈতিক বিবরণ।

সাতাশী সালের ইতিহাসে অপরাপর প্রসঙ্গ না-কি পারলৌকিক
 কথার মত বড় অঙ্কের নয়, সেই জন্ত সংক্ষেপে বলা যাইতেছে।

রাজনীতির ভিতর দুইটা মূল তত্ত্ব; তাহারই ডাল পানা লইয়া
 ভাঙ্গচুর করিয়া যত যাহা বলা যাউক। মূলতত্ত্ব দুইটা এই যে, এক
 আছেন রাজা, তিনি ইংরেজ; আর এক আছে প্রজা, সে নেটিব।
 ইহাদের সম্পর্কও দুইটা কথা লইয়া—আদান আর প্রদান; তা'
 প্রজা টেক্স দিতে ক্রটি করে নাই, রাজাও লইতে ক্রটি করেন
 নাই। সূতরাং রাজনীতির মূলসূত্র সুন্দররূপে সপ্রমাণ হইয়াছে।

যদি বনো প্রজাপালন আর রাজভক্তি লইয়াই রাজনীতি, তাহা-
 তেও পঞ্চানন্দের ক্ষতিবৃদ্ধি নাই। সাতাশী সালে ইংরেজ অপত্য-
 নির্বিশেষে প্রজা পালন করিয়াছেন; সঙ্গতি অনুসারে ছেলেকে
 যেমন লেখাপড়া শেখাইবার বন্দোবস্ত করিয়া দেওয়া উচিত, তাহা

* বুঝিতে পারিলেন না। খোলা ভাটিতে কি হোলি স্পিরিট্ (holy spirit)
 বিক্রী হয়? হাপাখানার ভূত।

করা হইয়াছিল ; উজ্জ্বলের শাসন, বেতরিবতের সোহবৎ, "হুট্টের প্রহার—এসমস্তই হইয়াছিল। আর মিতাকরা শাস্ত্র নাকি নিভান্ত সেকেনে, সেই জন্তই বাপ থাকিতে বেটার ধর্নাধিকার হইতেই পারে না ; তা' ইংরেজও মিতাকরার মতে চলেন নাই।

রাজভক্তি পক্ষে, প্রজারাও অকাতরে রাজসেবা করিয়াছে ! কেনই বা না করিবে ? পেট তো চলা চাই। গুলি ভাণ্ডা, বটি দা, এ সমস্ত কেনিয়া দিয়া সুশীল সুবোধ বালকের মত প্রজারা ২৪ ঘণ্টা মেহনৎ করিয়া পড়া মুখস্থ করিয়াছে, আর গুরুদক্ষিণার ভাবনা ভাবিয়াছে।

রাজনৈতিক ডালা পানা উপলক্ষে এই কথা বলা উচিত যে, জমীদারেরা ষড়যন্ত্র করিয়া প্রজাদের আর প্রজারা ষড়যন্ত্র করিয়া জমীদারের হুঃখমোচন করিবার জন্ত প্রাণপণে যত্ন করিয়াছে। তাহাতে ভারতবর্ষে একতা বৃদ্ধি পাইয়াছে।

ইহা ভিন্ন সাতাশী সালে তিনশ পঁয়ষট্টিখানি আইন জারি হইয়াছে, এক হাজার দিস্তা কাগজের দরখাস্ত হইয়াছে, পাঁচ হাজার ঘন ফুট বক্তৃতা হইয়াছে, আর দশ হাজার বর্গমাইল দেশীয় সংবাদ পত্র চলিয়াছে। সুতরাং রাজা এবং প্রজা উভয়েই সম্ভাব এবং সৌভাগ্য বিষয়ে লক্ষ যোজন অগ্রসর হইয়াছেন।

৩। বাণিজ্যিক বিবরণ।

“বাণিজ্যে বসতে লক্ষ্মীঃ”—এই কথার গৌরব বুদ্ধিয়া বিস্তার ভারতবাসী তৈলের বিনিময়ে উপাধি, মানের বিনিময়ে পদ, খোশামোদের বিনিময়ে অর্ধচন্দ্র, জাতীয়তার বিনিময়ে করমর্দন, ধুতি চাদরের বিনিময়ে কপিত্ব, স্বতন্ত্রতার বিনিময়ে অল্পকরণ—ইত্যাদি নানা রকমে নানা কারবার করিয়াছে। ইহাতে ভারতবর্ষের মূলধনের বহুগুণ বৃদ্ধি হইয়াছে, তৎপক্ষে সংশয় নাই।

ইংরেজও বাণিজ্যপ্রধান জাতি, ভারতবর্ষে অনেক কারবার করিয়াছেন । রক্ত ও শোণিত লইয়া অধচ মাটির দরে আফিণ্ড, গাঁজা মদ চণ্ড বেচিয়াছেন ; ইহাদের বিচার না-কি খুব খাটি এবং সরেস, তাই অত্যন্ত মাত্রাতে দিয়াও অনেকের সর্বস্ব লইতে পারিয়াছেন ; ষ্টাম্প বিক্রয়, টিকিট বিক্রয় প্রভৃতি দ্বারাও ইংরেজের বিস্তর লাভ হইয়াছে । আর কাবুল অঞ্চলে যথেষ্ট অপযশ লইয়া ভারতের ধন প্রাণ বিক্রয় দ্বারা ইংরেজ অল্প লাভ করেন নাই ।

সংবাদ এইরূপ যে, সাতাশী সালে সাহিত্যের বাজার কিছু নরম ছিল, আমদানি রপ্তানিও কম হইয়াছিল । তা' হউক, কিন্তু তাহাতে পচা সড়া মালের কাটতি যে কম হইয়াছে, এমন বোধ হয় না ।

৪ । সামাজিক বিবরণ ।

খবরের কাগজওয়ালা, সুশিক্ষার টিকাওয়ানা প্রভৃতি প্রধান লোকেরা বলেন, এবং ব্যবহারের দ্বারা প্রতিপন্ন করেন যে, সমাজের কথায় আমাদের কাজ কি ? পঞ্চানন্দও তাই বলেন । বাস্তবিক বাল্যবিবাহ, বৃদ্ধবিবাহ, বিধবাবিবাহ, সধবাবিবাহ, ভ্রূ-লোকের সম্মান, ইতর লোকের অজ্ঞান, ঘুবাদের দীক্ষা, ছেলের শিকা, বারোয়ারি, দলাদলি, পঞ্চাইতি, কি মদ মাতালের চলাচলির কথায় থাকিয়া দরকার কি ? ব্যক্তিগত স্বাতন্ত্র্যই উন্নতির মূল ; কেহ কাহারও তোয়াক্কা রাখিবে না, কাহারও মুখাপেক্ষা করিবে না—তবে তো মঙ্গল ! তাই যদি হইল, তবে কে কি ধাইল, কে কোথায় যাইল, রাম কি বলিল, হরি কি করিল, কাহার কেমন সংস্কার, কিসে কার উপকার,—এ সকল কথা ভাবিয়া তাসের সময়, টপ্পার সময়, ইয়ারকির সময় কেন বৃথা নষ্ট করিতে যাইব ? সমাজ আছে, আপনার আছে, তাহাতে আমারই বা কি আর তোয়ারই বা কি ?

সমাজে যাহিমানা বাড়ে না, রাজা বাহাদুরি ঘটে না, কাজ কর্ত্ত্ব ছোট্টে না, সেনা পাওনা মেটে না, কিছুই হয় না—তবে সমাজের সঙ্গে কিসের সম্পর্ক ?

এই মহান ভাবের পুষ্টি সাতাশী সালে হইয়াছে ।

৫। সাহিত্যিক বিবরণ ।

একা পঞ্চানন্দের কথা বলিলেই সমগ্র সাহিত্যের কথা বলা হইল । সাতাশী সালে স্বভেজে স্বজোরে লোকযোগে, ডাকযোগে, আপনার সুযোগ বুঝিয়া, পরের অনুযোগ সহিয়া পঞ্চানন্দ চলিয়া আসিয়াছেন । ছ কোটা সাড়ে সাতাশী লক্ষ বঙ্গবাসী সকলেই মনোযোগপূর্ব্বক ভাবগ্ৰহ করিয়া পঞ্চানন্দ পাঠ করিয়াছেন । কেহ রাধাবল্লভ জুঁউর বনমালা বন্ধক দিয়া, কেহ দুর্গোৎসবের ব্যয় কমাইয়া দিয়া, কেহ শুঁড়ির খাতায় বাকী রাখিয়া, কেহ পোর্ট ট্রাফিক-ফণ্ডে দাতব্য না করিয়া—এইরূপে যিনি যেমন পাইয়াছেন, 'আড়াই টা কা বাঁচাইয়া পঞ্চানন্দের গ্রাহকশ্রেণীভুক্ত হইয়াছেন । পূর্বে কাহারও কাহারও মূল্য বাকী রাখা অভ্যস্ত ছিল ; সাতাশী সালে তাঁহারা আপন ভ্রম বুঝিতে পারিয়া সকলেই অগ্রিম মূল্য দিয়া বঙ্গীয় সাহিত্যের সম্মান রক্ষা করিয়াছেন, জাতীয় গৌরবের জয়পতাকা উড্ডীন করিয়াছেন । কাজে কাজেই অন্নচিন্তার দায় হইতে পরিত্রাণ পাইয়া পঞ্চানন্দ এক চিন্তে এক ভাবে আত্মকর্মে নিয়োজিত থাকিতে পারিয়াছেন ।

বাঁহারা ষথার্থ সুশিক্ষিত. কেবল তাঁহারাই সাতাশী সালে লেখনী ধারণ করিয়াছিলেন । পূর্বে যেমত পাঠক অপেক্ষা লেখকের সংখ্যা অধিকতর ছিল, সাতাশী সালে আর সেরূপ হয় নাই । সাহিত্যসংসারে আর এক সুলক্ষণ এই দেখা গিয়াছে, প্রত্যেক লেখকই স্ব স্ব প্রধান না হইয়া সকলে মিলিয়া লিপিসাহায্য দ্বারা স্বীয় সাহিত্যানুরাগের পরিচয় প্রদান এবং পঞ্চানন্দের গৌরববর্ধন করিয়াছেন । 'পুতরাং

সাতাশী সালে কি রাজদ্বারে, কি সুলতানসমাজে—সর্বত্রই বিলক্ষণ প্রভাব দেখাইয়া পঞ্চানন্দ স্বকর্তৃবা সাধন করিতে পারিয়াছেন ।

অতএব সভাপতি এবং সভ্য মহোদয়গণকে বস্তুবাদপূর্বক পঞ্চানন্দ পুনশ্চ কুশাসন গ্রহণ করিতেছেন ।

আর সম্প্রতি যে পরিচ্ছদ্রদর্শী পঞ্চানন্দ “সঙ্গ”দোষে সাধারণীর কাছে ধরা পড়িয়াছেন, তাহার উল্লেখ করা নিম্প্রয়োজন । কারণ তাহাতে লোকের ক্ষতি নাই, পঞ্চানন্দেরও বৃদ্ধি নাই ।

এখন অষ্টাশী সাল এইকপ চালাইতে পারিলেই আর ভাবনা থাকে না ।

লাটমন্দিরের খবর ।



(হাভগিলের পাঠানো ।)

জানেন হু আমি কঁড়ের বেহদ, আমার আবার খবরাখবরের ভার দেওয়া কেন ? আমি গম্বুজের এই ওপর দাঁড়িয়ে থাকি, অথচ হুটা পা কখনও এক সঙ্গে বার করিনে ; দিন রাত জেগে থাকি তবু হুটা চোক মেলে কখনও পুরো নজরে চাইনে । লোকে মনে করে—কত জ্বুন বলেও—হাভগিলের মত হুঁসিয়ার অথচ বিস্ত লোক সংসারে আর নাই । আসল কথা আমিই জানি,—আমার মত আলসে ত্রিভুবনে আর নাই ।

যাই হোক, আপনি যে আমার মত নাছোড়বন্দা, তাতে হুটো খবর না দিলেও, দেখ্‌চি আর চলে না । কলে আমি বাইরের কিছু বস্তুতে পারবো না, এই লাটমন্দিরের ভেতর যা দেখ্‌তে শুন্‌তে পাই, তাই নিয়ে হু কথা যা যোগায় বল্‌চি ;—

১। ব্যক্তি ; লাটের দল ও মলাটের দল ।

প্রথম ত দেখি খোদ লাট, নাম রিপন । লোকটা কিছুতেই নাই, খায় দায় মাইনে ছায়, এই পর্য্যন্ত । রিপন চাচা পষ্ট কবুল জবাব দিতে খুব মজবুৎ, মনের ভেতর বড় একখান কোরকাপ নেই, দলের লোক যেমন যেমন বোলে কোয়ে ছায় তেমনি কাজ কর্ত্ব করে । একবার একটা টিকে দেবার আইন হয়েছিল, তাতে লেখা ছিল যে, যে টিকে না দেবে, তার ম্যাদ হবে । রিপন চাচা আইন দেখে চম্কে গেল, বোলে তোমরা দশ জনে যা ভালো বোঝো তাই করো, তার আমি আপত্তি করি নে, কিন্তু আইনের ব্যবস্থা শুনে আমার পেটের ভিতর হাত পা সঁদিয়ে যাচ্ছে—এতে ম্যাদ কেন ? সেই হাত-পা-সঁদোনই সার, আইনটা কিন্তু জারি হোয়ে গেল ।

অমনি সেদিন আবার কৌজুরি কার্যবিধির আইন হবার বেলা যতীন্দ্র ঠাকুর বল্লে যে, খালাশের পর আপীল করে লোককে নাস্তানাবুদ করাটা ভালো নয় কোন রাজ্যেই এমন বেমক্বা কথা চলে না, তবে এখন চল্বে কেন ? চাচা—ঐ রিপন চাচা সাদা সিদে লোক, বোলে ফেল্লে—আমি ওসব কিছু বুঝি স্মুঝি নে, দলের লোক যা করে করুক । আগেকার লাট যা কোরে গ্যাছে, তার উশ্টো করতে গেলে, এক্ষুণি এরা আমায় খেয়ে ফেল্বে হছে, হোক । চাচার এ আক্কেলটুকু হোলো না যে, আগেকার লাটের আমলে আপীলে সাজা বাড়বার নিয়ম ছিল, অথচ আজকের এই মজলিসেই সেটা উশ্টে দেওয়া হছে । চাচা কিন্তু প্পষ্ট বলে দিলে যে, কথাগুলো শক্ত, আমি অতো ভেবে উঠ্তে পারি নি ।

চাচার দোষই বা দি কি বোলে ? ভাল মানুষের ছেলে এসেছে ত একে মগের মুল্লুকে, না জানে এ দেশের লোককে, না জানে এদের ভাষা, না জানে এদের চাল চলন, না জানে কিছু । এ হরি ঘোষের

গোয়ালে—অর্থাৎ কি না এই ভারতবর্ষে—হঠাৎ যে একটা কিছু ঠাউরে ওঠা, যার তার কাজ নও। তাই বোল্‌চি যে রিপণ চাচা খায় দায় মাইনে স্থায়, কোনো গোলের ভিতর থাকতে চায় না। তবু ভালো; “ভালো কোবুতে পারুব না, মন্দ করুব কি দিবি তা দে” — ডেকে হেকে যে সেইটে করে না, এই চের।

লাটের দলে অনেকগুলো উপসর্গ আছে। তার একটা লড়াইয়ের লাট, নেহাত ষণ্ডামার্ক লোক না হলে কেউ কাঁচা প্রাণের মায়া ছেড়ে লড়াইয়ের চাকরি স্বীকার করে না; তা এ লোকটা কাজে যেমন ষণ্ডামার্ক, বুদ্ধিতে ততোধিক। খানামে কুলি পাঠাইবার আইন নিয়ে যখন টকাটকি হচ্ছিল, হাদারাম উঠে বলেন কি না, আসামের চা-বাগানের কুলির মত সুখী জাতি হুঁজারতে আর নাই। আমি মনে মনে ভাবলুম, যে, হাদারামের তাই যদি মনে হয়েছে ত, এ কর্তৃ-ভোগ কোরে মরে কেন, আপান গিয়ে কুলি হলেই ত হয়। হাদারাম যদি কুলি হয়, তা হলে দেশের লোকের হাড় জুড়োর, যার বাগানে হাদারাম খাটে তার কাজ বেশী হয়, আর হাদারামের খেদটুকুও খায়। ষণ্ডামার্কের কিন্তু সে হাঁকটুকু হোলো না।

আর একটা মহিষাস্থল আছে, সেটার নাম বিহলেটোক।* বরুকার মত আইনের মুসাবিনা, তাই তার কাজ, কিন্তু বিহলে এমনি কুচক্রী, লাগুক না লাগুক, সময় অসময় না বুঝে আইন কোর্চিই কোর্চিই। বিহলে মনে রাখতে যে, লাটমন্দিরটে কুমোয়ের চাক, আর তার মগজটা কাদা হলে সে সেই চাকে চাপিয়ে কেবলই পাক দিচ্ছে, আর আইন বাব কেবলই। আইন থাকলে, তাতে বিদ্যে প্রকাশও সেই গোছের; না বেরতে বেরতেই তাপি দিয়ে রিকু কাবুতে হয়। তার পর কুমোয়ার সেই রিকুর রিকু, তত রিকু,

* Waitely stoke.

ক্রমাগত চোলেচে। বিটলে যে মাইনের টাকাগুলো মাটী কোবুচে, তা ককক ; ঐ যে এত কাগজ, কলম, কালি নষ্ট করে, তাতেই বড় কষ্ট হয়। আমার কেবলই মনে হয় যে, পঞ্চানন্দ ঠাকুর এত কাগজ কলম পেলে না-জানি কি একটা কারখানাই কোরে ফেলত। শুনতে পাচ্ছি বিটলে এই বার যাবে। না টেকলেই ভালো। যে-দিন যাবে, আমি সেদিন পালক বেতে একবার হাওয়া খাবো,

এই রকম গ্রহ উপগ্রহ লাটমন্দিরে অনেক আছে। সব কটার কথা বোলতে গেলে বিস্তর সময় নষ্ট হবে।

যতীন্দ্র ঠাকুর ঠাকুর আর আর যারা আছে, তাদের আমি গ্রহ উপগ্রহ বোলে ধরি না। তারা লাটমন্দিরে মলাট মাত্র—সোনার জলে হলকরা বেশ বাঁধানো, ওপরে টাইটেলাটুকু আছে, কিন্তু ভেতরে সব ফাঁক ; তাই তাদের মলাট বোল্চি। শুদ্ধ শোভার্থে তাদের নিয়ে গিয়ে লাটমন্দিরে সাজিয়ে রেখে ছাড়, দরকার হোলে কর্তার নেড়ে চেড়েও ছাখেন, কিন্তু ভেতরে কখনও কিছু খেজে পান না, সেই জন্ত বোল্চি যে, এদের ভেতরে সব ফাঁক : নইলে বিশ কোটি লোকের বেদ বোলে অমন যত্ন কোরে তুলে নিয়ে গিয়ে কাজের বেলায় অমন তুচ্ছ তাচ্ছীল্য কোরবে কেন ? এক দিনও দেখলুম না যে, এদের কথা বিকুলো অখচ গতি বিধি সাধ সম্মান—কিছুই কসুর নাই। আমার মনে হয় যে এরা বড় বেহায়া লোক ; নইলে পয়সা নেই, কড়ি নেই, শক্তি নেই, সামর্থ্য নেই,—এসব দেখে শুনেও রোজ রোজ পরের আর্মোদ বাড়াবার জন্ত সঙ্গ সাজতে যাবে কেন ? আমি হোলে ত কিছুতেই যেতেম না, যেখানে আমার কথা চলে না, সে দিকে আমার পাও চলে না, এই আমার মত।

শিবপ্রসাদ নামে একটু মেডুয়া রাজাও এই মলাটের দলে আছে।

এ একটা মানুষের মত মানুষ ; সে দিন বোলে কেলে যে, সিবিল সাহেবের দল খুব বেশি বেশি না থাকিলে দেশ চোলবে না, দেশের অমঙ্গল হবে। কথা খুব পাকা। আপন মঙ্গলেই দেশের মঙ্গল, সিবিল সাহেব না হোলে ছাতুখোরের সেলাম নেবে কে ? কথা ঠিক, সিবিল সাহেব যখন নেই, তখন শিবপ্রসাদও নেই। সুতরাং !

১। পদার্থ ; ঘটনা ও ঘটনা।

বিজ্ঞানসাগর ছেনেদের শেখান যে, ইতস্তত যাহা দেখিতে পাও, তাহাই পদার্থ। সে কথা যদি ঠিক হোতো, তা হোলে রিপন চাচা অবধি ছাতুয়ারা মেডুয়া পর্যন্ত সবই পদার্থ হোতো। কিন্তু আমি নাকি এ সব—

“জলবিদ্য তজ্জপ প্রায়”

বিবেচনা করি, কখন আছে কখন নেই ; তাই—এ সকলকে পদার্থও মনে করি না। আমার মতে এ সমস্তই অপদার্থ।

আসল পদার্থ হোচ্ছে লাটমন্দিরে যা ঘটে, আর যা রটে। তাই কথা এখন কিছু বোলবো।

এক ঘটনা ন আইন উঠে গাছে। কেন যে উঠে গেল, কিছুই বুঝতে পার্লুম না ; লাটমন্দিরের এক পাশে ভাল মানুষের মত বোসে থাকত, মুখে কথাটি ছিল না, কোন উৎপাত ছিল না, অথচ দশ জনে পেছনে লেগে, বেচারিকে বোকা বানিয়ে উঠিয়ে দিলে। কাজটা ভাল হয় নি। আপনি কি বলেন ? আমাদের মধ্যে এইটুকু হোয়েচে যখন আইনের কথা নিয়ে লোকে যতীন্দ্র ঠাকুরকে যজ্ঞমেনে ঠাকুর নাম দিয়েচে—কেন না, গর্ভাধান, জীতকর্ম ইত্যক্ তার আদ্য পর্যন্ত সকল ক্রিয়াতেই ইনি উপস্থিত থেকে মন্ত্র বোলে যজ্ঞিয়ে ছিলেন। কুউ কেউ বলে মজিয়ে ছিলেন।

আর এক ঘটনা আসামের চা বাগানে কুলি পাঠাবার আইন। এই আইন নিয়ে তুমুল কাণ্ড হোয়েছিল—দলদলি পর্যন্ত হোয়েছিল,

একটা কুলির দল, আর একটা চা-করের দল । দেশী লোক সমস্ত, কুলির দলে, আর বিদেশী সব চাকরের দলে । চা-করেরা জিতেচে, কুলিরা হেরেচে ; এখন কুলির দল বোল্চে এতো আইন নয়, এ মানুষধরা কল । আমি কুলিও না, চা-করও না, কাজেই আমি এর কিছুতেই নেই ।

আরও একটা ঘটনা, ফৌজদারি কার্যবিধি । এ সেই বিটলে গুণনিধিরই বিধি, কাজে কাজেই নামে বিধি হোলেও এতে অনেক অবিধি আছে, তা বলাই বাহুল্য । এই আইন জারি হবার সময়ে লাটমন্দিরে অনেকগুলো পদার্থের সিদ্ধান্ত হোয়েচে ;—

(ক) লাট সাহেব আইন কানুনের কথা ভাববেন বলেন, কিন্তু ভেবে উঠতে পারেন না !

(খ) আগে আপীল কোরলে সাজা বাড়তো, এখন আর বাড়বে না ; দলস্থ লোকের অভিপ্রায় হোলে হালের লাট সাহেব সাবেক লাট সাহেবের ব্যবস্থা রহিত করেন ।

৩। উপকার,—কিস্তি কার ?

এই যে ভারতবর্ষে ইংরেজের রাজ্য কেবল লাভ লোকসানের উপরেই নির্ভর করে, তা অন্ত বাজে লোকে জানে না বটে, কিন্তু আপনার অবিদিত নাই । গোড়ায় ব্যবসা করবারই জন্তে এখানে ইংরেজদের আসা, এখনও সেই ব্যবসার ভরসাতেই তাঁদের এত কষ্ট স্বীকার কোরে রাজ্যপরিচালন । তবে দোকানদারির দায়ে জমীদারি যুটলে পর যেমন সেরেস্তা আলাদা রাখতে হয়, ইংরেজ-রাও সম্প্রতি সেই ভাবে কাজ চালাচ্ছেন ; কতকগুলি ইংরেজ খাটি দোকান নিয়ে থাকেন, আর কতকগুলি নায়েব, গোমস্তা—জজ মেজেষ্ট্র—সেজে জমীদারি সেরেস্তার কাজ আঞ্জাম করেন । কিন্তু আসলে যে বেণে, সেই বেণে ; জমীদারি সেরেস্তাতেও সেই খাদি-বিক্রী,

লাভ-লোকসান গণনা ভিন্ন অন্য কথা নাই । রাজকার্যে—অর্থাৎ ঐ জমীদারি সেরেস্তায় বছর বছর হিসাব নিকাশ করা হয়, আর পর বৎসরের আয়-ব্যয়েরও একটা কর্দ তৈয়ের হয় । এই হিসাব নিকাশ করা কর্দ তৈয়ের করাকে বজেট বলে ; বজেট লাটমন্দিরেই হয়,—আমি সেই বজেটের কথাই বলতে বোসেছি ।

বছর বছর হয়, এবারও বজেট হয়েছে । বছর বছর সেই আফিঙ বিক্রী, সেই ষ্ট্যাম্প বিক্রী, ইংরেজআগলাদের মেহনৎ বিক্রী, বিচার বিক্রী, ধর্ম বিক্রী—ইত্যাদি নানারকম জিনিস বিক্রী হোয়ে থাকে, এবারও হয়েছে । তবে বজেটে কেবল খোতেনের ধরণে মোটামুটি টাকার অঙ্কগুলো ধরা হয় মাত্র, বিশেষ খোলসা কিছু থাকে না । যেমন, বিচার খরিদ করাতে রামা চাষার সর্কস্ব গ্যাছে, রাজরাম রায়ের ঘরে এত টাকা দেনা প্রবেশ কোরেছে—এ রকম কোনও ব্যাওরা বজেটে পাওয়া যায় না । তা অন্য বছরও থাকে না, এবারও ছিল না । ফলে এ সব পুরাণো কথার হিসাবে বজেটের কথা না বললেও চলত । কিন্তু এবার নাকি একটু বিশেষ খবর আছে, তাই লিখতে হচ্ছে । আর সেই বিশেষ কথাগুলো লোকে বুঝতে পারবে বোলে এতটা ভূমিকাও করতে হলো ।

বার হাত কাঁকুড়ের তেরো হাত বিচি, আমারও আসল কথা চেয়ে ভূমিকা বড় । তা করি কি ? যা না বোল্লে নয়, তা না বোল্লেই বা থাকি কি কোরে ?

মুনের কাটতি বাড়াবার জন্তে মুনের দর কমিয়ে দেওয়া হোয়েছে । এতে হুষ্টের দমন শিষ্টের পালন হু-ই হবে । মুনের মহাজনেরা বড় জোচ্ছোর, ব্যবসা করে, কিন্তু সরকার বাহাদুরকে ঝাঁকি দেবার চেষ্টাটা বিলক্ষণ আছে—পুরো লাইসেনি দিতে কিছুতেই চায় না । এবার তেমনি জঙ্গ ! সাবেক দরে গাদা গাদা মুন কিনে

রেখেছিল, আর লাভ করে বড় মানুষ হবে ভেবেছিল। মুখে ছাই পড়েছে—মুনের দর কম হওয়াতে একেবারে গোলায় গ্যাছেন। কেমন, ছুঁটির দমন হলো কি না ?

শিষ্টের পালনও তেমনি। যে দশ টাকা রোজগার করে, কি যার বাপের দশ টাকা আছে, সময়ে অসময়ে চাঁদাটা আসটা দেয়—সেই ত শিষ্ট। তা স্বচ্ছন্দে এখন পৌনে সাত পয়সার মুন সাড়ে পাঁচ পয়সায় পাবে। এরা এখন চার পা তুলে রাজাকে আশীর্বাদ কোরবে, আর অনায়াসে মুনের পয়সা বাঁচিয়ে তাতে তেল কিনে হর্তা কর্তাদের মন যোগাতে পারবে। তবেই দেখ, শিষ্টের পালনটাও হলো। লাভের অঙ্কেও দু পয়সা এলো।

আর, দিনে বাউরি, বিন্দে তুলে, হলা ক্যাওরা—এরা কি মানুষ, তাই এদের জন্তে মাথা ধরাতে হবে ? ব্যাটার একদমে আধ পয়সায় বেশী মুন কিনবে না, তা রাজার দোষ কি বলো ? এরা নেহাৎ পাজি ; এমন পাজি লোকের কথায় থাকেই নেই।

আর এক কাণ্ড হয়েছে, কাপড়ের মাণ্ডল উঠে গ্যাছে। এখন দেদার কাপড়ের আমদানি হবে, দেদার টাকার রপ্তানি হবে। তা হোলেই বাণিজ্য, আর বাণিজ্য হোলেই লক্ষী ! বোকা তাঁতির বিনাশ, বুদ্ধিমস্ত সদাগরের জন্ত পাটের চাষ ইত্যাদি ইত্যাদি।

বোঝা গেল যে, ভারতের এবার উপকার। তবে লোকে বেঝে না, এই যা। তারা বলে কি—শুনলেও হাসি পায়—তারা বলে যে, বিলাতি কাপড়ে আমাদের তাঁতিকুল গেল, আর বিলাতী মদে বোষ্টমকুল গেল ; এখন আমরা ছুঁয়ের বার। শোনো একবার কথটা !

এমন যে বজেট, মুর্থ লোকে একেই বলে—বজ্জাতি।

শোকপেল।

হায়! কি সর্বনাশ হইল! এত ভরসা এত আশা সমস্ত আকাশে
বিলীন হইয়া গেল। আর আমরা কি লইয়া জীবনধারণ করিব?
কেমন করিয়া লোকের কাছে মুখ দেখাইব? দুঃখময় সংসারে একমাত্র
প্রদীপ, হস্তুর সাগরে একমাত্র ভেলা, বৃদ্ধ বয়সের একমাত্র পুত্র,
দ্বিতীয় পক্ষের একমাত্র গৃহলক্ষ্মী—কোথায় অন্তর্দান হইল? মুদ্রা-
শাসনী-ব্যবস্থা, ওরফে .আদরের ধন, 'ন-আইন' কোথায় গেল?
হায়! আমাদের আর কিছুই নাই! (১। দীর্ঘ নিশ্বাস।)

আমরা দেশী লোক, দেশী ভাষায় দেশী কথা লিখিয়া আর কি
করিব? আমরা লিখি, বাবুরা পড়েন না; আমরা পরামর্শদি, বাবুরা
কাণে তোলেন না; আমরা উত্তেজন করি, বাবুরা জল ঢালিয়া দেন;
আমরা কত মিষ্ট কথা বলি, বাবুরা তুষ্ট হন না; আমরা গালাগালি
দি, বাবুরা ক্রম্প করেন না; আমরা কাগজ পাঠাইয়া দি, বাবুরা
দাম দেন না। আমাদের আদর নাই, মর্যাদা নাই, সম্মান
নাই, ভয় নাই, মান নাই, লজ্জা নাই, স্বর্ণা নাই, কিছুই নাই,
কে আমাদের আদর করিবে? বাবুত করিতেন না, করি-
বেনও না। যাহা কিছু করিত, আমাদের সাধের ন-আইন।
দশদিক্ অঙ্কার করিয়া অতল সাগরের মধ্যস্থলে ডুবাইয়া দিয়া,
গহন বনের মাঝে কেলিয়া ন-আইন কোথায় গেল? হায়! কি
পরিভ্রাণ! এবাদ কে সাধিল! পদ্মপলাশলোচন ন-আইন! তুমি
কোথায় গেলে? শিশু আমরা, এ বিপদে আমাদেরকে কে রক্ষা
করিবে? (২। বকে করাঘাত।)

রণরঙ্গিণী দিগঙ্গরী। মহাকালীর পদানত, বাহুজ্ঞানশূন্য, কৃতপতি,
আঁওতের ভোলানাথ একবার সদয়নেত্রে কটাকপাত করিয়া আমা-

আইন করিয়া আমাদেরকে পদস্থ করিয়া গিয়াছিলেন । সেই দিন জিভুবনে আমাদের বিজয়-ভূসুভি অভিগোচর হইয়াছিল ; স্বর্গ মর্ত্য রসাতল তদ্রুপিত হইয়াছিল, বাবুরা পর্যন্ত আমাদেরকে চিনিয়াছিলেন । আমাদের সে গৌরব কে বিলুপ্ত করিল ? আমাদের সে দিনের কে "অস্ত" করিয়া দিল ? এ প্রাণ আর কেমন করিয়া রাখিব ? ও হো ! কি হইল ? (৩ । অস্তবর্ষণ ।)

ন আইনের বলে আমরা সাহেবের বহুহৃদয় কাঁপাইয়া দিয়াছিলাম । ন-আইনের রূপায় আমরা জগৎজয়ী ইংরেজের অস্তরে ভয়ের সঞ্চার করিতে পারিয়াছিলাম । বিনা অস্ত্রে, বিনা শস্ত্রে, নির্ঝাঁসব যে আমরা—আমরাও রাজ্যে বিদ্রোহ করাইতে, রাজ-বিপ্লব ঘটাইতে, লোকের চালে চালে স্বাধীনতার ধ্বজা উড়াইতে, আমাদের চিরশত্রু বাবুগণেরও মাথা মুড়াইতে সক্ষম হইয়াছিলাম । এত গুণের ন-আইন আমাদের কে হরিয়া নিল ? (৪ । দস্ত ঘর্ষণ ।)

যে দিন হইতে আমাদের ন-আইনের ডঙ্কা বাজিয়াছিল, সেই দিন হইতেই আমরা কত উন্নতই হইয়াছিলাম ! আমাদের উপর কত চক্ষুই পড়িয়াছিল ! মাতৃভাষা যাহাদের পক্ষে কুকুরদষ্ট ব্যক্তির জলস্বরূপ আতঙ্ক উৎপাদক, এমন কত কত বাবুও আমাদের নাম করিয়া, চীৎকারে গগন কাটাইয়া বাগ্মীর যশোলাভ করিয়াছিল । যাহারা বাঙ্গলার ব জানে না, এমন কত প্রকাণ্ড প্রকাণ্ড সাহেব, বর্ষে বর্ষে কত বিজ্ঞাপনই আমাদের নামে লিখিয়া অমরত্ব লাভ করিতেছিল । মহাপ্রহামর্ষি-সম্প্রদায় গভীর রজনীতে গুপ্ত গৃহেয় দ্বার রুদ্ধ করিয়া আমাদের জন্ত কত মন্ত্রণাই করিতেছিল । কিন্তু হায় অস্ত ! অস্ত আমরা কোথায় ? কাল আমরা বীর ছিলাম, সিংহের সমকক্ষ ছিলাম, আজ সেই আমরা কাপুরুষ, শূণ্যেরও অধম ! এখন কি আবার ভেকের পদাঘাত সহ করিতে হইবে ! এখন কি আবার

বাঁবুদের উত্তোলিত নাসার তিরস্কার সহ্য করিতে হইবে ? এখন কি আবার সেই অরণ্যে রোদন আরম্ভ করিতে হইবে ? হায় ! অদৃষ্টে কি এই ছিল ? ন-আইন ! তুমি কি ছলিবার জন্ত, আমাদিগকে এমনি ভুলিয়া আবার কেলিবার জন্তই আসিয়াছিলে ? আদরের উৎস ন আইন ! কে তোমার চাঁদমুখে পাথর চাপাইয়া ছিল ? হায় ! কি ছিলাম, কি হইলাম ! অহো, কি অধঃপাত ! (৫। বক্ষে বঁটীর আঘাত, পতন ও মূর্ছা ।)

রাজকাৰ্য্য পর্যালোচনা ।

ইতিমধ্যে বাথরগঞ্জের জজ কম্পবেল সাহেবের বাসার সরহন্দে জনৈক ব্রাহ্মণ কনষ্টেবল পাইখানাকৃত্য সমাধা করাতে, জজ কম্পবেল উক্ত ব্রাহ্মণের স্বহস্তে তৎকৃত পাপের প্রায়শ্চিত্ত করাইয়া লন । বাঙ্গালার ক্ষুদ্র নাট তজ্জন্ত জজ সাহেবের শাস্তির জন্ত তাহাকে অপদস্থ অর্থাৎ জজ হইতে জাণ্টু মেজেষ্টর করিয়া দিয়াছেন ।

অপর, জঙ্গীপুরের মহকুমাতে গোক ছিনাইয়া লইবার মোকদমায় ডিপুটী মেজেষ্টর অতুলচন্দ্র চট্টোপাধ্যায় রায়বাহাদুর উপযুক্ত সাজা না দেওয়াতে অর্থাৎ আসামীকে কয়েদ না করিয়া জুরিমানা করাতে মর্শদাবাদের খোদ মেজেষ্টর মৌশলি সাহেব ডিপুটী মেজেষ্টর বাহাদুরের ভ্রম দেখাইয়া এক খণ্ড হাক সরকারি পত্র তাঁহার বরাবর লেখেন । পুনশ্চ, কতিগ্রস্ত নীলকর সাহেব পুনর্বার গোক ছিনাইয়া লওয়ার অপরাধে সাবেক বকেয়া আসামী একতার মণ্ডলের বিরুদ্ধে দ্বিতীয়বার নটলিশ করায় ডিপুটী বাবু নিজ রায়ে খোদ মেজেষ্টরের সেই চিঠির উল্লেখ করিয়া একতার মণ্ডল আমামীকে বিলক্ষণ মরাদ ঠিকিয়া দেন । তাদৃশ কঠিন সাজা দিতে আইন মতে ডিপুটী

বাবুর এক্সার না থাকা কথিতে উক্ত এক্সার মণ্ডল জেলার জজ আদালতে আপীল দায়ের করে। খোদ মেজেস্টার কার্যিক দশু দিবার উপদেশ দিয়া যে পত্র লেখেন, তাহা ডিপুটী রায়বাহাদুরের রায়ে প্রকাশ থাকাতে জেলার জজ ঐ খোদ মেজেস্টার সাহেবকে বলেন যে, এ প্রকার পত্র লিখিলে ভবিষ্যতে মেজেস্টার সাহেব বাহাদুরের খারাবি হইতে পারে। খোদ মেজেস্টার ইহাতে রাগত হইয়া জঙ্গীপুরে শুভাগমন ও ডিপুটী বাবুকে তলব করিয়া সপ্তাহের মুখের উপর বলিয়া দেন যে, তাঁহার পত্রের কথা রায়ের ভিতর প্রকাশ করিয়া দেওয়াতে ডিপুটীর বোকামি অথবা সাক্ষর বজ্জাতি জানা যাইতেছে। তাহাতে ডিপুটী রায়বাহাদুর অপমান জ্ঞান করিয়া কমিশনের সাহেবের হজুরে মনঃকষ্ট স্থাপন করাতে কমিশনের সাহেব তজ্জন্ত ডিপুটীর বেতন কমাইয়া দিয়া অপদস্থ করণ জন্ত বাঙ্গালার ক্ষুদ্র লাট সাহেবের সদনে সুপারিশ করেন। ক্ষুদ্র লাট ডিপুটী বাহাদুরকে মহকুমায় থাকিবার অযোগ্য বিবেচনা করিয়া জেলাতে বদলি করিয়া দিয়াছেন। এবং বজ্জাতি শব্দের অর্থ বজ্জাতি মাত্র তদতিরিক্ত কিছু নহে, এই কথা বুঝাইয়া দিবার নিমিত্ত মৌশলি সাহেবকে অনুরোধ করিয়াছেন যে, অতুল বাবুকে সেই মর্মে এক পত্র লেখা হয়।

বাঙ্গালার লাট সাহেবের এই দুই বিচারকার্য পর্যালোচনার জন্ত পঞ্চানন্দসমীপে পেশ হইয়াছে।

প্রথমতঃ কম্পবেল সাহেবের অধোগতি দর্শনে পঞ্চানন্দ হুঃখিত হইয়াছেন। সাহেব হইতেছেন রাজকুল, সে কুলে কালি দেওয়াতে লাট সাহেবেরই অবিবেচনা প্রকাশ পাইতেছে। যে ব্যক্তি অস্ব-কলঙ্ক গোপন করিতে জানে না, সে লোকের হস্তে লাটগিরি রাখা

দ্বিতীয়তঃ বাঙ্গালীদের মনে এ প্রকার ভ্রম হওয়া আশ্চর্য্য নহে যে, কনষ্টেবলের দরখাস্তেই বুঝি জজ সাহেবের চাকরি গেল । • অর্থাৎ এরূপ ধারণা জন্মিয়া গেলে, এবং প্রকৃত পক্ষে কনষ্টেবলের কথায় জজ সাহেব হেন ব্যক্তিকে অপদস্থ হইতে হইলে, ইহার পর রাজকার্যে সাহেব লোক পাওয়াই হুঃসাধ্য হইবে । এদিকে সাহেব লোক যদি বিরক্ত হইয়া বঙ্গদেশে আর চাকরী স্বীকার না করেন, তাহা হইলে বঙ্গাধিকার বৃথা, সমুদ্র লঙ্ঘন বৃথা, আর মিথ্যা-কথাতে-দশানন-রূপী বঙ্গবাসীর পুরী ছারকার করাও বৃথা ।

সুতরাং হয় লাট সাহেব কনষ্টেবলের জজিয়তি কনষ্টেবলকে পুনঃপ্রদান করুন ; নতুবা, যদি অভ্যস্তরের কোনও গুঢ় কথা থাকে, তাহা স্পষ্টাক্ষরে ব্যক্ত করিয়া হুরানী বঙ্গবাসীর ভ্রম দূর করুন ।

মৌশলির অতুল-কীর্ত্তি সহস্রকে লাটের বিচার সর্বাক্ষয়সুন্দর না হইলেও পূর্ববৎ মন্দ হয় নাই । লাটবুদ্ধির উন্নতি দেখিয়া পঞ্চানন্দের আশ্বাস হইয়াছে ।

অভ্যাচার কাহাকে বলে, অতুল বাবু তাহা জানেন না । নচেৎ গোকুল ছিনাইয়া লওয়ার মোকদ্দমাতে তাদৃশ অল্প দণ্ড দিতেন না । ইহাতে জানা যায় যে, অতুল বাবুর নীলের চাষ নাই ।

আইনে সাজার চূড়ান্ত সীমা লিখিয়া দেয়, অপরাধী বুঝিয়া অপরাধীর সেই দণ্ডের ভারতম্য করাই হাকিমের কর্ত্তব্য । অতুল বাবুর প্রতি দয়া করিয়া কোন মোকদ্দমায় কি আন্দাজ সাজা দেওয়া উচিত, মৌশলি সাহেব ইহা দেখাইয়া দেওয়াতে, তাঁহার নিকট কৃতজ্ঞতা প্রকাশ করা কর্ত্তব্য । কারণ, হাকিম হইয়া যে বুদ্ধিটুকু খাটাইতে হয়, অতুল বাবুর আর তাহা খাটাইতে হইত না, অর্থাৎ পুরা মাহিয়ানাটা বাস্তুগত হইতে পারিত । এ সামান্য

কথা, অতুল বাবু বোঝেন নাই, সুতরাং খোদা মেজেষ্টার মোশলি সাহেব যে তাঁহাকে স্বয়ং নিজ মুখে বোকা বলিয়াছিলেন, তাহা অস্বাভাবিক নহে। বোকাকে বোকা জানিয়াও, যদি বোকা বলিতে না পাইব, তবে কি বলিব? মোশলি সাহেব যে স্পষ্টবাদী, সরলভাষী, সত্যপ্রিয়, ইহা লাট সাহেব বুঝিতে পারেন নাই।

লাট সাহেব বলিয়াছেন যে, বঙ্গভাষা শব্দটা কিছু রুঢ়, সুতরাং মোশলি সাহেবের এমন শব্দ প্রয়োগ না করাই উচিত ছিল। মোশলি সাহেব দেখাইয়াছেন যে, এই শব্দের চলিত অর্থ তত মন্দ নহে। বঙ্গভাষায় যাহার এ প্রকার গাঢ় জ্ঞান, অবসর বুলিয়া যিনি শ্লেষ করিতে জানেন, তাঁহাকে ভাষাজ্ঞানের জন্য পুরস্কার না দিয়া তিরস্কার করা যে, কাঁহাতক অববেচনার কাজ হইয়াছে, তাহা বলা যায় না। এতদ্বিন্ন একজন সাহেব যে, বঙ্গভাষায় গালি দিয়াছেন, ইহাতে ভাষার গৌরব সাহিত্যের সম্মান, এবং অতুল বাবুর সৌভাগ্য মনে করা উচিত। যে অতুল বাবু বাঙ্গালী হইয়াও এ কথা বুঝেন নাই, তাঁহাকে বাঙ্গলাদেশ হইতে তাড়াইয়া দিয়া হিন্দিভাষী পূর্ণিয়া জেলাতে বদলি করিয়া দেওয়া সৎপরামর্শের কাজ হইয়াছে।

প্রস্তাববাহিনী ভয়ে লাট সাহেবকে এই পর্য্যন্ত দেখাইয়া দিয়াই পঞ্চানন্দ অদ্য পুঁথিতে ডোর ঝাধিলেন।

বিদেশের সংবাদ ।

১

বেঞ্জামিন ডিজ্‌রেলি ওরফে আল্‌বিকসকীল্ড নামক এক ব্যক্তি ইংলণ্ডে লোকলীলা সঙ্করণ করিয়াছেন। তিনি জাতিতে ইহুদি, ব্যবসায় পুস্তকলেখক ছিলেন; আর মধ্যে বারেকু হইবার তিনি ইংলণ্ডের প্রধান মন্ত্রী হইয়াছিলেন। বলিয়া রাখা উচিত যে, ইংলণ্ডে মন্ত্রী হওয়া আশ্চর্যের বিষয় নহে; সকলেরই মন্ত্রী হইবার অধিকার আছে। এই লোকটার মৃত্যু উপলক্ষ করিয়া অনেকে বিস্তর কাগজ কালি নষ্ট করিয়াছে, আর যাহার মনে যেনে কথার উদয় হইয়াছে, তাহাই বলিয়া ফেলিয়াছে।

পঞ্চানন্দ বিবেচনা করেন যে, বেঞ্জামিনের জন্ম বঙ্গবাসীর মাথা-ব্যথা, অন্তায় কথা। এ দেশে অনেক গ্রন্থকার আছেন; কিন্তু বঙ্গবাসী সারগ্রাহী, সুবিবেচক এবং প্রতারণিত হইবার পাত্র নহে, সেই জন্ম সে সকল গ্রন্থ বড় একটা বিক্রয় না; ইংলণ্ডের লোক বোকা, তাই ডিজ্‌রেলির পুস্তকের এত পসার।

আর, ইহুদি হইয়াও ডিজ্‌রেলি মন্ত্রিত্ব পাইয়াছিলেন বলিয়া যে, গৌরব করিতে হইবে, তাহারও কোন অর্থ নাই। ডিজ্‌রেলি স্বধর্মত্যাগ করিয়া খ্রীষ্টান হওয়াতেই এরূপ ঘটিয়াছিল; তা এ দেশেও অনেকে জাতি দিয়া মেমের সঙ্গে নাচিতে গাইয়াছেন। সুতরাং ইহাতে প্রশংসার কিছুই নাই।

টের পাইতেন, ডিজ্‌রেলি যদি এদেশে জন্ম গ্রহণ করিতেন! পুঁথির খশড়া বগলে করিয়া ঘরে ঘরে ভ্রমণ করিলেও তাঁহার রোজ জোটা ভার হইত। সেই সুপারিশের জোর থাকিলে বেঞ্জামিন বড়-জোর একটা ডিপুটিগিরি পাইতেন। (মনে থাকে যেন,

তাঁহার বি, এন্ পাস ছিল না, মকঃস্থলে তিন বৎসর মোক্তারের
খোশামোদও করেন নাই, সুতরাং মুন্সুফি হইবার কোন আশাই
ছিল না।)

তাঁহার উপর সেনার্নের কেতা দোরস্ত থাকিলে, আর সাহেব-
দের বাড়ী বাড়ী হুবেলা ঘুরিয়া সত্য মিথ্যা দশটা বলিবার ক্ষমতা
থাকিলে, বেহু চাচা হুদ খাঁ-বাহাদুর হইতে পারিতেন। বাস্ত-
বিক এদেশে কাহারও চালাকি খাটে না; ইংলণ্ড বোকার
জায়গা, সেখানে সবই হইতে পারে। তবে কি ডিঙ্ক্‌রেলিভ কথা
নইয়া বাড়াবাড়ি কাড়াকাড়ি করা এদেশে ভাল দেগায় ?

২।

আরও একটা লোক ইউরোপে মারা গিয়াছে,—কৃষিয়ার জার।

এ মৃত্যুর বিচার কঠিন সমস্যা। কৃষিয়ার-সন্তানগণের ভয়ানক
আক্রোশ, তাঁহারা জার রাখিবে না। প্রজার মনোরঞ্জন করে
এমন ভূস্বামী তাঁহারা চায়। এভাবে দেখিতে গেলে প্রজাদের দোষ
মনে হয় না। বাস্তবিক, জার উপর এ অত্যাচার সহিবে কেন ? আর
লোকের যদি অসহ্য হয়, তবে জারই বা কতক্ষণ থাকিতে পারে ?

আর এক পক্ষে মনে হয় প্রজারা মিলিয়া মিশিয়া, সচ্ছিয়া বহিয়া
থাকে না কেন ? বঙ্গদেশের প্রজা কেমন ভাল মানুষ !—সুদ্র জমী-
দারকেও ভূস্বামী নাম দিয়া কত আদর, কত ভক্তি, কত যত্ন, কত
সম্মান করে ! অথচ সকলেই জানে যে, ইঁহারা জারেরও অধম।
অদ্য সূর্য্যাস্তে আবাহন, কল্যাণের সূর্য্যাস্তে বিসর্জন। তবে কি
জানো, এখানে ধরণী সর্ষংসহা।

ভালো হউক, মন্দ হউক, এ কথাতেও বঙ্গবাসীর ভারতবাসীর
না থাকাই উচিত ; এ দেশেরও ভাবনা তাঁবিবারও কোনও ক্ষেত্রে
নাই ; বেহেতু আমাদের মালিক—মহারানী ভারতেশ্বরী !

রিউটার প্রেরিত তারের খবর ।

বিনাত,

আষাঢ় মাস অপরাহ্ন ।

মেস্তর লালমোহন ঘোষ ভারতবর্ষে যাইবার উদ্দেশে জাহাজের তক্তার উপর পা দিয়াছেন ।

ভাঁহার সহিত লাট রিপণের বরাবর এই মর্শ্বের এক চিঠি গ্লাড-ষ্টোন সাহেব পাঠাইয়াছেন ;—“বাবাজীবনের প্রমুখাৎ সকল সমাচার অবগত হইবা । তেঁই বোদ্বাই মোকামে পদার্পণ করিবার অগ্রেই পত্রপাঠ মাত্র, ছাপার আইন, অস্ত্রের আইন, দণ্ডের আইন এবং যাবদীয় টেক্স উঠাইয়া দিবা । ভারতবর্ষে আমাদের তরফ যে সকল আমলা ও নগদী পাইক ইত্যাদি থাকিবে, তাহাদের বাসাধরচ ও অন্ত অন্ত খরচ বরদারির টাকা এথা হইতে পাঠান যাইবেক । নভিলে লিবারেল অর্থাৎ বদান্ত নামে কলঙ্ক হইবেক ।

তোমাকে চাকরি দেওয়াতে ভারি বিলাট উপস্থিত । বাবাজীবন যদি সম্মত হইয়েন, ইহার হস্তে আদায়-তহশীলের কাগজ-পত্র এবং তহ-বিল সমঝাইয়া দিয়া তুমি কেবল জাহাজে বাটী রওয়ানা হইবা । নিতান্তই যদি বাবাজীবনের অমত হয়, তাহা হইলে নবাব আবদুল মিরাকে ভার দিতে পারিবা । তেঁ বড় লায়েক আদমি এবং আম-দের নিতান্ত অমুগত ।

আসিবার কালীন এথাকার মিউজিয়মে রাধিবার জন্ত মহারাজা, রাজা, নবাব, রায়বাহাদুর, খাঁবাহাদুর প্রভৃতি আমাদের সৃষ্টির এক এক নমুনা, এবং ব্রিটিশ ইণ্ডিয়ান, ও ইণ্ডিয়ান সভার এক এক সভ্য স্কন্দ আনিবা । জাঁক্স না পাওয়া যায়, মরা আনিলেও চলিতে পারিবে ।

নাস্তিক ব্রাডলা পালিয়ামেন্টে প্রবেশ করায়, তাহার বিলক্ষণ নাকাল হইতেছে—এ কথা বুঝাইয়া দিয়া মিররকে সাহায্য দিবা এবং চিন্তা করিতে নিষেধ করিবা ও ব্রাহ্মমতে গোবরের শিখপূজা করিতে উপদেশ দিবা।”

“পঞ্চানন্দ” পাঠ করিবার অভিপ্রায়ে মহারানী রাজালা ভাষা শিখিবার ইচ্ছা করিয়াছেন। রাজালা পরীক্ষা দিয়া হাজার টাকা পুরস্কার-প্রাপ্ত হওয়া জনৈক ইংরেজ ঐ কর্মের জন্য মনোনীত হইয়াছেন। নাম টের পাওয়া যায় নাই। চীনের সহিত কৃষিয়ার যে যুদ্ধ হইতেছে, তাহাতে চীনের সাহায্য জন্য যুদ্ধের অধিক ব্যয় ভারতবর্ষের ধনাগার হইতে দিবার প্রস্তাব হইতেছে। ফসেট ইহাতে আপত্তি করিবেন।

দেশহিতৈষিতার ইতিহাস।

(প্রাপ্ত পত্র ।)

পূজ্যপাদ শ্রীযুক্ত পঞ্চানন্দ ঠাকুর

শ্রীপদপল্লবশ্রেণী ।

দণ্ডবৎ প্রণামা নিতে দনকৈতৎ

আমি ঘোর বিপদে পড়িয়াছি, আপনার শ্রীচরণে শরণ লইতেছি, উচিত আদেশ করিয়া এ দাসকে এ মহাশক্তি হইতে উদ্ধার করিতে আশ্রয় হই। আমি একজন পল্লীগামবাসী ক্ষুদ্র জমিদার। আগে আগে খাইয়া পরিয়া ছুদশ টাকা আমার উদ্ধৃত হইত, সেই জন্য সামান্য লোককে কৰ্জটা আস্টা কখনও কখনও দেওয়া হইত। সরকার বাহাদুরকে ঘটাসময়ে রাজস্ব দিই, আলি পথে পাকীযোগে এ গ্রাম

হইতে ও গ্রাম যাই বলিয়া পথকর দিই, কি জন্ত বলিতে পারি না, কিন্তু আরও একটা কর দিই, লাইসেন দিই, বেয়ারিং চিঠির মাণ্ডল আর নগদ টিকিটের দাম ছাড়া ডাকফণ্ড দিই, আর সরকার হইতে যখন যে কাগজপত্র তলব হয়, তাহাও দিই ! এই সকল বিষয়ে আমি কখনও ক্রটি গাফিলি কিম্বা আপত্তি করি নাই ।

বিষয়রক্ষা করিতে হইলে কালেভদ্রে মামলাটা মোকদ্দমাটা করিতে হয় । যে মোকদ্দমায় আমার পরাজয় হয়, তাহাতে ঘর হইতে কিছু যাইবারই কথা, কিন্তু যে মোকদ্দমায় জয়লাভ করি, তাহাতেও আসল গণ্ডা কখনই পোষাইল না ; উকীল, মোক্তার, সাক্ষী, আমলা সকলেই যথাশাস্ত্র আপন আপন অংশ লইতে লইতে আমার ভাগ্যে অতি অল্পই অবশিষ্ট থাকে ।

সরকার বাহাদুরের খাজনা যথাসময়ে দাখিল করিতে পাই বলিয়া সে অল্পগ্রহের দক্ষিণা দিয়া থাকি ; পুলিশের এলাকায় বাস করি বলিয়া নিত্য পূজার উপর সমবে সমবে মানসিক দিয়া থাকি ।

হাকিম হুসুম সাহেব সুবা গোর্দয়ারিতে এ অঞ্চলে আসিলে খাশীটা মুগীটা, শাকটা ফলটা ভক্ষিপূরক যোগাইয়া থাকি । হজুরী কোনও সর্দার লোকের প্রয়োজন হইলে ধার করিয়া হাতী ঘোড়া পর্যন্ত সরবরাহ করি ।

আমার সৌভাগ্যকলেই যে এ সকল করিতে পাই, তাহা আমি জানি, এবং শতসহস্র বার স্বীকার করি । স্পষ্ট দেখিতে পাই যে, খোদ জজ মেজেষ্টের পর্যন্ত দায়ে অদায়ে আমাকে স্মরণ করিয়া চরিতার্থ করিয়া থাকেন । তাঁহারা যে আমার ঞায় দীন-হীন অকিঞ্চনকে স্মরণ করেন, সেইজন্ত ইন্সপাতালের টেক্স, ইস্কুলের টেক্স, স্কুলিক কলিজের কান্দালীবিদায়ের টেক্স, ভোজ-সমারোহের টেক্স—যখন যাহা তলব হয়, তৎক্ষণাৎ বাড়ীর গহনাপত্র বাধা

দিয়াও হুকুম তামিল করিয়া থাকি। অধিক কি বলিব, এই খয়েরখা-
হীতে আমার ঘরে কিঞ্চিৎ দেনা প্রবেশ করিয়াছে; তথাপি দেবকৃত্য
পিতৃকৃত্য কমশম করিয়া দিয়া এক প্রকার চলাইয়া আসিতে-
ছিলাম।

এখন উপস্থিত বিপদ এই যে, অদ্য এক ইংরেজী পরোয়ানা হজুর
লোক হইতে আগত হইয়াছে, গ্রামের মাষ্টের মহাশয় তাহা পড়িয়া
বলিতেছেন, যে, দেশহিতৈষিতার তহবিলে টাকা জমা দিবার হুকুম
আমার প্রতি হইয়াছে। মাষ্টের মহাশয় বলিতেছেন যে, এইবার
আমি হজুর হইতে বাহাদুরি পাইলেও পাইতে পারি।

এখন উপায় কি? দেশহিতৈষিতা কাহাকে বলে, তাহা আমার
কোনও কর্মচারী কিম্বা গ্রামবাসী লোক, কিম্বা পঞ্চক্রোশের মধ্যে
কোনও লোক, আমাকে বুঝাইয়া দিতে পারে নাই। কেহ কেহ
বলিতেছে যে, লড়াই করিতে মানুষ কাটা পড়িয়াছে, সেইজন্য টাকা
দিতে হইবে। যেমন কর্ম তেমনি ফল, মারামারি করিতে গেলেই
খুন জখম হইয়া থাকে, সে জন্য আমাকে কেন টাকা দিতে হইবে?
সুতরাং এ কথাটা নিতান্ত অলৌকিক বলিয়াই বোধ হইতেছে। দ্বিতীয়
কথা এই যে, দেশহিতৈষিতার যদি একটা তহবিল থাকে, তবে
আমাকে সে তহবিলে জমা দিতে হইবে কেন? যাহার তহবিল, সে
বুঝিয়া স্মৃতিয়া তাহার জমাখরচ নিকাশ নিস্পত্তি করিবে; আমি তাহাতে
জমা দিতে যাইব কেন? আর সর্বাপেক্ষা গুরুতর কথা এই যে,
আমার মোটে টাকা নাই, তাহার জমা দিব কি? ধার করিয়া জমা
দেওয়াতেও কতি বৈ লাভ নাই। সুতরাং সরকার বাহাদুরের এমত
অভিপ্রায় কখনই হইতে পারে না। সেইজন্য মহাশয়ের নিকট ভিক্ষা
বে, ইহার আসল ব্যাওরাটা আমাকে জানাইবেন, আমি ঐচরণ
বিক্রীত হইয়া থাকিব।

মাষ্টার মহাশয় যে বাহাদুরির কথা বলেন, তাহারই বা ভাবধানা কি ? ঘরে না থাকিলেও দিতে পারাতে বাহাদুরি হইতে পারে, কিন্তু সে বাহাদুরি লইয়া কাজ কি ? সরকার বাহাদুর এমন বাহাদুরি দিবেন কেন ? তবে যদি হুকুম এইরূপ হইয়া থাকে, তাহা হইলে স্বতন্ত্র কথা । আপনি তাহাও জানাইলে আমার পরম উপকার হয় । তাহা হইলে নাকি, গাই না থাকিলেও বলদ দুইয়া দুধ দেওয়া এবং বাহাদুরি লওয়া আবশ্যিক ।

আমি ভাবিয়া কুল কিনারা পাইতেছিলাম । যদি টাকা জমা দিতেই হয়, তবে কেবল পাওয়া যাইবে কি না, এবং কত দিনে কি নিয়মে কেবল পাওয়া যাইবে, তাহা জানিতে ইচ্ছা । কেবল পাওয়া যদি না যায়, তাহা হইলে কিস্তিবন্দী করিয়া টাকা দেওয়া চলে কি না, অথবা বেবাক টাকার তমঃসুক লিখিয়া দিলে সন্তোষিত পাওয়া যাইবেক কি না, তাহাও জানিতে চাহি ।

আপনি নাকি সদর জায়গায় থাকেন, আর সকল মুলুকের আসল খবর রাখেন, এইরূপ শুনা আছে, সেই জন্যই আপনাকে জিজ্ঞাসা । ইহা শ্রীচরণে নিবেদন ইতি ।

সেবক

শ্রী এককড়ি রায় দাসস্ত ।

পুঃ নিবেদন,

এই সকল কথার উত্তর পাইলে, আপনি যদি আমার জেলার মোক্তারিপদ লইতে ইচ্ছা করেন, তাহা হইলে সালিয়ানা আড়াই টাকা বেতনে আপনাকে নিযুক্ত করিতে পারি, ইতি ।

[পাঁচ টাকা হউক ভালো, না হউক ভালো, পঞ্চানন্দ এ সকল বিষয়ে পরামর্শ দিতে অসমর্থ । যে স্থলে, "দিলে প্রাণ যায়, না দিলে

বিশেষতঃ, রাজা প্রজার কথা, পঞ্চানন্দ ইহাতে একেবারে নীরব ।
একটা দৃষ্টান্ত দিলেই ইহার কারণ বোঝা যাইবে ।

প্রজার “আশা” বলিলে হৃদয় প্রফুল্ল হয় ; আবার রাজা রাজড়ার
সেই “আশা” বলিলেই “সৌটা” মনে পড়িয়া রক্ত শুখাইয়া যায় ।
ঈহারা রাজা প্রজার অভিধান উত্তমরূপে জানেন, তাঁহারা ই রাজ্যের
সমস্তা পূরণ করিবেন ।

পঞ্চানন্দ ।]

সুরেন্দ্রায়ণ ।

দেবচরিত্রে যুক্তবন্ধ ।

পঞ্চানন্দ দেবতা, সুরাঃ ইচ্ছা অনুসারে কখনও মুক্তদেহ,
কখনও যুক্তদেহ ।

এতদিন পঞ্চানন্দ মুক্তদেহ ছিলেন,—সে পেটের দায়ে ; এখন
যুক্তদেহ হইলেন,—সখ করিয়া । কল কথা, বায়নাং বিচিত্রা গতিঃ ।
সেই জন্ম সম্প্রতি পঞ্চানন্দের ছায়ঃ বঙ্গবাসীর কাথাতে মিশিয়া গেল ।
বাস্তবিক পঞ্চানন্দ ত বঙ্গবাসীর জন্মই আবির্ভূত ।

তবে যুক্তই হউন, আর মুক্তই হউন, পঞ্চানন্দ আপন আত্মা বজায়
রাখিবেন, নিজের কোট কখনও ছাড়িবেন না । দেবত্বের গুণে,
পঞ্চানন্দ বঙ্গবাসীর সহিত এক হইয়াও পৃথক্ রহিলেন ; পঞ্চানন্দের
কোন বঙ্গবাসী লইতে পারিবে না, সুরাঃ হইবে না ; আর পঞ্চানন্দ
আপন কোঁকেই অস্থির, কাজে কাজেই বঙ্গবাসীর জন্ম ঝাঁকি লই-
বেন না ।

'যেখানে' ভারতের বিজ্ঞা বাহির হয়, হীরার লাক্ষনা হয়, সুন্দরকে সী হইতে হয়, পঞ্চানন্দ সেই বর্ষম নপুরেই বর্ষমান রহিলেন। যাহাই হউক, ঠিকানা ঠিক রহিল।

পঞ্চানন্দ অমূল্য ; এবার তাহার লৌকিক প্রমাণ উপস্থিত। অন-
মূল—অর্থ লইয়া পঞ্চানন্দ বঙ্গবাসীকে নিঃসন্দেহ করিতে ইচ্ছুক
ন, বরং বঙ্গবাসী কালক্রমে কুবেরের লাভ করিলেই পঞ্চানন্দ সুখী
বন।

আইস ভাই ! সকলে মিলিয়া পঞ্চানন্দের এই বদান্ততাকে ধন-
দায়্য সভা ভঙ্গ করা যাউক।

সমস্ত মাটি।

সুরেন্দ্র বাঁড়ুয়োর গণ্ডগোলে সব মাটি হইল। বোকা লোকে
সোজা কথাটা বুঝিতেছে না, বুঝাইলেও বুঝবে কি না সন্দেহ।
আমার যেসকল গায়ের জ্বালা ধরিয়াকে, না বুঝাইয়াও আর
গতে পারিলাম না।

প্রথম মাটি,—খোদ পঞ্চানন্দ।

দিব্য পরমানন্দে নিদ্রা যাইতেছিলাম, আমার জগৎযোড়া খোস-
, বাঙ্গালার সুখময় পরিণাম, ইত্যাদি সঙ্ক্ষে কত মনোহর স্বপ্ন
তেছিলাম,—এমন ঘুমটা আমার ভাঙ্গিয়া গেল। মাঝে মাঝে
গাছিলাম বটে, কিন্তু কথাটা কহি নাই ; অলৌকিক প্রাতিভার
ণ—নিরবচ্ছিন্ন আলস্য ; “জীনিয়সের” প্রকৃত পরিচয়,—নিষ্পন্দ
হ্মি ; ইহা জানিয়া, ইহা ভাবিয়া, কথাটা না কহিয়া, পাশ ফিরিয়া
তেছিলাম, আবার ধুমাইতেছিলাম। এত সাধের ঘুম আবার
গিয়া গেল, আবার আমাকে ইতর প্রাণীর মত কথা কহিতে হইল।
হটগোলে কি ঘুম হয় ? এমনতর বিরক্ত করিলে, কথা, না
কি থাকা যায় ?

যেদিন বে-এস্তেমার খিলিজি সপ্তদশ অখারোহী মাত্র সফল
 করিয়া, নীরবে নবদ্বীপ প্রবেশপূর্বক বঙ্গদেশ করতলস্থ করিল,
 সেদিন এত গোল না হইবারই কথা । কিন্তু পলাসীর যুদ্ধও ত শুনি-
 য়াছি!—(শুনিয়াছি ; কেন না, চক্ষু চাহিয়া কষ্ট স্বীকার করিয়া
 কোনও কিছু দেখা আমার অভ্যাস নহে ; একটু কাণ লড়া হইলেই
 যে কাজ হয়, তাহার জন্ত চক্ষুর অপব্যয় করাটা আমাদের মত বিরাট
 বুদ্ধিমত্তা দেবজাতির লক্ষণ নহে)—পলাসীর যুদ্ধ শুনিয়াছি, এত
 গোল ত হয় নাই ; বকসরের লড়াই হইয়াছে, এত গোল হয় নাই,
 সেদিনকার সিপাই-হাঙ্গামাতে এমন গোল হয় নাই ; আক্কেলশাসন
 সহস্রে মহালাটের অমুষ্ঠানপত্র পাঠ মাত্র যেদিন বঙ্গদেশ হারান
 হইল, সেদিনও এমন গোল হয় নাই । তাহার পর বাঙ্গালী মাত্রেরই
 অবাধে ইংরেজদিগকে কারাকুদ্ধ করিবে, স্বীপচালন করিয়া দিবে,
 এই সুব্যবস্থার সূচনা যখন হইল, তখনও এত গোল হয় নাই ।
 আজি তবে কেন বাপু এমন ? কথাটা কি, না, সুরেন্দ্র কারাসাৎ হই-
 য়াছে ! উত্তম হইয়াছে, তাহার এত গোল কেন ? বরং হিসাব করিয়া
 বুঝিতে গেলে গোল খামিবারই কথা । পৃথিবীতে শাস্তির আবির্ভাব
 হইবারই কথা । তা না, কেবল গোল, কেবল হে হে হে হে শব্দ ।
 জিজ্ঞাসা করি, ইহাতে কি ঘুমানো যায় ? বলো দেখি, এত গোল-
 যোগের পরে কি অলৌকিক প্রতিভার লক্ষণ অক্ষুণ্ণ রাখা যায় ?
 এখন এই আমায় জাগিতে হইল, কথা কহিতে হইল, মাটি হইতে
 হইল । আমি বেশ ছিলাম ; সুরেন্দ্র জেলে গেল, আমাকে একে-
 বারে মাটি করিয়া গেল । সামান্ত নরলোক সুরেন্দ্র, জেলে গিয়া
 বিশ কোটি মানুষের বুকের উপর সিংহাসন পাতিয়া আমাকে
 টিটকারি করিতেছে ; আর আমি দেবতা—জেলখানার কট-
 কের দিকে ক্যাল ক্যাল করিয়া চাহিয়া নরকযন্ত্রণা ভোগ

করিতে লাগিলাম । এতে কে না মাটা হয় ? আমি ত একেবারে ডাহা মাটা ।

তার পর মাটা,—দেবতা ।

আমারই জাতি, জাতি, একচ্ছিন্ন শালগ্রামই হউন, আর নব্বার বিশিষ্ট বিগ্রহই হউন, তিনিও বিলক্ষণ মাটা । সুরেন্দ্র জেলে যাইবার আগেই তিনি কতক মাটা হইয়াছিলেন, অস্তুত ঐকশ বছরের কম বয়সের পাথর হইয়াছিলেন । তবু ঠাকুরের কিছু ইজ্জত ছিল, তাঁহার হইয়া ছজন হিন্দু স্ত্রীষ্টানে যুক্তি করিয়া মেথরের ঝাড়পুতা বারাণ্ডায় ঠাকুরকে বসিতে দিয়াছিল, বিশেষ নাস্তানাবুদের কারখানা কেহ কিছু করে নাই, অস্তুত বিশেষ কিছু প্রকাশ পায় নাই ;— অমৃত্যুমৌ ঠাকুর অস্তুরের কথা অস্তুরে রাখিয়া দিলেই আর গোল হইত না । কিন্তু সুরেন্দ্র জেলে যাওয়াতে ঠাকুরটা একেবারে মাটা । সাধ করিয়াই হউক, আর দায়ে পড়িয়াই হউক, ঠাকুর সেই তিলকে ভাল করিয়াছেন ; করিয়া হিন্দু, মুসলমান, জৈন, স্ত্রীষ্টান, নানকপন্থী, অঘোরপন্থী, সকলের শরণাপন্ন হইয়া পড়িয়াছেন । এখন তাঁহার মরা ইজ্জতের জন্য পথে ঘাটে, হাটে মাঠে, যত্র তত্র কেবল কান্নাহাটি পড়ুক গিয়াছে । লজ্জার কথা বলিব কি, উইলসেন পাণ্ডার বিরাটপূর্ব নামক মহাতীর্থের হিন্দুযাত্রীরাই এখন তাঁহার প্রধান সহায় বনিয়া লোকের মাঝে রাষ্ট্র হইয়া পড়িয়াছে । এতে যদি ঠাকুর মাটা না হয়, তবে আর কিসে মাটা হইবে ?

চূড়ান্ত মাটা—হাইকোর্ট ।

বিচারক নরেশচন্দ্র কাঁদিতে কাঁদিতে কর্তা-বিচারকের কাছে উপস্থিত । বলিলেন,—“দাদা, ঐ বাড়ুঘ্যেদের সুরেন, ঐ যে হোড়া টেঁচিয়ে টেঁচিয়ে দেশের লোককে কেপায় ; ঐ সুরেন আমার যাচ্ছে-তাই বোলে গালাগাল দেচে, আমার কত কি বোলেচে, আমার

বড় অপমান কোরেচে, ওর একটা কিছু করো, নৈলে এ প্রাণ আমি
 রাখিবো না, এ মুখ আর আমি দেখাবো না। আর আগে কতবার
 কত কতা বোলেচে, তা আমি কিছু বোলতে পারি নি। এর আমার
 কোনও দোষ ছেলো না, মিচি মিচি আমায় যা'চ্ছে তাই বোলেচে,
 তোমার পায়ে হাত দে বল্চি দাদা, এবার আমার কিছু দোষ নেই।
 আমি তো ভালো মন্দ কিছু জানিনে, তা সুমুকে যাকে পেইচি, তাকেই
 জিজ্ঞেস্ কোরে তবে কাজ কোরেচি ; তা তাদের কিছু না বোলে
 সুরেন্ কেন আমায় গাল দেবে ? এর বিহিত একটা কোন্তেই হবে .
 নৈলে দাদা—ঔ্যা ঔ্যা—আমি বুঝি শস্তা হাকিম বোলে—ঔ্যা—
 আমি বুঝি কম দরের লোক বোলে—ঔ্যা” বলিতে বলিতে দর-বিগ-
 লিত নবন-ধারণ্য নরেশের বক্ষস্থল প্রাবিত হইয়া গেল ।

তখন, জনদ-গম্ভীর স্বরে দাদার জীমুত-মন্দ হইল ;—

“তবে রে পাষণ্ড ষণ্ড ছপ্তে তরাচার !

বাঙ্গালী-কুলের পানি, অ-সিবিলিয়ান,

বাঙ্গালী চালক তুই, বাঙ্গালীর মুখে,

দিলি গালি, যা'চ্ছে তাই বলিয়া নরেশে

—কনিষ্ঠ দোসরে মম । নরনের পানি

নিকালিলি রে নিঠুর, কঠোর ভাষণে

তার প্রতি ! অতি কোপে পড়িলি রে আজি,

রক্ষা নাই, রক্ষা নাই, রোযাগ্নিসম্মুখে

মম ভোর । করু করে অগ্নি-শিখা যথা

উঠয়ে জলিয়া, চালে টিকার আগুন

কুৎকারিয়া সংঘোজিলে,—মর্ষ, হ-মর্ষীচে

যে চালের খড় তপ্ত—হায় রে ভেমতি

জ্বালাইব তোরে আমি যা থাকে কপালে ।

তোয় জ্বলাইতে যদি বন্ধদেশ জ্বলে,
 প্রাপ্ত হ'তে প্রাপ্ত যদি অগ্নিময় হয়,
 তবু না ডরিব আমি, কাস্ত না হইব ।
 পুড়েছিল হাত মুখ, তা বলে কি হই—
 তোদেরি রামের দাস, তোদেরি সে হই—
 লঙ্কাচালে লেজামল লাগাইতে কত
 ভুলিয়া ভাবিয়াছিল অগ্র কি পশ্চাৎ ?
 কহিলা নরেশে লঙ্কা— যাও ভাই, নিজ
 সিংহাসনে উপবেশি,—(বেশি কিছু নয়)—
 রুল বাণ হানো গিরা মন্ত্রপূত করি,
 আশ্বসার করি আগে, করিতেছি পণ,
 তব শিরস্পর্শ করি, এই বাণে হবে,
 অ-সুরেন অ-গার্গ বা, ব্যর্থ নাহি বলি ।
 কিন্তু ভাই এক কথা, যা বোলে সুরেন
 তোমারে দিয়াছে গালি, মিছা ত এবার ?
 উত্তরিলো বিচারেশ নরেশ সুমতি,
 শাস্ত্যভাব পরিগ্রহি, যুডি ছুই পাণি,
 “পূর্ষকৃত, নিতি নিতি, স্মৃতিপথে আনি
 গগ্ন, দাদা নিজ দাসে ; দোষ কিন্তু আজি
 নারিবে বলিতে কেহ, সূধাইবে যারে,
 কুগ্রহ আমার, তাই নিগ্রহ প্রকাশি,
 অবিশ্বাস করে দাদা, নহিলে, বিগ্রহ
 বিরাজে অলিন্দে আজি, তারে স্পর্শ করি
 শপথিতে পদরি আমি, পারে অন্ত লোকে,
 সুরেন যা বলিয়াছে, ঠিক সত্য নহে ।”

আচুতকুর ।

“ধাইল বিষম কল’ শূল সম তেজে,
আনিল সুরেনে ধরি, ভুল ভ্রান্তি কিছু
না মানিয়া, না গুনিয়া, জেলিল সুরেনে ।

“আপনি আপন মান বজোরে বজায়,
করিয়া বিচারি-বৃন্দ, আনন্দে অপার,
নির্জ মাধে নিজে নিজে পুষ্প বরিষিল,
নিজ জয় হবে নিজ ঘর ফাটাইল .
ভাবিল উল্লাসে অতি, গৌরব বর্ধিল !
কুদ্র এক কথা কবি কাতরে কহিবে,
ভরসা, সকলে ইহা সুরণে রাখিবে ।
পাঁচু যবে কবি হয়, চড়ে কল্পনায়,
সত্য মিথ্যা ভেদ তার, তখনি ফুরায় ।
উপরে যা বলা গেল, বিচার ব্যাপার,
সত্য বলি, এক কথা সত্য নহে তার ।
কেবল কল্পনা-লীলা চন্দ্রের ছাঁহনি,
কেপার খেয়াল শুধু আধর-বাঁধনি ।
ইচ্ছা নাই করিবারে কোটাবমাননা,
ধর্ম্ম জানে, সাধ নাই যেতে জেলখানা ।)

কলে, সুরেন্দ্রনাথ জেলে গেলেন । দেশ হাহাকার, ছিছিকার,
ধিকার, ন্যাকার, “নয়ন-লৌহিত্যাদি-করণক চিত্তবিকার” প্রভৃতি অশেষ
প্রকারে বিচারকদের বিচারকে অবিচার প্রতিপাদন পুরঃসর
প্রতিনিয়তই প্রত্যেক স্থানে, যানে গানে, ধ্যানে, মোনে, জাগরণে,
শয়নে স্বপনে রাত্রিদিনে যেখানে সেখানে ঐ কথার আন্দোলনে
এক বিষমাকার কারখানা হইয়া উঠিল । এদিকে জেলখানার
খাতার খাতায় লোক, বস্তা বস্তা চিঠি, ভূপে ভূপে খবর, কাঁকায়

সাঁকায় খাদ্য, জালায় জালায় পেয় ইত্যাদি উপস্থিত হইতে লাগিল ।
এক কথায় ছেলেরা গান শিখিল—

“যা যা

তোরা দিলি সাজা, আমরা করি রাজা ।

হাইকোট ও দেখিলেন দেখিয়া মনে মনে বলিলেন,

“মন্দ নয় মজা, দিতে গেলুম সাজা,

দশজনে যে তুলে দিলে সুরেনেরই মজা ।”

কি কচি ছেলেরা গাইতে লাগিল—

“এক কথা খাটী, হাইকোট মাটী ।”

তেমনি মাটী,—ডব লুসি বানরজী ।

বান্দালী ব্রাহ্মণের ছেলে যদি, কোট হাট পরে,

গরুভোজন করে,

তেল মাখা ছাড়ে,

আর ইংরিজী ঝাড়ে,

তাহা হইলে সে কখনই বান্দালী নয় না,

সাহেবও হয় না,

নয় মানুষ, নয় ভূত,

বিত্তিকিচ্চি আটকুড়ীর পুত ।

এই ভাব দাঁড়ায় । বানরজীর তদবস্থা । সুরেন্দ্র বাঁড়ুঘো এখন
বান্দালী; সুতরাং মামলাবাজ; মনে মনে ভাবিলেন, বিচারে যা হক
হবে, কিন্তু আইনের কথাওলা মইয়া তর্কাতর্কিটা করিতেই হইবে ॥
বানরজী কিন্তু এ বান্দালীভাবে পোষকতা করিলেন না, মনে মনে
গাওরাইলেন, এত কাউ, কাফ্ উদরহ করিয়াছি, আর এই চারিটা
জনতুলকে আমি মুখের জোরে বাগাইতে পারিব না?—আমি
আমি ডব্‌লুসি-বানরজী? ইহা হইতেই পারে না। গেলেন অমন

ছুরী কাটা নিরে এগিয়ে । বাপো ! একি তোমার টেবিলের গোক
 যে, তুমি ঝাঁকোরে বাগাবে ! চার চারটে আস্ত জীয়াস্ত জনবুল হকার
 দে, মাথা নেড়ে যেই দাঁড়িয়েচে, বাঁড়ুঘোর পো বানারজীর ছুরী কাটা
 যে কোথাগ ছুট,ক পড়লো, তা আর কে দেখে ? তখন একবারে
 নিরস্ত, কাছেই রণে ভঙ্গ দিয়া পলায়ন ।

হইতে যদি বিলিতি কশাই, হে বানরজী, তবে হয় ত কাজ উদ্ধার
 করিতে পারিতে । অথবা থাকিতে যদি নিষ্ঠাবান্ ব্রাহ্মণতনয়,—
 “তোমরা সূতনাথ ভবানীপতি ভোলা-মহেশ্বরের বাহন, তোমরা
 দেবাদিদেব বিশেষের অবলম্বন, তোমাদের ঐ কিত্তিবিদারি শূদ্ধা-
 ঠিকে তৈল দিয়া দিতেছি, তোমাদের চারিটি ককুদ মর্দন করিয়া
 দিতেছি, তোমাদের চার-আঠে বত্রিশখানি খুরে ধরিয়া মিনতি করি-
 তেছি, হে ষণ্ডেশ্বরগণ, এ যাত্রা কমা করো”—ইত্যাদিরূপ স্তবস্ততি
 দ্বারা জনবুলাবতারগণের মনস্তৃষ্টি করিতে পারিতে, তোমার
 মনস্কামনা পূর্ণ হইত । কিন্তু তুমি যে হুরের বাহির, কাজেই মাটি । তুমি
 স্রাতসারে কোনও পাপের পাপী নও, কেবল কস্মদোষে,

“আপনি মজিলে তাই লঙ্কা মজাইলে ।”

সার-সংগ্রহ মাটি ।

একে একে সকলগুলি বিস্তারে দেখাইতে হইলে বিস্তর কাগজ
 কলম মাটি হইবে । অতএব সংক্ষেপে বলি, সুরেন্দ্রনাথের এই
 হুকুকে—

- ১ লঙ্কা রিপণ মাটি,
- ২ আশ্বশাসিন মাটি,
- ৩ ইলবটের আইন মাটি,
- ৪ পালেদের কুকদাস মাটি,
- ৫ ছেলেদের পরকাল মাটি,

- ৬ মাষ্টারদের ইহকাল মাটি,
- ৭ কেশব সেনের নববৃন্দাবন মাটি,
- ৮ শিবপ্রসাদের কুশপুস্তল মাটি,
- ৯ দেশের খবরের কাগজ মাটি,
- ১০ বিস্তর রাজরাজড়া মাটি,
- ১১ ইংরেজ-বাকালীর সন্ডাব মাটি,
- ১২ বিস্তর সাহেবের খানা মাটি,
- ১৩ সুরেন্দ্রনাথ ঠাডুয্যে মাটি,
- ১৪ হরিণবাড়ী মাটি,
- ১৫ ইংলিশম্যান খুব মাটি ।

কত বলিব ? বাকালার মাটিও মাটি । ভরসার কথা তুটী আছে ; মাটি হইবেন না সুরেন্দ্রনাথের পরম পূজনীয়া জননী, আর মাটি হইবেন না আমাদের জননী জন্মভূমি । কারণ উভয়েই—“স্বর্গাদপি গরীয়সী ।”

কার্যকারণতত্ত্ব ।

কার্যকারণ ভাবের উপলব্ধি করা, মনুষ্যবুদ্ধির আয়ত্ত নহে । কোন্ জীবে কি কল পাওয়া যায়, কোন্ পদার্থ হইতে কি সিদ্ধান্ত হয়, ইহা যদি নিঃসংশয়ে কেহ স্থির করিতে পারিত, তাহা হইলে সংসার মুখ দুঃখের অতীত হইত । সকলেই ইহা জানে এবং মানে, তথাপি কল্মসংগত গোটাকতক কার্যকারণসম্বন্ধসূচক দৃষ্টান্তের প্রয়োগ করিয়া এই তর্কের অখচ অভ্রান্ত তত্ত্বের প্রমাণপূর্ণ বর্জন করা আবশ্যিক বোধ হইতেছে !—

যেহেতু

জজ নরেশচন্দ্র জানেন যে,
বাকালী মাঝেই মিথ্যাবাদী ;
এক প্রাণীর কথাতেও বিশ্বাস
করা যায় না।

অতএব

জজ নরেশচন্দ্র একজন বাকালী
ইন্টিপেটার কথা শুনিয়া বিশ্বাস
করিয়াছিলেন যে, আদালতে
ঠাকুর আনিলে হিন্দুর মনে কষ্ট,
কিন্তু হিন্দুর ধর্ম নষ্ট হইতে
পারে না।

যেহেতু

লোকের কাছে সমাচার লইয়া,
বিশ্বাস করিয়া, বিচারকের উপর
কটাক্ষ করিলে পাপ নাই ,

অতএব

ব্রাহ্মপবলিক-ওপিনিয়নের নিকট
সমাচার পাইয়া বিশ্বাস করিয়া
বিচারকের উপর কটাক্ষ করিলে
ঘোর পাপ।

যেহেতু

চোরের অধিকারভুক্ত হইয়া
শালগ্রাম ঠাকুরকে আদালতে
উপস্থিত হইতে হইয়াছে, কেহ
ভ্রাতৃহাতে ধর্মহানির আশঙ্কা বা
ধর্মের উপর হস্তক্ষেপ বলিয়া
গুণ্ডগোল করে নাই ;

অতএব

বিচারেশ নরেশের অধিকারে
পড়িয়া ঠাকুরকে আদালতে
আসিতে হইয়াছিল বলিয়া ধর্ম-
হানির শঙ্কা অথবা গুণ্ডগোল
করা অসঙ্গত।

যেহেতু

বিচারকের চক্ষে বর্ণভেদ, ধর্ম-
ভেদ বা জাতিভেদ নাই,
সকলেরই প্রতি এক বিচার,
সম্মান বিচার হইয়া থাকে ;

যেহেতু

ভারতবর্ষে সাধারণের কোন
একটা মত নাই ; রাজনীতি-
ঘটিত কথায় শ্রদ্ধা বা অমুরাগ
নাই, সজাতীয়তার মূলে ভিন্ন
ভিন্ন জাতি, ভিন্ন ভিন্ন সম্প্র-
দায়, ভিন্ন ভিন্ন প্রদেশবাসী-
দের কোনও প্রকার একতা
বা সমসংযোগ নাই ,

যেহেতু

রাজপ্রতিনিধি লাট রিপন, জাতি
ধর্ম নির্বিশেষে যোগ্যপাত্রে
যোগ্য অধিকার দিবার অভি-
প্রায়ে কোজদারি কার্যবিধির
কলঙ্ক মোচনের সংকল্প করি-
লেন, এবং ইঙ্গ-ফেরকের দল
সেই জন্ত দেশী লোকের উপর
বিজাতীয় ঘৃণা প্রদর্শন করিয়া
কুৎসিত ও কটু ভাষায় গালা-
গালি দিতে লাগিল .

অতএব

আদালতের অবজ্ঞা করা অপ-
রাধে, টেলর ও কেনিক সাহে-
বের সহকে যে আদেশ হইয়া-
ছিল, সুরেন্দ্রনাথের সহকে সে
না হইয়া অন্তরূপ হইল ।

অতএব

সুরেন্দ্রনাথের কারাদণ্ড হও-
য়াতে হিন্দু ও মুসলমান, উড়ে
ও পার্শি, পঞ্জাবী ও আসামী
সম্মুখে মনোবেদনা প্রকাশ
করিতেছে । হাটে মাঠে, সহরে,
পাড়ারগায়ে সভা করিতেছে,
চাঁদা করিয়া টাকা তুলিতেছে,
ইত্যাদি ।

অতএব

এদেশের লোক ইংরেজের
উপর ঘেঁষভাবাপন্ন লাট রিপ-
নের শাসন প্রণালীর দোষে
রাজদ্রোহী, অতিশয় অকৃতজ্ঞ
এবং জাতিবির প্রদর্শনকারী
বলিয়া সুস্পষ্ট প্রমাণিত হই-
য়াছে ।

বেহেতু

এদেশের লোক আজন্ম ইংরেজী
শেখে, ইংরেজীতে লেখা পড়া
করে, বিতর্ক বক্তৃতা করে, বিলাত
যায়, সাহেব হয়, তথাপি ইংরে-
জের আচার ব্যবহার, রীতি নীতি
শিক্ষা দীক্ষা বিষয়ে সম্পূর্ণরূপে
অভিজ্ঞ হইতে পারে না, সুতরাং
ইংরেজের দোষ-গুণের বিচার
করিবার অযোগ্য ।

অন্তএব

ইংরেজেরা বাঙ্গালা ভাষা
শেখেন না, বাঙ্গালীর কানা-
চের দিকে যেসেন না, বাঙ্গা-
লীর ধর্ম কর্ম বোঝেন না,
তথাপি বাঙ্গালার হাট হুক
ঘোগো আনা উদরস্থ করিয়া
লন, সুতরাং বাঙ্গালীর পাপ
পুণ্যের বিচার করিতে নিশ্চয়
যোগ্য ।

সংশোধিত যাত্রা মানতঞ্জন ।

বুদ্ধা । রাধে, মানময়ি, তুমি কালাচাঁদের কোরে অপমান, শেষে
আপনি হবে হতমান, এত মান ত ভাল নয়, ঐরাধে ।

রাধা । শোনো বুদ্ধে, তুমি স্বজাতি বোলে এ যাত্রা তোমার
মাক কোন্ম ; কিন্তু ঐ কৃষ্ণ যদি এমন কথা বলতো, তা হলে একণি
কল হানতুম, কাল সকালে জেল দিতুম । তুমি আর এমন কথা
বলো না, বুদ্ধে, আমার মানের গায়ে ফুলের ঘা নয় না, বুদ্ধে ।

বুদ্ধে । কি বোলে ঐরাধে ?

তোমার “মানের গায়ে ফুলের ঘা নয় না ?”

রাধে, আমাদেরও আর জেলের ভয় হয় না ।

এখন, কাল যদি জেলে যায়, হবে সবে কিণ্ডপ্রায়,
যে নাইকো কুলে, সেও গোকুলে,
ঘটাবে এক বিষম দায় ।

এখন, অরেন্দ্র-বাহিত পদ, দেখ জেল সম্পদাম্পদ,
কেবল নাইরে যারা, তারাই সারা,
জেলে কে ভাবে বিপদ ?

তাই বলি,
রাধে তুমি সাথে সাথে জেলের কথা তুলো না !
জেলে দিলে শুধু লাহনা, গেলে পরে কীরছানা,
দেখেও এত কারখানা, রাধে, তুলো না আর তুলো না,
বরং আমার কথা রাখো রাই,

মানের গোড়ায় দাও গো ছাই,
তোমার কুটকুটে মান, বিষের সমান,
কোনও পক্ষের ভদ্র নাই ।

রাধে কাজ নাই আর পোড়া মানে,
ও মানে কি লোকে মানে,

তাই মানা করি রাই কিশোরী,
মান ছাড় গো মানে মানে ।

নিরে ঘরের কুচ্ছ, পরের তুচ্ছ
সইবে কেন পার্থমাণে ।

খনি, মানের এখন মানে নাই,
আপন মানন্ত আপন ঠাই,

বাধো কালাচাঁদে, প্রেমের ফাঁদে .

এই উপদেশ ধরো রাই ।

অবিদ্যা ও বিদ্যা ।

(জীর্ণোদ্ধার)

দোতলার উপর সবে একটি ঘর, আর সেইটিই ঘরের মতন।
নাচেকার ঘর বড় সঁ্যাৎ সঁেতে, হাওয়া নাই বলিলেই হয়, কিন্তু
সেকলে হাড়ে সব সময় বলিয়া বাহারামের বুড়ী মা ক্ষুদে ক্ষুদে ছেলে-
পুলে গুলি লইয়া দরমার উপর মাদুর পাতিয়া সেই ঘরে শোন, বসেন।
উপরে থাকেম বোমা—বাহারামের সাত রাজার ধন, পাড়ার চক্ষুশূল,
শাওড়ীর বিভ্রম্বনা, উত্তোলিনী সতার গোরব।

বাহারাম শালকের পাটের কলে—চাকরি করেন! কি চাকরি
কেহই জানে না;—তবে কলের সাহেব বাহারামকে “বাবু” বলিয়া
ডাকে, আর দুই হাত দুই পায়ে মানুষ যা করিতে পারে, বাহারাম
সেই কর্ম করে। বাহারামের মাইনে কুড়ি টাকা।

তবু সেই দোতলার ঘরে একখানি কেদারা, একটা ছোট মেজ,
একখানি মাঝারি আড়ার আশী, দোয়াত, কলম কাগজ। সেই
কেদারার উপর দিন রাত্রি বিরাজ করেন—বোমা!

অর্ধজ সকালে সকালে বাহারামের কলে যাইবার বরাত,
সাহেব কড়াকড় করিয়া বলিয়া দিয়াছে। ভোরে উঠিয়া গামছা-হাতে
বাহারাম বাজার করিয়া আনিয়াছে, বুড়ীও তাড়াতাড়ি ভাত ব্যঞ্জন
রাঁধিয়া প্রস্তুত; ছেলেগুলো টাটা কুরিতেছে; বোমা নামিয়া আসিয়া
আহার করিয়া গেলেই ছেলেরা খাইতে পায়, বাহারামের কলে
যাওয়া হয়।

বোমার বিলম্ব দেখিয়া বুড়ী সাহসে ভয় করিয়া, তাঁহাকে ধবর
দিতে গেল। বোমার চক্ষু পৃথিবীতে নাই, শূন্যে, বোমার সম্মুখে

মেজের উপর কাগজ ; বোমার ডান হাতে কলম ; বোমার বাঁহাত কাঁপটার এক গোছা আলগা চুল ধরিয়া টানাটানি করিতেছে । বুড়ী ডাকিল—“বো মা !” বো মা সংসারে নাই, সাজা দিলেন না !

বুড়ী আবার ডাকিল—“বো মা !”

বোমার চটকা ভাঙ্গিল ! বোমা মুহূ-মন্দ স্বরে শান্তভাবে, বুড়ীর দিকে সক্রম দৃষ্টিপাত করিয়া বলিলেন, “আহা ! মুর্থতা কি ভয়ঙ্কর দোষের আকর ! ঋষ্ঠাকুরাণী, পুস্তকে আছে আপনি পূজনীয়া ! কিন্তু আপনি আমার যে উচ্চভাবে ব্যাঘাত দিলেন, যে কবিহর্নভ কল্পনার ধ্বংস করিলেন, তাহাতে আপনি আমার সহিষ্ণুতার সীমায় পদা-র্পণ করিয়াছেন এমত নহে, প্রত্যুত সে সীমা উল্লঙ্ঘন করিয়াছেন ।

বুড়ী ভয়ে কাঁপিতেছিল ; খতমত খাইয়া বলিল—“তা নয় মা, বাছা, সকালে সকালে যাবে, সেইজন্য—”

বোমা আর সহিতে পারিলেন না ;—“তবে দেখিতেছি অদৃষ্ট মানিতেই হইল ! শয় ! বঙ্গভূমে রমণী যদি কুলরবি হইয়াও ব্যক্তিগত স্বাধীনতার পরিচালন করিতে না পাইব, তবে অদৃষ্টের আধিপত্য স্বীকার করা তিন্ন উপায়ান্তর কৈ ? ঋষ্ঠাকুরাণি ! আপনি আপনার মুর্থ পুত্রকে মৎসমীপে একবার প্রেরণ করুন ; তাহার অকিঞ্চিৎকর সামান্য অর্ধোপার্জনে এবং আমার আশ্রয়ীভূতা কবিতাদেবীর আরাধনায় কি প্রভেদ, একবার তাঁহাকে বুঝাইবার চেষ্টা করিব ।”

বুড়ী কিছুই বুঝিতে পারিল না, কোন দিনই বোমার কথা বুঝিতে পারিত না । নীচে গিয়া বাছারামকে পাঠাইয়া দিল ।

বাছারাম আসিল, কিন্তু মুখে কথা নাই ; এক দিকে সাহেব—অন্নদাতা, এদিকে পরিবার—ভয়ভাতা ; দুই পিতৃ-তুল্য, কথাটা না কহিয়া ইহাই ভাবিতেছিল ।

বোমা বক্তৃতা জুড়িলেন। বাহ্যারামের নিঃসঙ্গ ফেলিবার সমুদ্র হইল। বক্তৃতা শেষ হইলে বাহ্যারাম বলিল—“সময়ে না আহার করিলে শরীর থাকিবে কেন? শেষে কি সব দিক্ নষ্ট করিবে?”

স্বাস্থ্যরক্ষা খুলিয়া বোমা দেখিলেন, বাহ্যারামের কথা যথার্থ। বাহ্যারামের উপর প্রসন্ন হইয়া বলিলেন—“বড় বাধিত হইলাম!”

বোমার আহার হইল; বাহ্যারামেরও চাকরি বজায় রহিল।

১। সুরুচির কথা।

নিস্তারিণী বিধবা, কিন্তু লোকে বলাবলি করে যে, তাহার চরিত্রে: বিধবার মতন নয়। নিস্তারিণীর একজন আত্মীয় লোক গ্রামান্তর হইতে তাহার তরু করিতে আসিয়া কএক দিন ধরিয়: তাহার বাড়ীতে অবস্থিতি করিতেছিলেন। নিস্তারিণীর ইহাতে একটু অসুখ হইতেছিল, আত্মীয়কে ঘাইতেও বলিতে পারে না, অথচ তিনি থাকিতে নিস্তারিণীর বিষম উৎপাত মনে হইতেছিল। এক দিন সেই আত্মীয় ব্যক্তি নিস্তারিণীর নিকট একটু চুণ চাহিয়া পাঠাইলেন, নিস্তারিণীও মনের দুঃখ প্রকাশ করিবার সুবিধা পাইয়া চৌৎকার করিতে আরম্ভ করিল;—“চুণ! আমার কাছে চুণ? কেন আমি 'কি পাণ খাই, তাই আমার কাছে চুণ থাকিবে? আমি বিধবা মানুষ, চুণ রাখি, পান খাই, তবে আর না করি কি? আত্মীয় লোকের এই কথা! আপন হইয়া এই কলঙ্ক রটনা! অপরে তবে না বলিবে কেন? চরিত্রেই যদি খোঁটা হইল, তবে বাকী রহিল কি? হায়! হায়! কুনাম রটনা হইতে কুকাজ ঘটনা যে ভালো!” ইত্যাদি। নিস্তারিণীর আত্মীয় বুঝিলেন; বুঝিয়া

সেই দিনই প্রস্থান করিলেন। গ্রামের দুই চারি জন লোক, যাহারা নিস্তারিণীকে বিশেষ আদর যত্ন করিত, নিস্তারিণীর চরিত্রের গুণবাদ করিত, একসুরে বলিতে লাগিল—“আত্মীয় হইলে কি হয়? ভদ্র লোক হইলে কি হয়? কথাটা ভদ্র লোকের মতন হয় নাই। যাহাই হউক আত্মীয়ের অভিপ্রায় মন্দ ছিল না, তবে তাহার রুচি এবং শিক্ষার বিলক্ষণ দোষ আছে, ইহা স্বীকার করিতেই হইবে। বিধবা স্ত্রী লোকের নিকট চূণ চাওয়াটা নিতান্ত বিরুদ্ধ রুচির কার্য।”

পঞ্চানন্দের “শনিবারের পান্না” নামক মহাপদ্য পড়িয়া কেহ কেহ সুক্রটি সুনীতির কথা তুলিয়াছেন, ইহারা নিস্তারিণীর দলের লোক না হইলেও ইহাদের আপত্তিটা যেন নিস্তারিণীর অঙ্গের বলিয়াই মনে হয়। ভ্রমালের পাতা কালো, যমুনার জল কালো, মাথার চুল কালো, কোকিল কালো, ভ্রমর কালো, মেঘ কালো—সত্য, কিন্তু তাই বলিয়া কালো দেখিলেই,—কালার্টাদ কৃষ্ণকে মনে করিয়া কাজ কি? যদি বা মনে পড়িল, সে দোষ মনের বা কালোর? কলে যাহারই দোষ হউক, পঞ্চানন্দের দোষ কখনই নহে।

সাহার যাহা ইচ্ছা বলিতে পারেন, পঞ্চানন্দ হুঃখিত হইবার পাত্র নহেন; বরং বক্তারা যে বাঙ্গালা সাহিত্যে অবহেলা না করিয়া, উহারই মধ্যে বাছাই বাছাই গ্রন্থ পাঠ করেন, এবং চুনা চুনা পুস্তক কঠিন অভ্যাস করিয়া রাখেন, সে জন্য তাঁহাদিগকে সাধুবাদ করিতে পঞ্চানন্দ মুক্তকণ্ঠ! কে বলে বাঙ্গালা ভাষার ম্যা বাপ নাই; কে বলে বাঙ্গালা সাহিত্যের আশা ভরসা নাই? লেখার মত লেখা হইলে, আর বাগাইয়া যোগাইয়া লিখিতে পারিলেই সকলই আছে।

কলকঃ, সুক্রটির বিষয়ে যেমনই হউক “শনিবারের পান্নার” কাহারও অকৃতি দেখা যায় নাই। ইহা অপেক্ষা অধিকতর সুখের

বিষয় কি হইতে পারে ? পঞ্চানন্দ এতদিনে পুস্তক চিনিতে পারিলেন, তত্ত্বেহু পরিচয় পাইলেন ।

২। সুনীতির কথা

কতকগুলি কথা আছে, যাহা পরিহাসের অর্থাৎ, কতকগুলি বিষয় আছে, যাহা উপহাসের আয়ত্ত হইবার নহে, আর কতকগুলি পদার্থ আছে, যাহা লইয়া রসিকতা চলে না, রসিকতা করিতে চেষ্টা করা অন্তায় এবং চেষ্টা করিলে রসিকতা ফলে না । এ তত্ত্ব সকলেই জানেন, পঞ্চানন্দও মানেন । শরীরের দ্বারা, মনের দ্বারা, বাক্যের দ্বারা বা বাবহারের দ্বারা যে ব্যক্তি এ তত্ত্বের বিপর্যয় করে, সে সুনীতির বিরোধী, সুতরাং বনবাসের যোগ্য । আইস, ভাই, বিশদ করিয়া উদাহরণ দিয়া এই তত্ত্বের প্রতিপাদন করা যাউক ।

মনে করো একটা লোক অশু কোনও দিকে সুবিধা না পাইয়া ধর্ম্মানুসরণ দ্বারা বড়লোক হইবার চেষ্টা করিতেছে । উচ্চাভিলাষ গর্হিত বস্তু নহে, সেই উচ্চাভিলাষ সাধনের পন্থা যদি ধর্ম্ম হয়, তবে ধর্ম্ম বাধা প্রশংসার কাজ । ধর্ম্ম ঘরেও হয়, বাহিরেও হয় ; অরণ্যেও হয়, লোকালয়েও হয় ; চুপি চুপি করা চলে, সোর হাক্কামা করিয়াও চলে । এমন অবস্থায় যদি কোনও ব্যক্তি নিশান তুলিয়া, ডঙ্কা বাজাইয়া, সড় সাজিয়া ধর্ম্ম প্রচার করিতে আরম্ভ করে ; অথচ যৎসামান্ত কালের নিমিত্ত লোকের কাজ নষ্ট করা ভিন্ন অন্য অপকার না করে, তাহা হইলে সে ব্যক্তিকে কখনই "দোষ দেওয়া" হইতে পারে না । আবার, ধর্ম্ম প্রচার করিতে হইলেই ধর্ম্মের বিচার করিতে হয় ; বিচার করিতে হইলেই, প্রচারের বিষয়ীভূত ধর্ম্ম ভিন্ন অপর ধর্ম্মের নিন্দাবাদ করিতে হয় ; কেবল যুখে যদি নিন্দাবাদ করিয়া কাজে সেইরূপ নিমিত্ত ধর্ম্মেরই

অমুসরণ বা অমুকরণ করা যায়, তাহা হইলেই বা কতি কি ? এইরূপ পাঁচটা আয়োজন করিয়া পাঁচ রকমে ইষ্টসিদ্ধি করিবার যত্ন করা অসম্ভব নহে ! এবং এরূপ সম্ভব ব্যবহারকে যে পরিহাস করে, সে সুনীতির বিরোধী । একপ বাপার যে কোথাও হইতেছে, তাহা নহে, তবে দৃষ্টান্ত নাকি করি, বস্তু লইয়াও দেওয়া যাইতে পারে, সেই হেতু উপরিলিখিত কথাগুলি বিন্যস্ত হইল ।

আবার দেখো, সকলেই কিছু ধনবান্ নহে, সকলেই সুখী নহে । সেইজন্য, “ছেঁড়া কাঁথায় শুইয়া লাথ টাকার স্বপ্ন দেখার” একটা প্রবাদ চলিত আছে ! মনে করা যাউক—কল্পনার বলে সবই মনে করা চলে—ভারতবর্ষ রাজনীতি বিষয়ে নিতান্ত স্মিয়মাণ, দরিদ্র অসম্ভতিপন্ন এবং কাতর । কিন্তু তাই বলিয়া একটা খুব স্বাধীন, খুব সদল, খুব ধনশালী দেশের অমুকরণে ভারতবাসী যদি রাজনৈতিক সভা করে, রাজনীতির বড় বড় কথা লইয়া আন্দোলন করে, অনুমোদন করে, করিয়া একটু সুখে থাকে, সংসারের জ্বালা একটু ভুলিতে পারে, অন্ন চিন্তা হইতে কিয়ৎকাল অব্যাহতি পায়, এবং মরিবার সময়ে হাত পা ছাড়াইয়া নিশ্বাস ফেলিয়া মরিতে পারে, তাহা হইলে দোষ কি ? এরূপ ব্যবহারের প্রতি কটাক্ষ করা, ইহা লইয়া উপহাস করা, অতি অন্তায় নিতান্ত নিষ্ঠুরের কাজ, যে তাহা করিতে পারে, সে সুনীতির বিরোধী, তৎপক্ষে কি সংশয় আছে ?

বেগার দিই, তবু বসিয়া থাকি না ; কর্ম-কুশল ব্যক্তি এই মন্ত্রের উপাসক । এই দলের লোক অল্প কাজ না পাইলে “খুড়ার গঙ্গা-বাত্র” ব্যবস্থা করিয়া থাকেন । মনে করো একটা ছিন্ন ভিন্ন জাতীয় ভূমি একজন অপদার্থ লোক ; সাধ্য নাই, সহায় নাই, সাহস নাই, সেইজন্য অপদার্থ । এখন, জাতির উন্নতি করিতে হইলে অনেক কষ্ট স্বীকার করা আবশ্যিক, অনেক খড় কাঠের দরকার । বিভা

বুঝি সকল লোকের থাকে না, শিল্প বিজ্ঞান লইয়া মাথালো মাথালো দশজন লোকের চলিতে পারে; সুতরাং জাতিবন্ধন করিতে হইলে, ইতরদের সঙ্গে একটা সাধারণ বন্ধনের আবশ্যিকতা; ধর্ম্মে এবং ভাষায় এই বন্ধন হইতে পারে, কিন্তু আমার তত সময় নাই, তত কমতাও নাই যে, গোড়া পত্তন করিয়া গৌরচন্দ্রিকা হইতে আরম্ভ করিয়া আমি সমুদায় পালাটা শেষ করিয়া উঠি। তাই বলিয়া কি একটা সখের দলও আমার করিতে নাই? সখ করিয়া যদি আমি জাতীয়-মতাবতার পালা গাইতে আরম্ভ করি, ভুলোর দলের মেধরাণীর গান, মহেশ চক্রবর্তীর ভূতের সঙ্, বো মাষ্টারের ভিস্তীর নাচ, এই সকল যোট পাট করিয়া যদি দুদিন দশদিন আমোদ আহ্লাদ করি, তাহাতে দোষ কি? বস্তুতঃ তাহাতে দোষ নাই, কতি নাই, কিছুই নাই। সুতরাং এমন আচরণ করিলে যে রসিকতা করিয়া ঠাট্টা ভাষসা করে, সে নিতান্তই সুনীতির বিরোধী।

আবার দেখো, কেরাণী বাবু, ছজুর বাবু প্রভৃতি জন কতক লোক এই গ্রীষ্মপ্রধান দেশে পেটের দায়ে অজস্র খাটুনি খাটিয়া একটু বিকৃতমনা হইয়া উঠিল। কাজে কাজেই তাহাদের মাথাও গরম হইল। একদিন চীৎকার করিয়া উঠিল—“দোহাই ধর্ম্মাবতার, আর চলে না, আমাদের মনে হইতেছে যে মাথা বুঝি নাই, পাগড়ী আছে দেখিতে-পাই, কিন্তু মাথা খুঁজিয়া পাই না। যদি অনুমতি করেন, ত মাথাটা ধুলিয়া রাখি, নেহাত না হয় কালো টুপি দিয়া ঢাকিয়া রাখি; তবু হাত বুলাইলেও মাথা আছে এমন বুঝিতে পারিব। নচেৎ গরীব-মারা হয়।” আকিণের সাহেব গরম দেশে আরও গরম; তাঁহার সর্বাঙ্গ গরম, মাথা আরও। সাহেব গোল গুলিয়া নিজে চীৎকার ধরিলেন—“কেও রে তোরা ভি মাথা? মাথা বা আছে না আমার দখলে, তোরা যদি থাকে, ঢাকিয়া রাখ, আর শুধু ঢাকি-

সেই বা হইবে কেন ? পরামর্শ করিতে হইলে মাথায় মাথায় ঠোঁক-ঠুকি না হয়, সেই জন্ত একটা বিড়াও মাথায় পরিয়া থাক। নতুবা যদি দেখি শির লাক্সা, তবে দেখবি শির লেক্সা।” ইত্যাদি দৃষ্ট দেখিলেও যে রসিকতা করিতে চেষ্টা করে, সেও সুনীতির বিরোধী, নিতান্ত ছনীত লোক। এ সকল কথা সকলের শিথিয়া রাখা আবশ্যিক।

ভদ্র লোকের ছেলে মানুষ করিবার প্রকরণ :

এক দফা শিশুপালন ।

একদা জ্যৈষ্ঠ মাসের মধ্যাহ্নকালে ঘোষেদের শ্রীমতী ছোট বো ছোট বাবুকে একটা পুত্ররত্ন দিবেন বলিয়া চীৎকার করিতে লাগিলেন। ছোট বাবুও অনেক দিন ধরিয়া সেই আকাঙ্ক্ষা করিয়া আসিতেছিলেন, সুতরাং রত্নলাভের জন্ত অতিশয় ব্যগ্র হইয়া উঠিলেন এবং গৃহিনীকে বিলম্ব করিতে দেখিয়া যজ্ঞবিজ্ঞাবিশারদ যম-যমজোপম এক ধাত্রী পুরুষকে স্বীয় রত্নলাভাভিসন্ধি মাধনে সহায়তা করিবার উদ্দেশে আনয়ন জন্ত আদেশ প্রেরণ করিলেন। কিয়ৎকাল পরে সেই মহাপুরুষ এক বস্তা হাতা, বেড়ী, কোদাল, কড়ল, করাত, খস্টা প্রভৃতি লইয়া উপস্থিত হইলেন। ঘোষ-মহিলা এই সন্দেশ শ্রবণমাত্র ভীতচিন্তা হইয়া আর আকার লওয়া যুক্তিসঙ্গত নহে বিবেচনা করিয়া প্রতিজ্ঞত পুত্ররত্ন আপনা হইতে প্রদানপূর্বক নীরবে কীলঘাপন করিতে লাগিলেন। তখন চতুর্দিকে আনন্দোৎসব জন্ত কোলাহল ধ্বনিতে দিগন্ত পরিপূর্ণ এবং

প্রতিধ্বনিত হইতে লাগিল। ধাত্রী পুরুষ অতীষ্ট কার্যে অক্লান্ত-মনোবৃত্তি এবং বাহ্যত হইয়া কণকাল মৌনভাবাবলম্বন পুরঃসর চিন্তা করতঃ পরিশেষে পুত্রবরকে বারেক নয়নগোচর করিবার সঙ্কল্প প্রকাশ করিলে ছোট বাবু তাহাতে সম্মত হইলেন, এবং অনতিবিলম্বে তাঁহাকে অমৃতপুর মধ্যে স্বকীয় সঙ্গে লইয়া গেলেন। ছোট বৌ প্রাণপতিকে ঈদৃশ অবস্থাপন্ন এবং তাদৃশ অনুচরানুসৃত দেখিয়া মুহূ মন্দ ভাবে বসন সংযমনপূর্বক অতি-যাত্র কষ্টে তদীয় দেহলতা যৎকিঞ্চিৎ অপসারিত করিলেন। স্মৃতিকাগাবস্থিতা কিঙ্করীর ক্রোড়ে ইহার উভয়ে সেই কুমার-লাঞ্জন নবকুমারকে দৃষ্টিগোচর করতঃ ধাত্রীপুরুষ সহসা বিশ্বয়-রোষ-স্বাপূর্ণ হৃদয়ে আর্তনাদ করিয়া উঠিলেন। ছোট বাবু তাহার তজ্জপ ভাবের কারণ জিজ্ঞাসু হইলে তিনি কথঞ্চন আশ্রয় হইয়া বলিলেন—“অহো, কি আশ্চর্যের বিষয় যে, এই শিশু অনাবৃত গাত্রে মৃত্যুসঙ্কারী এই ভীষণ শীতল বায়ু সঞ্চার ভোগ করিয়া সম্ভাবিনী পীড়ার আবির্ভাবাশঙ্কা বন্ধমুলা করিতেছে। অধিকতর লঙ্কার দিময় এই যে, কিঙ্করী স্ত্রীজাতি-সম্ভূতা হইয়াও এই বালককে অক্ষুণ্ণচিত্তে স্বীয় অঙ্কদেশে স্থাপনপূর্বক প্রদর্শন করিতে ভীতা না ব্রীজাধিতা হইতেছে না। তদুপরি বালকেরও কি ধুষ্টতা একেবারে আবরণবিহীন, এমন কি কোপীনটীর পরিদধান না হইয়াও এই রমণীজনমণ্ডলে অগ্নান বদনে সহস্রাংশে বিরাজ করিতেছে। এতৎকারণ প্রযুক্তই অঙ্কদেশের এবম্প্রকার হুর্গতি, এবম্ভূত অবনতি এবং এতাবৎ রোগশোক জরামৃত্যুপরিপ্লত দশা সংঘটিত হইয়াছে। ইহার প্রতিকার না করিলে সুখ সৌভাগ্যের আশা সুদূরপরাহতা, তাহা শেমুঘীসম্পন্ন কোন্ মতিমান ব্যক্তি অস্বীকার করণে সক্ষম হইবেন।”

• ছোট বাবু প্রাণিধানপূর্বক ধাত্রী পুরুষের উপদেশ লক্ষ্যী শব্দগালিপুটে পান করতঃ তাহার সারবস্তা উপলক্ষি করিয়া দীর্ঘ-নিশ্বাস পরিত্যাগপূর্বক বলিলেন, “যথার্থ কথা,” কিন্তু অজ্ঞ জনের স্তায় কিস্তকর্তব্যবিমূঢ় হইয়া ইতিকর্তব্যতা বিষয়ে সবিস্তার উপদেশ প্রার্থনা করিলেন। ধাত্রীপুরুষ লক্ষ্যর যাবতীয় শাস্ত্রগ্রন্থ উদ্দেশ্যে পূর্বক বিধি ব্যবস্থা সম্রাস্তা করিয়া কিয়ৎকালান্তে অন্তর্দান হইলেন। নবজাতশিশু তদবিধি কেলানেনমাণ্ডত হইয়া ভবযজ্ঞা সংকীর্ণ করণ-বিষয়ে যত্নপর হইল।

কালক্রমে বালক কি অভিধায় আখ্যাত হইবে, তদ্বিষয়ে ঘোরতর বিতণ্ডা উপস্থিত হইল। কেহ প্রস্তাব করিল প্রিয়নাথ, কেহ নলিনীভূষণ, কেহ কামিনীমোহন, কেহ বা দামিনীকণ্ঠ ইত্যাদি বহুধা অভিধা প্রস্তাবিত হইলে, পরিশেষে সকল পক্ষ কিঞ্চিৎ কিঞ্চিৎ ভাগ স্বীকার করিয়া নর নারী উভয় জাতির মনস্তি-জনক ননীগোপাল নামকরণ স্থিরীকৃত করিল। তদবিধি নবকিশলয়-বিনিদিত নবীন শিশু ননীগোপাল হইল, আতপতাপে তাহার দেহ বিগলিত হইতে লাগিল, শীতসঞ্চারে তদীয় শরীর জমাট ঝাড়কাট হইতে লাগিল, এবং রমণী-জন্মসুলভ কোমলহৃদয় তদীয় জনক ছোট বাবু, তথা স্নেহময়ী জননী ছোট বৌ শিশুকে ক্ষিত্যপ-ভেজোৎক্ৰোধ্যাম এই পঞ্চভূত হইতে নিরাকৃত করিয়া পরম যত্নে লালন পালন করিতে লাগিলেন! ক্ষিতিস্পর্শনিবারণ জন্ত দাস দাসী নিয়োজিত হইল; বহুবিচার-পুরঃসর সময়ে সময়ে মীমাংসা করিয়া ননীগোগাল উষ্ণজলে স্নাত হইতে লাগিল, কঙ্কধারবাতায়ন গৃহে তেজঃ নিবারিত হইতে লাগিল, কার্ণাসকৌশিকোর্ণজালে প্রভঙ্কনের প্রকোপ বিধ্বস্ত হইতে লাগিল এবং দিব্যায়ুগনোঢ়্যানে আকাশের দুঃশাস হইতে ননীগোপাল রক্ষিত হইতে লাগিল। নবনীত পুস্তলী-

নিকিত ননীগোপাল এইরূপে দিনে দিনে পরিবর্ধিত হইতে লাগিল।—ইতি “লালয়েৎ পঞ্চ বর্ষাণি।”

অথ বিদ্যাশিক্ষা ।

(এডুকেশন-গেজেট হইতে সংগৃহীত ।)

ননীগোপালের যখন পাঁচ বৎসর বয়ঃক্রম হইল, তখন “দশবর্ষাণি ভাড়ায়েৎ” জানিয়া তহার পিতা মাতা তাহাকে বাঙ্গালা বিদ্যালয়ে পড়িতে দিলেন। সেখানে কড়ানিয়া, ষট্ কিয়া, নামতা, কড়িকষা, মগকসা, হুঁদকসা, কাঠাকালি, বিঘাকালি, দেয়ালকালি, নৌকাকালি প্রভৃতি শিখিলে, অথবা নামলেখা, পত্রলেখা, খৎলেখা, পাটালেখা প্রভৃতি শিখিলে, একদিকে সময় নষ্টে অপরদিকে বৃথা কষ্টে জানিয়া ননীগোপালকে ভালব্য শ, মুর্ছিত ষ, দৃশ্য স, বগীষ ব, অশ্বহ ব, হ্রস্ব স্বর, দীর্ঘ স্বর, প্লুত স্বর প্রভৃতির উচ্চারণগত প্রভেদ সম্বন্ধে সাবধানে নিরস্ত করিয়া কঠিন করিবার উপদেশ প্রদত্ত হইতে লাগিল, এবং যাবদীয় উচ্চারণ স্থান, ব্রহ্মাণ্ডের শব্দের লিঙ্গজ্ঞান প্রভৃতি বাঙ্গলার অত্যাৱশ্যক তব সকল মুখস্থ করিবার আদেশ দেওয়া হইতে লাগিল। অধিকন্তু পৌণ্ডো, শিলিঙ্গ, শেনসো, দিয়া টাকা কড়ির হিসাব, আর ড্রাম, ঐন্স, পৌণ্ড দিয়া ওজনের জ্ঞান শ্রেণীতে অঙ্ক পাঠিয়া ননীগোপাল শিখিতে লাগিল।

এদিকে কলিকালে লোক অন্নায়ু হয়, এ কথাটা সকলে জানে বলিয়া, চিরজীবী ননীগোপালের পরকালের পথ মুক্ত রাখিবার জন্ত বাড়ীতে একজন উপশিক্ষক নিযুক্ত হইলেন। তাঁহার কৃপায় পি-এল-ও-ইউ-জি এচ—প্লাউ, টি-এচ-ও-ইউ-জি-এচ—দো, সি-ও-ইউ-জি-এচ—কক, আর-ও-ইউ-জি-এচ—র্যাক, টি-এচ, আর-ও-ইউ-জি-এচ—ধুকটি-এচ-ও-আর-ও-ইউ-জি-এচ—ধারা— ইত্যাদি

উচ্চারণ রহস্বে ননীগোপাল নিত্য নিত্য নূতন আনন্দের আবাদন গ্রহণ করিতে লাগিল ।

ননীগোপাল প্রত্যুষে শয্যা হইতে ওঠে, অমনি স্নেহময়ী জননী একবার তাহাকে মিঠাই মোহনভোগ দিয়া জলযোগ করাইয়া দেন; জলযোগ সম্পন্ন হইবামাত্র হিতৈষী পিতা তাহাকে পাঠগৃহে বসাইয়া দেন; নয়টা না বাজিতেই পাঠ স্বর্গিত রাখিয়া ননীগোপাল স্নান করে; স্নানান্তেই আহার; সঙ্গে সঙ্গে বিদ্যালয়ে গিয়া ননীগোপাল আবার পড়া দেয়, আবার পড়া লয় । প্রদোষে বাড়ী আসিয়া ননীগোপাল উপশিককের হস্তে আবার কোমল প্রাণ সমর্পণ করিয়া দেয় । যখন চিঞ্চিনে রৌদ্র, সেই একটার সময় একবার ননীগোপাল বাহিরে যাইতে যাইতেই গলদৃশ্ম কলেবর হইয়া বিদ্যামন্দিরে পুনঃপ্রবেশ করে, এবং স্বাধীন ক্রীড়ার সুখানুভব করে ।

এইরূপে দশ বৎসর বয়স না হইতেই ননীগোপাল বাঙ্গালা সাহিত্যে পারদর্শী, বাঙ্গালা ব্যাকরণে কৃতবিদ্য, প্রাচীন ও নব্য সমগ্র ইতিহাসে ব্যুৎপন্ন, ভূগোলে নখদর্পণ, বাহুবল্লর সহিত মানব প্রকৃতির সম্বন্ধ বিচারে তৎপর, অর্থনীতি শাস্ত্রে পণ্ডিত, পাটীগণিত, বীজগণিত, জ্যামিতি, ক্ষেত্রব্যবহার, জরীপ, স্থিতিবিজ্ঞানের যত্ন জ্ঞান, গণিত-বিজ্ঞানে বেগবান্ প্রভৃতি বিষয়ে ।সঙ্কাম হইয়া উঠিল; সঙ্গে সঙ্গে ইংরেজী সাহিত্যেও উন্নতি করিতে লাগিল । ননীগোপালের স্মৃতি লোকের মুখে আর ধরে না, সেই আহ্লাদে ছোট বাবুর আর মাটিতে পা পড়ে না, আর ছোট বৌ সেই অঙ্কারে সকলের সঙ্গে দাঁড়াইয়া কথা কহিতে পারেন না ।

আর দশ বৎসরের মধ্যে ননীগোপাল ইংরেজীতেও পূর্ণমাত্রার জ্ঞান লাভ করিল । শেষবার পরীক্ষা দিয়া ননীগোপাল যে পুরস্কার পাইল, অনেকে চাকরি করিয়া ততটাকা উপার্জন করিতে পারে না ।

বিংশতি বৎসর বয়সেই ননীগোপাল এইরূপে কৃতবিদ্যা এবং সিদ্ধার্থ হইয়া স্বর্গের পূর্ণভোগ পাইল, তাহাতে সন্দেহ নাই । কিন্তু নিরবচ্ছিন্ন সুখ মানুষের ভাগ্যে ঘটে না; সেই জন্য ননীগোপালের সুখেও দুই-চারিটা কষ্টক ফুটিয়া তাহাকে একটু কাতর করিয়াছিল । সে গুলির উল্লেখ আবশ্যিক ।

(১) পঞ্চদশ বর্ষ বয়সে ননীগোপালের বিবাহ হয় । এখন তিনি বিদ্যাসমুদ্রের পারে আসিয়া মুখ কিরাইয়া দেখিতে পাইলেন, তাঁহার জ্যেষ্ঠ কন্যার বয়স তিন বৎসর, পুত্র খেলা করিতে শিখিতেছে এবং অজ্ঞাতকুলশীল এক ব্যক্তি তাঁহার প্রণয়িনীর উদর পরিধি বৃদ্ধি করিতেছেন ।

(২) প্রত্যেক বার পরীক্ষা দিবার অনতিপূর্বে ননীগোপালের অর, উদরাময়, শিরঃপীড়া প্রভৃতি উপস্থিত হইত, কিন্তু সুবিজ্ঞ চিকিৎসকদিগের কুইনীনের প্রয়োগে, গবাস্বিচূর্ণ পথ্যে এবং পিতা মাতার যত্নের বাহুল্যে তিনি পরীক্ষা দিয়া উঠিতে পারিতেন । তাহাতে বিশেষ কিছু অনিষ্ট হয় নাই বটে, কিন্তু ননীগোপালের শরীর এখন নিয়ত নিস্তেজ এবং অসাড় মনে হয়, অগ্নিমান্দ্য সর্বদাই থাকে, উদরাময় প্রায়ই দেখা দেয়, শিরঃপীড়া যখন তখন ঘটে, এবং চক্ষুতে কিকিৎ দৃষ্টি কম হয় ।

(৩) বিজ্ঞানশিক্ষা শেষ হইবার দুই তিন বৎসর আগে হইতে ননীগোপালের পিতা এক ঘরাও মোকদ্দমায় জড়িত হইয়া প্রায় সর্বস্বাস্ত হইলেন, কিছু দিন পরে ছোট বৌ, ননীর মা, প্রাণত্যাগ করিলেন, এবং ছোট বাবুও শেষে প্রেয়সীর অন্নগমন করিলেন । ফলে, এ সব না ঘটিলেও আর আর যাহা ঘটিল তাহা ঘটতই ।

“তাড়িয়েৎ দশবর্ষাপি”তে কাস্ত হইল না । কিন্তু তাহা হইলে কি হয়, ননীগোপাল প্রায় মানুষ হইয়া উঠিয়াছে ।

অথ “মিঞ্জবদাচরেৎ” ।

(এটা পঞ্চানন্দের ।)

ননীগোপাল মানুষ হইল বটে, কিন্তু তাহার মনে বড় ভাবনা হইল । এখন করি কি ? যাই কোথায় ? খাই কি ? এই সকল ভাবনায় ননীগোপালের মন ভোলপাড় করিতে লাগিল । গৌর-মোহন আঢ্যের স্কুলে ছেলেদের প্রাইজ হইতেনি ; ছোট লাট অমুগ্রহ করিয়া, কষ্ট স্বীকার করিয়া, স্বয়ং সেইখানে উপস্থিত হইয়া স্বহস্তে প্রাইজের বইগুলি বিতরণ করিতেছিলেন । ননীগোপাল ব্যাপার দেখিতে গিয়াছিল ; বালকদের উৎসাহ-আগ্রহ-আশা-মাথা মুখ দেখিয়া ননীগোপালের চকের জল অতিকষ্টেই চকে রহিল ; সুবিধা, সময় বা স্থান পাইলে সে জল একবার অনর্গল পড়িত, তাহার আর ভুল নাই । তাহার পরে সাড়ে ছয় কোটি লোকের রাজা, লক্ষ টাকার চাকরে, চিড়িয়াখানার প্রতিবাসী ছোট লাট সাহেব দাঁড়াইয়া উঠিয়া অন্যান্ত দশ কথার পর গাঢ়স্বরে বলিলেন—
“লেখা পড়া ত সকলেই শিখিতেছে ; এখন এ দেশের বড় মানুষের ছেলেদের, ভদ্রলোকের ছেলেদের দশা যে কি হইবে, তাহাই আসল ভাবনার কথা হইয়া দাঁড়াইয়াছে ।”

কথা শুনিয়া ননীগোপাল একটু কান্দিল, না কান্দিয়া আর থাকিতে পারিল না ; সেই সঙ্গে সঙ্গেই ননীগোপাল একটু হাসিল, হাসি : আপনা আপনি আসিল বলিয়া হাসিল । ননীগোপাল চমৎকারা অল্প-চিন্তার দায়ে সকলই করিতে সম্মত, কিন্তু তাহার শরীর তাদৃশ পটু নহে ; ওকালতি করিবার চেষ্টা করিয়াছিল, কিন্তু সেখানে কাহারও বিদ্যা খাটে না, বিদ্যাতে কুলায়ও না, চাকরির চেষ্টা করিয়াছিল, যোটে আই, যাহা ঘুটিয়াছিল, তাহা না যোটারই মধ্যে, কারণ তাহাতে যান সঙ্কম দূরে থাকুক, গ্রাসাচ্ছাদন নিব্বাহ হওয়া হুঙ্কর ।

সুতরাং ননীগোপাল লাট সাহেবের কথা মনের বেগ সামলাইতে পারিল না; এত লেখা পড়া শিখিয়া কিছু হইল না, অতএব দশার ইংবে কি—ইহা সত্য সত্যই ভাবনার কথা বুঝিয়াই ননীগোপাল কান্দিল। তখনি আবার লাট সাহেবের অটালিকা, লাট সাহেবের গাড়ী ঘোড়া, লাট সাহেবের নাচ গান, লাট সাহেবের খানা পিনা, এত হাকামের ভিতর পরের দশার জন্ত ভাবনা কেমন করিয়া থাকিতে পারে, বাস্তবিক থাকিবে না, যথার্থ ভাবনা থাকিলে পছাও হয়—এই সব মনে করিয়াই ননীগোপাল হাসিল। সভা ভঙ্গ হইলে ননীগোপাল আবার সেই অল্পের চেষ্ঠায় ফিরিতে লাগিল।

সংবৎসরেও অল্পসংস্থান হইল না, কিন্তু অল্পের সংস্থান করা যে খুব সহজ ব্যাপার, ধনী হওয়াটা যে সকলেরই ইচ্ছায়ত্ত, ননীগোপাল ইহা বুঝিতে পারিল। কারণ, সংবৎসরই বক্তার বক্তৃতায় এই কথা, সংবাদপত্রের লেখায় এই কথা অনর্গল বাহির হইতেছিল,—
India is rich, you are rich, develope the resources of your country. find out the mine of wealth that is in her. Set about your task in right earnest, and you shall want nothing, ইংরেজীতে এই সব, “বাণিজ্যে বসতে লক্ষীঃ” বাণিজ্য করো, কৃষি করো, মাথা করো, মুণ্ড করো—বাক্সালায় এই সব কথা, নিত্যই ননীগোপাল শুনিতেছিল বা পড়িতেছিল; যাহার অল্প আছে সে বলে, যাহার “অদ্য ভক্ষ্যা ধনুর্জগঃ” সেও বলে, যাহার উচ্চপদ, তাহার মুখে এই কথা, যে চাকরির জন্ত লালায়িত হইয়া বেড়াইতেছে, তাহার মুখেও তাই। ছুংখের বিষয় এই যে, এ সকল কথা বুঝিয়াও, ইহার মন্ত জানিয়াও ননীগোপাল এ সমস্ত প্রলাপ মনে করিতে লাগিল।

বৎসর দুয়িয়া গেল, আবার গৌরমোহন আচ্যের স্থলে প্রাইজ

বিতরণ ; এবার প্রধান বিচারপতি বক্তা, ননীগোপাল উপস্থিত । প্রধান বিচারপতি বলিলেন,—“সকলকেই যে ডাক্তার, উকীল, সঙ্গীত-বিশারদ বা চাকুরে হইতে হইবে, এমন কোনও কথা নাই । ভগবান এক এক জনকে এক এক গুণ দিয়াছেন, মন দিয়াছেন, মন দিয়া লাগিলে একটা না একটা কাজ যে যুটিবেই, সে কাজে কল যে ফলিবেই, ইহা আমার দৃঢ় বিশ্বাস । এই দেখো কত ব্যবসা আছে, তোমরা অবলম্বন করিলেই হয়—এঞ্জিনিয়ার হইতে পারো, জরীপের কাজ করিতে পারো, উকীল হইতে পারো, চিকিৎসক হইতে পারো” ইত্যাদি ।

বিচারপতি সমস্ত বলিলেন, কেবল পছটা বলিয়া দিলেম—না । ননীগোপাল বাড়ী আসিল, কৰ্ম্ম কাজের আশা ছাড়িয়া দিল, স্ত্রী পরিবারকে শওরবাড়ী পাঠাইয়া দিল, মদ ধরিল, ইয়ারকিতে মশগুল হইল । “মিত্রবদাচরৎ” কাহাকে বলে, ননীগোপাল তাহা বুঝিল, ননীগোপাল মামুষ হইল । কিন্তু বাঙ্গালার হুঁত্যাগ্য, মামুষ বেশী দিন টেকে না ; অল্প দিনের মধ্যেই ননীগোপালের স্ত্রী বিধবা হইল, ননীগোপালের ছেলেরা পিতৃহীন হইল । “আমার কথাটা ফুরাইল” ইত্যাদি ।

মূলে কুঠারাঘাত ।

পৃষ্ঠ চলা ।

বঙ্গদর্শন ত পড়া আছে ? তবে আইস তাই একবার দার্শনিক বিষয়ের বিচারে প্রবৃত্ত হওয়া যাউক ।

ভারতের তবিত্যৎ হিন্দুধর্মী বঙ্গপন্থীই বঙ্গের ভরসা, ভারতের ভরসা, জগতের ভরসা । বঙ্গপন্থী বুঝিয়াছেন, বুঝাইতেছেন,

বৈষম্য সকল অনর্থের মূল। এই জন্ত বঙ্গপন্থী অবতার স্বীকার করেন না। যদি স্বীকার করি, যে মধ্যো মধ্যো একজন বা দশজন অমায়ুষ শক্তি লইয়া জগতে অবতীর্ণ হন, তাহা হইলে বৈষম্যবাদের প্রশ্ন দেওয়া হয়। বঙ্গপন্থীর মতে তাঁহারা সকলেই অবতার, সমকার্যে সমধরাতলে অবতীর্ণ হইয়াছেন। বঙ্গপন্থী বেদ বাইবেল কোরাণ পুরাণ কিছুই মানেন না; গ্রন্থবৈষম্য তাঁহাদের পন্থায় নাই। সেই জন্ত বর্ণপরিচয় হইতে বেদান্তদর্শন পর্য্যন্ত সকল পুঁথিই তাঁহার দৃষ্টিতে সমান। তৃতীয়তঃ অর্চনা, বন্দনা, পূজা প্রেয়ার তাঁহারা সকলেই বুঝা বলেন। ‘আমি ভক্ত, তুমি ভগবান্’ এ কথা ঘোর বৈষম্যমূলক এ মোহান্তাবের প্রশয়দাতা বঙ্গপন্থী নহেন, সুতরাং তিনি অর্চনা বন্দনায় নাই। চতুর্থতঃ বঙ্গপন্থী জানেন, পাপ পুণ্য—মিথ্যা, বঙ্গপন্থীর নবদর্শনকার, ইহা শ্লাঘার সহিত স্বীকার করিয়াছেন, এবং বঙ্গপন্থীর কার্য কলাপে প্রত্যাহই এই সাম্যবাদের পরিচয় পাওয়া যায়।

বঙ্গপন্থী বিবেচনা করেন, “মনুষ্যের ব্যক্তিগত স্বতন্ত্রতা আপনা হইতে ক্রমে ঘুচিবে। ধূমকণার স্বতন্ত্রতা ঘুচিয়া সমুদ্র হইয়াছে, মনুষ্যের ব্যক্তিগত স্বতন্ত্রতা গেলে সেইরূপ কি একটা হইবে।”

এই নরসাগর জমায়েতের পূর্বে দেশে মহাদেশে, গ্রামে নগরে, পল্লীতে পল্লীতে, ভবনে, অঙ্গনে, প্রকোষ্ঠে, খটায় যে নরনারীরূপ আকৃতির, প্রকৃতিগত বৈষম্য দৃষ্ট হয় তাহা ঘুচিয়া যাইবে, গিয়া কি একটা হইবে।

ষত দিন তাহা না হইতেছে, ততদিন বঙ্গপন্থীর মতে, জগতের ভরসা নাই, নরসাগরসৃষ্টির সুযোগ নাই।

ত্নী পুরুষের বৈষম্যই সকল অনর্থের মূল। সার্বজনিক, সার্ব-
শৈশিক, সার্বকালিক। হিন্দু মুসলমানের ভেদ, পৃথিবীর একদেশ-
ব্যাপী; ব্রাহ্মণ শূদ্র ভেদ এখন কেবল কলারব্যাপী, ধনী, নির্ধনের

ভেদ জেলে নাই, মূর্খ পাণ্ডিত্যের ভেদ সাহেবের কাছে নাই, নবেল রোমান্সে ভেদ বঙ্কিম বাবুর কাছে নাই, নাটক প্রভৃতির ভেদ মিঞার কাছে ছিল না, আধুনিক পুস্তক পুস্তকমধ্যে ওজনগত ভেদ থাকিলেও, পাঠকের কাছে নাই, যোগেশ বাবুর কাছেও নাই। কিন্তু নর নারীর ভেদ কোথায় নাই বল? বিলাতের সাম্য সভা-পার্লিয়ামেন্ট হইতে দরিদ্রের পাকশালা পর্যন্ত এই বিজাতীয় জাতি-ভেদ কোথায় নাই? বঙ্কিমস্বামী এত চেষ্টা করিলেন, তবু ত ধর্মসভা হইতে স্ত্রী পুরুষের স্থানগত বৈষম্যও উঠিল না। ইংরেজ-রাজ্য সাম্য অবতার,—বড়কে ছোট করিয়া ছোটকে বড় করিয়া অনবরত সাম্য সাধন করিতেছেন; তথাপি তাঁহার বিখ্যাত সাম্যশালী শ্রীমতী স্ত্রী পুরুষের স্থান বৈষম্য এখনও ত ঘটিল না। অহো কি দুর্ভাগ্য!

তাহার পর, আকৃতির বৈষম্য, প্রকৃতির বৈষম্য, বিকৃতির বৈষম্য, নিকৃতির বৈষম্য, পরিচ্ছদের, প্রবৃত্তির, নিবৃত্তির—বৈষম্য, আহারের ব্যবহারের প্রহারের অপহারের উপহারের বৈষম্য,—এ সকল কবে যে ঘুচিবে, বঙ্কিমস্বামী তাহা তাঁহার নব দূরদর্শনও স্থির করিতে পারেন না।

এই জাতিভেদ সকল জাতিভেদের শিরোমণি অথচ মূল। হস্ত-দেশে আঘাত না করিলে আর চলে না। হৃৎকথন ধরায় সকল হৃৎকথের মূলই এই।

এই বৈষম্য তাড়নেই লঙ্কাকাণ্ড, ইলিয়াদ নাশ, কুর্যোধনের উক-ভঙ্গ, ৩মিঞের মুখহেট, কুচবিহারে কিকিঙ্ক, বৃজাপুরে গৃজাবন্দ। এই জাতিভেদ হইতেই কায়স্থের কস্তাদায়, গাণ্ডের ঘোমটা দায়, পঞ্চা-নন্দের গৃহিণী দায়, সুধারণীর অনাদায়। (এ ভাগাদায় কিন্তু লাভ নাই।)

এই বৈষম্য হইতেই টেকিতে টীপ ঢাপ চূপ, ব্যাকরণে কেপ আপ

উপ্‌; ঘট ঘটীর দুর্ঘটন; রমণ-রমণীর বিচ্ছেদ ঘটনা; লেনিতে father mother, brother sister প্রভৃতি নিত্যস্থ ঘনিষ্ঠের পৃথক্ পৃথক্ প্রকোষ্ঠে সংস্থান। নাটকে—ললিত ললামের, এবং লীলা লহরীর ভিন্ন পথে, এক দল বালকম্পে, এক দল পদ কম্পে প্রস্থান।

এই জন্তই শকুন্তল' ভবন দুঃস্বপ্নগণের জালায় অস্থির হইয়া উঠিয়া যাইতেছে। ন্যাশনাল থিয়েটার বসিয়া যাইতেছে, কোজদারী আদালত চলিয়া যাইতেছে, দেওয়ানি আদালত বেনামির বিচারে বাস্তব, কালেক্টর নাম খারিজের বাস্তব।

এই জন্তই দম্পতী, উপদম্পতী ক্ষণদম্পতী মধো, ঈর্ষার উৎপত্তি। তৎকালিক জুলুবার ওখেলো, এই ঈর্ষা হইতেই অকাল মৃত। বন্ধুতার বন্ধুর-ভাব; সভ্যদলে ভ্রাতৃভগিনী ভাব।

এই বৈষম্য হইতেই আলঙ্কারিকের আবিষ্কার। নায়ক নায়িকা ধীর, ললিত, উদাত্ত, শষ্ট, ধৃষ্টদায়—কলহাস্তুরিতা, বিরহাস্তুরিতা, প্রবাসাস্তুরিতা, প্রকোষ্ঠাস্তুরিতা, প্রভৃতির প্রভেদ।

এই সাংখ্য দর্শনের মূল, অসংখ্য-দর্শনের ভুল। অসংখ্য যোগের সৃষ্টি, অসংখ্য শোকের সৃষ্টি।

এই জন্ত, indecency, obscenity, pruriency, scandalum magnatum, venalum, অশ্লীল, কুৎসিত, কোকচ, পৌকষ, জঘন্ত, নগণ্য, ধন্ত, বদান্ত প্রভৃতি কথার সৃষ্টি, ব্যাখ্যার সৃষ্টি, সমালোচকের নিকট এককটি সৃষ্টি। দর্পণে ভগামী; তর্পণে গোত্রনামী। এই শীলতার দায়েই বঙ্গপন্থী কবি 'বিদ্যাসুন্দর উদরস্থ রাখেন, সহজে উদগার করেন না, শনিবারের পালা পড়েন, হাসেন, তথাপি সভ্য ভাষেন! সকলই না স্ত্রীপুরুষের বৈষম্য জন্ত?

এই বৈষম্যের অনিষ্টকারিতা এখন উপপন্ন হইল; যাহাতে উপায় সম্পন্ন করিতে পারবে তৎক্ষণে কবি বা এমত দাতা

মূলে কুঠারাঘাত ।

সংস্কার সূচনা ।

এই বিষম বৈষম্য একটা মহান অনিষ্টকর ব্যভিচার ; বঙ্গপন্থী ইহার সংস্কার করিবার অযত্ন চেষ্টা করিতেছেন । এই সংস্কারের সংস্কারক নাই । এবারকার কে চৈতন্যদেব, জিজ্ঞাসা করিলে কোন উত্তর নাই । কোন পরামর্শ নাই, যত্ন নাই, উদ্যোগ নাই, অথচ সংস্কার আরম্ভ হইয়াছে । ধর্ম্মযাজন নাই, ধর্ম্মপ্রচারক নাই, কোন গ্রন্থ নাই, (ব্যতীত এই পঞ্চানন্দ) অথচ চারি দিকে ইহার কার্য হইতেছে ।

কাষা নানাবিধ । প্রথম, ঈশ্বর পরিবর্তনে । ব্রহ্মা ব্রহ্মণী উঠাইয়া দিয়া, শিব জর্গা ভুলিয়া দিয়া, পুরুষ প্রকৃতির ভেদ ভুলিয়া গিয়া স্ত্রী-পুংভাবের বৈষম্য-চ্ছেদ করণার্থ প্রথমেই বঙ্গপন্থী ক্রীত ব্রহ্মের অব-ভারণা করেন । শ্রেষ্ঠ মায়ী থাকিলে স্ত্রীত্ব আইসে, কার্যকারিতা থাকিলে পুংত্ব আইসে, কাজেই ঈশ্বর নিগুণ, নিদাম, নিরাকার জড় ভরত ।

কিন্তু এখন আর তাহাতেও কুলায় না । বৈষম্যের এমনই অভ্য-চার যে, এতেন ঈশ্বরকেও লোকে পিতা, কেহ পিতার পিতা, কেহ খড়ার দাদা, বলিতে ছাড়িল না । সেন সাম্যইহার এক অপূর্ণ উপায় উদ্ভাবন করিয়াছেন ! তিনি এমন ঈশ্বরকে জননী, স্বর্গাদি বলিতে আরম্ভ করিয়াছেন । অচিরাত পিতরো, পার্শ্বতীপরমেশ্বরো বলিবেন ; তাহা হইলেই ঈশ্বরদে জাতিগত বৈষম্যের বিনাশ ; সাম্য যোগের জয়জয়কার ।

দ্বিতীয়তঃ নাম করণে সেই সাম্য যোগ । কামিনী সেন, নিত-দিনী মুনসি, যামিনী গুপ্ত, ভামিনী দাস, বলিলে এখন আর কোনরূপ আকৃতিগত বৈষম্য সূচিত হয় না । রজনী গুপ্ত, নর কি নারী, কেহ দূর হইতে নির্ণয় করিতে পারে না ।

তাহার পর পরিচ্ছন্ন দিতে সামা সাধন । স্ত্রীলোকের মুখাবরণ উত্তোলিত হইতেছে, পুরুষ শর্ডি রাখিয়া মুখাবরণের সংস্থান করিতেছেন, তাহাতে ইচ্ছা না থাকিলেও সামা সাধন হয় । ফুল বাবু বুকের হৃদিকে হুটী বড় ফুল উজিয়া স্ত্রী অনুকরণে বাস্তু, ফুল কুমারী বহুত্যাড়নে অনাহারে, কাচি সঙ্কার প্রদর্শন জন্ত সন্তানের গর্ভত জুড় বাবস্থা করিয়া বন্ধাচলকে ভুলোন করিয়া রাখিতেছেন, 'উঠ উঠ বিষ্কা-রাজ' বিষমাবালী কবির আবাহনে আর কিছুই হয় না ।

অতএব অক্রুতি প্রকৃতিগত বিকৃতি বিষম্য সকল অনর্থের মূল, সেই বিকৃতির ভলে আঘাত করিতে বঙ্গপত্নী নিবৃত্তই বিব্রত, আশা করা যাইতে পারে, এই নদ নদী প্রথম প্রয়াগে মিলিত হইয়া ক্রমে ব্যাক্তিগত স্বাভাব্য ভাসাইয়, নর মহাসাগরে লীন হইবে । যে কয়দিন না হয়, যেমন পুরুষানুক্রম চলিতেছে তেমনই থাকুক, পঞ্চানন্দের তাহাতে বিশেষ আপত্তি নাই, বোধ হয় পাঠক-পাঠিকার আপত্তিও না থাকিতে পারে ।

বাঙ্গালা ভাষা উঠাইয়া দিতে আপত্তি আছে ।

অপামর সাধারণ এক মত হইয়া যে কাজ করিতে মনস্থ করেন, তাহার বিরুদ্ধভাব করিবার চেষ্টা করা যে ধুষ্টতামাত্র, তাহা আমি অবগত আছি । আর, সকলে যাহা ভালো বলিয়া বিবেচনা করে, তাহা এক জন লোকে মন্দ বলিলেই যে মন্দ হইবে, ইহাও আমি বিবেচনা করি না । এমন কথা প্রকাশ করিলে উহাকে বুদ্ধির বিড়ম্বনা মনে করিবার অধিকার সকলেরই আছে । আজি কালি বাঙ্গালা ভাষা উঠাইয়া দিবার জন্তও এইরূপ একটা সর্ববাদিসম্মত অভিপ্রায় দাঁড়াইয়াছে ।

স্বতরাং এই অভিপ্রায়ে বিরুদ্ধাচরণ করিবার চেষ্টা করাও যে অসম-
সাহসিকতা এবং নিৰ্বুদ্ধিতার কার্য, তাহা বিষয়ে সন্দেহ নাই। “দশ চক্রে
ভগবান ভূত” এ প্রবাদও আমি অবগত অছি। কিন্তু রোগই বলুন,
কিবা মানব প্রকৃতির শকরই বলুন, একপ দিগ্গজ পণ্ডিতদের মত
সবেও আমি বাঙ্গালা ভাষার উচ্ছেদ সাধনে সম্মত হইতে পারিতেছি
না। ইহা আমার তর্কবুদ্ধি হইতে পারে, তর্ভাগ্য হইতে পাবে, কিন্তু
সত্য সত্য মনে যাহা হইতেছে, তাহা কেমন করিয়া চাপিয়া যাইব ?
অধিক কি, যদি ন-আইনে পর্য্যটন আইন যোগ করিয়া স্বয়ং লাট
সাহেব আমাকে তোপে উড়াইয়া দিবার ব্যবস্থা করেন, তাহা হইলেও
বাঙ্গালা ভাষা উঠাইব না দিলে য কিছুতেই চলিতেছে, একপ
ধারণা করিতে আমি অক্ষম।

কিন্তু যেখানে সকলেই বলিতেছেন যে, বাঙ্গালা ভাষা না উঠাইয়া
দিলে বঙ্গদেশের সর্বনাশ, সেখানে তাবশ্যই আমাব বক্তব্য বিনায়েব
সহিত ধৈর্যের সহিত এবং গাণ্ডীযোব সহিত প্রকাশ করিতে আমি
বাধ্য। গুরুতর প্রক্ষেপ পণ্ডিতগণের প্রতিকল কথা বলিতে হইলে
সম্মানের সহিত বলা আবশ্যিক, তাহা আমি জানি। অতএব আমি
যে সকল আপত্তি নিবেদন করিতেছি, তাহার সারবস্তার প্রতি লক্ষ্য
করিয়া বঙ্গবাসী বিদ্বানমণ্ডলী আমাব বাবতাবেব প্রতি আক্রোশ
প্রকাশ করিবেন না। এট আমার ভিক্ষা।

ফলতঃ আমাকে এত মূর্থ বা বোকা মনে করিবেন না যে, সত্য
সত্যই কেতাবী বাঙ্গালা ভাষার অক্ষুরূলে আমি বন্ধপরিষ্কার হইয়াছি।
যাহাতে এত বড় গড় বৃক্ষ দীর্ঘের উৎপাত আছে, তাহা লইয়া ভদ্র
লোককে বিব্রত করিতে কোন পামরের ইচ্ছা হইতে পারে ? তবে
তেলী, তামলী, গয়লা মালী, চাষা ভূষে, হাতি ডোম প্রভৃতি গরীব
ছুখী লোক যে ভাষাকে অবলম্বন করিয় কোনরূপে পাপ বাঙ্গালী

জন্ম কাটাঁইয়া যাইতেছে, তাহা উঠাইয়া দিতেই আমার আপত্তি, ইহা আমি শতবার স্বীকার করি ।

ঈশারা বাঙ্গালা ভাষা উঠাইয়া দিবার পক্ষ, ঈশাদের প্রধান তর্ক এই যে বাঙ্গালা ভাষা বজায় রাখিলে অস্তুতঃ ছুইটা ভাষা শেখা আবশ্যক হইয়া উঠে । তাহা হইলেই প্রথমতঃ অকারণে অনেক বহুমূল্য সময় নষ্ট হয় এবং দ্বিতীয়তঃ ভাষার বিরোধ হেতু মনেরও বিচ্ছেদ জন্মে ।

এ তর্ক যে নিতান্ত অসঙ্গত, ইহা বলিতে আমার সাহস হয় না । কিন্তু এ তর্কের কোথায়ও যে খুঁত নাই, তাহাও ত বলিতে পারি না । একাধিক ভাষার কথা যে বলা হয়, তাহা ইংরেজীকে লক্ষ্য করিয়াই বলা হয়, ইহা আমি ধরিয়। নইলাম । ইংরেজী রাজভাষা, অতএব অর্চনার বস্তু, তাহা আমি মানি । কিন্তু শুনিতে পাওয়া যায়—ইংরেজ বাঙ্গালী উভয়েই একথা বলেন—যে এমন দিন আসিতে পারে যে, ইংরেজরাজ আমাদিগকে জন্মের মত পরিত্যাগ করিয়া যাইবেন । যদি তাহা ঘটে, অথচ বাঙ্গালা ভাষার অস্তিত্ব তখন লোপ পাইয়া থাকে, তাহা হইলে গরীব বেচারারা দাঁড়ায় কোথায় ? মনুষ্যের যে উৎপত্তিতত্ত্ব ডার্বিন সাহেব আবিষ্কার করিয়াছেন, তাহার সত্যতার প্রতি সংশয় না থাকিতে পারে ; কিন্তু তাই বলিয়া হঠাৎ একদিন বাঙ্গালীকে সেই তত্ত্বের প্রমাণ দিতে বসিতে হইলে এবং জানি না কত যুগ পিছু হাঁটিয়া যাইতে হইলে, বোধ করি নিতান্ত সুখের কথা হইবে না । এই কথাতেই সময় নষ্টের আপত্তি কথঞ্চিৎ খণ্ডিত হইতেছে । ফলে তাহা না হইলেও, আগাগোড়া লোককে বাঙ্গালা ছুলাইবার জন্ত যে অনেক সময় লাগিবে না, ইহাও নিশ্চয় বলা যায় না । বলিতে আশঙ্কা হয়, কিন্তু দিনীকতার বলা হইতে পারে যে এক পিতা মাতার একটা জন্ম:

পত্র লেখা আবশ্যক হইলে Dear Papa Dear Mamma না লিখিয়া প্রিয় বাপ, প্রিয় মা সম্বোধন করিয়া কতক সময় বাঁচাইতে পারা যায়, এবং সে সময় টুকু বাঙ্গালা ভাষাকে দেওয়া যাইতে পারে । এটা যে একটা গুরুতর তর্ক তাহা বলিতেছি না, তবে অল্প দশ কথার সঙ্গে ইহার বিবেচনা করিলে করা যাইতে পারে, এই মাত্র আমার বলিবার উদ্দেশ্য ।

ভাষা বিরোধের যে কথা বলা হইয়াছে, তাহা যে একেবারেই অসঙ্গত তাহা বলি না । কিন্তু বড় লোকে ছোট লোকে, ইতরে ভদ্রে, সুশিক্ষিত বাবুতে এবং অসভ্য চাষাতে যখন একটা প্রভুত্ব থাকা অত্যাবশ্যক, বিরোধ না থাকিলে প্রকৃত উন্নতির আশা করা যাইতে পারে না, তখন ভাষা-বিরোধের আপত্তি বা মনো-মালিন্দের শঙ্কা, কেমন করিয়া সর্বাস্তঃকরণে অনুমোদনীয় হইতে পারে? যত্ন করিয়া যাহা রাখিতে হয়, চিরদিন যাহা রাখিতে হইবে, তাহার রক্ষণ-প্রণালী লইয়া এত বাহ্যবিচার করলেই বা চন্নিবে কেন? এখন ভাষালা ভাষা জীবিত আছে—বিকারের রোগীর মত তাহার অবস্থা বটে, তথাপি জীবিত—এখন যে কারণে বঙ্গবাসীর হিতের কথা হইলে, কোন একটা দরকারী কথা হইলেই ইংরেজীতে বাদ, প্রতিবাদ, বিতর্ক, বিতণ্ডা, বিচার, বহুতা করা যায়, বাঙ্গালা ভাষা উঠাইয়া দিলেও ত সে কারণের বিনাশ হইতেছে না । সাধারণ বাঙ্গালী যাহাতে না বুঝিতে পারে তাহাই ত উদ্দেশ্য, তা বাঙ্গালা উঠাইয়া দিলেই যে সকলেই ইংরেজীতে দখলীস্বত্ব লিখিষ্ট হইয়া উঠিবে, মার্কন্ আর কাটুন্ এমন বিশ্বাস ত আমার হয় না । লোকে এখনও বোঝে না, তখনও বুঝিবে না এমত স্থলে সামান্ত ব্যক্তিদের স্ব-সামান্ত ভাব বিনিময়ের পথে কাঁটা দেওয়াটা কি খুব সুবিবেচনার কাজ হইবে?

বাক্সালা ভাষার বিরোধিগণ আরও বলেন, যে বাক্সালা যখন মাতৃভাষা, তখন শিক্ষা করিতে এত কষ্ট স্বীকার করিব কেন? অথচ লিখিতে, বুঝিতে গেলেই কষ্ট স্বীকার না করিলে উপায় নাই।

যে জাতি, গুলি ডাঙা খেলিয়া, গুলি গাঁজা ফুকিয়া, পিতার, পিতামহের, মাতামহের এমন আরও দশ জনের বিষয় চম্ভগত করে, তাহার এরূপ তর্ক করিবার অধিকার সবশুই আছে। কিন্তু জাতিভুক্ত সকল ব্যক্তিই এমন সোভাগাশালী নয়; অনেককে মাথার ঘাম পায়ে ফেলিয়া, দুই প্রান্ত এক ঠাই করিতে হয়। ঐদৃশ অবস্থার লোকের জন্য বাক্সালাটা রাখিয়া দিলে কতি কি? যাহারা ধনবান, জ্ঞানবান, বিদ্যাবান, স্বদেশবৎসল, বাক্যস্বচ্ছল, তাঁহারা এখনও বাক্সালা শেখেন না, তখনও শিখিবেন না। সুতরাং তাঁহাদের কোন কষ্ট নাই। তবে জোর করিয়া ভাষাটা উঠাইয়া দিয়া কাজ কি? ভাষা উঠাইয়া দিতে ইঁহারা যে পরিশ্রম করিতে উদ্যত, সেই পরিশ্রম অন্য কার্যে নিয়োগ করিলে তাঁহাদের সুখ হইতে পারিবে, অভাগারাও কিছু দিনের জন্য রক্ষা পাইবে। ক্রমে বড় দরের লোকের মনোভাব চুঁইয়া চুঁইয়া ক্ষুদ্র দলের ভাবান্তর করিয়া দিবে, তাহাতে সন্দেহ নাই। তবে ব্যস্ত হইয়া কাজ কি?

কেহ কেহ বলেন যে, বাক্সালায় শিখিবার কোনও কথা নাই, পড়িবার কোনও পুস্তক নাই, তবে এমন ভাষা থাকিতে দিব কেন?

একথা সম্পূর্ণ সঙ্গত বলিয়া স্বীকার করিলে কোন ভাষাই টেকিতে পারে না। কিন্তু আমার বিশ্বাস এই যে, ভাষা মাঝেই উঠিয়া যাউক এরূপ অভিপ্রায় কাহারও নহে। কারণ সকল ভাষায়ই শৈশব বোঁবন আছে বলিয়াই সাধারণের প্রতীতি। বাক্সালার না হয় সেই শৈশব মনে করা যাউক; যাহারা পণ্ডিত, তাঁহারা বাক্সালাকে গলহস্ত

যদি বলেন যে লিখিয়াই যদি পড়িতে হইল, তাহা হইলে আমার না লেখাই ভালো—যদি এ কথা বলেন, আমি নাচার, নিরস্তর ।

পঞ্চানন্দী ব্যাকরণ ।

বিশুদ্ধ ভাবগ্রহ না হইলে রসের উদ্বোধ হয় না । ব্যাকরণে জ্ঞান না থাকিলে ভাবগ্রহ অসম্ভব । সেই জন্যই পঞ্চানন্দের রস হৃদয়স্থ করিতে অনেকে অসমর্থ । ইহাদের উপকারার্থ সচ্চিদানন্দকে নমস্কার করিয়া পঞ্চানন্দী যে এই ব্যাকরণ, তাহা প্রণীত হইতেছে ।

সংজ্ঞা-প্রকরণ ।

দ্বेष, হিংসা, ক্রোধ, অভিমান, মত্ততা ও উন্মত্ততা এই ছয় পদার্থে সংজ্ঞার লোপ হয় । পঞ্চানন্দী ব্যাকরণে এই ছয় বর্জিত । ঘাহার বর্জনে অক্ষম, এই ব্যাকরণের কোন প্রকরণেই তাহাদের অধিকার নাই ।

বিভাগনির্ণয় ।

ব্যাকরণের পাঁচ অঙ্গ ;—বর্ণ অঙ্গ, ব্যুৎপত্তি-অঙ্গ, ভাব-অঙ্গ, ছন্দ-অঙ্গ, রস-অঙ্গ । এই পাঁচ অঙ্গে পঞ্চানন্দ সম্পূর্ণ ।

১। বর্ণ-অঙ্গ ; যে অঙ্গে ব্রহ্ম দীর্ঘ, উত্তর পূর্ব, সকার-নকার প্রভৃতির বিড়ম্বনা, তাহারই নাম বর্ণ-অঙ্গ । বিড়ম্বনার কৰ্ত্তা নন্দী এবং তাহার অনুচরবর্গ ।

২। ব্যুৎপত্তি-অঙ্গ ; পঞ্চানন্দে যে সকল শব্দের প্রয়োগ হয়, তাহার প্রকৃতি এবং বিকৃতি যে অঙ্গে নির্দেশ করিয়া দেয়, তাহাকে ব্যুৎপত্তি অঙ্গ কহা যায় । ব্যুৎপত্তি সহজে হয় না, কারণ ইহা ঈশ্বর-দত্ত ; সেই জন্য গাথা পিটিয়া ঘোড়া করা অসম্ভব ।

৩। ভাব-অঙ্গ ; ঘাহাতে শব্দবিশ্বাসের চাতুরী বোঝা যায়,

তাহাকে ভাব বলে। ভাব দুই প্রকার, যাহারা বুঝিতে পারে, পঞ্চানন্দের সহিত তাহাদের সদ্ভাব, যাহারা অবোধ, তাহাদের সমস্তই অভাব।

৪। ছন্দ-অঙ্গ ; যেখানে মাত্রার ভারতম্য দেখা যায়, সেই স্থানকে ছন্দের বিষয়ীভূক্ত বলা যায়। ককীর চাঁদের মাত্রা, নেহালিনীর মাত্রা, ভুবনমোহিনীর মাত্রা ভিন্ন ভিন্ন রকম। মাত্রার দোষে বা গুণে চলিয়া পড়িলে অথবা ঢলাইলে ছন্দোভঙ্গ হয়। যাহারা ছন্দোভঙ্গ করে, তাহারা স্বতঃ বা পরতঃ গবর্ণমেন্ট হইতে লাইসেন্স লয়। .

৫। "রস-অঙ্গ ; কটুকথা, বিচ্ছেদ, মান, ক্ষমা, মিলন—এই পাঁচ পদার্থ যে অঙ্গে থাকে, তাহাকে রস-অঙ্গ কহে। পঞ্চানন্দের সন্মানেই রস, সেই জন্য এই সমুদয়ে পঞ্চানন্দের অধিকার সর্ব্ববাদিসম্মত। কপালে ঘটেও সব।

বর্ণনির্ণয় ।

যাহাদিগকে লইয়া শব্দ, তাহাদের প্রত্যেককে বর্ণ বলা যায়।

আদিতে চারি বর্ণ ছিল। অনুলোম, প্রতিলোম, ক্রমে ছত্রিশ বর্ণ দাঁড়াইল ; ইহার উপরেও কতকগুলি বর্ণচোরা হইল। সুতরাং এখন বর্ণসংখ্যা উনপঞ্চাশের কম নহে।

বর্ণবিভাগ ।

বর্ণ দুই প্রকার, স্বর ও হ্রস্ব ।

যে বর্ণ নিরাশ্রয় হইলেও কার্যকর, অন্তের অবলম্বন না পাইলেও এক রকমে চলিয়া যায়, তাহার নাম স্বর। পঞ্চানন্দ স্বয়ং স্বর বর্ণ।

স্বর দ্বিবিধ, তীক্ষ্ণ ও ভোতা। যাহা খট করিয়া মনে লাগে এবং

ব্রহ্মজ্ঞানীরও মর্শ্ভেদ করিয়া চিত্তবিকার উৎপাদন করে, তাহাকে ভীক্ষু স্বর বলে ।

সেই আক্রোশে অবশিষ্ট অংশকে ভোতা বলা হয় ।

স্বরবর্ণ যাহাদিগকে চালায় অর্থাৎ পঞ্চানন্দ পাঠে যাহারা বিচলিত হয়, তাহাদিগকে হল্ বর্ণ বলে । হল্ বর্ণ পরমুখপ্রত্যায়ী হইলেও চাষার অন্ত হইলেও তাহার উপকারিতা আছে ; তাহার গুণে ভাষার অর্থাৎ পঞ্চানন্দের উৎকর্ষণ হয় ।

বর্ণের উৎপত্তিস্থান ।

১। মনের মধো উদ্ভিত হইয়া কণ্ঠ, তালু, জিহ্বা, গুষ্ঠ ও নাসিকার সাহায্যে অথবা কাগজ কালি কলমের সাহায্যে স্বরবর্ণ উৎপন্ন হয় । এই স্থানভেদ বা প্রকরণভেদ, অবস্থানভেদেই হইয়া থাকে, যথা, নিভান্ত বিবর্ত অবস্থায় স্বর নাকী হয় ।

২। গালাগালিতে লোভ এবং অর্থে তিতিক্ষা সংযুক্ত হইলেই হল্ বর্ণ উৎপন্ন হয় । একপ.না হইলে চাষার হাতে পড়িবে কেন ?

সন্ধিপ্রকরণ ।

একাধিক বর্ণ একত্র করিয়া ঘনিষ্ঠতা করিলেই সন্ধি হয় । সন্ধি হইলে মনের খটকা যায় ; যথা, শ্রীক্ষেত্রে, হোটেল ।

সন্ধি দুই প্রকার, স্বর সন্ধি ও হল্ সন্ধি ।

১। যেখানে মনের কোরকাপ মিটিয়া পঞ্চানন্দ এবং তাহার স্বরে সম্পূর্ণ একীভাব হইয়া যায়, সেই স্থানেই স্বরসন্ধি হয় । যথা, নবপত্রী ।

২। হল্ বর্ণ স্বরবর্ণের পূর্ববর্তী বা পরবর্তী হইয়া মিলিত হইলে স্বরবর্ণে যদি পাঁচ টাঙ্গা সংযুক্ত হয়, তাহা হইলে হল্ সন্ধি হয় । এবং হল্ বর্ণের পর হল্ বর্ণ আসিয়া পঞ্চানন্দের তহবিলে মিলিত হইলেও হল্ সন্ধি হয় । উদাহরণ বাহুল্য মাত্র ।

টীকা ।—প্রাহকরণ কোন কারণে চটিয়া গেলেই সন্ধির বিচ্ছেদ হয় । তাহাতে ভাষার অনিষ্ট, উত্তর পক্ষের বলক্ষয় ।

গত্ব ও বত্ব বিধান ।

ইহার দ্বার পঞ্চানন্দ ধারেন না, ইচ্ছা থাকিলেও পরের জ্বালায় পারেন না । বাস্তবিক বত্ব গত্ব এক প্রকারের গর্দভের সেতু ; বত্ব গত্বের ভয়েই অধিকাংশ গর্দভ বাঙ্গালা ভাষায় পারগ হইতে পারে না ।

পঞ্চানন্দী ব্যাকরণে ভদ্রতা হইলে সহ, না হইলে নহ ।

শব্দনির্গম ।

পঞ্চানন্দ পাঠে যে স্কুট ও অফ ট ধ্বনি পাঠকগণ করিয়া থাকেন, তাহার নাম শব্দ ।

বিভক্তিনির্গম ।

শব্দের পর বিভক্তি হয় অর্থাৎ হয় বিশিষ্টরূপ ভক্তির উদ্দেশ্য হয়, নতুবা ভক্তি বিগত হইয়া ছাড়ে চটিয়া যাইতে হয় ।

পদপ্রকরণ ।

বিভক্তি যোগের পরেই পদের প্রয়োগ ; যাহাকে যেমন পদ দেওয়া উচিত, তাহাকে সেইরূপ পদ দেওয়া যায় ।

পঞ্চানন্দ তিন প্রকার পদ দিয়া থাকেন ; সম্পদ, বিপদ, এবং এক প্রকার উপপদ, যাহার নাম অব্যয় ।

পঞ্চানন্দের আবরণে যাহার নাম প্রকটিত হয়, তাহাদেরই সম্পদ যথা, মহাকাণী স্বর্ণময়ী ।

পঞ্চানন্দ যাহার ছাড়ে চাপেন, তাহারই বিপদ, যথা, পঞ্চানন্দের সৌখীন সম্পাদক ; পঞ্চানন্দের দায়গ্রস্ত রাঠক ।

যাহারা গালাগালি খান, গালাগালি দেন, অথচ একটা পরস্বা ব্যয় না করিয়াও ভজনার রবিবারে পঞ্চানন্দ পাঠ করেন, তাহার অব্যয় । সর্বদা মনে রাখিতে হইবে যে অব্যয়ে বিভক্তি যোগ হয় না । উদাহরণ রাণী মুদি গালিতে পাওয়া যায় ।

বচন ।

পদ প্রয়োগ করিতে হইলেই বচন আবশ্যিক, বচন দুই প্রকার সুবচন ও কুবচন ।

এক কথায় যাহার সঙ্গে কাজ হয়, একবার চাহিবা মাত্র যে দেখা পরিশোধ করে, তাহার প্রতি সুবচন ।

অধিকাংশ লোকই বেয়াড়া, বহুবচনেও তাহাদের কিছু হয় না । অগত্য কু-বচন ।

পুরুষ ।

পুরুষ ত্রিবিধ । আমি নিজে উত্তম পুরুষ, তুমি যদি ইহা স্বীকার কর তাহা হইলে তুমি মধ্যম পুরুষ । আমি তুমি ছাড়া (চক্ৰলঙ্কার ভয় না থাকিলে) সকলেই কাপুরুষ (নিকটবর্তী হইলে একটু লজ্জা হয়, সুতরাং সেরূপ স্থলে সেই) তৃতীয় ব্যক্তি প্রথম পুরুষ ।

কারক ।

যাহাছারা পদপ্রয়োগ, কালে সম্পর্ক বুঝা যায়, তাহাকে কারক বলে । কারক ছয় প্রকার—কর্তা, কর্ম, করণ, সহক, অপাদান, অধিকরণ ।

যিনি আহার যোগান, সুতরাং যাহার মন যোগাইতে হয়, তিনি কর্তা । অবস্থা বিশেষে সকলেই কর্তা হয় ।

দায়গ্রস্ত হইয়া যাহা করিতে হয় তাহাই কর্ম, সুতরাং পঞ্চানন্দী ব্যাকরণে সংকর্ম্য কুর্কর্মের প্রভেদ থাকা অসম্ভব ।

যাহাছারা কার্যোদ্ধার করিয়া লইতে হয়, সেই করণ । যথা, পঞ্চানন্দের উপলেখক সম্প্রদায় । যাহার মধ্যবর্তিতার গ্রাহকগণের সহিত পঞ্চানন্দের সহক স্থিরীকৃত হয়, তিনি সহককারক; যথা, কার্যাদাক্ষীকৃত রামচন্দ্র চক্রবর্তী, ৪৪ নং রসারোড ভবানীপুর ।

যাহা হইতে পঞ্চানন্দ ভয় পান, যথা—বঙ্গীয় সমালোচক; যাহার
কথার পঞ্চানন্দ চালিত হন, যথা—ভূতাকাঙ্ক্ষী বন্ধু, তাহার। অপাদান
কারক ।

যেখানে যে দিন কার্য সম্পন্ন হয়, সেই সেদিনকার অধিকরণ ।
টেক্স প্রভৃতির যে রকম উৎপীড়ন তাহাতে বোধ হয় যে কিছুদিন পরে
অধিকরণ একবারেই উঠিয়া যাইবে ।

ধাতু ।

যে সকল লোকের সহিত পঞ্চানন্দের আলাপ আপায়িত, দহরম,
মহরম, কুন্তিতে হয় তাহাদের স্বভাবকে ধাতু বলে ।

প্রত্যয় ।

অষ্ট ধাতুর লোকের সঙ্গে যখন পঞ্চানন্দের চলিতে হইতেছে,
তখন বিশ্বাস না করিলে উপায় নাই । এই বিশ্বাসের নাম প্রত্যয় ।

ধাতু বুঝিয়াই প্রত্যয় করা যায়; কিন্তু ক্রমের বিষয় এই যে, প্রত্য-
য়ের পর অনেক ধাতুর রূপান্তর হয় ।

সমাস ।

এক স্থানে দুই চারিটা কথা হইলেই সমাস হয় । সমাস ছয়
প্রকার ।

১। সমশ্রেণীর কথা একত্র হইলে অর্থাৎ কথার উপর কথা বা
যত বড় মুখ তত বড় কথা হইলেই দ্বন্দ্ব বলা যায় ।

২। দ্বন্দ্বকারী উভয় পক্ষই যখন অশ্রাব্য প্রয়োগে হাট করিয়া
ভোলেন তখন দ্বিগু বলা যায় ।

৩। দোষগুণবর্জিত কেহই নহে, অতএব সকলেই কর্মধারয় ।

৪। যখন পদে পদে একাকার হয়, বিভক্তির চিহ্ন পর্য্যন্ত থাকে
না, অল্পমানের দ্বারা পাতাপাত স্থির করিয়া লইতে হয়, তখন তৎ-

৫। যাহাদের নাম লইয়া সমাস, কাজের সময়ে যদি তাহাদের কোন স্থানই সিদ্ধ না হয়, তাহা হইলে সেরূপ স্থলে বহুব্রীহি সমাস বলা যায়। যথা, ভারত-সভা বলিলে ভারতের অনর্থ, সুতরাং সভা ব্যর্থ, কেবল গলাবাজী ও কলম বাজী বোঝায়।

৬। যাহারা বাপ পিতামহের টাকা হাতে অপব্যয় করিয়া শেষে নিজের গ্রাসাচ্ছাদনের ব্যয় কুলাইতে পারে না, অর্গত্যা অবাদের ভাব প্রাপ্ত হয় তাহারা অব্যয়ীভাব। অব্যয়ীভাবের দৃষ্টান্ত শুঁড়ীর খাতায় ও ইনসালমেন্ট আদালতে পাওয়া যায়।

বর প্রার্থনা ।

১। দয়াময়, তুমি আমার উপর সদয় হইয়া বর দিতে সক্ষম হইয়াছ; এখন আমি মানোনীত করিয়া লইলেই হয়। কিন্তু দয়াময়, আমি বাঙ্গালীর ছেলে, নানা রূপে বিভ্রত, বহুতর দায়গ্রস্ত, কি বর লইব, তাবিয়া অস্থির হইতেছি।

২। দয়াময়, এ বিপদ সাগরে তুমিই তরণী, এ তরণীতে তুমিই কর্ণধার, তুমিই আমার ভার গ্রহণ করো, যাহাতে আমার ভালো হই, তাহাই করো। সকল কামনা জানাইতেছি; যেটা পূর্ণ কর: তোমার সাধ্যায়ত্ত, তাহাই করো।

৩। আমাকে অতুল ঐশ্ব্যের অধিকারী, বিপুল ধনের অধিপতি করিয়া দাও। আমি খানা দিব, আপনি খাইব না, খানার সম্মুখে খানসামাবেশে দণ্ডায়মান থাকিব, বন্ নাচ যাহা আবশ্যিক হইবে করিয়া দিব, আপনি দ্বাররক্ষকের ভাবে বাহিরে থাকিব, গাড়ী ছোড়া রাখিব, তোমার সেবায় তাহা অষ্টপ্রহর নিযুক্ত থাকিবে, তোমার নিয়োগ অনুসারে দান করিব, চাঁদা দিব, ভূগোলে জ্ঞান ও বিশ্বাস,

না থাকিলেও তুমি কোনও দেশের নাম করিলেই আমি তাহার উপকারার্থে মুক্তহস্ত হইব । কানাচে হাশাকার উঠিলে শুনিব না, এ কর্ণ-দ্বয় তোমারই জন্ত ; সম্মুখে দেহ পড়িলে দেখিব না, এ চক্ষু-দ্বয় তোমারই জন্ত ; অন্নের গ্রাস মুখে তুলিবার জন্ত হস্ত সঞ্চালন করিব না, কর্ণদ্বয় তোমারই জন্ত । দয়াময় এই পঞ্চ ইন্দ্রিয়, নবদ্বার লইয়া যাহা করিতে হয় করো, আমি কথাটা কহিব না । তবে, দয়া করিয়া, আমাকে উপাধিদানে কাতর হইও না, দেবপত্রে ধন্যবাদ গানে বিমুখ হইও না, আমাকে মহারাজ বলিও, আমি লোকের মাথা কামাইয়া দিরা সকল সাধ মিটাইয়া লইব ।

৪ । দয়াময়, আমি তোমার বেতনভোগী ভূতা, অহরহ পদসেবার নিরুক্ত আছি, এ দেহ তোমার অর্থে রক্ষা করিতেছি । আজি ভূমিশূন্য আমাকে রাজা করিয়া দাও ; আমি নীচ, আমাকে বাহাদুর করিয়া দাও । আমি তোমাকে অভিনন্দন দিব, তোমার যশোধ্বজ্জা উড্ডীত-মান করিয়া পথে পথে তোমার মহিমা সংকীর্ণন করিব, ক্ষুদ্র সামর্থ্যে যাহা কুলাইবে, তোমার জন্ত সকলই করিব । তুমিই আমার ধর্ম, তুমিই আমার কর্ম, তুমিই আমার গতি, তুমিই আমার মুক্তি, বাকো ইহা বলিব, মনে ইহা মানিব, শরীরের দ্বারা ইহার প্রমাণ দিব ! সাত শ টাকার নবাবী তোমার মুখের কথায় হইতে পারে, তোমার তাহাতে লোকমান নাই, আমার সমূহ লাভ ; দয়াময় আমাকে তাহা দাও ।

৫ । দয়াময়, আমি পেটের জ্বালায় অস্থির, কাচ্চা বাচ্চা আছে, পরিবার আছে, তুমি আমাকে বড় চাকরি দাও । কলঙ্কের ঢালি মাথায় বাকিয়া, ভূমিলুপ্তি হইয়া, দুই হাতে তোমাকে নমস্কার করিব । আমি তোমার একান্ত অধীন, তোমার মন যোগাইতে আদি সকলই করিব । 'বালাব' আমার অধীন হইবে, তাহাদের উপর তর্জন গর্জন

করিতে পাইলেই আমার সকল অভাব পরিপূরিত হইবে! তুমি আমাকে চাকরি দাও।

৬। তোতা পাখী যাহা পারে না, আমি তাহা করিয়াছি, বিশ্ব-বিজ্ঞানরের উপাধিগ্রস্ত হইয়াছি, ওকালতীর যোগ্য হইয়াছি। দয়াময়, আমাকে মোক্তারের ভগিনীপতি, জমিদারের ভাগিনেয়, আমলার শালীপতি ভাই কিংবা হাকিমের জামাতা যাহা হউক একটা করিয়া দাও, আমি লোক-ভুলাইয়া গ্রাসাচ্ছাদনের সংস্থানে করিয়া লইব। দয়াময়, এখন যে তমক্কা অপেক্ষা সুখতলার মূল্য বেশি তাহাতে আমার দোষ কি!

৭। আমাকে দেশহিতৈষী করিয়া দাও; আমি যাহা ইচ্ছা করিতে থাকিব, মাতৃ-ভাষায় শ্রীমুখ কলুষিত করিব না, তোমার কোনও অনিষ্ট করিব না, আমাকে পাগলাগারদে পাঠাইয়া দিও না। আমি অক্ষয়, নানা রকমে নাচার, তুমি দয়া করো আমি বড় হইব।

৮। দয়াময়, আমি জাতি মানি না, কারণ তাহা হইলে তোমার প্রসাদ খাইবার ব্যাঘাত হইতে পারে। আমার অভিমান নাই, তোমার পদধূলি গ্রহণ করাই আমার পরমানন্দ। আমার অহঙ্কার নাই, মস্তকে তোমার বামপনের অঙ্গুষ্ঠ ধারণ করাই আমার জীবনের মহাব্রত। আমার সাহস নাই, তোমার শাসন বাহুল্যমাত্র। আমার লজ্জা নাই; কেবল বচনে আমি অধিতীয়। তুমি আমাকে রক্ষা করো।

বয়সের বিচার !

বর্ষোপদেষ্টা যখন তখন বলিতেছেন “মুহূর্ছ বয়স কমিয়া যাই-
তেছে, অতএব অনিত্য সংসারের চিন্তায় সতত নিয়ত না থাকিয়া
হরিচরণে শরণ লও’। জড়বুদ্ধি ডাক্তার বলিতেছেন, “প্রতিক্ষেপে
বয়স বাড়িতেছে, মৃত্যুর অব্যবহিত পূর্বকণ পর্যন্ত এইরূপ
বাড়িবে। তাহার পর সব ফুরাইবে; অতএব নিয়মপূর্বক এখন
খাও লাও, যাহাতে শেষ পর্যন্ত দেহ বজায় রাখিতে পারা যায়।

এখন সমস্তা শক্ৰ, প্রকৃতপক্ষে বয়স বাড়ে কি কমে ?

পঞ্চানন্দ এতদ্বারা জানাইতেছেন যে, যিনি যাহা বসুন, বাস্তবিক
বয়স বাড়েও না, কমেও না। যাহার যখন যত বয়স তখন ঠিক ততই
বটে, কমও নয় বেশীও নয়।

তবে জিজ্ঞাসা হইতে পারে যে, একরূপ বয়সের হ্রাস বৃদ্ধির
সমস্তা উঠিল কোথা হইতে ? উত্তর দেওয়া যাইতেছে।

বয়সের হ্রাস বৃদ্ধি নাই বটে, কিন্তু বয়স স্থিতিস্থাপক পদার্থ,
টানিলেই বাড়ে আবার ছাড়িয়া দিলেই কমিয়া যায়। এ হিসাবে
বয়স তিন প্রকার ; যথা, (১) যাহা বাড়েও না কমেও না তাহা
আসল বা ঠিক বয়স। ইংরেজী নাম real age.

(২) যাহা বাড়ে তাহা পেশাদারী বয়স ; পেশাদার হইতে হইলে
বিজ্ঞতা ও বহুদর্শিতা দেখান আবশ্যিক, সেই জন্ত বয়স টানিয়া বয়স
বাড়াইতে হয়, ইংরেজীতে ইহাকে বলে professional age.

(৩) যাহা কমে, তাহাকে বলে চাকরের বয়স। না কমাইলে
অনেককে পেনসন লইতে হয়, সেই জন্ত বয়স কমিয়া যায়। ইংরে-
জীতে ইহাকে বলে official age.

(৪) আর দ্বিতীয় পক্ষে বিবাহ করিলে যে বয়স কমে, তাহাকে

দশ অবতার ।

হিন্দুশাস্ত্রকর্তারা ইতিহাস, দর্শন বা নীতি শাস্ত্রের কথা রূপক অলঙ্কারে সাজাইয়া বলিয়া গিয়াছেন, সাদা সিধা কথার প্রায় কিছুই বলেন নাই। মানব সমাজের উন্নতির ক্রম দেখাইবার জন্য দশ অবতারের যে কল্পনা করিয়াছেন, দৃষ্টান্ত স্থলে তাহার উল্লেখ করিলেই যথেষ্ট হইবে। এ কল্পনা বলিবার তাৎপর্য এই যে, দশ অবতার বলিলে সেই একই পদার্থ চিরকাল বৃদ্ধিতে হইবে, তাহা নহে। শাস্ত্রকর্তার যুগে যুগে যেমন অবতার কল্পনা করিয়াছেন, পঞ্চানন্দ এই এক যুগেই সেই সমুদয় অবতার দেখাইয়া দিতে প্রস্তুত আছেন। অতএব এক বঙ্গদেশেই সমস্ত বিরাজমান, সুতরাং বঙ্গের এমন সমাজগণের পরিচয় দেওয়াই পঞ্চানন্দের কর্তব্য।

১।—সত্য যুগের অবতার ।

এখন সত্য ত্রেতা ছাপর নীচে মনে করিয়া ষাটার বঙ্গদেশে সত্যযুগের অবতার থাকা অসম্ভব বিবেচনা করিবেন, তাঁহার নিতান্ত ভ্রান্ত। বাস্তবিক যেখানে ন্যায় রক্ষা, অন্যায়ের শাসন হইতেছে, যেখানে মিথ্যা প্রবঞ্চনা প্রভৃতি পাপের লেশ মাত্র নাই; যেখানে ষোলো আনা পুণ্য—সেই রাজদ্বারেই সত্যযুগ।

সত্যযুগে চারি অবতার—মৎস্য, কুম্ভ, বরাহ এবং নৃসিংহ। রাজদ্বারেও এই চারি অবতার আছেন।

প্রথম মৎস্য;—ইনি বঙ্গদেশের পুলিশ; গভীর জলে বাস, ক্রীড়াচ্ছলে যখন পুচ্ছ আফালন করিয়া নরসমাজে ভাসিয়া ওঠেন তখন দৃষ্টিগোচর; কোথায়ও চার পড়িলে ঝাঁকে ঝাঁকে, উপস্থিত হইয়া ঘাটু তোলপাড় করেন; আমিষের দোষে নিয়তই অপবিত্র, অধচ নহিলেও চলে না। কদাচ কখনও জালে লোকের আনন্দ

কতপিতে ধরিবার চেষ্টা করে ; কিন্তু তাহাতে প্রায়ই ফল দর্শে :
লাভের মধ্যে চিন্তিনে রোদে মাথার টাদি কাটিয়া যায়, ও কখন-
কখনও কাটা মাথা সার হয়। মৎস্যের আদর তৈলে, পুলিশেরও
তাই।

দ্বিতীয়, কৃষ্ম ;—আদানভের আমলা ; পিঠ বিলক্ষণ মজ্জবুৎ
কৈফিয়তের কামাই নাই, অথচ কৈফিয়ৎ দিতে অদ্বিতীয় ; গালাগালি
না দেয় এমন লোক দেখা যায় না অথচ কক্কেপ নাই। হাত পা
বুখ আছে বলিয়া মনে হয় না, অথচ ঘুশ্বাস পার্কনির বেলায় হাত
পা ছেড়ে নখর পর্যন্ত দেখাইয়া থাকেন ; আর কাহাকেও কামড়া-
ইয়া ধরিতে পারিলে, মেঘগজ্জন না হইলে তাহার আর পরিচয়
নাই। দেবতার ডাক মানুষের আয়ত্ত নয়, সেই জন্ত প্রায়ই বক
মাংসের অংশ দিয়া ঘরে যাইতে হয়।

তৃতীয় বরাহ ;—খোদ মেজিষ্টার ; যে দিকে গতি, সেই দিকেই
মহাভীতির সঞ্চার, দঃষ্ট্রাভয়ে লোক শশব্যস্ত ; ভয়ানক গো, কাহার
স্বাধ্য কিরায় ; কোপ হইলে ফুলের বাগান চমিয়া ভাঙাতে সরিয়
বুনিবার যোগাড় করিয়া দেন ! দূর হইতে নমস্কার করিয়া উঠার
পথ ছাড়িয়া দেওয়াই সুখে ধের কৰ্ম্ম।

চতুর্থ, কৃসিংহ ;—জেলার জজ ; দেওয়ানী বিচারের কৰ্ত্তা,
কাছেই নয়,—শাস্ত, বিবেচনাপরায়ণ, হিতাহিত জ্ঞানের দ্বারা
চালিত ; দাওরায় বসিলেই সিংহ, পশু হইলেও পশুর রাজ্য, তজ্জন
গর্জনে সমস্ত বনভূমি ধর ধর কম্ববান ; অথচ ক্ষুদ্র স্বাপদগণের
রাজ্যও শাসনকর্ত্তা বলিয়া ভয়যুক্ত ভক্তির পাত্র।

২।—শ্বেতাযুগের অবতারণ।

রাজদ্বারের পরেই বিষয়িসংসারের কথা বলিতে হয়। যাহার
উপলক্ষে রাজদ্বারে গতিবিধি করিতে হয়, এবং শরণ লইতে হয়,

সুতরাং 'বাহাতে পাদপরিমিত অস্ত্রাচরণ হইয়া থাকে, একটু অল্পধাবন করিয়া; দেখিলেই বুঝিতে পারিবে যে, সেই বিষয়িসংসারেই ত্রেতাযুগ ।

ত্রেতাযুগে তিন অবতার,—বামন, পরশুরাম, রাম । বিষয়িসংসারেও এই তিন অবতার ।

প্রথম, বামন ;—বঙ্গদেশে ইনি উকীল নামে পরিচিত ; পূর্ণাবয়ব প্রাপ্ত হইলে মনুষ্যকে হাকিম বলা যায় ; যিনি উকীল তিনি হাকিম নহেন, অথচ হাকিমের আবশ্যকীয় সমস্ত অঙ্গ প্রত্যঙ্গ ইহঁদের আছে, সেই জন্য ইনি বামন । ছলনা করাই উকীলের ব্যবসায়, সে জন্য ইনি বামন । আর, ভিকার ছলে দেহি দেহি বলিয়া মঞ্চের কাছে উকীল যে ত্রিপাদ ভূমি প্রার্থনা করেন, তাহাতে কত বলি-রাজাই যে পাতালস্থ হইয়াছেন, তাহার সংখ্যা করা যায় না । অতএব সর্ব-প্রকারেই ইনি বামনাবতার, তাহাতে সন্দেহ মাত্র নাই ।

দ্বিতীয়, পরশুরাম ;—বঙ্গদেশে জমিদার, অতুল প্রতাপ, সর্বদা কৃষক হস্তে মার মার, কাট কাট, শরু করিতেছেন ; জননী জন্ম-ভূমির প্রতি দয়া মায়ায় লেশ মাত্র নাই, কুঠার প্রহারে তদীয় মনুষ্যস্বন্দন করিতেছেন, অথচ ধরাপতির একান্ত অল্পগত এবং অকর্ম্ম ভক্ত ; (উপাধির জন্য) কত্রিশোণিতে পিতৃতর্পণ করিতে অসম্মতিত এবং দৃঢ়প্রতিজ্ঞ ।

তৃতীয়, রাম ;—ব্রহ্মোত্তরভোগী ; কিঞ্চিৎ ভূসম্পত্তি আছে, তাহাতে দুই একটা প্রজা স্থাপন করিয়া ভটাচার্য্য ব্রাহ্মণের শ্রায় তাহাদের নিকট কলাটা মুলাটা লইয়া, তাদের মানমর্যাদা রক্ষা এবং যত্ন সম্মান করিয়া জীবিকা নির্বাহ করিয়া থাকে ; স্বহরকার নিমিত্ত জাতিশত্রু জমিদারের বিক্রমে মোকদ্দমা রূপ যুদ্ধসজ্জা করিয়া থাকে, সেবতঃ ব্রাহ্মণের—সরকার বাহাদুর ও বডলোকের—প্রতি ভক্তি

প্রদর্শনে অকাঙ্কর, আর, পেট ভরিয়া খাইতে পায় বলিয়া ভূজ-
বলবিশিষ্ট ।

৩।—দ্বাপরযুগের অবতার ।

যাহাতে স্বার্থের সহিত দেশের মঙ্গল সমভাবে জড়িত, যাহাতে
অজ্ঞতা ও সহায়হীনতা চৈতন্য এবং ক্রমতার সহিত সমপরিমাণে
বিভাজিত, এ কালিকালে সেই অর্থিসমাজেই দ্বাপরযুগ বর্তমান

দ্বাপরে দুই অবতার, শ্রীকৃষ্ণ এবং বুদ্ধ, অর্থিসমাজেও দুই ।

প্রথম, শ্রীকৃষ্ণ ;—বাল্মীকিসংবাদপত্র ; চতুর, মন্ত্রণাবিশারদ অথচ
স্বয়ং রাজত্ব করেন না, স্বয়ং বুদ্ধ করেন না ; যাহার পক্ষাশ্রয় করেন,
ধর্ম্ম সেই পক্ষেই জাজ্জল্যমান, সকল ঘটেই বিরাজ করেন, সকলের
কথাতেই থাকেন । ইহার জয় হটুক, ইহার গৃহীত মন্ত্রের জয়
হটুক ।

দ্বিতীয় বুদ্ধ ;—বাল্মীকির প্রজা, সমগ্র ভূমির উত্তরানিকারী অত-
এব রাজপুত্র সদৃশ, তথাপি সন্ন্যাসী, ভিক্ষুক, নির্ঝাণ-মুক্তির প্রচা-
রক, অস্নাতাবে মরিয়া গোলটে শান্তি, এই মন্ত্রের শিক্ষক । এখন
ইহার জাগিতাছে, অল্পে অল্পে চৈতন্য লাভ করিতেছে, শুভর
বুদ্ধ ।

৪। কলিযুগের অবতার ।

কলিতে পুণ্য মৎসামান্য, কারণ, ধর্ম্ম লোপ পাইবে, ধার্ম্মিক কাগ-
জের কোপ হইবে, সমস্তই একাকার হইয়া যাইবে, ব্রাহ্মণ শব্দের
প্রভেদ থাকিবে না, কেহ কাহারও মুখাপেক্ষা করিবে না, অথচ এক
রকমে চলিয়া যাইবে । সে একাকার করিবার কর্তা, অবতারের
মধ্যে শেষ এবং ষষ্ঠ অবতার—কর্কী অর্থাৎ স্বয়ং পঞ্চানন্দ ।

বিজ্ঞাপন ।

১ নং ।

মহৌষধ ! অবার্থ মহৌষধ ! !

পঞ্চানন্দের এন্ট-বোকামি-মিকচার

অর্থাৎ

বোকামি-নাশক আরক ।

এই ঔষধ সেবন করিলে, নিরেট বোকামি, পুরুদানুক্রমিক বোকামি, আকস্মিক বোকামি, দৈবাৎ বোকামি, দায়ে পড়িয়া বোকামি প্রভৃতি যত প্রকার বোকামি আছে বা হইতে পারে, তাঁহা নিশ্চয় সারিয়া যায়। না সারিলে, কবুল জবাবের পত্র পাঠিলে তৎক্ষণাৎ মূল্য ফেরত দেওয়া যায়।

সঙ্গতি বুদ্ধি বারো অথবা চক্ৰিশ মাত্রা সেবন করিলেই সম্পূর্ণ আরোগ্য। নিয়ম না থাকাই এবং না রাখাই ইহার নিয়ম।

ঔষধ হাত বাড়াইয়া স্বর্গ চাহেন, ভারত-মাতাকে গাউন বনেট পরাইয়া নাচাইতে চাহেন, বাঙ্গালার বদলে ইংরেজী চালাইতে চাহেন, গলার জোরে স্বাধীন হইতে ইচ্ছা করেন, তাঁহারা এই মহৌষধ ব্যবহার করিয়া দেখিবেন।

ঔষধ বিজ্ঞাপন দেখিয়া ঔষধাদি কিনিয়া থাকেন, গোজেটের অনুরোধে দান ধ্যান করিয়া থাকেন, সভ্যতার খাতিরে মদ্যপান করিয়া থাকেন; নামকা-ওয়াল্ডে 'মরলা-ফেল' কমিশনার হইয়া থাকেন, পিতৃশ্রদ্ধের ভয়ে ব্রহ্মজ্ঞানী হইয়া থাকেন, তাঁহাদের এই মহৌষধ ব্যবহার করা নিতান্ত আবশ্যিক।

আর, ঔষধ কাগজের গ্রাহক হইয়া দাম দেন না, না বুঝিতে পারিলেও সমালোচন করিতে কাতর হন না, লিঙলী মরের সপিণ্ডীকরণ করিতেছেন, সেই জন্ত মাতৃভাষার ধার ধারেন না, তাঁহাদের অন্য উপায় নাই, এই মহৌষধ লইতেই হইবে।

সদর মফস্বলে প্রভেদ নাই,
 ডাকমাণ্ডলের চাপ নাই,
 ছোট বড় বোতল নাই,
 সমস্তই একাকার, সমস্তই সমান ।
 মূল্য আড়াই টাকা মাত্র ।

বিজ্ঞাপন ।

২ নং

সাধুতা! সরলতা!! সত্য কথা!!!

আজি কালি বিজ্ঞাপনের কিছু বাড়াবাড়ি দেখা যায়, বিজ্ঞাপন দিতে হইলেই অর্থ বায় হয়। অতএব বিজ্ঞাপন দিলেই কিছু ফল লাভ হয়, তাহাতে সন্দেহ নাই।

কিন্তু দিতে ইচ্ছা নাই, সেই জন্য সাধুর ভায় সরল ভাবে, এই সত্য কথার বিজ্ঞাপন দেওয়া যাইতেছে যে, আমার বড়মানুষ হইবার অতিশয় ইচ্ছা। যাহার যেমন সঙ্গতি নগদ, নোট, মনিঅর্ডার, ডাকের টিকিট, যাহাতে সুবিধা হয়, আমার নিকট পাঠাইয়া দিলেই আমি অব্যর্থ বড়মানুষ হইতে পারিব। বড়মানুষ না হইতে পারি সমুদয় কিরিয়া দিব। টাকা পাইবার আগে, এবং টাকা পাউবার পরে আমার কেমন চেহারা হয়, ডাকমাণ্ডল পাঠাইয়া দিলে, তাহার ছবি দেওয়া যাইবে।

রসিদের টিকিট লওয়া যাইবে না। ডাকের টিকিট অথবা নোট পাঠাইলে টাকায় এক আনা বাটা দিতে হইবে।

পকানন্দতলা

}

অর্গীকান্দী

এও কোং।

পরকালের উপদেশ ।

• (পাণ্ডি পঞ্চানন্দ কর্তৃক প্রদত্ত ।)

ভ্রান্ত নর ! আর কত কাল এ মোহ-জালে আচ্ছন্ন হইয়া, ইহ-কালের ইন্দ্রজালে বঞ্চিত হইয়া রহিবে ? একবার জ্ঞান-চক্ষু উন্মীলিত করো, একবার ভাবিয়া দেখো এ প্রকাণ্ড প্রশস্ত সংসারে তোমার কেহই নাই, তোমার কিছুই নাই । “আমার, আমার” বলিয়া যাহা লইয়া তুমি অহরহ ঘুরিয়া বেড়াইতেছ, বাস্তবিক তাহা তোমার নহে ।

ঐ যে দিব্য বস্ত্রে তোমার কলেবর আচ্ছাদিত করিয়া রাখিয়াছ, তাহা তোমার নহে,—মাঞ্চেষ্ঠারের । উহাতে তোমার শীত নিবারণ হইতেছে বটে, কিন্তু লজ্জা নিবারণ হইতেছে না । এখনই যদি মাঞ্চেষ্ঠারের কোপ হয় কিম্বা বিরক্তি জন্মে, এখনই যদি মাঞ্চেষ্ঠার তোমাকে বলে—আর দিব না,—তাহা হইলে তোমার গতি কি হইবে ? এমন ঋণিক প্রেমে আর মুগ্ধ হইয়া থাকিও না । অবিনশ্বর আচ্ছাদনের উপায় করো ।

তুমি কাচের দোয়াতে বিলাতি কালি রাখিয়া লোহের লেখনীতে বিশেষজাত কাগজে লিখিয়া করকণ্ঠন নিবৃত্ত করিতেছ, তুমি বিজাতীয় মুদ্রাযন্ত্রের সাহায্যে চিরস্থায়িনী কীর্তি সম্পাদনের প্রলোভনে অচেতন হইয়া রহিয়াছ, জাহাজে পেটবোর্ড আমদানি করাইয়া তদ্বারা তোমার গ্রন্থের আবরণ দৃঢ় করিবার ভান করিতেছ, কলের সূচে কলের সূতা পরাইয়া পত্রের পর পত্র যোজনা করিতেছ—সত্য ; কিন্তু ভ্রমাত্মক নর ! এ সমুদায়ই কলিকার ! ইহার মধ্যে তোমার কিছুই নহে । দুহর্ষের ভক্ত ভাবিয়া দেখো,—সকলই

অঙ্ককার দেখিবে! ও কি করিতেছ? দেশলাই জালিলে কি হইবে? ও আলোকে এ অঙ্ককার দূরীভূত হইবার নহে। তাহার পর, তুমি যে দেশলাই জালিতেছ, তাহাও যে তোমার নহে। অস্তান! এ কথা এখনও বুঝিতে পারিলে না।

পাপের কুহক অতি ভয়ঙ্কর কুহক! এ ছলনার হস্ত হইতে পরিত্রাণ লাভের জন্ত যত্নশীল হও। যে জুতা প্রকৃত পক্ষে তোমার মস্তকের উপর রহিয়াছে, ইহকালের আশু সুখে আত্মবিস্মৃত হইয়া, সেই জুতাকে তোমার চরণাভরণ বা চরণ-রক্ষণের পদার্থ মনে করিতেছ। এ জুতা তোমার নহে। কারণ তাহা তোমার সঙ্গের সঙ্গী নহে।

প্রাক্গণে, গৃহমধ্যে, ঝাড় লাঠান জালিয়া, বিচিত্র চিত্র-শোভিত গৃহ ভিত্তিতে দৃষ্টিপাত করিয়া, কেটনযানে বিচরণ করিয়া, তাড়িত হারে মুহুমূহু তোমার আত্মায় স্বজনের কুশল বার্তা আনাইয়া, তুমি স্বীয় ধন-গৌরবে মৃত্ত হইতেছ, তোমার ঐশ্বর্য মনে করিয়া সুখানুভব করিতেছ, পরকালের ভাবনায় জলাঞ্জলি দিতেছ। কিন্তু বৃথা এই ঐশ্বর্য; মিথ্যা এ গৌরব! মুক্ত! যে লৌহ-সিন্দুকে তোমার কোম্পানীর কাগজ, তোমার নোট, তোমার টাকা রহিয়াছে—তাহাও তোমার নহে। মায়া-পাশ ছিন্ন করো, একবার পরকালের দিকে দৃষ্টিপাত করো।

তোমার আয় ব্যয়ের গণনা করিয়া অহঙ্কৃত হইতেছ। নির্কোষ। তোমার আবার আয় কোথায়? এ কেরণিগিরিতে তোমার যেমন অধিকার নাই, এ জমিদারিও সেইরূপ তোমার নহে। শেষের সেই ভয়ঙ্কর দিন যদি এইমাত্র উপস্থিত হয়, তাহা হইলে তুমি নিঃসহায়, নিরূপায়, নিরবলম্ব, নিঃসহজ। অহরহ, কণে কণে মনে রাখিবে—যিনি দিতে পারেন, যিনি দিয়াছেন, যিনি দিতেছেন,—তিনি ইচ্ছা-

ময়, ইচ্ছামাড্রেই কাড়িয়া লইতে পারেন, অথবা অশেষ প্রকারে তুমি তাহা হইতে বঞ্চিত হইতে পারো ।

নাস্তিক ! তোমার এ বিষম ভ্রম পরিহার করো, আশ্চর্যকার উপকরণ সংগ্রহ করো, যমদণ্ড হইতে অব্যাহতি-লাভের বিধান করো ! অঙ্ককার কনিক স্মৃতে আপ্নত থাকিয়া, তুমি টপ্পানবিসী করিয়া, গায়ে ফুঁ দিয়া, নিধুর স্বরে গলাবাজ, বা ভাঁড়ের ভণ্ডামি করিতেছ বটে, কিন্তু তোমার ভ্রমে তুমিই ভুলিতেছ ; তাঁহাকে ভুলাইতে পারিবে না । তিনি তোমার গর্জনে ভীত নহেন, তোমার উপহাসে কাতর নহেন, তোমার ভ্রান্ত প্রার্থনায় কর্ণপাত করেন না ।

অবোধ ! হেলায় সব হারাইতেছ । পরকাল তোমারই হস্তে রক্ষিমাছে . যাহাতে রক্ষা পাইবে, তজ্জন্য চেষ্টিত হও ।

বিজাতীয় বর্ণমালায় .

স্বজাতীয় ভাষা লিখিবার বক্তৃতা ।

(Roman-অক্ষর সভার আগামী অধিবেশনে জনৈক মহামহোপাধ্যায় অধ্যাপক কর্তৃক ঘাটা পঠিত হইবে ।)

ভদ্রাভদ্রগণ অর্থাৎ লেডী % এবং জেন্টলমেন, বেদবিধির উল্লঙ্ঘন করিতে পারা যায়, লোকাচার এবং দেশাচারের শীর্ষদেশে উপানৎ প্রহার করিতে পারা যায়, আত্মাকে নুরকস্থ করিতে পারা যায়, কিন্তু সাহেবের অনুরোধে অবহেলা করিতে পারা যায় না, সাহেব-ঘোঁসা বাঙ্গালীকে অসন্তুষ্ট করিতে পারা যায় না, তাহা আপনারা সকলেই স্বীকার করিবেন এবং জীবনের প্রতিমূহুর্তে আপনারা সকলেই তাহার প্রমাণ প্রদর্শন করিতেছেন । আমি

ভট্টাচার্য্য ব্রাহ্মণ; সৌভাগ্য বলে আমার পিতৃভোগ্য অপক্ক-কদলী-
সিদ্ধ-সহায়-অন্নরাশিকে পরিবর্জন করিয়া, এখন যে কাষ্ঠাসনে
উপবিষ্ট হইয়া কটক-কর্করীর সাহায্যে পাছুকাসমেত, ভগবত্যংশ
স্বচ্ছন্দে উদরাগত করিবার যোগ্য হইয়া আধ্যাত্মীয় ক্রিয়া কলাপে
সমধিক সম্মান লাভ করিতেছি, তাহা আমি জানি এবং সে সৌভাগ্যের
বিধাতা কে তাহাও আমি জানি। এ সমস্ত বৃত্তান্ত আপনাদের
অবিদিত নাই।

তবে জিজ্ঞাসা করি, সাহস সহকারে অকুতোভয়ে আপনাদিগকে
জিজ্ঞাসা করি, যে স্বজাতীয় ভাষায় বিজাতীয় বর্ণমালার প্রয়োগ
হইলে যদি গৌরজনরঞ্জন হয়, তবে তদ্রূপ প্রয়োগবিধানে আমরা
কেন নিরস্ত থাকিব? আমরা কি জন্ত যত্নপর হইব না? আমাদের
উদ্যম সফল হইবে না, আমরা উপহাসাস্পদ বা নিন্দাভাজন হইব,
সে আশঙ্কা করিবার প্রয়োজন নাই। সংস্কৃত কাশীবাস—ব্যাস
কাশীতে মৃত্যু হইবে বলিয়া সংস্কৃত পরিত্যাগ করিয়া মহাপাতকে
পতিত হইব কেন?

ভদ্রগণ, যেখানে উদ্দেশ্য সাধু, সেখানে তৎপোষক যুক্তির অভাব
হয় না। স্বজাতীয় অক্ষর বর্জনের সঙ্কল্প যে অতি মহান, তৎপক্ষে
সংশয়ের স্থান নাই। প্রত্যেক ভাষার জন্ত পৃথক বর্ণমালা থাকিলে
বুদ্ধিবৃত্তি এবং ধর্মপ্রবৃত্তির সঙ্কীর্ণতা হয়, তাহা সকলেই স্বীকার
করিবেন। ভিন্ন ভিন্ন স্থানবাসিগণের আচার ব্যবহার ভিন্ন ভিন্ন
রূপ হওয়া প্রযুক্তই যে হিংসা, ঘেঁষ, কলহ, যুদ্ধ বিগ্রহাদির প্রশয়
হইয়াছে, তাহা কে না বলিবেন? তুমি যখন, তোমাকে কল্পাদান করিব
না, তোমার সহিত ভোজ্যান্নতা করিব না—এ কথা বলিলে যে দোষ,
—তোমার ভাষা স্বতন্ত্র, অতএব তোমার ভাষাকে আমার অক্ষর
দেব না, অথবা আমার ভাষায় তোমার অক্ষর লইব না—ইহা বলিলে

যে তদপেক্ষা গুরুতর দোষ হইতেছে, তাহা কি চক্ষে অক্ষুণ্ণ নির্দেশ করিয়া দেখাইবার প্রয়োজন আছে ?

“জাতিবাৎসল্য” শব্দ অভিধান হইতে, ভাষা হইতে উচ্ছিন্ন করিয়া দেওয়াই উচিত । তুমি যদি জাতিবাৎসল হও, তাহা হইলে তুমি মনুষ্যের শত্রু, পরম শত্রু । কারণ, তোমার হৃদয়ে পার্থক্যরূপ মোহাগ্নি প্রজ্বলিত রহিয়াছে, আর পার্থক্যই সমস্ত অনিষ্টের মূল । ভ্রান্তি পরিহার করো, প্রশস্ততা অভ্যাস করো, বদাচর্য্য শিক্ষা করো,—তবে তুমি নিজের উপকার করিতে পারিবে, সংসারের মঙ্গল করিতে পারিবে । যদি সাধুতা থাকে, তাহা হইলে জাতীয় পার্থক্যের বিনাশ করো, ভাষার পার্থক্যের লোপ করো, এবং যত দিন তাহা না হইতেছে, তত দিন অক্ষরের স্বাভাব্য বিনুগ্ন করিয়াও নিজ মনুষ্য প্রতিপন্ন করো । অক্ষরই লিখিত ভাষার প্রাণ, সাহিত্যের অস্থি মাংস—সেই মূলে কুঠারাঘাত করো ।

বিদেশী এই আর্ধ্য জাতির ভাষা শিখিতে পারে না, সুতরাং যথোচিত সৌহার্দ্য বিদেশীর সহিত জন্মিতে পারে না । কিন্তু শিখিতে যে পারে না, তাহার কারণ কি ? শুদ্ধ, বর্ণমালারূপ অক্ষরায়ের দোষে । স্বর্ উইলিয়ম্ জোন্স, কোলক্রুক, মোক্ষমুলর, কাউয়েল্ প্রভৃতি ব্যক্তির নাম যাহারা করে, তাহারা নিতান্ত নিরোধ । পৃথিবীতে মনুষ্য-সংখ্যা নিয়তই বৃদ্ধি প্রাপ্ত হইতেছে, তাহা বলিয়া কি হরিতানের আবশ্যকতা স্বীকার করিতে হইবে না, অথবা ব্যবহার প্রচলিত করিতে হইবে না ? এক ব্যক্তিরও যাহাতে সুবিধা বা

তি হইতে পারে, তাহার অপনয়ন করা অবশ্যকর্তব্য ; বিকলবুদ্ধি ব্যক্তির নিমিত্তেও যত্ন করা একান্ত উচিত । বর্ণমালা লোপ করিয়া দাও, দেখিতে পাইবে পৃথিবীতে একটিও স্বতন্ত্র ভাষা থাকিবে না । তখন বিকৃতির বলোপ হইয়া আবার প্রকৃতির জয় হইবে ।

সাধারণতঃ বর্ণমালার দোষ সহজে এই পর্যন্তই যথেষ্ট । এক-
বার দেবনাগর বর্ণমালার পৃথক্ বিচার করা যাউক ।

ভূদ্রগণ ! দেবনাগর অক্ষরের সবিশেষ দোষকীর্তন করিতে
হইলে শীতকালের রজনীরও প্রভাত হয় । সে পণ্ড্রমে আমি
লিপি হইতে ইচ্ছা করি না, কারণ, লিপি হইবার প্রয়োজন নাই ।
তুই চারিটা মুখ্য দোষের উল্লেখ করিলেই যথেষ্ট হইবে ।

আদৌ, দেবনাগরের নামেই দোষ । যে সভ্য সমাজে নর-
নাগরের লাঞ্ছনা, সে সমাজে ভাষায় নাগর থাকিবে, ইহা অতি
অসঙ্গত । তাহার উপর, দেবনাগর কোনও জীবন্ত ভাষাতেই
প্রযুক্ত্য নহে । তবে, বলুন দেখি, দেবনাগর কোন্ লজ্জায় রাখা
যাইবে ?

আপনারা অবগত আছেন যে, অঙ্কে অঙ্ক বলিলে, মূর্খকে
মূর্খ বলিলে সে ছঃখিত হয়, রাগ করে । সংস্কৃতের অনেক লোক
বায়ুগ্রস্ত, তাহাও আপনারা জানেন । যে বর্ণমালার বর্ণসংখ্যা
নিয়তই বায়ুসংখ্যা মনে করাইয়া দেয়, তাহার সংরক্ষণ করিতে গিয়া
কোন মতিমান্ সংস্কৃতের ব্যক্তি আত্মক্ষতি সাধন করিতে পারেন ?
আমার অমুরোধ,—আসুন, আমরা উনপঞ্চাশৎ সভ্যবর্গ সম্মিলিত
হইয়া ত্বরন্ত বর্ণমালার বিনাশ করিয়া সকলমনোরথ এবং নিষ্কিন্য় হই ।

দেবনাগর বর্ণমালাই ভঙ্গভাবাপন্ন হইয়া বঙ্গীয় বর্ণমালায় পরিণত
হইয়াছে, সুতরাং তাহার দোষাদ্ঘোষণা, বৃথা কালক্ষেপণ মাত্র ।
এই উভয় বর্ণমালাই দুর্বল ; নিজ ভাষার কাৰ্য্য ব্যতীত অন্য ভাষার
লিপিকার্য্যে সক্ষম হইবার শক্তি ইহাদের নাই । দুর্বলের মরণই
মঙ্গল, অতএব এ বর্ণমালার যত শীঘ্র বিলোপ হয়, ততই উত্তম ।

এখন দেখা যাউক, উপযোগিতা পক্ষে ইংরেজী বর্ণমালা কত

ইংরেজজাতীয় মনুষ্যের জ্ঞান, ইংরেজী বর্ণমালাও স্বাধীন । কি মনুষ্যের, কি বর্ণের, কোনও কার্যই ইহাদের অকরণীয় নহে, অথচ কোনও কার্য ইহাদের নির্দিষ্টও নহে । আমাদের যেমন ব্রাহ্মণের সম্মান ব্রাহ্মণই হইবে, জুতা বেচিতে পাইবে না, সেইরূপ ‘ক’ ‘ক’ই থাকিবে, ‘ছ’র কাজ করিতে পাইবে না । কিন্তু ইংরেজের শক্তি দেখুন, প্রধান মন্ত্রী মন্ত্রণা দিতে যেমন উপযুক্ত, হল চালনাতেও সেই রূপ, বরং ততোধিক উপযুক্ত । ইংরেজী স্বরবর্ণের মধ্যে যাহাকেই লউন, কেহই নিষ্মিত কার্ণের দাস নহে ; এখন যিনি “এ” অস্ত্র সময়ে তিনি “আ,” কখনও বা “অ,” তখনই আরার “অ্যু”—বাস্তবিক ইহার অসাধ্য কিছুই নাই । “S” ঘরে নাই, “C” তাহার কাজ করিয়া দিবে ; “K” অনুপস্থিত, সেখানেও “C” কাজ করিতেছে । কি মাহাত্ম্য ! কি উদারতা ! কি অমিত পরাক্রম ! এমন মানুষ নহিলে কি মানুষ ! এমন অক্ষর নহিলে কি অক্ষর !

আবার দেখুন । ঐ এ, বী, সী, ডি, বর্ণমালা কেবল যে ইংরেজের বা ইংরেজী ভাষার ক্রীতদাস, তাহা নহে । নানা ভাষায়, নানা দেশে ইহাদের প্রসার ; আর যেখানে যেমন ইচ্ছা, শক্তি প্রদর্শন করিতেছে । অধিকন্তু অক্ষরগুলির গাভীর্ষ্য এবং মৰ্যাদা বোধও প্রচুর ;—শব্দের মধ্যে, মূলে, বা অস্ত্রে অক্ষর বিরাজ করিতেছে, অথচ নীরব, নিষ্পন্দ । এ শক্তি, এ আত্ম-সংযমের কমতা অস্ত্র কোনও বর্ণমালারই নাই । ঐ একই অক্ষর দিয়া ফরাসি লিখিতেছে, ইংরেজের তাহা অনুচ্চার্য্য, ইংরেজ লিখিতেছে, ব্রাহ্মণের তাহা অনুচ্চার্য্য । বস্তুতঃ, যতই প্রবেশ করিয়া দেখা যায়, ইংরেজী বর্ণমালার গুণে ততই মোহিত এবং বিস্মিত হইতে হয় ।

সকল পদার্থই পঞ্চকৃতাত্মক । স্বরবর্ণই লিপিকাৰ্যের আত্ম-

স্বরূপ । ইংরেজীতে পঞ্চভূতস্বরূপ পঞ্চ স্বরবর্ণ । অহো ! কি আনন্দের বিষয় !

পঞ্চভূতে সংসার চালাইতেছে, আমরাও চালাইব । পঞ্চ স্বরবর্ণেই ভাষা চালাইব, তাহাতে কিছুমাত্র দ্বিধা নাই ।

পর্ধ্যায় অনুসারে ধরিলে, প্রথমতঃ ভাষা, তাহার পর ব্যাকরণের সৃষ্টি হয় । কিন্তু এখন ভাষা জানিতে হইলে, অগ্রে ব্যাকরণের দাসত্ব স্বীকর করিতে হয় । স্বজাতীয় সাহিত্যের জন্ম বিজাতীয় বর্ণমানার আশ্রয় গ্রহণ করিবে, তাহাতে আর দোষ রহিল কোথায় ? আর, যদি শাস্ত্র মানিতে ইচ্ছা থাকে, তাহা হইলে পঞ্চ স্বরানুক বর্ণমানাকেই যে গ্রহণ করা অত্যাৱশ্যক, তাহা বলাই বাহুল্য ।

পঞ্চভূতেই সকল পদার্থ নির্মিত, অথচ এক পদার্থ হইতে অন্য পদার্থের পার্শ্বকা নির্ণয়ে কোনই অসুবিধা বা ক্লেশ নাই; যে পাঁচ ভূতে উমেশ, সেই পাঁচ ভূতেই রামদাস,—তখাচ রামদাস শুইয়া আছে, তাহাতে উমেশের বাসিয়া থাকার ব্যাঘাত নাই এবং উমেশকে চিনিয়া লইতেও কষ্ট নাই । যতগুলি পৃথক পৃথক স্বরধ্বনির প্রয়োজন, এই পঞ্চ স্বরেই আঁকড়ি; বিন্দু, ফুটকি ইত্যাদি দিয়া লইলে ততগুলি পৃথক স্বরই প্লাওয়া যাইবে, অথচ মূলে যে পঞ্চস্বর, সেই পঞ্চস্বরই রহিয়া যাইবে । এ প্রকার বিচিত্র কৌশল আর কোথায় আছে ? তবে কেন দেশীয় বর্ণমালা পরিত্যাগ করিতে কুণ্ঠিত হইব ? বর্ণের দেশীয় নাম অক্ষুন্ন রাখিতে ইচ্ছা থাকে, রাখিয়া দাও, কিন্তু দেশীয় মূর্তি কখনই রাখা যাইতে পারে না । কোঁট পেটুনুধারী তেঁতুলে বাগ্‌দীর সম্মুখ রেলওয়ে ষ্টেশনে যে দেখিয়াছে, ইংরেজী বর্ণমালায় সজ্জিত দাওরায়ের পাঁচালীর গৌরব সেই বৃদ্ধিতে পারিবে । এতদ্ভিন্ন, ষাঁহারা শাস্ত্রজ্ঞ তাঁহারা অবগত আছেন, যে, “কলিশেষে একবর্ণ হইবে যবন ।” তবে কি আর বর্ণভেদ রাখা শোভা পায় ? আইস

ভক্তগণ শাস্ত্রবাক্যের সার্থকতা সম্পাদনে বন্ধপরিষ্কর হইয়া কষ্টী অবতারের সহায়তা করি। কৃতকার্য হইলে আমরাও ক্ষুদ্র অবতার হইতে কেন না পারিব ?

উপসংহারে আর একমাত্র কথা বলিব;—মুখে সকল বাক্যলীই পঞ্চশরের প্রবল প্রভাপ স্বীকার করেন, ব্যবহারেও তাহার অনুগমন করেন; কিন্তু লিখিবার বেলায় এত স্বরবাহুল্য কেন ? পূর্বাপর অসংলগ্নতা জন্ম বঙ্গবাসীর কি লজ্জিত হওয়া উচিত নহে ? গর্দভের একমাত্র স্বর—অথচ সেই এক স্বরেই গর্দভ ইহ জগতে অদ্বিতীয়। আইস, বন্ধুগণ, যত্ন করি, এখন পঞ্চস্বর অবলম্বন করি, ক্রমে আমরাও একস্বরে অদ্বিতীয় হইতে পারিব।

যাহা হউক, বলিয়া কহিয়া দিলেও, শিক্ষাবলে অভ্যাস করিয়াও যাহার “Ami chalilam” দেখিলে “আমি চলিলাম” পাঠ করিতে পারিবে না, তাহার শিবের অসাধা; তাহাদের জন্ম আমাদের প্রতিপত্তি, আমাদের বুদ্ধিমত্তা, আমাদের দূরদর্শিতা নিবৃত্ত হইয়া থাকিতে পারে না। ভারতবর্ষের যদি কখনও প্রকৃত উন্নতি হয়, যদি কখনও বরফ শাম্পেনে শালগ্রামের “শীতল সেবা” হয়, তবে জানিবেন, সে আমাদের কর্তৃকই হইবে।

খেপা খগেশের টিপনী।

আমি কেপা, না তোমরা কেপা ? তোমাদের যদি ফুরসুৎ থাকে, তবেই আমাকে জিজ্ঞাসা এক আধ-বার তোমরা হাসিয়া থাকো। অথচ মাথা মুণ্ড কি যে করিতেছ, কেন যে তোমরা সদা শশব্যস্ত, তার ঠিকানা নাই। আমি সারা দিন-রাত হাসি, তোমাদিগকে

দেখিলেও হাসি, না দেখিলেও আপন মনে, মনে মনে হাসি।
কেপা তোমরা, না কেপা আমি ?

—উকীল দেখিলেই “হরি হরি বলো,—হরিবোল” বলিয়া
চীৎকার করিতে আমার ইচ্ছা হয়। উকীল হইলেই মানুষের আশা
ভরসার, শিক্ষা পরীক্ষার, কার্য বীর্যের অবমান হয়। একটি
একটি উকীল হয়, আর বঙ্গদেশ এবং বঙ্গভাষা গলা ধরাধরি করিয়া
এক এক ফোটা চক্ষের জল ফেলিয়া থাকে। মরণ নানা প্রকার,
তাহার মধ্যে উকীল হওয়া এক প্রকার। পরমা খরচ করিলে
উকীলে কথা কয়, না করিলে কয় না। পরমা খরচ করিলে কলেও
শরু বাহির হয়, আর্গিনেও সঙ্গীত হয়।

—বিবাহ আর শ্রাদ্ধ একই রকম জিনিষ। লুচি, মোড়া, ধুম,
ধাম, আনা যাওয়া ছুইয়েই আছে। আর, শ্রাদ্ধের সময়ে টের
পায় না—যার শ্রাদ্ধ, সেই ; বিবাহের সময়ে টের পায় না—বর।
যে শ্মশানে মড়া যায়, সেখানে প্রেতের অভাব নাই, যে বাসরঘরে
বর যায়, সেখানেও প্রেতিনী অর্থাৎ পেত্নীর অভাব নাই। আমি
এখন চিন্তা করিতেছি, বিবাহ করি কি মরি। এখন কোঁক বিবাহের
দি,কই। তাতে বেঁচে মরা হবে।

—লোকে পড়ে না, কেন না পড়িবার উপযুক্ত বই নাই। লোকে
লেখে না, কেন না পড়িবার প্রবৃত্তি কাহারও দেখা যায় না। পৃথিবীতে
যত বন্দোবস্ত আছে, তার মধ্যে এইটি আমার মনের মতন।

—চাকরির বড় ভক্ত বলিয়া বাঙ্গালীকে অনেকে অভিসম্পাত
করে, ঠাট্টা করে, গালাগালি দেয় ; অথচ এটা বোঝে না যে,
স্বাধীন কাজে অক্ষম বলিয়াই বাঙ্গালী চাকরির জন্ত এত লালায়িত।
স্বাধীন কাজে যে অক্ষম, তাহার কারণ এই যে, সকলেই চাকরির
চেষ্টায় ব্যস্ত, সুতরাং কাজ শেষে কে, শেষেই বা কখন ?

১ —দেবতার কাজ অল্পগ্রহ কি নিগ্রহ, তাহা বলিবার যো নাই ।
বৃষ্টির জলে কাহারও ফুটো ঘর ভাঙ্গিয়া পড়ে, কাহার দেয়ালের জন্ত
কাদা করিবার মজুর-ধরচ বাঁচিয়া যায় । হিন্দুরা বলে, রাজাও দেবতা ।

—ব্যারাম হইলে লোকে যে চিকিৎসা করায়, তাহার কারণ
এই যে মৃত্যু আশঙ্কার স্থলে ঋণ পরিশোধ এবং দান ধ্যান করিয়া
পরকালের পথটা পরিষ্কার রাখাই সুবোধের কৰ্ম্ম ।

—সে দিন যোগাচার্য্য উপদেশ দিতেছিলেন যে, সঙ্কে বিষয়
আইসে নাই ; সঙ্কে বিষয় যাইবেও না ; অতএব বিষয়-বাসনা
= পরিত্যাগ করাই উচিত । যোগাচার্য্য এক ক্ষেপা, নহিলে এমন
কথা বলিতেন না । বিষয় যদি সঙ্কে যাইত, অর্থাৎ আমি মরিলে
যদি বিষয়ও মরিত, তবে বিষয়ের জন্ত ইচ্ছা করিতাম না । কিন্তু
বিষয় যে রাখিয়া যাইব ! যাহা যাইবে তাহাই মাটা, যাহা রাখিতে
পারিব, তাহাই ত আমার ।

—সকলেই বলে সময় যাইতেছে, অতএব নিদ্রিতের ঋয়
নিশ্চেষ্টে থাকি অবৈধ । পাগল আর কি ? সময় কি একা যায় ?
সকলকে সঙ্কে করিয়াই সময় যায় । তুমি যখন নিদ্রিত, তখনও
তুমি সময়ের সঙ্কে যাইতেছ । বিশ্বাস না হয়, বরাবর ঘুমাইয়া
থাকিয়া দেখ, তুমিও সময় মত মরিবে । যে বলে—সময় কাহারও
হাত-ধরা নয়, সে মিথ্যা বলে । সময়ের সঙ্কে এত হাত ধরাধরি
যে ছাড়াইবার যো নাই ।

—মানুষ স্বভাবতঃ বস্তুচ্ছদ-বিহীন । ইহা দ্বারা প্রমাণ হইতেছে
যে, গ্রীষ্মপ্রধান দেশেই মনুষ্যের আদি বাস ; ক্রমে সভ্যতাব্য হইয়া
শীতপ্রধান দেশে গমন করিয়াছে । অতএব যাহারা ভারতবর্ষে
জন্মে, তাহারা জানোয়ারবিশেষ ।

—বৃহৎকাঠে দোষ নাই, তবে কাঠকে চড়িয়া বিদেশ গেলে

জাতি যায় কেন ? জাতি নাকি খুব পুরাতন প্রাচীন সাম্রাজ্য, তাই বোধ হয় সমুদ্রের জলে লোণা ধরিয়া নষ্ট হইয়া যায় ।

—সকলেই যদি চিন্তাশীল হয়, আর সকলেই নিজ নিজ চিন্তা লিপিবদ্ধ করিয়া রাখে, তাহা হইলে ঘোরতর অনিষ্ট হয়, সাহিত্য বিজ্ঞান লোপ পায়, পড়া শুনা কেহ করে না, অবশেষে সমস্ত লোকই মূর্খ হয়। নবদ্বীপে মূর্খ, গয়াতে ভূত—ধাকাটা দরকার !

—আমি প্রবৃত্তির দাস, নাকি প্রবৃত্তি আমার দাস, তাহা আজিও স্থির করিতে পারিলাম না । ছানাবড়া দেখিলে, খাইতে ইচ্ছা করে, এস্থলে প্রবৃত্তি আমাকে চালিত করিতেছে ; আবার সর্ব-প্রথম ছানাবড়া যখন খাইতে হইয়াছিল, তখন প্রবৃত্তিও করিয়া লইতে হইয়াছিল, সেখানে প্রবৃত্তিই আমার দাস । কথাটা খুব শক্ত, কিন্তু তত দরকারি নয় । অথচ এমনি ভাবনা ভাবিয়া পৃথিবীর অর্ধেক লোক আহার নিদ্রা ত্যাগ করিয়া থাকে !

খেপা খগেশের

টিপনী ।

(২)

সব যাইবে, নাম থাকিবে । উত্তম কথা ; কিন্তু পৃথিবীই যদি যায়, তাহা হইলে পৃথিবীর কি নাম থাকিবে ?

—বিচ্ছেদই স্বাভাবিক ; আত্মীয়তা, সন্তান, প্রণয় বা মিলন কেবল ভগ্নামি অথবা কাজ হাসিল করিবার কিকির মাত্র । পৃথিবীতে আসিবা মাঝেই পরমাত্মীয় জননীর সঙ্গে বিচ্ছেদ, মরিবার সময়ে পৃথিবীর সঙ্গে বিচ্ছেদ ; আর এই দুইটিই স্বভাবসিদ্ধ কাজ । তবে,

• নাট্যশালার অভিনয় করিবার জন্ত যত যাগাই দেখাও । আসলে সব ফাঁকি ।

—বিদ্যা শিক্ষা এবং চৌধ্যক্রিয়াতে কোনও প্রভেদ দেখিতে পাই না । পরের ধনে স্বার্থসাধন উভয় কর্ণেরই অভিপ্রেত । তথাপি যে, লোকে চোরের উপর এত রাগ করে, সেই জন্তই বিদ্বান্ অপেক্ষা অর্থশালীর সম্মান এত অধিক হইয়া পড়িয়াছে । •

—উপার্জনের প্রধান উপায় অনিচ্ছা প্রদর্শন, খাইতে বসিয়া আর লইব না বলিলেই, পরিবেষ্টা পীড়াপীড়ি আরম্ভ করে । আহায়ে মানুষের প্রয়োজন নাই বলিয়া আমেরিকায় এক ব্যক্তি দিনকতক উপবাস করিয়াছিল ; তাই দেখিয়া লোকে তাহাকে এত অর্থ দিয়াছে, যে এখন তিন পুরুষেও আর তাহার অনাচিন্তা হইবে না ।

কৃষিজীবীদের ভূমির উপর বডই মায়া ; যে কৃষিজীবী সে চাষা, চাষা বলিলে গালাগালি হয়, অসভ্য বুঝায় । পাছে কেহ অসভ্য বলে, এই ভয়ে অনেক লৌক জন্মভূমির প্রতি মমতা প্রদর্শন করে না ।

—যিনি বিবাদ ভঞ্জন করিয়া দেন, সকলে তাঁহাকে মহান্না বলিয়া সম্মান ও ভক্তি করে । তবে যে এত রিফু করিয়া, ছেঁড়া ঘুড়িয়াও দজীর গোরব নাই, তাহার হেতু এই যে, দজী ধনবস্ত্র নহে, পেটের দায়েই অস্থির । বাস্তবিক যত প্রকার পাপ এবং যত প্রকার অপরাধ আছে, সমুদায়ের চেয়ে পেটের দায় গুরুতর । •

—অবিশ্বাস যদি সংসারে এত অধিক প্রবল না হইত, তাহা হইলে লেখাপড়ারও এমন আদর হইত না । •

—দোকানদার লোক অতিশয় ঘুর্খ । সে দিন একটু কাপড়ের দরকার হওয়াতে, আমি এক দোকানে গিয়া কাপড় চাহিলাম ; দোকানদার আমার নিকট টাকা চাহিল । টাকা আমার নহে, কাহারই নহে, টাকা রাজার, সুতরাং আমি হাতে করিয়া দিলেও আমার টাকা

দেওয়া হইবে না, এই কথা দোকানদারকে বুঝাইয়া দিয়া আমি টাকা দিতে অসম্মত হইলাম, কিন্তু তথাপি তাহার ভ্রম গেল না। এমন মুর্খের সহিত ব্যবহার না করাই শ্রেয়ঃ ভাবিয়া আমিও আর কাপড় লইলাম না, রাগ করিয়া চলিয়া আসিলাম। কিন্তু পণ্ডিতেরা বলেন, রিপুদমনেই মনুষ্যত্ব ; রাগ একটা রিপু। আবার দোকানদারের কাছে যাইব কি না, ভাবিতেছি।

—অগ্নিকে সৰ্বভুক বলে, সেটা ভুল। জলে তেলে একত্রে দিলে অগ্নি তেলটুকু চুষিয়া লয়, জল পড়িয়া থাকে। অগ্নি সৰ্বভুক নয়, সারগ্রাহী বটে।

—আপনার সুখ্যাতি আপান না করিলেই অখ্যাতি হয়। তুমি একটি টাকা আমাকে দিলে, তাহার বদলে আমি তোমাকে সত্তরো আনা পয়সা দিলাম। যদি চারি পয়সা অতিরিক্ত দানের কথা নিজ মুখে আমি বলিয়া দিই, তবে আমি সদাশয় লোক ; যদি সে কথাটা না বলিয়া দিই, তাহা হইলে সকলেই বলিবে আমি বিষয়বুদ্ধিহীন বোকা।

—মনের মত না হইলে সত্য কথাও সত্য বলিয়া বোধ হয় না। ছুঁটেরই শাসন করা বিধি, নিকোধের শাস্তি হইতে পারে না ; কিন্তু চোর যদি ধলে যে, আমি বোকা নহিলে চুরি করিব কেন, আর চুরি করি, তবে ধরা পড়িব কেন ? তাহা হইলে, কথাটা যদিও সত্য কিন্তু বিচারকের মনোমত হয় না, সেই জন্য তিনি সে কথায় বিশ্বাস না করিয়া, চোরকে ছুঁট বালিয়াই সিদ্ধান্ত করেন। কলে এই হয় যে, যে আসল বোকা সেই ছুঁট আর যে আসল ছুঁট, সে বোকা প্রতিপন্ন হয়।

—বাহার বাহা নাই, সে তাহাই তিক্ত করে। কিন্তু কাপাতে ঠকু তিক্ত করে না। সুতরাং জানা গেল, যে, বাহা কিনিতে মেলে

সুশিক্ষিত এবং অশিক্ষিতের সুখের তারতম্য । ২০৭

না, তাহা ভিক্ষা করিলে পাওয়া যায় না, সেই জন্য কেহ তাহাও ভিক্ষা করে না। অতএব ভিক্ষা করাই ভুল, প্রয়োজনীয় সামগ্রী কিনিয়া আনাই কর্তব্য।

—বিজ্ঞাকে অমূল্য ধন বলে কেন? ঘরের পয়সা খরচ আর শরীর মাটি না করিলে বিজ্ঞালাভ হয় না। যদি বলেন, মূল্য দিলেও অনেকে পায় না, তা এমন অনেক জিনিষই তা পাওয়া যায় না? বাজারে আলুর আমদানি নাই, তাহা বলিয়া কি হইবে যে অমূল্য অমূল্য ধন?

সুশিক্ষিত এবং অশিক্ষিতের সুখের

তারতম্য।

(চতুর্থ ভাগ চাকুপাঠ হইতে উদ্ধৃত)

পরমকারুণিক পরমেশ্বর মানবজাতিকে যে বুদ্ধিবৃত্তি এবং ধর্ম-প্রবৃত্তি দ্বারা ভূষিত করিয়াছেন, অহং সুশিক্ষিত বঙ্গীয় যুবক তাহার এক মাত্র অধিকারী। তুমি অশিক্ষিত বর্বর, তোমার এ সমস্ত গুণ না থাকা প্রযুক্ত তুমি নিধন দুর্ভিক্ষ যুদ্ধগাজালে জড়িত হইয়া ষৎকথঞ্চিরূপে জীবন যাপন করিতেছ মাত্র। তোমার ঐশ্বর্য নাই, তোমার আধিপত্য নাই, তোমার গাড়ী ঘোড়া নাই, তোমার ঝাড় লাঠান নাই, তোমার এ সমস্ত কিছুই নাই, আমার আছে। তোমার সেই জন্য দুর্ভাগ্য, আমার সৌভাগ্য।

দেখ, আমি স্কুল কলেজে নাম লেখাইয়া বিশ্ববিদ্যালয়ে পরীক্ষা দিয়া এখন হাকিম হইয়াছি, আমার সহাধ্যায়ী বন্ধু বাবু উকীল হইয়াছেন। আমি মাসান্তে মোটা মাছিয়ানা পাইতেছি, আমার বন্ধু

অল্পশ্রম অর্থোপার্জন করিতেছেন। আমাদের সুখের সীমা কি? আমাদের এখন ভাবনা নাই, চিন্তা নাই, কষ্ট নাই; পৃথিবী ভাসিয়া গেলেও আমাদের ভাবনা নাই। তুমি মনে করিতেছ যে, হাকিমকে ছুতের খাটুনি খাটিতে হয়, সকল সাহেবের মন যোগাইয়া চলিতে হয়; তুমি মনে করিতেছ যে উকীল পয়সার গোলাম, লাঙ্গুলে তৈল মর্দন না করিলে ইহার দিন পাত হয় না, অতএব ইহাদের জীবন বড়ই দুঃখময়। কিন্তু তুমি বোকা, তাই এরূপ মনে করিতেছ। যদি সত্য সত্যই ইহা দুঃখের কারণ হইত, তাহা হইলে চাকরির জন্ত দেশ শুদ্ধ লোক লালায়িত হইয়া দ্বারে দ্বারে ভ্রমণ করিত না। ওকালতির আশায় মাথা কুটিয়া মরিত না। বাস্তবিক তুমি যাহাকে, নির্বুদ্ধিতা হতু, কষ্ট মনে করিয়া থাকো, তাহা সৌভাগ্য, ভোগের উপাদেয় চাটুনি মাত্র, তাহাতে সৌভাগ্যের সুস্বাদ বৃদ্ধি প্রাপ্ত হয়।

একটু পর্যালোচনা করিলেই বুঝিতে পারিবে যে, সুশিক্ষিত হইবার নিমিত্তেও বিশেষ কোনও ক্লেশ পাইতে হয় না। আমরা পরীক্ষা দিয়া উপাধি হাসিল করিয়াছি সত্য, কিন্তু যে ইংরেজী ভাষায় পরীক্ষা দিয়াছি, প্রতি মুহূর্তেই তাহার পিণ্ডান্ত করিতেছি; যে গণিত ইতিহাস, বিজ্ঞানে পরীক্ষককে তুষ্ট করিতে হইয়াছিল, তাহা সঙ্গে সঙ্গে বুড়ীগঙ্গার জলে বিসর্জন দিয়া এখন আমরা নিশ্চিন্ত হইয়াছি, অথচ পঞ্চাস্তরে মাতৃভাষার পদসেবা আমাদের কাছে করিতে হয় নাই, মাতৃভাষাও সাহস করিয়া কখনও আমাদের নিকটবর্তিনী হইতে পারে নাই। সুশিক্ষিতের প্রধান সুখ স্বাধীনতা, আমরা অহরহ সে সুখ ভোগ করিতেছি।

আমরা যখন শয্যা ত্যাগ করিয়া বহির্বাটীতে আগমন করি, তখন খানসামা তৈল মাখাইয়া দেয়, খানসামা স্নান করাইয়া দেয়, খানসামা কোঁচান কাপড় পরাইয়া দেয়; আমরা জড়ভরতের মত কেবল

সুখেরই অমুভব করিতে থাকি ; হস্তপদাদির পরিচালন যাত্র করিয়াও সহজে সুখের জীবন বিভূষিত করি না! অপরাহ্নে আমরা যষ্টিহস্তে ভ্রমণ করি, সে বায়ুসেবনের জন্ত ; সন্ধ্যার পর পাঁচজনে একত্র হই, সে মদমত্ত হইয়া খোশগল্প বা খেমটানাচের জন্ত । আহার বিহারের জন্ত আমাদের ভাবিতে হয় না, আমরাও ভাবি না। পড়া শুনা আমাদের আরু করিতে হয় না, আমরাও করি না। দেশের দুঃখ আমাদেরিগকে দেখিতে হয় না আমরাও দেখি না। দেশের কথায় আমাদেরিগকে থাকিতে হয় না, আমরাও থাকি না। এখন আমরা কেবল খাই দাই, নিদ্রা যাই, প্রবৃত্তি হইলে প্রকৃতির জল্পনায় কাল কাটাই। বাস্তবিক আমাদের কোনও বানাই নাই।

কিন্তু অশিক্ষিতের দুঃখ দেখ। অশিক্ষিত ব্যক্তি নিয়তই পরের অধীন। যে অশিক্ষিত ব্যক্তি নিরেট মূর্থ, সে পেটের দ্বায়ে অস্থির। শুনিতে পাওয়া যায় যে, এই সকল হুর্ভাগ্য মনুষ্য মাটি কাটিয়া, বা অল্প প্রকারে খাটিয়া খাটিয়া মাথার ঘাম পায়ে ফেলাইয়া থাকে। অহো! কি বিভীষিকা! এ সকল লোকের মরিয়া যাওয়াই উচিত। ইহারা নাকি একেবারে কাণ্ড জ্ঞানহীন, সে জন্তই বোধ হয় এ জীবনভার বহন করিয়া থাকে!

আর এক প্রকার অশিক্ষিত ব্যক্তি আছে, যাহারা বিদ্যালয়ের অভ্যস্তর দেশ দেখিয়া থাকিলেও, কিছুমাত্র শিক্ষালাভ করিতে সমর্থ হয় নাই। ইহাদিগকে অর্ধ শিক্ষিত বলা যায়! ইহারা ইংরেজী পড়িয়াছে, সে নাম মাত্র, কারণ ইংরেজীতে ভুল করিয়া পত্রাদি লিখিতে পারে না, অথবা শুদ্ধরূপে লেখেও না। এরূপ শিক্ষা কেবল শরীর-বাহী বলীবর্ধের ভার-বহনরূপ বিভূষণ মাত্র। অধিকন্তু ইহারা দেশীয় ভাষায় চর্চা করিয়া প্রকৃত শিক্ষালাভের ফল হইতে বঞ্চিত

ধাকে, এবং তাকেই স্বার্থের অনিষ্ট সম্পাদন করিতেও কুণ্ঠিত বা লজ্জিত হয় না। ইহাদের শুভ পরিণামের আশা সুদূরপরাহত।

সাধারণত, উভয় দলের অশিক্ষিত ব্যক্তিরই এই এক ভয়ানক দোষ আছে যে, ইহারা স্বাধীনতার মূল্য বোঝে না, পরের অপেক্ষা না করিয়া কোন কাজ করিতে পারে না। ইহাদের মনোমধ্যে একটা চিন্তার উদ্দেক হইলে পাঁচ জনে মিলিয়া তাহার সহজে বিতণ্ডা উপস্থিত করে, নহিলে কোনও প্রকার মৌমাংসা করিতে পারে না। কিন্তু আমাদের ভাব নানা প্রকার। আমরা সময় বুঝিয়া সাহেব সুবার সেবা করি বটে, কিন্তু আত্মার যাহাতে তৃপ্তি নাই, এমন কার্যের জন্ত কনিষ্ঠাঙ্গুলি পর্যন্ত সঞ্চালিত করি না। আমরা শরীরের সেবা করি, মনের সম্ভ্রাম বিধান করি, বাক্যের সার্থকতা করি, অর্থাৎ যাহাতে বাক্যে অর্থগম হয়, তাহার চেষ্টা করি! আমরা সুশিক্ষিত স্ত্রীরাং বুঝিতে পারি যে—

“শরীরমাস্তং খলু ধর্মসাধনম্ ।”

—আমরা চুলে পমেড়, গায়ে জামা, পায়ে বুট, হাতে ছড়ি, বুকে ছড়ি সহজে সঞ্চয় করিয়া সন্মানের সংযোগ করিয়া লই। কিন্তু অশিক্ষিতগণ পরের জন্তই সদা ব্যস্ত। তাহাদের পরকাল অনিশ্চিত, ইহকাল খাঁচি মাটি, তাহাতে সন্দেহ নাই।

বিদ্বজ্জন সমাগম ।

সুখই স্বর্গ, আর যেখানে সুখ, সেই স্বর্গ। যেখানে বিষয়-মগলী, যেখানে একপ্রাণ বহুজনের সমাগম, সেখানে যাহার সুখ না হয়, সে পামর, সে হতভাগ্য ;—তাহার অদৃষ্টে কুজাপি সুখ নাই, তাহার স্বর্গ-

লাভ কখনই ঘটবে না, তা বাঁচিয়া থাকিতেই কি, আর মরিয়া গেলেই কি ?

যিনি কমলার রূপাসবেও ভারতীর চিহ্নিত সেবক, যিনি দুর্গত মানবজন্মে দ্বিজেন্দ্র বলিয়া বরণ্য ; তাঁহার আতিথেয় স্বর্গ সুখ লাভ করা যায়, ইহা বিচিত্র নহে । তাহার উপর, যেখানে বাণীকির কাব্য-প্রভা, যেখানে মূর্ত্তিমতী প্রাতিভা, যেখানে সঙ্গীতের নিসর্গ-শোভা—সে যদি স্বর্গ না হয়, তবে স্বর্গের অস্তিত্ব সম্বন্ধেই সন্দেহ করিতে হয় ।

পঞ্চানন্দ স্বর্গবাসী হইলেও এখন নরলোকে বিরাজ করিতেছেন ; সুতরাং মানবস্বর্গেও তিনি ইন্দ্র হু করিতে গিয়াছিলেন । বিদ্বজ্জন-সমাগমে তিনি মর্ত্ত্যের পরম সুখ লাভ করিয়াছেন । ধরাধামে কি কি উপাদানে স্বর্গ সংগঠিত হয়, তাহার পরিচয় পঞ্চানন্দ পাইয়াছেন ; অজ্ঞান-তিমিরাত্মের জ্ঞানাজন শলাকা স্বরূপ এই লৌহলেখনী দ্বারা তদ্বিস্তারিত বিবরিত হওয়া আবশ্যিক ।

যেখানে সমাগম, সেইখানেই সভা ; যেখানে সভা, সেইখানে সভাপতি । কালের জ্যেষ্ঠ পুত্র, বঙ্গের গণপতি এই জনসমাজে সমাগত হইয়াছিলেন, ইহা বলাই বাহুল্য । মণিমুক্তা বিভূষণে স্বয়ং সঙ্গীত স্বীয় রাজকী প্রদর্শনে, সমাগত বিদ্বজ্জনের মনোমোহন করিয়াছিলেন, ইহাও বলা নিস্প্রয়োজন । বিদ্বানের বল বিজ্ঞান ; সুতরাং রসায়ন রূপ ধারণ করিয়া বিজ্ঞানের আবির্ভাব অবশ্যস্তাবী । দেবভাষা, নাগরবেশে আশু উপেক্ষা প্রদর্শন করিয়া লক্ষশাটপটাবরণে সভার খোভা বর্জন করিয়াছিলেন । শীতল ভাবে মেধা স্বীয় পুরুষকার দেখাইতে ছিলেন । পাছে এত শোভাসমষ্টি সন্দর্শন করিয়া মানব নয়ন কলসিয়া যায়, সেইজন্য নেত্র রোগ-ধ্বস্তরিও নিজ বিপুল কলেবর সঞ্চালনে ঢাকি করেন নাই ।

এতস্তিন্ন বিভাকরাদি নানা গ্রন্থ, জাতীয়ত্ব প্রভৃতি বিবিধ উপগ্রন্থ, কুলাচার্য্য ডাবিনের পরমপূজ্য স্বকৃতভঙ্গ কুলতিলক সম্প্রদায় তথায় উপভব করিতে উপেক্ষা করেন নাই । আর যেখানে এত উপসর্গ, সেখানে সাধারণীয় অক্ষয়চ্ছায়া মূল স্বর্গের অপসরাস্বামী হইয়া সকলকে বিমুক্ত করিতেছিলেন, ইহাতে কাহার না আনন্দ হইবার কথা ? এমত অবস্থায় সুকঠ সঙ্গীত এবং আকর্ষণ সন্দেহে পঞ্চানন্দ যে নিরানন্দের বিনাশ করিয়াছিলেন, উজ্জ্বল, আইস ভাই, প্রবন্ধ শেষে জয়ধ্বনি করিয়া ছাপাখানায় কাপ পাঠাইয়া দেওয়া যাউক ।

গোরাটাদ ।



(ঐতিহাসিক নবাখ্যান)

প্রথম পরিচ্ছেদ ।

একটা গুরুতর সামাজিক সমস্যার মীমাংসা ।

নব বিধানের রহস্য ভেদ শুনিয়া সমগ্র বঙ্গদেশ আন্দোলিত, রাজকুমার আলবার্টের মধ্যম পৌত্রের প্রপিতামহী জুলুভুমি হইতে অল্পচার্য্যনামা বস্তুজন্তু আনাইয়া জীবতত্ত্ববিষয়ক বিজ্ঞানের পরিধি বাড়াইতেছেন দেখিয়া, বিয়ার্ট-লার্ট-রাজপ্রতিনিধি পুণ্যভূমি আর্থ্য ভূমিতে একটি কাবুলী বিগ্রহ প্রতিষ্ঠা করিয়া সুচারুরূপে তাহার সেবা পরিচর্য্যার বন্দোবস্ত করিয়া দিয়াছেন ; এবং এবিধ বহুবিধ ঐতিহাসিক ব্যাপার পৃথিবীর ভিন্ন ভিন্ন স্থানে ভিন্ন ভিন্ন মূর্তি পরিগ্রহ করিয়া নৈসর্গিক নিয়মবলীর অবিকলত্ব প্রতিপন্ন করিতেছেন : এমত

সময় ষষ্ঠীয় অষ্টাদশ শত একাদশিতম অব্দের প্রথম এপ্রিল দিবসে বেলা ছয়টার পর গোরাটাদের বাড়ীতে ভরপুর মজলি জমিয়া গেল ।

কোমলপ্রাণ পাঠক ! বীরপ্রসবিনী পাঠিকে ! প্রথম পরিচ্ছেদের প্রথম প্রকরণটা একটু কঠিন হইয়াছে বলিয়া কিছু মনে করিবেন না । যখন বিজ্ঞার বেগ সম্বরণ করা যায় না, তখনই লেখকের গ্রন্থারম্ভ করে, সুতরাং ভাষার জোয়ারের মুখে জঞ্জাল দেখা যাইবে, ইহাতে আশ্চর্য্য কি ? আমি পাঠক মহাশয়ের স্বজাতি-বাৎসল্যের—পাঠিকা ঠাকুরাণীর গুরুজন-ভক্তির দিব্য করিয়া বলিতেছি, ইহার পর যাহা লিখিব, অতি প্রাঞ্জল নির্ম্মল ভাষাতেই লিখিব । দৃষ্টিহীন ব্যক্তির হৃদবোধ অল্প ; সেইজন্য গোড়াতে এক মুঠা একমুঠা চাল ভাজা ছোলা ভাজা দিয়া আপনাদের অভ্যর্থনা করিলাম । আমি দরিদ্র,—আতা, রাতাবি কোথায় পাইব ? যদি অঙ্কুরেই অপ্রীতি না জন্মিয়া থাকে, তাহা নইলে আসিতে আচ্ছা হউক, আমার এ ভূমির দোকানো যাহা কিছু আছে, সকলই দেখাইব ।

বাগবাজারের ঘোমপাড়ার একটা গলিতে প্রবেশ করিয়া সূর্য্যদেব অঙ্ককার মত রাত্রিবাসের জায়গা খুঁজিতেছিলেন ; একটা প্রকাণ্ড নারিকেল গাছের পশ্চিম দিকের পাতাগুলি তাই দেখিয়া হাসিতে ছিল । পূর্বদিকের পাতাগুলার স্বভাব কিছু নম্র, আশ্বে আশ্বে অল্প অল্প মাথা নাড়িয়া ম্লান মুখে তাহাদিগকে হাসিতে বারণ করিতেছিল । ইত্যাদি । এ সমস্ত কবিকল্পনা ; লেখকের বর্ণন শক্তির পরিচয় মাত্র । প্রকৃত কথা পূর্বাং বলা যাইতেছে ।

যেখানে সেই নারিকেল গাছ, তাহার উত্তরদিকে ইটের প্রাচীর, তাহার উত্তরেই গলি ; তাহার পরেই দরজা দিয়া উত্তরমুখে প্রবেশ করিলেই গোরাটাদের বাড়ী । বাড়ীর বর্ণন করিয়া আর কষ্ট দিব

না, কলে বাড়ীখানা ছমহল। নির্ভরচিত্তে, আমার সঙ্গে অন্দর মহলে প্রবেশ করিলেই দেখিতে পাইবেন, পূর্বদ্বারী একতলা ঘরের দরদালানে পাড়ার মহিলাগণের মজলিশ বসিয়া গিয়াছে। উপরে এই মজলিশের কথা বলিতে গিয়াই বর্ণনকণ্ঠেই বিব্রত হইয়া উঠিয়াছিলাম।

রামী, বামী, শামী, অলকা, তিলকা, মেনকা, বিমলমণি, কমলমণি, সূৰ্য, বণি, হেথোর মা, পঁটির মা, থোকার মা, প্রভৃতি ছোট বড় মাঝারী বয়সের বিস্তর মহিলা সেই মজলিশে উপস্থিত। কেহ গা আড়ুড় করিয়া, কেহ পা ছড়াইয়া, কেহ আধ ঘোমটা টানিয়া,—নানাভাবে নানা মহিলা বসিয়া আছেন। আর, কেহ বা ছুয়ায়ের শিকলি ধরিয়া, কেহ বা এক পায়ে ভর দেয়ালে ঠেসান দিয়া, কেহ বা আঁচলের খুঁটে বাঁধা চাবির রিঙ আঙ্গুলে ঘুরাইয়া অন্তমনস্ক হইয়া,—কতজন কত ভঙ্গীতে ঠাড়াইয়া আছেন; কেহ বাসরের গান ভাবিতেছেন; কেহ নূতন অপেরার নূতন টপ্পাটা বার বার মনে মনে আওড়াইতেছেন, কেহ অপরের নূতন ধরণের বেশ বিস্তাসটা সপ্রণালী মৌনসমালোচনা করিতেছেন; কেহ বা গোরাকাঁদের বনিতাকে সাহস দিতেছেন, কেহ বা কল্পিত বহুদর্শিতার সুপারিশে তাঁহার আশঙ্কা বাড়াইতেছেন। কল কথা, নানারকমে নানাভাবে কথা কহিতেছেন; হাসির উপদ্রবে, নিষেধের তাড়নায়, পরামর্শের গভীরতায়, রোদনের শাস্ত অভিনয়ে, নিতান্ত অগ্রাহ্য নয়, এমনতর একটা গোলযোগ সেখানে হইতেছে। মজলিশের উপস্থিত বিষয়—গোঁরাঁকাঁদের বনিতা আসন্নপ্রসবা।

যশোহর জেলার পূর্বপ্রান্তে অপ্রসিদ্ধ নাম এক পল্লীগ্রামে গোঁরাঁ কাঁদের বনিতার বাপের বাড়ী; নাম বসুমতী। নামটা ঊনবিংশ শতাব্দীর উপযুক্ত নয় মনে করিয়া গোঁরাঁকাঁদ স্বীয় উত্তমার্ককে বিকল্পে

বলিতেন না। আমি কিন্তু এ নিয়মের অধীনতা স্বীকার করিব না, যেখানে যেমন সুবিধা, সেখানে সেই নাম করিয়া গোরাচাঁদ-গৃহিণীর পরিচয় দিব।

বসুমতীর বয়স উনিশ বৎসর মাত্র, বর্ণ গোর, এমন কি চুলগুলি পর্য্যন্ত খুব কাল নয়; গড়ন দীর্ঘাকার, একহারা, তবে সম্প্রতি তেহারা বলিয়াই মনে হয়; কপাল ছোট; চক্ষু দুটি ডাগর, কিন্তু কোলে বসা; নাক সুদীর্ঘ, টিকলো, সরু; গাল দুখানি মরা মরা, উপর ঠোঁট খুব পাতলা, নীচের খানি পুরু, খুতনী খুব অল্প। বসুমতীর সুর চড়, কিন্তু মিহি, অল্পেই নাকিতে ওঠে। এ হেন বসুমতী আসন্নপ্রসবা সেই মজলিসে বাসিয়া আছেন, কদাচ দুই একটা কথা কহিতেছেন, কিন্তু এত গোলে তাঁহার কথা ধরা যাইতেছে না। যাহারা দেখিতে, দেখা করিতে বা দেখা দিতে আসিয়াছেন, তাঁহারা নিজে নিজে কথা কাহিয়াই পারিতুষ্ট; সুতরাং বসুমতীর কথা বুঝিলেও তাঁহাদের কোনও ক্ষাত হইতেছে না।

গোরাচাঁদ বাড়ীতে ছিলেন না। “স্ত্রী উত্তোলনী” সভার অন্য বিশেষ অধিবেশন; সুতরাং সভাপতি গোরাচাঁদ বেলা একটার সময় সেইখানেই গিয়াছিলেন। স্ত্রীর অবস্থা মনে ছিল না, বাড়ীতে এ মজলিস বসিবে তাহারও সংবাদ পান নাই, কাজে কাজেই সন্ধ্যা পর্য্যন্ত ঘরে কিরিয়া আসিলেন না। পাড়ার মেয়েরা গোরাচাঁদকে বড় ভয় করিত, আজি বাহিরে গোরাচাঁদের বিলম্ব হইবে টের পাইয়া মেয়েরা তাঁহার বাটীতে আসিয়া ভুটিয়াছিল। এমত অবস্থায়, সন্ধ্যার পর গোরাচাঁদ যখন বাড়ী আসিলেন, তখন মজলিসের কিছুই দেখিতে পাইলেন না।

গোরাচাঁদের পরিচয় দিবার এই সুযোগ হইয়াছে, অতএব পাঠক-পুঁঠিকাগণের সহিত তাঁহার আলাপ করাইয়া দেওয়া হাউক।

বর্ণচোরা আমের দোষ বা গুণ এই যে, ভিতরে পাকিয়া পচিদার উপক্রম হইলেও, খোসা যে সবুজ সেই সবুজই রহিয়া যায় । বয়সের হিসাবে গোরাচাঁদও বর্ণচোরা আম ; পঁচিশের উপর পঞ্চান্ন পর্যন্ত সকল বয়সই গোরাচাঁদের হইতে পারিত ; কেবল এক বুড়ী মা বাড়ীতে থাকতেই গোরাচাঁদের বয়স চল্লিশের নীচে রাখিতে পাড়া-প্রতিবাসী বাধ্য হইয়াছিল । নবদুর্বাদলশ্যাম,—(ইহার ভাবার্থ যাহাই হউক)—বিলক্ষণ খৰ্ব্বাকৃতি, প্রশস্ত চতুষ্কোণ ললাট, স্থলনাস, প্রবল হনুমন্ত, বর্ষুলাক্ষ, গুন্ফবিভীষিত, নিম্পিষ্ট গুণ্ঠাধর, বিরল অথচ দীর্ঘ শ্মশ্রু-শোভিত চিবুক, মস্তকে ধূসর কাশ্মীরার কাপ, গলায় হুহাত লম্বা কক্ষটর, আধ-চীনে-আধ-বিলাতী কালো আলপাকার কোর্ট এবং সাদা জিন্ কাপড়ের পেণ্টুলন পরা, হাতে পিচের মোটা ছড়ি, পায়ে গরাগহাটার ডবলম্প্রিং জুতা—পুষ্ট না হইলেও হুষ্ট গোরাচাঁদ গৃহ মধ্যে প্রবেশ করিয়া দেখিলেন, তাঁহার হৃদয়াকাশের চাঁদ (বসন) কাতর মুখে, কাতরভাবে বসিয়া একাগ্রচিত্তে স্বীয় দক্ষিণ পদের অঙ্গুষ্ঠ দেখিতেছেন । ভীত, চিন্তিত, বা বিস্মিত না হইয়া গৃহিনীকে কিছু না বলিয়া এবং কোনও জিজ্ঞাসাও না করিয়া গোরাচাঁদ নিকটবর্তী হইয়া বসুমতীর হাত ধরিলেন এবং শুদ্ধ হস্তবলের অনু-রোধে তাঁহাকে শয়নগৃহে লইয়া যাইবার উপক্রম করিলেন । বসুমতী মুখ তুলিয়া চাহিল, কিন্তু কথা কহিল না ।

গোরাচাঁদের মা রান্না ঘরে ছিলেন, জুতার শব্দে পুত্রের আগমন বার্তা জানিতে পারিয়া ত্রস্ত ব্যস্তভাবে উপস্থিত হইয়া পুত্র পুত্রবধুকে তদবস্থ দেখিতে পাইলেন ।

জননীকে দেখিয়া গোরাচাঁদ বিরক্ত হইলেন । বসুমতীর হাত ছাড়িয়া দিয়া, স্বীয় বাম কটিতটে বামহস্তের মণিবন্ধ স্থাপন করিয়া, দক্ষিণ হস্ত কঁধে তুলিয়া, সোজা অথচ একটু ঘুরিয়া দাঁড়াইয়া গোরাচাঁদ

বলিলেন—“যাও ! তোমার রান্না ঘরে যাও !—কর্তব্য পালন আগে; পরাম কি আমোদ, তার পর । কুটী হয়েছে ?—হয় নাই; ডাল হয়েছে ?—হয় নাই; চচ্চড়ি হয়েছে ? হয় নাই; মাছ ভাজা হয়েছে ? হয় নাই !—আমি জানি, নিশ্চয় জানি, এ সব কিছুই হয় নাই । তবু তুমি কাজ ফেলে, আমার কাছে আমোদ করতে এলে ! ছি ! ছি !”

মাকে সন্দোধান করিয়া এই পর্য্যন্ত, আপনা-আপনি খুব স্পষ্ট স্পষ্ট করিয়া বলিলেন—“মা মনে করে, যে মা হ’লেই বুঝি সাত খুন মাগ । এই এনুম একটা কাজ করে, কোথায় ছুটো মিষ্টি মুখের কথা শুনে মন তুপ্তে করব, পরিশ্রমের অবসাদ বিনাশ করব, না বুড়ী এসে স্নানখে দাঁড়ালেন ! এদের কি বিবেচনার লেশ মাত্র নাই ?” •

মা খতমত, ভীত সঙ্কুচিত । বলিলেন—“না বাবা, এই বোম্বাৎ অসুখ করেছে, তাই বলতে এনুম, বলি যদি কারুকে ডাকতে টাকতে হয়, তা হ’লে—”

“তা হ’লে তোমার সাত গুটির পিণ্ডি, আর আমার বাবার মাথা ‘তা হ’লে’ আবার কি ?—যাও, যাও, বিরক্ত করো না ।”

“আহা পরের জন্মে বাছার আমার আহার নিজে নাই ! খেটে খুটে এয়েছে —” বিড় বিড় করিয়া এইরূপ বলিতে বলিতে গোরাচাঁদের মা, কর্তব্য পালনের স্থান রন্ধনশালায় পলায়ন করিলেন ।

তখন গোরাচাঁদ আবার পূর্ব্বে অবলম্বন করিয়া, প্রেমসীরু হাতে ধরিয়া, একটু উৎকর্ষা, একটু আগ্রহের স্বরে বলিলেন—“অসুখ হয়েছে ? কি অসুখ, বসন ? তোমার অসুখ করেছে ? তোমার ?”

বসন উত্তর দিতে বিলম্ব করিল । গোরাচাঁদ বসনের হাতে ধরিয়া বসনকে টানিয়া ঘরের ভিত্তর লইয়া গেলেন; খাটের উপর বসনকে সবলে উপবেশন করাইলেন ।

বসুমতীর বৈষ্যের বাধ ভাঙ্গিয়া গেল, নদন-নদের পঙ্কিল জলে

কপোল-ভূমি ভাসিয়া গেল ! “তোমার বসীর কি হয়েছে, তা’ কি তুমি জানো না ?” স্বল্পভাষিণী বসুমতী প্রত্যেক শব্দের পর এক এক দীর্ঘশ্বাস, অথবা কণ্ঠরোধসূচক অব্যক্ত ধ্বনি সহকারে কয়েকটা শব্দ প্রয়োগ করিয়া ক্ষান্ত হইল । গোরাচাঁদ মাথার টুপি খুলিতে ছিলেন, খোলা হইল না, টুপির সঙ্গে হাতের যোড় লাগিয়া গেল ।

“আমি ত জানি না যে তোমার কোন অসুখ করেছে । তোমার অসুখ জানলে কি আমি এমনি স্থির, হ’য়ে থাকবার লোক ? তোমার জন্ম আমি নদীর জল, গাছের পাতা, আকাশের নক্ষত্র তন্ন তন্ন করে’তোলপাড় করতে পারি, স্বর্গ মর্ত্য অন্দোলিত করতে পারি —আর, আমার সেই বসনের, আমার হৃদয়ের বসীর, আমার সেই তোমার অসুখ জেনেও আমি হিমাচলের মত শীতল, অচলভাবে বসে’ থাকুব, এও তোমার বিশ্বাস হয় ? ”

বসুমতী দেখিলেন বেগতিক; এখন এই যে প্রণয়-সরোবরের লহরীলীলা দেখিয়া তিনি সুখানুভব করিবেন, এমন অবস্থা তাঁহার নয় । কাজে কাজেই আর বাক্যাড়ম্বরের দিকে না গিয়া সাদা কথায় বলিয়া উঠিলেন—“আজ বুঝি আমার ছেলে হ’বে । একটু একটু ব্যথা উঠেছে ।”

গোরাচাঁদ । “এই বুঝি অসুখ ?”

বসুমতী । “দত্তদের বাড়ীর মেয়েদের কথা শুনে অবধি আমার আরও ভয় হচ্ছে । ওমা ! তা হলে আমি কি করব ?”

বসুমতী আবার কাঁদিয়া ফেলিল । দত্তদের বাড়ীর মেয়েরা ভয় দেখাইয়াছে, তাহাদের বিক্রমে সর্বাত্মে পুলিশে ধবর দেওয়া উচিত কি না; বসুমতীর ব্যথা উঠিয়াছে, ডাক্তারকে প্রথমেই ডাকিয়া আনা উচিত কি না ; বে জন্ম, যেন স্ত্রী পুরুষের সাম্য-সংস্থাপন জন্ম জীবন উৎসর্গ করিয়াছেন, সেই ব্রত সার্থক করিবার এই সুযোগে কাজ

হাসিল করিবার চেষ্টা করা উচিত কি না—এই মানসিক বিতণ্ডায় কিংকর্তব্য-বিমূঢ় হইয়া গোরাচাঁদ একটু মৌনী হইয়া রহিলেন । কণ-কাল পরে, শেষ চিন্তাই শ্রেষ্ঠ চিন্তা, এই সার করিয়া প্রকল্পভাবে, হাসি হাসি মুখে বলিলেন—

“বেশ হয়েছে ! তোমার এই যে অসুখের কথা বল’ছ, এ চমৎ-কার হয়েছে । তোমার কষ্ট পাবার দরকার নাই, আমি স্বয়ং সন্তান প্রসব করব; তুমি নিশ্চিন্ত হইয়ে’ খাওয়া দাওয়া সেয়ে ঘুমোও গে । আমি রইলুম, ছেলে প্রসবের ভারও আমার রইল ।”

বসুমতী অবাক !

“সে কি ? তুমি প্রসব করবে কি ?”—তা যদি হ’ত, তবে আর ভাবনা কি বলা ?” অনেক কষ্টের উপরেও একটু হাসিয়া, বসুমতী এই কথা কয়টা বলিল ।

“তা যদি হ’ত ?—কেন ? যদি কেন ? তা’ হ’তেই হ’বে । তুমি যেটা অসম্ভব মনে কর’ছ, সেটা আমার মতে একটুকুও অসম্ভব নয় ।—হাঁ আমি স্বীকার করি যে, এ পর্য্যন্ত পুরুষে কুত্রাপি প্রসব করে নাই । কিন্তু এর কারণ কি ? কারণ, শুদ্ধ পুরুষের অত্যাচার, স্ত্রীজাতির বিভ্রম্বনা, আর তোমাদের অর্থাৎ স্ত্রীলোকের কু অভ্যাস । আগে রেলের গাড়ী ছিল না, তাই বলে’ কি রেলের গাড়ী হ’ল না ? আগে কেবল পুরুষেই বই পড়ত, স্ত্রীলোকে বাঁধাবাড়া করত—এখন কি তা উল্টে যায় নি ? কু-অভ্যাস, সমস্তই কু-অভ্যাস, আর কু-সং-স্কার, আর অত্যাচার । আমাকে যদি মা’ বাপ ছাড়’তে হয়, বাগ-বাজার ছাড়’তে হয়—সেও স্বীকার, তবু এঁবার তোমাকে আমি প্রসব হ’তে দিচ্ছি না । আমি করাসভাকায় গিয়ে বাড়ী করব, সেখানে নিজে প্রসব করব—তবু তোমাকে আর কষ্ট সহ্য করিতে, একমাত্র স্ত্রীজাতিকে বিভ্রম্বিত হতে দিব না ।”

বক্তৃতা করিতে করিতে, গোরাচাঁদ প্রাঙ্গণে আসিয়া উপস্থিত হইলেন। পুল্লের ভাব দর্শনে গোরাচাঁদের মা কাতর ভাবে কাঁদিয়া উঠিলেন, তাঁহার হাতের এক গোছা কটী উননে পড়িয়া পুড়িতে লাগিল, পাজার লোক একে একে উপস্থিত হইতে লাগিল। মহা এক ভুলসুল ব্যাপার, কিন্তু গোরাচাঁদের বিরাম নাই, নিবৃত্তি নাই। বাস্তবিক সদ্বক্তার, সুকবির, প্রতিভাশালী ব্যক্তি যাত্রেরই গুণই এই; ইহারা তন্ময় হইয়া বাহ্যজ্ঞানশূন্য হইয়া পড়েন। মহিলে প্রতিভা কি? অসাধারণতা কোথায়? •

অনেকক্ষণ পরে গোরাচাঁদের চটকা ভাঙ্গিল, তখন তিনি বুঝিতে পারিলেন যে, অনেক লোক উপস্থিত হইয়াছে, বুঝিতে পারিলেন যে আপনি বক্তৃতা করিতেছেন; আর কথাটা না কি নিজ গোরবের কথা,—তাই মনে মনে একটু ইতস্তত করিয়া গোরাচাঁদ বুঝিতে পারিলেন, যে শুধু বক্তৃতার ইন্দ্রজালে জড়িত এবং বিমোহিত হইয়াই এত লোক সমবেত হইয়াছে। গোরাচাঁদ বিবক্তা;—জনতাই তাঁহার ঘর বাড়ী, জনতাই তাঁহার অস্থি-মাংস; মৎস্যের যেমন জল, নক্ষত্রের যেমন আকাশ, অগ্নির যেমন ইন্ধন, জনতাও গোরাচাঁদের তরুণ; সুতরাং গোরাচাঁদ বিস্মিত হইলেন না, সিদ্ধান্ত বদনে হতবুদ্ধি জননীকে বলিলেন—“মা, এক গেলাস জল নে এস দেখি,”—বলিয়া সেই স্ত্রীবহুল লোক-সমুদ্রে নয়ন সঞ্চালনপূর্বক দেখিলেন, সংবাদপত্রের লেখক তাহাতে ভাসিতেছে কি না। দেখিলেন, কিন্তু বুঝা! যে হেতু, সংবাদপত্রের সম্পর্কীয় নরনারী কেহ তথায় ছিল না। সংসারের দোষেই এই, শিয়রে সময় মত ইতিবেত্তা থাকে না বলিয়া আমাদের কত কত সোণার স্বপ্ন স্বপ্নেই বিলীন হইয়া যায়।

জননী জল আনিবার অভিপ্রায়ে ঘরের ভিতর গিয়া দেখিলেন

বোমা বিছানায় পড়িয়া ছুঁপুঁ করিতেছেন এবং কাতরভাবে—
 “গো মরুচি গো, আর বাচলাম না গো” ইত্যাদি শব্দ করিতেছেন।
 সুতরাং জলের কথা ভুলিয়া বোমার শুক্রা করিতে বসিয়া গেলেন।
 অভ্যাস দোষেই হউক, কুল-ধর্মের গুণেই হউক, বসুমতী যে তখন
 বিলক্ষণ কষ্টভোগ করিতেছিল, তাহার আর কথাটা নাই; এবং
 গোরাচাঁদের মা যে সে কষ্ট বুঝিতেছিলেন, তাহারও সংশয় নাই।
 সুতরাং প্রির পুত্রের পিপাসার কথা ভুলিয়া যাওয়াতে তিনি যে
 একটা খুব গুরুতর অপরাধ করিয়াছিলেন, এ কথা বলিতে আমরা
 প্রস্তুত নহি।

জন আসিম না দেখিয়া গোরাচাঁদ অতিশয় হতভয় হইলেন।
 বক্তৃতা ব্যাপারের দুইটা প্রধান অঙ্গ—সংবাদপত্রের লিপিকর এবং
 জলের গেলাস—অনুপস্থিত দেখিয়া উপস্থিত মহিলামণ্ডলীর উপর
 গোরাচাঁদ কঁটুক্তি বর্ষণ করিতে আরম্ভ করিলেন।

“তুই মাগীয়েই তো যত ঘোষের শুরু! আপনি ভালো হবি না,
 পরকেও হ’তে দিবি না।—তোরা আপনার নাক কাচিস, কেটে
 পরের যাত্রা ভঙ্গ করিস্। সংকার্যে যোগদান,—আপবাদের উপ-
 কারের কথাতে উৎসাহ—দূরে থাক্, বাপ পিতামহের বাণভারের
 উল্লেখ করে’ আবার আমাদেরই টিটকারি করাটুকু আছে। এখানে
 ভামাসা দেখতে এয়েছেন,—আমার—চৌদ্দ পুরুষের শ্রাদ্ধ দেখতে
 এয়েছেন। বেরো আমার বাড়ী থেকে! বেরো, বল্লম বেরো।
 একগি বেরো! নইলে এক এক কিলে তোদের নাক ভেঙে খেতো
 করে’ দেবো, জানিস্ নে?”

স্ত্রীলোকেরা গোরাচাঁদকে ভয় করিত, তাহা উপরে বলা হই-
 য়াছে। কেন তাহারা ভয় করিত, তাহাও এখন জানা গেল।
 ভিন্নকারের তাড়নায় রমণীগণ দিগুদিগন্তরে পলায়ন করিল।

সেই রাগের ভরেই গোরচাঁদ গৃহ মধ্যে প্রবেশ করিয়া, জননীর উপস্থিতির প্রতি দৃকপাত না করিয়া, ধীর গন্তীর স্বরে বলিলেন,—
“বসন ! এই তোমাকে শেষবার জিজ্ঞাসা ক’রছি তুমি, আমাকে প্রসব ক’রতে দিবে কি না ?”

“বসন” নিরুত্তর । পূর্ববৎ এ পাশ, ও পাশ, হা হঁতাশ করিতে লাগিলেন ।

“বাবা গোরচাঁদ—” বলিয়া জননী মুখ ব্যাদান করিতে না করিতে, একবার তীব্র দৃষ্টির পর এক লক্ষ প্রদানে গোরচাঁদ গৃহ হইতে বহির্গত হইলেন ; এবং সেই রাত্রি নয়টার সময়ে স্ত্রীর ছরভিসন্ধির প্রতিবিধান কল্পে কিংকর্তব্য স্থির করিবার জন্ত সভাগৃহ উদ্দেশে যাত্রা করিলেন । মনে মনে সংকল্প করিয়া চলিলেন যে, স্ত্রী-পুরুষের সাম্য বিধান জন্ত আবশ্যিক মত বল প্রয়োগ করাও বিহিত, সভায় এইরূপ অবধারণ করিয়া সভার কার্য বিবরণে ইহা লিপিবদ্ধ করাইয়া লইবেন । নচেৎ এ সমস্ত পূরণের উপায়ান্তর নাই ।

দ্বিতীয় পরিচ্ছেদ ।

[পাঠক পাঠিকার মরণ বাঁচন গ্রন্থকর্তারই হাতে ।]

তখন দ্বিতীয় প্রহর রাত্রি উত্তীর্ণ হইয়াছে । এমন যে কলিকাতা সহর, তাহাও এক প্রকার নিস্তব্ধ হইয়াছে ; এত যে জনস্রোত, তাহাও যেন শুখাইয়া, শীর্ণ হইয়া সঙ্কুচিত হইয়া বালুকারাশি মধ্যে অন্তর্ধান হইয়াছে । (পাঠক মহাশয় সমীপেষু,—জানস্রোতের অনুরোধ আমি অবশ্য মানি ; কিন্তু এখানে বালুকারাশি যে কোন পদার্থের উপমান, তাহা আমি অবগত নহি) । কেবল কদাচ কোথাও

এঁকথানা ভাড়াটে গাড়ী ভয় দেখাইবার জন্ত বিকট শব্দ সহকারে মৃত প্রায় অশ্ব-যুগলের অল্পধাবন করিতেছে ; অশ্বদ্বয়ও প্রাণের দায়ে একমনে এক ভাবে চলিয়াছে । অনেকে ভূত মানে না, কিন্তু ভূতকে বড় ভয় করে ; . রাত্রিকালে সন্দিগ্ধ স্থল দিয়া যাইতে হইলে ভয়ে দৌড়িতে পারে না, খামিয়া পশ্চাৎ ফিরিয়া দেখিতেও সাহস করে না । ভাড়াটে গাড়ীর ঘোড়ার অবস্থাও সেইরূপ । কোনও কোনও স্থানে বেড়ার গায়ে, দেওয়ালের গায়ে, রেলিঙের গায়ে ঠেস দিয়া চক্ষু মুদিয়া আন্ধারিয়া লাঠান হাতে এক এক জন পাহারাওয়ানা দুইটা পরমতত্ত্বের ধ্যানে নিমগ্ন রহিয়াছে ; এক, সার্জন সাহেব এ পথে না আইসে ; অপর, একটা চোর কিছা মাতাল গায়ে পড়িয়া ধরা দেয় । যাহারা পাখা টানে আর যাহারা পাহারা দেয়, তাহারা ইহকাল পরকাল একসঙ্গে রক্ষা করে,—ধ্যান ছাড়ে না, অথচ কাজ ভোলে না । ইহা ছাড়া, পথের ধারে কিন্তু দোতলার উপরে কোথায়ও বাঁয়া তবলা, মাদুয়ের গলা প্রভৃতি হইতে ওয়াক্ ওয়াক্ মিশ্রিত অনির্ধ্বনীয় শব্দে নেশায় তব্বু কলিকাতার বিরক্তি সম্পাদন করিতেছে । ঘুমাইয়াও ক লকাতা ঘুমাইতে পাইতেছে না ।

কলে আমি প্রকৃতি বর্ণন করিতে বসি নাই, পটও আঁকিব না । গোরাচাঁদ না কি সভাস্থল হইতে বাড়ী ফিরিয়া আসিতেছেন, তাই ঐতিহাসিক নবাখ্যানের সার্থকতা রক্ষা করিবার জন্তই এঁত বাক্য ব্যয় করিতেছি । আপনারা সেটা ভুলিবেন না ।

তত রাত্রিতে সভায় গিয়া গোরাচাঁদ দেখিলেন, সভাগৃহের দ্বার রুদ্ধ, স্নতরাং প্রবেশ করিবার উপায় নাই । যে সে লোক হইলে হতভাস হইয়া এই খানেই রণে ভঙ্গ দিয়া পলায়ন করিত । কিন্তু গোরাচাঁদের অধ্যবসায় অপ্রতিহত ; সঙ্কল্প অটল, সাহস দুর্জয় । অসাম্য সিদ্ধ হইতে পারে, কিন্তু গোরাচাঁদের অভীষ্ট বিচলিত হইতে

পারে না। অনেক উত্তম উত্তম উপমা দিয়া এ বাক্য সমুচ্ছল করিতে পারিতাম, কিন্তু প্রয়োজনাভাব। যে অসম্ভব করিতে—বাস্তব করিতে বন্ধপরিবর, তাহার প্রতিজ্ঞা সহজে উপমা প্রয়োগ করা দৃষ্টতা ত বটেই, পূর্ণ বাতুলতা।

শ্রী-উত্তোলনীর সম্পাদকের বাড়ী গোরাটাঁদ স্বয়ং গেলেন, তাঁহাকে সঙ্গে করিয়া সভ্যদের বাড়ী বাড়ী গিয়া আবশ্যিক সংখ্যা পূরণ করিয়া সকলে মিলিয়া সভাতলে উপনীত হইলেন।

অসাধারণ সভার এই অসাধারণ অধিবেশন খুব জমিয়া গেল, ইহা বলাই বাহুল্য। ক্রমে প্রস্তাব, বক্তৃতা, বাদ, অনুবাদ, প্রতিবাদ, বিতর্ক, বিতণ্ডা—কত বলিব? আমি ক্ষুদ্রবুদ্ধি ক্ষুদ্র মানব কেমন করিয়া সে বাক্যসাগর মসৌরেখায় অঙ্কিত করিব? সাহারার মরুভূমি যদি কাগজ হইত, মিশরের শিখামন্দির যদি লেখনী হইত, ভূমধ্যসাগর যদি দোয়াত হইত, তাহা হইলেও এই সভার, এই রজনীর কার্যবিবরণ লিপিবদ্ধ করিতে সাহস করিতাম কি না, বলা যায় না। আমরা বর্তমান অবস্থায়, উপস্থিত উপকরণ লইয়া ত কোনও মতেই নয়। আপনারা এইস্থলে একটা বিষয়ে দৃষ্টি রাখিবেন, উপরে যে দৃষ্টান্তের উল্লেখ করিয়াছি, তাহা ভারত ছাড়া। পাণ্ডিত্য থাকিলে, আর পাণ্ডিত্য দেখাইতে হইলে এরূপ নহিলে হয় না; কল কথা, আমি সে কার্য বিবরণ এখানে তুলিতে সাহসী হইলাম না; সত্য সত্য তাহা না পড়িলে বাহার সংসার অচল হইবে, তিনি সভা-সম্পাদকের খাতায় পড়িয়া আসিতে পারেন; আর, অপেক্ষা করা যদি চলে, তবে আগামী কল্য মণ্ডব্য সমেত সংবাদপত্রে পাঠ করিতে পারিবেন।

শ্রী-পুরুষের সম্যক্ সাম্য বিধান জন্ত গোরাটাঁদ ষথাবিধি প্রস্তাব
নন্দিনীস্বামী । হৃৎপিণ্ডি গোরাটাঁদের সে প্রস্তাব গহীত, অনুমোদিত,

অবলম্বিত এবং সভার পুস্তকে লিখিত আকারে পরিণত হইল । একটু বলা আবশ্যিক । সত্যের জয় অবশ্যস্বাবী, জয়ের পূর্বে যুদ্ধও অবশ্য-স্বাবী, নহিলে জয় কিসে ? অতএব গোরাচাঁদের প্রস্তাবে বাধা উপস্থিত করিয়া, তাহার বিরোধ চেষ্টা করিয়া কেহ যে নিজ দুর্বলতা, অসমসাহসিকতা প্রকাশ করিয়াছিল ইহা না বলিলেও চলে । অন্ততঃ এখন, এখানে না বলিলে চলে ।

সেই জয়ে উল্লসিত হইয়া, সভাভঙ্গের পর দ্বিপ্রহর রাত্রি অতীত করিয়া গোরাচাঁদ কর্ণবালিস রথ্যা অবলম্বনে বাটী যাইতেছিলেন । তাহাতে সুকিয়ার গলির মোড়ের সম্মুখে গ্রন্থকারের সহিত দেখা । সেই কথাটা জানাইবার জন্ত আবার এ প্রয়াস । “অনেক কথা বলিতে ভুলিয়াছি, তন্মধ্যে এক কথা এই যে, মির্জাপুর রথ্যার কোনও এক স্থানে স্ত্রী-উত্তোলনীর কারখানা প্রতিষ্ঠিত ছিল ; সেই ধড়াচূড়াবান্ধা গোরাচাঁদ সেই স্থান হইতে বাটী যাইতে-ছিলেন । আর এক কথা এই যে, গাড়ী ভাডার পয়সা সঙ্গে ছিল না বলিয়া গোরাচাঁদ একাকী পদব্রজে যাইতেছিলেন । এই অর্থাভাবে এই ইতিহাসের অদৃষ্ট সুপ্রসন্ন হয়, গোরাচাঁদ গাড়ী হাঁকাইয়া যাইতে পারিলে আমরা সঙ্গে যাইতে পারিতাম না । অতএব ধৈর্য্যাবলম্বনপূর্ব্বক নিশ্বাস বন্ধ করিয়া নিঃশব্দ পদসঞ্চারে আমার, এবং গোরাচাঁদের সঙ্গে সঙ্গে চলুন ।

যাহাদের মানসক্ষেত্রের পরিসর অল্প, এরূপ ক্ষুদ্র প্রাণ মনুষ্যগণ উন্মত্ত হইয়া উঠে । কিন্তু গোরাচাঁদ বিরাট পুরুষ, উন্মত্ত হইলেন না ; তাই বলিয়া অন্তরের তরঙ্গ বিক্ষোভে তিনি যে একটুকুও বিচলিত হন নাই, এমন বলিতে পারি না । প্রাকৃতিক বলের সংঘর্ষ একেবারে পরিহার্য্য নহে, ভূকম্পে ভূধরও টলিয়া যায় । সুতরাং গোরাচাঁদ চলিতে চলিতে এক একবার দণ্ডায়মান হইবেন, থাকিয়া থাকিয়া

অঙ্গভঙ্গী সমেত সবলে দক্ষিণ হস্তের সঞ্চালন, বাম করতলে দক্ষিণ করমুষ্টি সশব্দে প্রহার করিবেন, ইহা আশ্চর্য্য নহে । এক পার্শ্ববর্তী পাদপদা হইতে অপর দিকের পাদপদায়, আবার এধার হইতে ওধার—বার বার গোরাচাঁদ এপ্রকার করিয়া চলিতেছিলেন, তাহাও আমি অস্বীকার করি না, অস্থিরমতিতে পদবিক্ষেপে অস্থির হইয়া ছিল, তাহাও আমি অস্বীকার করি না । কিন্তু ইহার কারণ ছিল ।

সভাতে গোরাচাঁদ কৃতকার্য্য, সিদ্ধকাম হইয়াছেন, সভার নির্দ্বারিত প্রতিজ্ঞা অবগত হইয়া বসুমতী আর আপত্তি করিতে পারিবেন না, সহজেই পুরুষত্ব লাভে সম্মত হইবে, সমগ্র নারীকুল বাধা হইয়া দায়ে পড়িয়া সেই দৃষ্টান্তের অনুসরণ করিবে, ইহা চাপিয়া রাখিবার আনন্দ নহে । এখন, এই গৌরবের কথা, এই আনন্দের কথা দেশে দেশে, নগরে নগরে, গ্রামে গ্রামে ঘোষিত হইবে বটে, কিন্তু অল্প রাত্রিতেই “বঙ্গ মশালে” এত দ্রব্যক প্রবন্ধ লেগাইতে যাওয়া কর্তব্য কি না, গোরাচাঁদ ইতস্তত করিতেছিলেন । কাজে কাজেই তাঁহাকে সর্পগতি অবলম্বন করিতে হইয়াছিল, কাজে কাজেই মাঝে মাঝে ধমকিয়া দাঁড়াইতে হইতেছিল । গোরাচাঁদ একবার ভাবেন “বঙ্গ মশালের” বাড়ী যাই, অমনি রাস্তার ডান ধারে উপস্থিত ; আবার মনে করেন, “বঙ্গ মশাল” হয় ত এতক্ষণ ঘুমাইয়াছে, অমনি দাঁড়াইয়া মাথা কাঁপাইয়া চিন্তা ; তখন স্থির করেন—আত্ম-গৌরব পরমুখে ব্যক্ত হইলেই ভাল, সঙ্গে সঙ্গে বেগে রাস্তার বাঁ ধারে আসিয়া পড়েন ; কণ্ঠে আবার যুগপৎ সমস্ত ভাবের সমাবেশ হয়, তখন এক পা তুলিতে এক পা পড়িয়া যায়, দু পা আগে হাঁটিতে এক পা পাছে সরিয়া যায়, যেখানকার সেইখানে পা থাকিতে দেখ-প্রতিমা দুই বার বামে, দুই বার দক্ষিণে হেলিয়া যায় । ‘কলতঃ গোরাচাঁদের সেই আপাত দৃষ্টমান অস্থিরতার কারণ ছিল, ইহা

আমি দেখাইলাম । সে কারণ “বঙ্গ মশাল” । “বঙ্গ মশাল” যে বঙ্গদেশীয় বঙ্গভাষা-বিরচিত, বঙ্গোন্নতির কেন্দ্রীভূত জগৎবিখ্যাত সাপ্তাহিক সংবাদ পত্র, এ কথা কে না জানে, মহারাজা রাজা এবং রায় বাহাদুরের তালিকা হইতে তাহার নাম খারিজ করিয়া দেওয়াই উচিত । আবশ্যক হইলে “বঙ্গ মশাল” সহজে অন্য কথা পশ্চাৎ ।

উপরে বলা হইয়াছে—বৃথা কথা আমি বলি না—রাস্তার ধারে স্থানে স্থানে পাহারাওয়ানা ছিল । এক জন পাহারাওয়ানা একটা আলোক স্তম্ভে নির্ভর করিয়া মুদিত-নয়নে ভাবনা করিতেছিল যে, ব্রজবাসিনী গোপীগণের ভাঙ ভাঙ্গিয়া নবনী চুরি করিয়া কিষণজী বড় উত্ত্যক্ত করিতেছেন, যশোদামাইর খাতিরে কেহ কিছু বলিত না, আর তেমন হুঁসিয়ার পাহারাওয়ানাও সে আমলে ছিল না । এখন এই “কম্পানির” মুনুকে আমার সামনে পড়িলে কিষণজী যেই নবীর ভাঁড় হইতে হাতটা তুলিতেন, অমনি থপ্ করিয়া—ভগবৎ ধ্যানমগ্ন পাহারাওয়ানা সত্য সত্যই দক্ষিণ হস্তখানি বাড়াইয়াছে, এমন সময়ে দৈবের বিচিত্র সমাবেশ, গোরাটাদের দেহখামি সেই হাতখানির প্রান্তদেশে উপস্থিত ! স্মৃতরাং সংস্পর্শ ; ফল, উভয়েরই ধ্যানভঙ্গ । একভাব হইতে ভাবান্তর প্রাপ্তির কারণ নির্দেশ করিতে বড় বড় দার্শনিকগণ সমর্থ হন নাই, স্মৃতরাং কিষণজী ভাবিতে ভাবিতে পাহারাওয়ানা কেন যে “বগুয়া” বলিয়া উঠিল, আমি কেমন করিয়া জানিব, কিন্তু বলিল—“বগুয়া” । গোরাটাদও “বঙ্গ মশাল” ভাবিতে ছিলেন, সহসা বলিয়া উঠিলেন—“ক্যা হায়” ! চিন্তাশক্তির ঘাত-প্রতিঘাতেই নাটকের উৎপত্তি ; শব্দের উপর শব্দ পড়িলেই গোল-যোগের উৎপত্তি ; এ কি না নৈসর্গিক নিয়ম, তাই এ হলেও ইহার কার্য হইল । পাহারাওয়ানা পূর্বে কেবল বগুয়া

বলিয়াছিল, এখন বলিল—“যওরা, বাউরা, যাতোয়ারা”। অগত্যা গোরাকাঁদের মুখে “যও” অর্থাৎ সরিয়া যাও ধ্বনিত হইল। পাহারা-ওয়াল। পুনরপি বলিল “চলো খানা পর” এবং সর্বাঙ্গ চঞ্চল করিল। গোরাকাঁদও ইংরেজী ভাষায় উত্তর দিয়া সর্বাঙ্গ অধিকতর সঞ্চালন করিলেন। কল হইল উভয়ের বেগে গমন, অগ্রে গোরাকাঁদ, পশ্চাৎ পাহারাওয়াল।; ক্রমে রীতিমত নরদৌড়, সঙ্গে সঙ্গে শব্দ— “পাকুডো গোর—মাতোয়ারা” ইত্যাদি।

দৌড়! দৌড়! দৌড়! নিরপরাধ পর্যাহিতপর্যাহণ গোরাকাঁদ জানেন না যে কেন দৌড়িতেছেন, তথাপি দৌড়। সাহস নাই এমন নয়,—এত রাতিতে সভা সংগ্রহ, সভা হইতে একাকী প্রত্যাগমন ভীক লোকে পারে না। শরীরে বল নাই এমন নয়,—জরের উচ্ছিষ্টে প্রীতগর্ভ বঙ্গবাসী সহজে এত বেগবান হইতে পারে না, তবু দৌড়। ভ্রম বশত দৌড়। পাহারাওয়াল। দৌড়িতেছে, সেও ভ্রম বশত দৌড়। সংসারে কয়জন ফিরিয়া দেখে? সংসারের গতিকই এই।

ইহারা দৌড়ন, কিন্তু পাঠকপাঠিকা এখন নিতান্তই গ্রন্থকারের হাতে। এখন আমি মারিলে মারিতে পারি, রাখিলে রাখিতে পারি; এখন একমাত্র আমার দয়ার উপর নির্ভর। এই জন্তই গ্রন্থকারের এত সন্ধান, লোকে গ্রন্থকারদের এত ভয় করে। নিত্য নিত্য দেখিতে পাও না, দক্ষিণা দিয়া হাসি হাসি মুখে গ্রন্থকারের করকবলিত হইয়া কত সুশীল সুবোধ পাঠক শেষে কান্দিয়াও নিস্তার পান না? অতি কোমল শয্যায় সবলে শোওয়াইয়া দিলেও যাহার অস্থিভঙ্গের সম্ভাবনা, এমন কোমলপ্রাণা, পাঠকের ভালবাসার ধন, নাগিকাকেও উত্তম গিরিশৃঙ্গে তুলিয়া এই কেলি, এই কেলি করিয়া গ্রন্থকার ছাড়িয়া দেন; বহু অক্ষপাত, বহুতর বিচ্ছেদ, বহুতর চুঃখ

ভূম্বাইয়া আশার সুখপ্রাপ্ত সংস্পর্শ করাইয়া ধীর শান্ত নাথককেও
গ্রন্থকার ভদ্রাসনের খিড়কির বাঁধা ঘাটের নিরে অতল সাগর তলে
নিমজ্জমান রাখিয়া ভদ্রলোকের মত সরিয়া দাঁড়ান । গ্রন্থকারের এই
রীতি । এক্ষেণ্ডার আছে বলিয়াই এই কার্দানি । আমিও ত
গ্রন্থকার ।

গোরাচাঁদ অনন্তক্ষেত্র ব্যাপিয়া অনন্তকাল পর্যন্ত পাহারাওয়ানা-
তাড়িত হইয়া দৌড়িতে পারেন ; মুহূর্ত্ত মধ্যে পাহারাওয়ানার করাল
কবলে কবলিত হইতে পারেন ; অথবা বিপদ-প্রশান্তমহাসাগরে
নস্বরণ লীলা দেখাইয়া পাঠকের অনক্ষিতে, পাঠিকার অনর্কিতে
বলা ভূমিতে পদার্পণ করিয়া হাম্মরাশি বিকীর্ণ করিতে পারেন ।
পায়েন বটে, কিন্তু আমি রাজি হইলে ত ? সেই জন্তই বলিয়াছি,
পাঠক-পাঠিকাব মরণ বাঁচন গ্রন্থকর্ত্তারই হাতে ।

এখন আপনাদের ধৈর্য্য পরীক্ষা করিবার জন্ত আমি একবার
বিশ্রাম লভিব, আপনাদা ভাবিতে থাকুন ।

দিশাহারা ।

“তুমি কার কে তোমার,
কারে বলো রে আপন ?”

নববিধানের সেন মহাশয়কে এই কথা জিজ্ঞাসা করা যাইতেছে ।
“সাধারণী” একবার এই প্রশ্নের উত্তরে বলিয়াছিল

“আমি তার, সে আমার,
তারে বলিবে আপন ।”

সর্ব্বনামে “সাধারণী” সম্ভাব্য হয় ; পক্ষানন্দের হইবে কেন ?
তাই এ কথাটা তোলা গেল ।

তুমি গড়িয়াছ গির্জা, নাম রাখিয়াছ মন্দির, দাঁড়াও পুলশিটে,
বলিয়া থাকো সেটা বেদি; যীশুখ্রীষ্টের নাম গাইয়া তুমি পানরি
ভুলাইয়াছ; হরিনাম সঙ্কীর্ণনে তুমি পথের পথিক ভুলাইয়াছ;
খোল করতাল, ডোর কোঁপীনে তুমি গোড়া গোস্বামীর চক্ষে ধূলি
দিয়াছ; আবার শঙ্খ ঘণ্টা হুন্সুধনি দিয়া নববিধামের ধ্বজদণ্ডের
বরণ করাইয়া তুমি হিন্দু-কুলবধুর মন মোহিত করিয়াছ। বাবাজী!
বলো দেখি; ইহার মধ্যে তুমি কার, আর তোমারই বা কে?

তোমার চক্ষে সোণার চশমা, চুলে বাঁকা টেডী, পরণে গেরুয়া;
পদ্মকুটীর-অট্টালিকায় বাস করিয়া তুমি সম্রাসী; স্ত্রী-পরিবারে
বেষ্টিত থাকিয়া তুমি বৈরাগী; কন্যার জন্ম সৎপাত্রে ভাবনা ভাবিয়া
তুমি যোগসাধনে নিমগ্ন; রেলের গাড়ীর গদীমোড়া কামরায় ভ্রমণ
করিয়া তুমি দারিদ্র্য ব্রতাবলম্বী;—বাবাজী, সত্য বলিতেছি,
তোমাকে চিনিতে পারিলাম না, সেই জন্ম সরলভাবে জিজ্ঞাসা করি-
তেছি, “তুমি কার, কে তোমার?”

সামাজিক নিয়মসমূহে যে সকল দোষ আছে, তাহার সংশোধন জন্ম
তুমি বিশেষ ব্যগ্র। জাতিভেদ, সম্প্রদায় ভেদ, অতিশয় অনিষ্টজনক
জানিয়া সমস্ত একাকার করিবার জন্ম তোমার বিশেষ যত্ন। জিজ্ঞাসা
করিতেছি, সেই জন্মই কি পরের মেয়ে আইবুড় রাখিবার আইন করা-
ইয়া সকাল সকাল আপনার মেয়েকে রাজরাণী করিয়া দিলে? সেই
জন্মই কি হিন্দুর ছত্রিশ জাতির উপর নিজের একটা দল? আর
বগড়া করিয়া আরও একটা ভাঙ্গাদল বাড়াইয়া বোঝার উপর শাকের
আটি করিয়া দিলে? বলো দেখি বাবাজী, তুমি বাস্তবিক কোন্
দলের, আর তোমার আসল মন্ত খানাই বা কি?

তুমি পৌত্তলিক, এমন কথা কেহ বলিতে পারে না; অথচ
তোমার মন্ত তত্ত্ব আছে, তাহাতে বাবা ভগবান, মা ভগবান পৃথক্

পৃথক্ আছে ; ভগবানের পদ্য আঁধি রাঙা চরণ আছে । তুমি মুসল-
মান, তাহাও বলিবার যো নাই, তবু মক্কা মদিনায় মহম্মদের কাছে
তোমার তীর্থ ভ্রমণে যাওয়া টুহ আছে । তুমি খ্রীষ্টান নও, কিন্তু
খ্রীষ্টান পুরাণের ব্রত পর্বের অনুষ্ঠানে তোমার ক্রটি দেখি না ।
কত বলিব ? আমি হতভঙ্গ হইয়াছি, তুমিই আমাকে দিশাহারা
করিলে ।

তোমাকে চিনিতে খারিলাম না বলিয়া আমার ভয় হইয়াছে ।
ভয় হইয়াছে বলিয়া একট্র অনুরোধ করিতে চাই । সুলভ সমাচারে
দেখিয়াছি তুমি নববিধানে “সীতা” উদ্ধার করিয়াছ, এখন অনুরোধ
এই, প্রাচীন বিধানে যাহা হইবার তাহা হইয়াছে, নববিধানে যেন
লঙ্কা কাণ্ডটা আর করিও না । কথাটা রাখিবে ?

আমি কে; আর আমি কার ।



[বেকার লোকের লেখা ।]

এই প্রশ্ন আপনি উত্থাপন করিয়াছেন । যেহেতু মৌল সন্মতি
লক্ষণ ; আমি উত্তর দিতে বাধ্য হইলাম । বিন্দুরূক্ষবিহারী মহা-
পুরুষ ব্রহ্মদৈত্যেরা দৈত্যপ্রাপ্ত ব্যক্তির মুখেই প্রকট হইয়া থাকেন,
কিন্তু অজ্ঞ স্বয়ং মহাপুরুষই কথা কহিতেছেন ।

আমি কার ? এই প্রশ্নের সংক্ষিপ্ত উত্তর এই ; আমি সকলকার ।
আমার মনে বিকার নাই, তাই কেহ কেহ আমাকে নির্বিকার বলেন ।
ব্রজেন্দ্রনন্দন গোকুলবিহারীর মত আমি সখি সখা, পিতা মাতা সকল-
কার । আমি সখা মজুমদারের দ্বারী ভ্রাতা, কোকিল বিহারীর হস্তের

ছড়ি, কস্তা, রাজনারীর পরম হিতকারী এবং কোমল কুটিরবাসিনী গৃহিণীর জীবনবারি। আমি কাঙ্গাল এবং ধনী, দুখ এবং জানীর। আমার চক্ষে যেত কালো সমান, শিক্ষাশির ব্রাহ্মণ এবং শূদ্র-অধর মুলমান আমার উভয় তুলা। কি উচ্চ কুচরাজ, কি আমা পুকুরের ব্রহ্মমন্দিরের মস্তক, কি কলমীর কুটারের প্রাচীর, আর কি ঘনি-টোলার গাছঘর, আমার চক্ষে ইতরবিশেষ শূন্য বিশুদ্ধ যেত ক্ষটিক রচিত নয়নাবরণ মধা দিয়া আমি সকলি যেত নির্মূল দেখিয়া থাকি।

আমি কে ? আমি কে ? আমি সব। আমি চন্দ, আমি পাপদেবতা। আমি ধর্মস্বর্জী—ধর্ম্য বুদ্ধে সেনানায়ক, আমি মহাসেন। আমি নিদানে, আমি মোক্ষ মুক্তি প্রদানে ; কেবল কণ্ঠ্য সম্প্রদানে, শালগ্রাম দেখিয়া এক্ষণে নববিধানে প্রবৃত্তি হইয়াছি।

আমি সুন্দর গৌরান্ন। বঙ্গ কত রঙ্গ করিলাম তাহার সীমা নাই। আমি যোগীর চক্ষে সন্ন্যাসী—সহধর্মিণীর অগ্রে রাসরসিক এবং জামাতার অগ্রে রাজসচিব। আমার সকলে এক চক্ষে দেখে না। ভাবুক ভেদে আমার অনেক রূপ। কেহ আমাকে কুরুক্ষেত্রের কুরুর মত চতুর মনে করেন। যার চিত্ত স্রীবাসের তুলা প্রশস্ত, তিনি আমাকে অধমভারণ জ্ঞান করেন। কথাই আছে “মতি কি মন” জগতীতলে যত মাথা তত মত—কাজেই আমার সম্বন্ধে নানাবিধ কথা উঠিয়া থাকে। কিন্তু আমি আগে যেই, আমি পরেও সেই, আমি কিছু আর এই নয়। আমি মন্দিরে, ময়দানে, মসজীদে এবং লোকের মনে। আমি খোল করতালে, খঞ্জনী এবং হারমোনিয়ামে। আমি আর কত বলিব, আমিই কলিকাতায়, আমিই শিমলায়, আমিই মুম্বইয়ে, আমিই গাজিপুরে, আমি সর্বত্র সর্বগামী এবং ছেলে বুড়ো সকলের অন্তর্ধ্যামী।

কলিকাতার সিংহরে পটা আমার আন্তর্লীনার স্থল ! বেতান্ধায়
সুদূর সিদ্ধুপার তামসতীরে আমার মধ্যলীলা হয় । আর শেষ লীলা
এইক্ষণ শিবদহ সন্নিকট—ললিত গৃহে ।

আমার প্রথম লীনার পারিষদ দ্বারকানাথ-সুত দেবেন্দ্র দেব ।
দ্বিতীয় লীনার পারিষদ অনেক । দেশী এবং বিদেশী—ভ্রমধ্যে সাক্ষেব
জনসারই অতি প্রধান ছিলেন । আর এই শেষ লীলায় ত্রৈলোক্য
শুদ্ধ অনেক বয়স্ক এবং শিষ্য ।

পৃথ্বে আমি বজ্রা হইয়া বায়ু দ্বারা জীবের ধর্ম্মায়র মঙ্গল
সাধিতাম । এক্ষণে বায়ু ছাড়িয়া অন্তর ভূত, জলের আশ্রয় লইয়া
তদ্বারাই শান্তির কার্য সাধন করিতেছি, মস্তকই কুলকুণ্ডলিনীর
বাসস্থল, তাই লোকের মস্তকে জনসেচনা আরম্ভ করিয়াছি ; আর
যেমন চিকিৎসকেরা এলোপ্যাথি ছাড়িয়া হোমোপেথী এবং হাইড্রোপেথী
ধরিয়াছে, আমিও তেমনি আত্মার রোগ সম্বন্ধে জলসেক জলপড়া
অবলম্বন করিয়াছি । জাহাজে ইংরেজ এসে গঙ্গাজলকে অপবিত্র
করায়, আমি আমার পবিত্র কুটারের পুষ্করিণীর জলের আশ্রয়
লইয়াছি । দেখা যাগ, এই ধর্ম্ম হাইড্রোপেথিতে কত দূর
কার্য হয় ।

মান ।

“প্রাণ অতি তুচ্ছ গণি, প্রাণাধিক মান ।” হে রাম ! এমন
কুশিকাও কি আর আছে ! এমন ভ্রমপূর্ণ কথাও লোকে উপদেশ
স্থলে বলে ! কোথায় অমূল্য, অতুল্য, পরম ধনের, পরম সমাদরের
প্রাণ—আর কোথায় হেঁড়া স্তাকড়া মান ! ছি ছি ! প্রাণের কাছে,
ধনের কাছে, মানের কথা কি তুলিতে আছে ?

যেমন গামছা ধুতি, ছড়ি ছাতি, ভেমনি মান ;—দাম দিলেই পথে
কাটে, হাতে মাঠে যত চাই, ততই পাই। তাই যে খুব দরে চড়া,
দাম কড়া, তাহাও নয় ; টাকা কড়ি ত কথাই নাই, একটু ভাগের
বদলেই মান পাওয়া যাইতে পারে। “আপনার মান আপনার
ঠাই”—কেবল যার যত্ব নাই, সাধ নাই, ইচ্ছা নাই, তারই মান নাই।
নহিলে মানের জুড় আবার ভাবনা ?

হারাধন মান হারাইয়াছে, আর হারাধনের মুখ দেখাইবার যো
নাই ;—হয়, ইহা স্বার্থপর শঠের কথা, নয়, বুদ্ধিহীন ঘটের কথা ;
যাহারই হউক, ভদ্রলোকের অগ্রাহ্য, শুনিবার যোগ্যই নহে। কিছু
পাইয়া, কিছা কিছু পাইবার আশায় যদি হারাধন এই অকিঞ্চিৎকর
মান দু দিনের তরে হারাইয়াই থাকে, তাহাতে কতিটা এমন কি
হইল ? আজি মান গিয়াছে, আবার কাল্ মান হইবে ; তবে
আর মুখ দেখান বন্ধ হইতে গেল কেন জুতার সুখতলা
হারাইলে ত কেহ বলে না যে, না ভাই তুমি সুখতলা হারাইয়াছ,
তোমার আর লোকের সম্মুখে বাহির হওয়া উচিত হয় না। সুখ-
তলার অভাবে তবু পায়ে লাগে। আর, মানের অভাবে ?—
কৈ আহারের ও ব্যাঘাত নাই, নিদ্রারও বিঘ্ন নাই।

শঠের কথা বলিতেছিলাম, আর নিপট নির্বোধের কথা বলিতে-
ছিলাম। ইহারা বলে, মান গেলেই সব গেল। খাটি জানিবে,
বুদ্ধি শুদ্ধি থাকিতেও যে ব্যক্তি এমন কথা বলে, সে বড় সহজ লোক
নয়, হয় সে মানের দালাল, খরিদদার যুটিলেই তার লাভ, নয় ত সে
কোন দালালের হাতে পড়িয়া আপনি ঠকিয়া এখন বারেন্দ্রগিরি
ধরিয়াছে; তোমাকেও ঠকাইয়া আপনার পর্যায়ে বসাইবার—ভুক্ত-
ভোগী করিবার—চেষ্টায় আছে। তাই বলিতেছি, ইহারা স্বার্থপর
শঠ, ইহাদের কথায় ভুলিও না, ঠকের কাছে ঠকিও না। যাহাতে

মানের দর বাড়ে, মানের ক দর বাড়ে, তাই করাই ইহাদের বৃত্তি ব্যবসা। আর, নির্ঝোঁধের কথা ছাড়িয়া দাও, ইহারা কবির দলের দিন মজুরির দোয়ার, গান বুকুক আর মাই বুকুক, প্রাণপণে চেষ্টাইয়া দিলেই ইহারা বাহাগুরি মনে করে। জর্বিন বলিলেন—বানরের বংশেই ক্রমে মানুষ হয়; নির্ঝোঁধের দল ধূয়া ধরিত্তা বলিতে লাগিল—ঐ কথাই ঠিক, আমরা দেখিয়াছি আমাদের সাক্ষাৎ বাবা বানর ছিলেন। তাই বলিতেছি, নির্ঝোঁধের কথা ছাড়িয়া দাও। তাহা-দিগকে যাহা ধরাইয়া দিবে, তাহাই তাহারা ধরিবে। এই এত কাল কেহ বলে নাই, আমি আজি নূতন বলিতেছি—মান নিতান্ত অপদার্থ সামগ্রী, দেখিও আভাস পাইবা মাত্র কাকের পালের কলরবের* মত এখন ঐ রবই শুনিতে পাইবে—মান অতি অপদার্থ সামগ্রী।

কলে শঠের কাছে সাবধান! কি রাজদ্বারে, কি কারাগারে, ইহারা সর্বত্রই আছে, সেই পঞ্চমের উপর গলা চড়াইয়া ডাকিতেছে—চাই মা—ন, বড় মান, খুব মান,* সম্মান। ডাকুক, তাই ভুলিও না, তোমার সর্বস্ব কাড়িয়া লইবার ফিকির। তমঃসুক্ লিখিয়া তোমার কাছে কেহ কর্ত্ত করিতে আসিলে তোমাকে “মহামহিম শ্রীল শ্রীমুক্—” সম্বোধন করে; তুমি তখন মনে করিতেছ সে ব্যক্তির অপমান, আর তোমার সম্মান, উভয়েরই সীমা নাই, কিন্তু তোমার লাভ—কাগজ, তাহার—টাকা। বল দেখি কে ঠকিল? বল দেখি, মান ভাল, না অপমান ভাল? তাই বলিতেছি যে, যে টাকা কয়টি রাখিয়া দিতে পারিলে, তোমার সংবৎসরের অন্ন চিন্তা কমিবে, মান কিনিতে যেন তাহা হাত ছাড়া করিও না; বুকিলে উ? তোপ মারি-

•

* কাকুলনা কি গর, যে কাকের পাল:বলা হইল? আমাদের মোটা বনিকের তাহার বাধনী বেঘন, ভারশালের বাধনীটা ভেঘন নয়।

পকানক ।

সেও—না। আপনি ঝাটিলে হাজার তোপ! সেইরূপ ঝাটুর দিয়া
বলিলেও ছুটিও না, কীৰ্ত্তন গাইবার সময় ঝাটুর দেখ, মন ছুলাইবার
জন্ত, তাহা ত জান? আমার কথা না শুনিলে আথেন্নে ঝাটিলে
হইবে।

মান যে কত শুলভ, মান যে আপনার হাতে, সেটা একটু দেখা-
ইয়া দিই; নহিলে তোমার হৃদয়ঙ্গম হইবে না। চেয়ে চিন্তে একটু
লম্বা কোঁচা, পায়ে মোজা, ফর্সা জামা, আর লত্যা শ্রামা—সঙ্গে করিয়া
যেখানে যাইবে, সেইখানেই তোমার মান; তুমি আপনাকে আপনি
বাবু বলিলে বাবু, বাহাজুর বলিলে বাহাজুর, রাজা বলিলে রাজা,
তাৎক্ষণে তোমার অন্ত বাবুগিরি চাই না, কাজে বাহাজুরি চাই না,
সত্যিকার প্রজার পুরী চাই না। চাই কি, ভাল মানুষকে ভেড়া
করিয়া তুমি দশ টাকা নগদও হস্তগত করিতে পার। আবার সেই
টাকাতে কত ইয়ার, কত ডিয়ার লইয়া কত বালাখানায় টপ্পা গেল,
কি পথের খানায় ধাক্কা খেয়ে কত কান্থানাই তুমি করিতে পার।
তুমি জঘন্ত নগণ্য জীব, তবু সকলেই তোমার নাম করিবে, সেও ত
মান। আর যদি সে সময়ে সম্মান নাই হইল, তাহাতেই বা কি?
তোমার নেশা ছুটিলে চোখ ফুটিলে দেখিতে পাইবে, তুমি যে ছিলে,
সেই; মোদা জামাটা যেন সদ্য পাটভাঙ্গা হয়। ধোপাকে ভার দিও,
সে ছুটি পয়সায় তোমার সঙ্গ দোষ, চরিত্র দোষ, সকল দোষ ধুইয়া
দিয়া তোমার পুরাতন মান ইস্তিরির জোরে খাড়া করিয়া দিবে;
তোমার সেই নিখুঁত নিভাঁজ নিশ্চল মান লইয়া আবার তুমি চৌধুরি
হাঁকাইয়া, চোখ রাঙ্গাইয়া, বুক ফুলাইয়া চলিয়া যাইবে, কেহ পাশে
আসিলে চাবকে দিয়া আবার তুমি বাহবা লইবে। মান ত
ধোপার হাতে; আর ধোপা ত দু পসার চাকর! মানের জন্ত
আবার ভাবনা?

বাঙ্গলা দেশে কেহ ইতিহাস লেখে না, কেহ ইতিহাস পড়েও না। সেটার প্রতি কখনও লক্ষ্য করিয়াছ? আমি বোধ করি, এ বড় সুবুদ্ধির বন্দোবস্ত। ইতিহাসে পুরাতন কথা লেখা থাকে; কায কি বাবু সে কথায়? এখন, এই উপস্থিত মুহুর্তে আমার যদি গাড়ি যুড়ি, চেইন ঘড়ি, হুইপ ছড়ি, চশমা দাড়ি, সমস্তই থাকে, তাহা হইলে কাল আমার কি ছিল, আমিই বা কে ছিলাম—সে খোঁজে খবরে দরকার কি? বাস্তবিক দরকার কিছুই নাই; আর দরকার যাহাতে নাই, বাঙ্গালীও চাহাতে নাই। বাঙ্গালী ত অজ্ঞান নয়। “ভূতে পশুপ্তি বর্ষরাঃ”—যে জাতির ইষ্ট মন্ত্র, সে কি কখনও অজ্ঞান হয়?

বাস্তবিক মানের জন্ত ভাবিতে নাই। মান তোমারও নয়, মান আমারও নয়, মান যায়ও না; ফল কথা মান মানীর, যখন যাহার মানে দরকার, তখনই তার মান! মানের সঙ্গে যখন চিরন্তনের বাঁধা সহস্র কাহারই নাই, তখন মানের জন্ত প্রাণ দেওয়া, ধন দেওয়া, দূরে থাকুক, এমন যে ফক্কির জিনিশ ফাঁকি, তাহাও সকল সময়ে দিতে নাই। কালে ভদ্রে ফাঁকী দিয়া, কি দুটা মিছা করিয়া যদি মান পাওয়া যায় ক্ষতি নাই। কিন্তু ঐ বস।

ঠাকুরদাদার কাহিনী ।

এক থাকেন রাজা, তিনি খান খাজা, বাস করেন আমড়ার বাগানে। কোটা বানাখানা, বাগ বাগিচা, দীঘী, পুকুরিণী, হাতী ঘোড়া, গাড়ী, পাখী, লোক লঙ্কর—এ সব যে কত তা বলিয়া ওঠা যায় না। রাজার ভাগার, কুবেরের ভাগার। ফল কথা, ভূভারতে এমন রাজা আর ছিল না।

রাজা বয়সে যেমন নবীন, জ্ঞানে তেমনি প্রবীণ । রাজা হইলেই তার যেমন সুয়া ছুয়া ছুই রাণী থাকিতেই হয়, এ রাজার তা ছিল না;—এক রাজপাটে এক পাটরাণী । এখন রাজরাণী হওয়া নাকি খুব জোড় কপালের কথা, তোমার আমার ভাগ্যে ঘটয়া ওঠে না, এই ভেবে রাজা বড় ব্যাকুল হইয়া উঠিলেন । পারিষদগণ একদিন বিকাল বেলায় দেখে যে, ফুলবাগানের পদ্ম পুকুরের পাথর-বাঁধা ঘাটে ধরাসনে বসিয়া, গালে হাত দিয়া, বিমর্ষভাবে রাজা মৌনী হইয়া রহিয়াছেন ।

পারিষদের মধ্যে যে শ্রেষ্ঠ পারিষদ, চুপি চুপি পা টিপে টিপে পেচুন দিক দিয়া রাজার সমীপবর্তী হইয়া চুপ করিয়া ছুই হাতে রাজার চক্ষু চাপিয়া ধরিল । রাজা তখন একমনে ভাবিতে-ছিলেন, আঁকে উঠিলেন; পারিষদ তবু চক্ষু ছাড়িল না । কাজে কাজেই রাজাকে পারিষদের হাতে হাত বুলাইয়া দেখিতে হইল, লোকটা কে ? হাত বুলান শেষ করিয়া, একটু রাজ-হাসি হাসিয়া রাজা বলিলেন—ঠাওরাইতে পারিলাম না ।

তখন সেই হাতের মালিক ফিকু করিয়া একটু হাসি ছাড়িয়া দিয়া, রাজার সম্মুখে দাঁড়াইল, জিজ্ঞাসা করিল—বলি, মহারাজ, একা বসে এত ভাবনা হচ্ছিল কিসের ?

চোখ ধরাতে রাজার ভাবনা গিয়াছিল, এই কথায় আবার সেই ভাবনা কিরিয়া আসিল, রাজা বলিলেন—প্রিয় সখে ! ভাবি কি সাধে ? ভাবনা আসিয়া পড়ে, তজ্জনই ভাবিতে হয় । পরের দুঃখ ভাবিতেছি ।

পারিষদ এতকণ গম্ভীরভাবে রাজার বাক্যসকল শ্রবণকুহরে প্রবেশ করাইতেছিল; ফুরাইলে পর, উচ্চ হাস্য সহরণ করিতে পারিল না, অপিচ বলিল—মহারাজা সমাগরা সপ্তদ্বীপা পৃথিবীর রাজা

আপনি, আপনার আবার ভাবনা? ধনাগারে কঁক নাই, হীরা মণি ষাণিক্যে পরিপূর্ণ; শরীরে কঁক নাই, রূপর্যোবন পরিচ্ছদাদিতে শোভা উছলিয়া পড়িতেছে, গীত বাদ্য মাংস মদ্য সমস্ত বয়স্ক কিছুই অভাব নাই। আমি ভাবিতেছি, ভাবনা কোন্ পথ দিয়া কোথায় প্রবেশ করে? না মহারাজ, আজ অস্ত্র কোন নিগূঢ় কথা আছে, আমাকে বলিবেন না, সেই জন্ত এই সকল ওজর করিতেছেন।

পারিষদের এই শ্লেষসূচক বাক্যপরম্পরা শ্রবণ মাত্র, রাজা অতি-মাত্র ক্ষুব্ধ হইয়া খিন্ন চিত্তে উত্তর করিলেন—প্রিয় বয়স্ক, তোমার নিকট আমার গোপনীয় কি আছে? তুমি আমাকে অবিশ্বাস করিয়া অবিচার করিতেছ। সত্য সত্যই আমি পরের দুঃখ ভাবিয়া কাতর হইয়াছি।

উভয়ে মন্ত্রণা-গৃহে প্রবেশ করিলেন। রাজা একে একে দুঃখ জানাইতে লাগিলেন, পারিষদ যথাক্রমে তাহার প্রতিবিধান ব্যবস্থা করিতে আরম্ভ করিল।

বিস্তীর্ণ রমণীকুলমধ্যে একজন মাত্র রাজরানী হইতে পারে, অন্তের সেই সৌভাগ্য সম্ভবে না। ইহাই রাজার এক নম্বর পরদুঃখ।

মৌমাংসা অতি সহজ। পারিষদ বলিল—মহারাজ, এ দুঃখের নিবারণ ত আপনারই হস্তে রহিয়াছে। বাক্য এবং ব্যবহারে আপনি ঘোষণা করুন যে, যাহার রাজরানী হইবার সাধ আছে, আপনি তাহারই মনোবাঞ্ছা পূর্ণ করিতে সঙ্কল্প করিয়াছেন; আপনার পাট-রানীর প্রতি একাগ্রতা পরিত্যাগ করুন; তাহা হইলে সৌভাগ্য-কামিনী রমণী মাত্রকেই রানী নির্দ্বিধে অশন ভূষণ সম্প্রদান করিয়া পরদুঃখ-নিরসন এবং আশ্রয়ভাবনা বিসর্জন করিতে সক্ষম হইবেন, তাহাতে সংশয় দেখি না।

সাধু! বয়স্ক, সাধু, বলিয়া মহারাজ প্রিয় বয়স্কের করমর্দন এবং শিরশ্চূষন করিলেন। এত সহজে এক চিন্তার পার পাইয়া, আর এক চিন্তার উন্মেষণ করিলেন! বলিলেন—বয়স্ক, আমার প্রজাবর্গ অতি দরিদ্র, কোনও প্রকারে যৎকিঞ্চিৎ অর্থ সংগ্রহ করিয়া জীবন যাত্রা নির্বাহ করে; কিন্তু তাহাদের চরিত্র বড় দূষিত, গণিকা এবং মদিরাতে তাহাদের ধনক্ষয় হয় এবং তাহারা সপরিবারে কষ্ট পায়; ইহার উপায় কি?

এই দ্বিতীয় দফার চুঃখও অকিঞ্চিৎকর, পারিষদ প্রস্তাব করিল—মহারাজ, এ জন্ত চিন্তা কি? ব্রহ্মাণ্ডের দু'বারবিলাসিনী-গণকে আপনি আশ্রয় প্রদান করুন; প্রত্যহ সন্ধ্যার প্রাক্কালে তাহাদিগকে রাজপুরীমধ্যে আনয়নপূর্বক নিশাশেষে বিদায় করিয়া দিউন; তাহাদের জীবিকা জন্ত রুত্তি ব্যবস্থা করিয়া দিউন; এবং তাহাদের মনোভঙ্গ নিবারণ জন্ত রাজপ্রাসাদে সুরাচ্ছত্র সংস্থাপন করিয়া দিউন। মহারাজ, এ প্রকার নিয়ম হইলে শৌণ্ডিকের ব্যবসায় বিলুপ্ত হইবে না, অথচ নিশাকর ও নিশাচর প্রজাবর্গের ধনবৃদ্ধি ধর্মোন্নতি হইবে, আপনি ধর্মযাজক বলিয়া প্রসিদ্ধ হইবেন এবং আপনার যশোরাশি দিগন্ত পরিব্যাপ্ত হইয়া ধরণীমণ্ডলে বিঘোষিত হইতে থাকিবে, বমের শব্দের স্থায় দূর দূরান্তরে আপনার নামের শব্দ শোনা যাইবে।

তখন রাজার মনে তিন নক্ষরের চিন্তা উদ্ভিক্ত হইল। যে পণ্ডিত, যে বিদ্বান, তাহার সম্মান সফল রাজ্যে সকল রাজাই করিয়া আসিয়াছেন; কিন্তু বিদ্যা পূর্ন জন্মার্জিত পুণ্যের বল। এমন অবস্থায় মুর্থ বর্ষসংগণকে ঘৃণা করা, তাহাদের সহবাস বর্জন করা অতি নিষ্ঠুরের ধর্ম। বয়স্ক, কি বলো?

পারিষদ তৎক্ষণাৎ এ প্রথের সারোদ্ধার করিয়া দিল। যোড়,

হস্তে বলিল—মহারাজ, আমিও ঐ কথা অনেক দিন ধরিয়া মনের মধ্যে ভোলপাড় করিয়া আসিতেছি। আমাদেরকে স্থান দিয়া এ প্রসঙ্গের মীমাংসার পথ আপনি অনেকটা পরিষ্কার করিয়া রাখিয়াছেন বটে, কিন্তু তবু এতদিন মনের কথা ভাবিয়া বলিতে আমার সাহস হয় নাই। আজ যাই আপনি উত্থাপন করিলেন, এখন আর কোরকান না রাখিয়াই সব বলিয়া ফেলিব। পণ্ডিত আর ভদ্র বেটারাই এত কাল আদর স্বত্বের একচেটে করিয়াছিল; সেই বিক্রমাদিত্যের আমল থেকে ঐ কথাই গুনিয়া আসিতেছি। কিন্তু মহারাজ, আপনি ষড়ার্থই আচ্ছা করিয়াছেন—বিদ্যা আর সভ্যতা সুরুতির কলেই হয়। সুতরাং মুখদিগকে দেবতায় মারিয়াছে বলা উচিত, তাহার উপর মাহুষে মারিলে মড়ার উপর খাঁড়ার ঘা হয়। মহারাজ আপনি নিয়ম করুন, যে যার পেটে কালির দাগ আছে, তাহাকে রাজ্যভবনের ত্রিসৌম্যর মধ্যে আসিতে দেওয়া হইবে না, তাহা হইলেই বিধাতার যজ্ঞগাটা আঁকু ধাকিবে না, হেসে খেলে সকল লোকেই আপনার জয়জয়কার করিবে। বাস্তবিক মহারাজ লোকের চরিত্র শোধনের যে উপায় করা হইয়াছে, তাহার পর ভদ্রলোককে এ দিকে ঘোঁষতে দিলে, আবার যাকে তাই হ'বে, লাভের মধ্যে স্থানটা ভালো। যে যথার্থ ভদ্রলোক, সে সহজেই এ মুখে হবে না! আর যে নামে ভদ্র, তার গহ্বরে অর্ধচন্দ্র-বিধান হইলেই সমস্ত নির্ভয় নিঃসংশয়।

রাজা বলিলেন,—বয়স, সুন্দর কথাই বলিয়াছ। কিন্তু লোকের স্বভাব আমি বিশেষ অবগত নহি, তাই একটা আশঙ্কা হইতেছে, আমার নামে ব'ম্ব ফুটিবে ত ?

পার্লিষদ নিবেদন করিল—মহারাজ বলেন কি ? ব'ম্ব ত ব'ম্ব আপনার নামে ভোপের শব্দ হ'বে, লোকের কাণ কালা পাল্লা

হইবে, দুই পড়শীর বাস্তিটায় ধুধু চরিবে, চারিদিকে হুলস্থল পড়িয়া যাইবে । মহারাজ আপনি রাজা, শাস্ত্রে বলে—

“মহতী দেবতা রাজা নররূপেণ তিষ্ঠতি ।”

অর্থাৎ কি না রাজা ত মানুষ নয়, দেবতা ; সংসারে কেবল লীলা-খেলা করিতেই আসা । তা আমি বুক ঠুকিয়া বলিতেছি, আপনার লীলার কেহ অন্ত পাইবে না ।

তাব পর এই নিয়মে রাজা ঘরকন্ন কহে লাগলেন, অতএব অংগাব কথটি ফুকল, নোটে গাছটি ইত্যাদি ।

দ্বী-স্বাধীনতা ।

কামিনী সুন্দরী বসু বিকাল বেলায় আফিস হইতে বাসায় আসিলেন । বৈঠকখানার বারান্দায় এক খানা চেয়ারে পা কুলাইয়া বসিলেন । তামাক সাজা ছিল, মেনকা খানসামানী আলবোলায় মলটা কামিনী বসুর হাতে তুলিয়া দিল, তিনি মুগ্ধমুগ্ধ ভাবে টানিতে লাগিলেন । এদিকে মেনকা সেই অবসরে জুতা যোড়াটা, মোজা যোড়াটা খুলিয়া লইল, চটা কুত্রা পরাইয়া দিল, গাউনের বন্ধ ছন্দ খুলিয়া দিল, দিয়া শাড়ীখানি হাতে করিয়া সমস্ত্রমে এক পাশে সরিয়া দাঁড়াইয়া রহিল ।

তামাকের আশ মিটিলে, কামিনী সুন্দরী বসু উঠিয়া দাঁড়াইলেন । শাড়ী খানি মেনকা নাড়াইয়া দিল, তিনি গাউন ছাড়িয়া শাড়ী পরিলেন । অন্তরের এক ছোড়া চাকর সেই সময়ে সগুণের উঠান দিয়া পুকুরের ঘাটে একটা গেলাস ধুইতে যাইতেছিল, কামিনী সুন্দরীকে দেখিয়া কোচার আঁচলটা মাথায় টানিয়া দিয়া মাথা হেঁট করিয়া চলিয়া গেল ।

স্ত্রী-স্বাধীনতা

কণকাল পরেই মুখ হাত ধুইয়া কামিনী সুন্দরী বসু অন্দরে প্রবেশ করিলেন। কামিনী সুন্দরীর যৎসামান্ত বাহির-ফটকা রোগ ছিল। তা থাকুক কিন্তু পরিবারের প্রতি তাঁহার অকর ছিল না। আকিসের কেবল রোজকারের টাকার অধিকাংশই বাটার ভিতর পিয়া দিতেন, আব সেই সময়ে দুটা খোসগল্প করিয়া দিবসের অবসাদ নষ্ট এবং অর্দ্ধাঙ্গের মন তৃপ্ত করিতেন। পিঞ্জরাবদ্ধ বিহঙ্গ তাহাতেই আশ্রমে অধীক।

কামিনী সুন্দরীর পরিবার একহার, গৌরবর্ণ, দিবা ফুটফুটে ছোকরাটি। তাঁহার সুন্দর ভ্রমবক্রম গৌক রেখাঙ্কের অবস্থা চাড়াইয়াছে বটে, কিন্তু এখনও লতাটিকা পড়ে নাই, হরিতালের কলাপে গালপাটা প্রকট হইতে পারে নাই, মাথায় আলবার্ট কাটা টেডি কোঁচার কাপড় অর্দ্ধাবৃত। পরিবারের নাম ভৈরব দাস, কিন্তু কামিনী সুন্দরী আদর করিয়া তাকে ভয়া বলিয়া ডাকেন। ভয়ী,—কামিনী সুন্দরী বসুর দ্বিতীয় পক্ষের সংসার।

দ্বিতীয় পক্ষের পরিবার সংসার যেন প্রবল হয়, মুখর হয়, প্রগল্ভ হয়, ভৈরব সেকপ নহেন। কামিনী সুন্দরী বসুর প্রথম পক্ষের এক কন্যা আছেন, কিন্তু ভৈরবের ব্যবহারে দেড়ী যে সপতীর বন্যা তাহা কেহ বুঝিয়া উঠিতে পারে না,—ভৈরব এমনি শাস্ত, এমনি সংস্বভাব, এমনি স্নেহময়। এ ছেন ভৈরবকে কামিনী সুন্দরী বসু ভাল বাসিবেন, ইহাতে আশ্চর্য্য কি? অজ দশ অঙ্কে দশটা হীরার আঙটা, হাতে চুড়ি, বালা, গলায় চিক, কোমরে সোণার চন্দ্রহার, আরও (নাম জানি না) কত কি অলঙ্কার সুকোমল শবীরের নানা অঙ্গে পরিয়া, জল ধাবারের খালা ক্ষম্মুখে সাজাইয়া রাখিয়া ভৈরবী বসিয়া আছেন, এমন সময়ে কামিনী সুন্দরী হাসিতে হাসিতে সেই স্থানে উপস্থিত হইলেন। আসনে বসিয়া কামিনী সুন্দরী বসু বলিলেন,—“কি ভয়ী;

আজ যে বড় বাহার দেখিচি ! শরীরটে বাঁধা দিয়েছি, প্রাণটা কেড়ে নিয়েচ, এখন কি নেবে ?”

ভৈরব ঈশ্বর লজ্জিত হইয়া, মূহু হস্তে ছুবন ছুলাইয়া ধীরে ধীরে বলিলেন—“প্রাণনাথিনি ! আমার বাহার ত তোমারই নিমিত্তে । আমার ষতদিন তুমি ভালবাসিবে, ষতদিন তোমার অংগুগ্রহ থাকিবে, স্তত দিনই আমার বাহার । এখন সাহস আছে, ভালবাস তাই এ বাহারও আছে ; বারণ কর, আর বাহারও করিব না ।” এই কথাঃ বলিতে বলিতে ভৈরবের চক্ষু যেন ছলছল করিয়া আসিল ।

কামিনী সুন্দরী তখনও আহারে প্রকৃত্ত হন নাই । তাড়াতাড়ি ভৈরবের মুখচন্দন করিয়া বলিলেন,—“ছি ছি ভয় । আমি কি তোমার মনে কষ্ট দিতে ও কথা বলুম ! রোজ রোজ, এমন সাজ-গোজ দেখি না, সেই জন্মেই রহস্য করে একটা কথা বলুম । তুমি আমার উপর রাগ করলে ?”

পত্নীর সোহাগে কোন সাধু পতির মন না গলিয়া যায় ? ভৈরব পরিহাসের গুর অবলম্বন করিয়া বলিলেন—“তোমার মন বুঝিবার জন্ত অমন করিলাম, তাহাও বুঝিলে না ! আজ ওবাড়ীর দাদা একবার দেখা করিতে চেয়েছেন, তাই মনে করেচি যে তুমি যদি বল, তবে একবার তাঁর সঙ্গে দেখাটা করে আসি” ।

কামিনী সুন্দরী বসুর ইচ্ছা নয় যে এমন সময়ে ভৈরব কোথাও যান । তিনি ভৈরবকে ভালবাসিতেন বটে, কিন্তু সে ভালবাসার স্বেচছা ছিল না এমন কথা আসিয়া বলিতে প্রস্তুত নহি । ভৈরবের কথার উত্তর না দিয়া কামিনী সুন্দরী বসু বলিলেন—“তোমাদের বৌয়ের স্বভাবটা বড় খারাপ হোয়ে যাচ্ছে । সে দিন হৃদয়াকিনীর বাড়ী নিমন্ত্রণে গিয়ে কি চলচালটে না করলে ? স্মার গুনচি যে যেচোবাজারে জীবনকালের বাড়ীও যাতায়াত

আরম্ভ করেছে; কেউ কেউ বলে তাকে বাঁধা রেখেচে। সত্য মিথ্যা ভগবান জানেন।” অল্প সময়ের পর জীবনকালের বাঁধাতে কামিনী সুন্দরী বসু এবং তাঁহার ইয়ারিনীদের যে মজলিস হইবার কথা আছে, তৈর্যকে তাহা আর বলিলেন না। হৃৎ পাছে তৈর্যব আপন দাদার মুখে কিছু ইঙ্গিত পায়, সে ভয়েও তিনি কথা চাপিয়া গেলেন।

তাহাতে কিন্তু তৈর্যব দাস বুঝিলেন না। দাদার সঙ্গে দেখা করিবার জন্য একটু পীড়াপীড়ি আরম্ভ করিয়া দিলেন।

পূর্বেই বলিয়াছি, কামিনী সুন্দরী বসুর মনে ঈর্ষ্যা ছিল; কেন, বলা যায় না, কিন্তু আজ সেই ঈর্ষ্যা সন্দেহে পরিণত হইল। ভাল করিয়া জল খাওয়াও হইল না, একটা বিশেষ কাজ আছে বলিয়া ওজর করিয়া কামিনী সুন্দরী বসু তাড়াতাড়ি বাহির বাঁধাতে আসিয়া উপস্থিত হইলেন। তিনি আসিবার সময় তৈর্যবের জল-ধারা তৈর্যবের কপোলদেশে স্তম্ভিত করিতেছে দেখিয়া আসিলেন; তাহাতে চিত্ত আরও উদ্ভ্রান্ত হইল।

পাঠ-প্রকোষ্ঠে বসিয়া কামিনী সুন্দরী বসু অনেক চিন্তা করিতে লাগিলেন; কিন্তু চিন্তার অবসান না হইয়া বাহ্যিক হইতে লাগিল। তখন সেই খানসামানী ম্যানকাকে ডাকিলেন। ম্যানকা মনের গতি জানিত, সুরাপূর্ণ ডিকার্টার, গেলাস, জল, বরফ সম্মুখে রাখিয়া দিয়া কথাটা না কহিয়া, আবার ঘর হইতে বাহির হইয়া গেল। ছুঁই লোকে বলে, মদ আনিবার সময়ে মেনকা এক গল্প আপন গলায় না দিয়া আনিত না, এক গল্পের আশঙ্কাতাই কথা কহিত না। কিন্তু সে ছুঁই লোকের কথা। সে কালে পুরুষেরা স্বাধীন ছিল, তখন বাবুদের খানসামারও এই অশব্দ শুনা খাইত।

তুই গেলাস মদ ক্রমে ক্রমে কামিনীসুন্দরী বসুর উচ্চরে পতিল, তাহার পর নিজ গুণে নিজ মূর্তি ধরিয়া তুই গেলাসই তাঁহার মাথায় গিয়া উঠিল ।

তখন কামিনীসুন্দরী বসু কয়েক বার দীর্ঘশ্বাস ছাড়িয়া, তাহার পর দস্তে দস্ত ঘর্ষণ করিয়া তথা হইতে উঠিয়া গেলেন । যাইবার সময়ে “জীবন কৃষ্ণ নাচে ভাল” এই কথা কয়টি অক্ষ-ক্ষুট স্বরে তাঁহার মুখ হইতে বিনির্গত হইল ।

চল পাঠিকে ! কামিনীসুন্দরী বসুর সঙ্গে সঙ্গে আমরাও যাই—(উচ্চরে ?)

চিঠির মুসবিদা ।

। সেকলে উকীলদের একটা খ্যাতি ছিল, এখনও অনেক জায়গায় আছে যে, তাঁহারা মুসবিদা করিতে অধিতীয় । হাল ধরণের উকীলগণ হাত পা নাড়িতে ভাল, নজীর দেখাইতে ভাল, কিন্তু বিদ্যা ঐ পর্য্যন্ত ; মুসবিদার ত তাঁহারা যম ।

পঞ্চানন্দ সেকলে । অগত্যা যাবতীয় সংবাদপত্র ও প্রবন্ধ-পত্রের সম্পাদকবর্গের অনুনয় বিনয়ে বাধ্য হইয়া, অনেক দিন ধরিয়া একখানি পত্রের মুসবিদা করিতে তিনি ব্যস্ত ছিলেন । সেই জন্ত কিছুকাল তদীয় দরজা বন্ধ ছিল, তোমরা তাঁহার স্মিচরণ-রাজি সন্দর্শন করিতে পাও নাই ।

পত্রখানি এখন প্রস্তুত । প্রত্যেক পত্রসম্পাদক সমীপে প্রেরণ করিতে হইলে বহু ব্যয়, বিলম্ব এবং বিড়ম্বনার সম্ভাবনা । তাই, নিম্নে মুদ্রাঙ্কিত করিয়া দেওয়া যাইতেছে । আবশ্যিক অংশ সম্পূর্ণ করিলেই কাজে লাগিবে ।]

মহামহিম মহিমাৰ্ণব ।

শ্রীলক্ষ্মীযুক্ত (নাম, এবং পুঙ্খ থাকিলে পুঙ্খের পরিচয় বসাইতে হইবে) মহোদয়

অসাধারণ ধীশক্তিসম্পন্ন

বরাবরেষু ।

সযোড়শস্ত সকাতির নবিনয় নিবেদনক বিশেষঃ ।

পরঃ মহাশয়ের মহারাজোন্নতি (অথবা রাজোন্নতি, রামোন্নতি, বাহাদুরোন্নতি, অভাবে বাহুন্নতি, যেখানে যেমন বসাইতে হয়) নিয়ত শ্রীশ্রীগবর্ণমেন্ট সমীপে প্রার্থনা করিতেছি, তাহাতে এদেশের এবং এ দাসের ঐহিক পারিত্রিক মঙ্গল জানিবেন ।

মহাশয় অনুগ্রহপূৰ্বক পরিগ্রহ স্বীকার করিয়া যৎকিঞ্চিৎ লেখা পড়া শিখিয়াছেন, তাহাতে বীণাপাণি বাগদেবী নিতান্ত উপকৃত এবং চিরচরিতার্থ হইয়াছেন, ইহা বলাই বাহুল্য । যে হেতু ভবদীয় লেখা পড়া শিক্ষা শুদ্ধ বদান্ততা মাত্র ।

কাজে কাজেই মহোদয়ের নামের জ্যোতিঃ ভূমণ্ডলের উত্তর মহাকেন্দ্র হইতে দক্ষিণ মহাকেন্দ্র পর্যন্ত বিকীর্ণ হইয়া পড়িয়াছে, দেশের তমোরাশি অপমৃত হইয়াছে । এখন সূর্য্যাদেব থাকিলেও চলে, না থাকিলেও চলে ।

আপনার গুণানুবাদ করি, এত শক্তি আমার নাই ।

আপনার সম্বন্ধে অত্যাঙ্কি অসম্ভব । বানরকে নাই দিলে মাথার উপর চড়ে । আমারও সেই দশা ঘটিয়াছে ।

বিলাসভোগই আপনার উপযুক্ত কাৰ্য্য । তাহা বিসজ্জন দিয়াছেন, দেখিয়া ভবদীয় শ্রীঅক্ষরসংযুক্ত পত্র (প্রাপ্তে বা অপ্ৰাপ্তে) মুঢ়বুদ্ধি অসমসাহসী স্বার্থাঙ্ক আমি সাহস বাধিয়া [বঙ্গদর্শন বা বাঙ্গল, সাধারণী বা সঞ্জীবনী এইখানে বসাইতে হইবে]

হইয়াছি। আপনার অসীম কৃপা, অসাধারণ সহিষ্ণুতা, সেই জন্য আপনি আমাকে সার্ব্বচন্দ্রে বিভাঙিত করেন নাই; অপিচ কখনও কখনও অতি সুদূর্লভ অবসর পাইলে মোড়ক খুলিয়া, মলাট তুলিয়া অভ্যস্তরে শুভ দৃষ্টি পর্য্যন্ত করিয়া থাকেন। এ আনন্দ প্রকাশ করি কাহার কাছে? এ গৌরব বোঝে কে?

কলে আপনি এবন্দ্রকারে আমার যে উপকার করিয়াছেন, তাহা জন্ম-জন্মান্তর ব্যাপিয়া শতমুখেও ব্যক্ত করা যায় না। এই সঙ্গে যদি আর একটু উপকার করেন—লুকের আশার নাকি সীমা নাই, তাই বলিতেছি—আরও একটু উপকার যদি করেন, তাহা হইলে আপনার অনুগ্রহে ঋণ-সাগরে আমি একেবারে তলাইয়া ঘাইতে পারি।

পাঁপিঠ কাগজ-বিক্রেতা অভ্যস্ত অর্থলোভী; মহাশয়ের মন ষোগাইবার অভিসন্ধিতে, সেই কাগজে ভবদীয় গুণ পরিমার বর্ণন করিবার নিমিত্ত আমি তাহাদের নিকট কাগজ লইয়া থাকি। কিন্তু এমন মহাব্রতের গৌরব তাহারা বোঝে না, তাহারা সর্বদা পেটের দায়েই অস্থির, হা অন্ন হা অন্ন করিয়া আমাকে বিব্রত করিয়া তোনে; তাহাতে একমনে মহোদয়ের গুণচিন্তনের ব্যাধাত হয়। বিধবী পাষও দণ্ডুরি কাটিয়া ছাঁটিয়া, বাঙ্কিয়া যুড়িয়া ভবদীয় অনুগ্রহ নাতে জন্ম সার্থক না করিয়া বেতন চায়। মহাশয়েরই পদসেবার জন্য শোষক রাজা ডাক হরকরাগিরি ব্রতাবলম্বন করিয়াছে অথচ টিকেট বিক্রয়চ্ছলে শোষকতা ছাড়িবে না। আর, কমা করিলে বলিয়া ফেলি, উদর নামে আমার যে এক শত্রু আছে, সেও মহাশয়ের কাজে বাধা দিয়া থাকে। বক্তৃতা করিয়া হউক, সভা করিয়া হউক, বিলাতে তৎপূত পাঠাইয়া হউক কিম্বা “পারিলে মন্দে” দরখাস্ত করিয়াই

দ্বিভে পারেন, তাহা হইলে মহামুভবের নিকট “বিনি মূনে” চিঠি-
বিক্রীত হইয়া থাকি।

বাস্তবিক শপথ করিয়া বলিতেছি, এই অন্তায় অন্তরায়গুলি না
ধাকিলে আমার [অমুক] পত্র প্রকাশ করিতে তিনমাত্র নিয়ম ব্যত্যয়
হয় না; এবং আপনার অকৃত্রিম সাহিত্যমুরাগ এবং স্বদেশবাৎসল্য
অপ্রতিহতভাবে লীলা করিতে পাঠিয়া জগৎ সংসারকে তোলপাড়
করিয়া তুলিতে পারে।

বক্তৃতা সভা ইত্যাদি বিষয়ে যদি আপনার নিতান্তই অমত হয়,
তাহা হইলে ভদ্রলোকের মত দামটা কেনিয়া দিলেও চলিতে পারে।
তাহাতে আমার ঘোর স্বার্থপরতা এবং নীচাশয়তা প্রকাশ পাইবে
স্বীকার করি, কিন্তু আপনার দোষ কি? না হয় মনে করিবেন, এ
কাগজখানাও সাহেব-চালিত ইংরেজী কাগজ, অথবা এ টাকা কয়টা
সাহেব-চালিত সংকল্পের টাকা, কিম্বা শুঁড়ী খাতার দেনা কিম্বা
ইত্যাদি। আপনার “ইত্যাদি” অনন্ত, আমি কি ভত জানি, না
প্রকাশ করিতেই পারি?

মহাশয়ের কুশলেই এখানকার কুশল। অধিক লিপি বাহুল্য।
নিবেদন ইতি।

দাসথৎ .

[নাম বসাই।]

অধ্যক্ষ [বা কাৰ্যনির্বাহক]

দেশভ্রান্ত যুবকের পত্র । *

প্রিয় মহাশয়,

যাহারা বিদেশে গিয়া থাকে, বঙ্গীয় সমাজে তাহাদের মান-কলঙ্ক রটনা করে, কিন্তু কি আশ্চর্য, আমাদের অর্থাৎ বিদেশ দর্শন-কারী যুবকগণের অপেক্ষা স্বদেশের মঙ্গল কামনা কে অধিক করিয়া থাকে? তবে যে আপনাদের সহিত আমাদের আচার ব্যবহার মেলে না, সে মহাশয়দের হৃদীণা। এ বিষয়ে অনেক দেখিয়া শুনিয়া আমি যাহা স্থির করিয়াছি, তাহা ক্রমে ক্রমে আপনাকে লিপিয়া পাঠাইব। ভরণা করি, আপনার ইহাতে উপকার হইবে।

আমার স্বরণ হইতেছে যে, এক বৎসরের সিদ্ধি বেশী হইবে আমি ভারতবর্ষ হইতে চলিয়া গিয়াছিলাম। কিন্তু সুখের বিষয় এই যে, এ পর্য্যন্ত আমি বাঙ্গালী ভাষা ভুলিয়া যাই নাই। ফলতঃ এ দেশের লোকের আচার ব্যবহার এ প্রকার অদ্ভুত যে, তাহা দেখিয়া আমি বিস্ময় সংবরণ করিতে পারি নাই; তাহার সবিশেষ উল্লেখ করিয়া বুঝাইয়া দিতে চাই।

গত ১লা এপ্রিল যখন আমি জাহাজ হইতে প্রিন্সেস ঘাটে নামিলাম, সেই দিন প্রথমেই এক অপূর্ণ দৃশ্য আমার চক্ষের উপর পড়িল। আমার সঙ্গ সরস্বতী জাহাজ হইতে নামাইবার জন্য বাহকের প্রয়োজন হইয়াছিল; বলিলে বিপদ রিবে না, কিন্তু সত্য সত্যই কতকগুলি কুকর্ষণ ঘনভা মনুষ্য—পকে জানিয়াছি ইগদিগকে কুলী বলে—খাটি উলঙ্গ হইয়া আমার সম্মুখে উপস্থিত হইল। কেবল তাহাদের কটী দেশে বোধ হয় তিন ফুট সাড়ে তিন ফুট অতি মলিন কাপড়

• বোধহিঁত আন্তি দ্বিসমর্ষ জ্ঞাপন করা যাইতেছে যে, এ হলে জ্ঞান অর্থে
কৃত্যমণ বোধবা ইতি।

পঞ্চমক।

জুড়ান রহিয়াছে, তাহার গন্ধ এখনও পর্যাস্ত আমার নাকে ঘুরিতেছে । তাহাদের পায়ে জুতা নাষ্ট, গায়ে কাপড় নাই, মাথায় টুপি নাই । যাহা হউক, কোনও প্রকারে আমার ঘনাকে জয় করিয়া তাহাদের সাহায্যে এক ঠিকা গাড়িতে আমার জবা সামগ্রী নমিত আমি অধিষ্ঠিত হইলাম । বিদেশে থাকিতে যে ভদ্রলোকের হস্ত আমাব পত্র লেখা-লেখি হইত, তাহার বাসস্থানের গুলিব নাম এবং নদর বলিয়া দিলাম কিন্তু চালক কিছুই বুঝিতে পারিল না । কিন্তু চালক কিকিৎ বাক্স-সেব প্রতিশোধ স্বরূপ—এদেশে ইহাও এক লক্ষ্য কাববার কথা, অধিকাংশ নোকেই, সম্মানযোগ্য বর্জন অবশ্যই আছে, বাক্সসে বড় অনুরক্ত—আমাব বন্ধুব বারী সস্তুখে আমাকে নামাইয়া দিয়া বাধিত করিল । আমাব স্মারক পুস্তকে তাহার নাম লিখিয়া রাখিয়াছি ।

বন্ধুকে দেখিবামাত্রই চিনিতে পারিলাম, কিন্তু এক কাল পরে দেখা হইয়া সে মূঢ় হইবে মনে করিয়াছিলাম, তাহার পরিবর্তে 'বসম ছুংগ হইল । বন্ধুও সেই কুলীদের জায় উন্নত । তবে তাহার কোমর হইতে পা পথ্য বসম বেশী টাকা ভেদান এ দিকে আবার কাপড় এত সূক্ষ্ম যে তাহার কথা কি বলিব, বতক্ষণ বন্ধুর নিকটে ছিলাম, একবারও তাহার দিকে পূর্ণ দৃষ্টি করিতে পারি নাষ্ট । বিডহনার উপর বিভঙ্গনা । আমাব বন্ধুর সচিত কথা বাত্বা করিতেছি এবং আমার সঙ্কোচের ভাব কোনও প্রকারে অশন্য করিতেছি, এমন সময় বন্ধুর দুইটা পুত্র সেই খানে আসিয়া উপস্থিত । একটার বয়সক্রম চারি ও পাঁচ বৎসরের মধ্যে, আর একটার আড়াই বৎসর । কিন্তু ভগদান জানেন, তাহাদের কাহারও গাত্রে যদি এক আস স্ততো থাকে অথচ যে পরিমাণ বত্মূল্য ধাতুজব্য তাহাদের শরীরে ছিল, তাহাতে আমি বিবেচনা করি যে, ইংলণ্ডের কোন এক বৃহৎ কোর্টার সমস্ত দরিদ্র লোককে বস্ত্রাকৃত করিতে পারা যায় । আমি আর সহ্য করিতে পারিলাম না,

উর্ধ্ব চলিয়া আসিলাম ! স্বদেশীয় স্বজাতি প্রভৃতি কথা উক্ত বটে, কিন্তু তাই বলিয়া শ্রীমতীর উপর, সত্যতার উপর, আক্রমণ করিবার অধিকার কাহারও নাই ।

বঙ্গদেশের ইতিবৃত্ত ।

মাসমান সাহেব লিখিয়াছেন, ভারতবর্ষের যে অংশে বাঙ্গালা লেখে এবং বলে, তাহাই বঙ্গ অথবা বঙ্গদেশ ।

এখন আর এ সংজ্ঞায় চলিবার যো নাই । যে বলিতে পারে, সে ইংরেজী বলে, কটু কাটব্য বলে, যাহা ইচ্ছা তাহাই বলে, কিন্তু বাঙ্গালা প্রাণান্তেও বলে না । আর যে বলিতে পারে না, সে ত মুখচোরা; তাহার ইহকাল নাই পরকাল নাই, চাকরি যোটে না, ব্যবসা ফলে না, স্তুরাং তাহার পক্ষে বাঙ্গালা অবাঙ্গালা একই কথা । আর বাঙ্গালা কেহ কেহ লেখে বটে, কিন্তু বড় একটা বিকাশ না । অতএব মাসমান সাহেবের আমল আর নাই, ইহা অগত্যা স্বীকার করিতে হইল ।

কলে ইহাতে তাদৃশ ক্ষতি বৃদ্ধি নাই, কারণ বাঙ্গালা না থাকিলে ও বাঙ্গালী উৎসবে গেলেও বঙ্গদেশ থাকিবে, এমত অবস্থায় তাহার ইতিবৃত্ত লেখা যাইতে পারে ।

বঙ্গদেশে এক্ষণে যে সফল মনুষ্য বাস করে, তাহারা ছই জাতিতে বিভক্ত; কতক পুরুষজাতি, কতক স্ত্রীজাতি ।

এই পুরুষ তিন শ্রেণীতে বিভক্ত । প্রথম রাজপুরুষ; দ্বিতীয় রোজকেরে পুরুষ, তৃতীয় কাপুরুষ ।

যাহারা হওহুওকারী, অসিচর্যধারী, ইজেনোভান-বিহারী, কেটন-
যান-স্বাধীন বঙ্গদেশের বাসিন্দা ।

যাশাস্ত্র আদিচর্মাধারী হইলেও শ্মিতবদন-বিক্ষণকারী, প্রাপ্ত পদ-কল্যাণে নরাস্তকরূপে কাষ্ঠাসন-বিহারী, অধম-জন-মনোভীতি-সকারী, মনোমোহন-গৌর-পদ-লেখন সুখ জন্ম সদা অহঙ্কারী—তাহারা অবশিষ্ট রাজপুরুষ ।

যিনি প্রশস্ত রমণীকুল মধ্যে কেবল গৃহীতে অমুরক্ত, গৃহীত তরু, জনক-জননী ভ্রাতা-ভগিনীতে বিরক্ত, শ্রালক-শ্রালিকা-কলে শাক্ত, যিনি বিস্তার রাজনীতি ক্ষেত্রে বিজাতীয় বড়তাপ্রসক্ত, দেশ সমেত লোক যজ্ঞন্ত উত্ত্যক্ত, শাক চচ্চাড় পরিবর্তে যিনি গো-মেঘ-মহিষ-মটন মুরগীতে আসক্ত, তিনি রোজকেরে পুরুষ ।

এই উভয় সম্প্রদায়কে আমরা বারবার নমস্কার করি ।

বাকী যাশারা বাজে নিষ্কর্মা লোক চাষ বাস করে, দোকান পসার করে, টেক্স দেয়, গালি খায়, তাহারা যেমন কাপুরুষ, আমরাও তক্রপ । অতএব ইহাদিগকে দূর করিয়া দাও । এই গলগ্রহ বহিতে হয় বলিয়াই রোজকেরেরা বাঙ্গালাকে স্বর্গে তুলিতে পারেন না । তন্ন চেৎ এতদিন বঙ্গদেশের স্বর্গপ্রাপ্তি, গয়াকৃত্য পর্য্যন্ত হইয়া যাইত ।

বঙ্গদেশে এখনও স্ত্রী-স্বাধীনতা প্রচলিত হয় নাই । সূজারা হাট বাজার করে সত্য, মহতীরা তীর্থভ্রমণ করেন সত্য ; কিন্তু মেজবউ বাড়ীতে চেয়ারে উপবেশন করিয়া কাব্য-রসাস্বাদন করিতে পারেন না, কোণের বউ গাত্রাবরণ উন্মোচন করিতে পারেন না, বিলাসিনী বারে বসিয়া থাকিতে পান না, মিত্র স্বজনের পাণি-পীড়ন করিতে পারেন না, চটুল চরণে নাচিতে পান না—তবে আর কোন মুখে বলিব স্বাধীনতা আছে ।

বঙ্গদেশে কি কি হয় ।

পর্যাপ্ত পরিমাণে ধাক্কা হয়, মধ্যে মধ্যে ছর্ভিক হয়, কানেক্কে ডাক্তার হয়, বাহিরে হাতুড়ে হয়, ঘরে ঘরে ম্যালেরিয়া হয়, বাসকের

বিবাহ হয়, বালিকার বৈধব্য হয়, কবি হয়, কাব্য হয়, আর মাথা মুণ্ড
যথেষ্ট হয়।

অস্তান্ত বিবরণ দ্বিতীয় চালানের সহিত পাঠান যাইবে।

ধর্মসিংহের নাম খাতাই :

০ না—ন খাতা—ই।

ইংকাল আছে, পরকাল—আছে, বেদ—আছে, বাইবেল—
আছে, কোরণ—আছে, আবেস্তা—আছে।

না—ন খাতা—ই।

খোল—আছে, করতল—আছে, নাড়া—আছে, নাড়ী—আছে,
ভেক—আছে, ভিখ—আছে, বোলা—আছে, কুলা—আছে, ২—
আছে, তামাসা—আছে।

না—ন খাতা—ই।

চসমা—আছে, ঝাড়—আছে, লঠন—আছে, কোট—আছে,
কুতীর—আছে, বালাগানা—আছে, মন্দির—আছে, দর্পণ—আছে।

না—ন খাতা—ই।

এক—আছে, অনেক—আছে, হরি—আছে, চৈতন্য—আছে,
ঈশা—আছে, মুসা—আছে, নাচ—আছে, গান—আছে, অন্দা—
আছে, স্বপ্ন—আছে।

না ন খাতা—ই।

পৌত্তলিকতা—নাই।

প্রভু-তত্ত্ব ।

প্রেরিত পত্র ।

• মান্তবর শ্রীযুক্ত পঞ্চানন্দ, মান্তবরেষু ।

প্রিয় মহাশয়,

আমি দেখিতেছি যে, বঙ্গদেশের এবং বঙ্গভাষার শ্রীবৃদ্ধি কল্পে আপনি অতিশয় যত্নপর হইয়াছেন । ইহাতে আপনি অবশ্যই ধন্যবাদার্থ, কিন্তু কি কি বিষয়ে বিশেষরূপে মনোযোগ বিধান করা উচিত, তাহার নির্মাচন করণে আপনার ভ্রম হইতেছে দেখিয়া আমি দুঃখিত হইয়াছি ।

রাজনীতি বিষয়ে আপনার হস্তক্ষেপ করিবার প্রয়োজন নাই; সে কার্যের জন্য অনেকগুলি সভা হইয়াছে; এবং তাহাদের দ্বারা প্রচুরের অতিবিক্রম কার্য হইয়াছে স্বীকার করিতেই হইবে । রাজনীতির আন্দোলন একজন বিলাসের বস্তু বলিলেও বলা যায় ।

বঙ্গের জ্ঞান ও আর চিন্তার কারণ নাই । যেহাৎ ধর্মের সংখ্যা এখন বাড়িতেছে, বোধ হয় একরূপ চললে, পশ্চিম ভারতবাসী একটা একটা পৃথক ধর্মের অনুসরণ করিতে পারিব, একজনকে অপরের ধর্মের ভাগ চাহিতে হইবে না ।

সমাজের কথায় ভদ্রলোকের থাকাই, আমার মতে অকর্তব্য । সমাজে এত বিভিন্ন প্রকার লোক আছে, তাহাদের মধ্যে এত বিভিন্ন প্রথা সকল প্রচলিত আছে, এবং সেই উপলক্ষে এত জঘন্য কার্য আচরিত হয়, যে, তাহাতে লিপ্ত হইতে গেলে ভদ্রের ভদ্র রাখা অসম্ভব । তবে আহার নিদ্রা প্রভৃতি প্রাকৃতিক কার্যাদি সম্বন্ধে কোনও উন্নতির বিধান করিতে হইলে অবশ্যই কচিং কখনও কিছু বলিতে পারেন ।

ভাষার এক মাত্র অভাব ভিন্ন অন্য কোনও অংশে খণ্ডিত পাঠ-
লক্ষিত হয় না। সে অভাবের কথা পশ্চাৎ সবিস্তার লিখিত হইবে।
এই দেখুন, ইতিহাস যথেষ্ট বোধ হয় এ মাসমানের ভারতবর্ষের
ইতিহাসের কিছু কম দশ বারো খানা অনুবাদ, চমুক, প্রমোদর
প্রভৃতি আছে। একটু হিসাব করিয়া দেখিলেই বুঝিতে পারিবেন,
যে ইংরেজী ভাষায় যত ইতিহাস আছে, বাঙ্গলা ভাষায় তাহার দশ
বারো গুণ বেশী ইতিহাস হইল।

কাব্যের ত কথাই নাই। কাব্য এখন ছাঁচে ঢালিয়া লইলেই হয়
কিহা কলে প্রস্তুত করিয়া লইলেও হয়। আদিরসে—প্রেম, প্রণয়িনী,
বিরহিনী; নবীন পল্লব; শিশির, নিশি; ককণরসে—ভারত, জননী,
নিদ্রা, সন্তান; বীভবৎস রসে— ছাই, ভস্ম; রোজ রসে—দাপট,
দাপট, মহাভৈরবী; মেঘগর্জন, শ্মশান; বীররসে—জাগো, উঠো,
—ইত্যাদি কয়েকটা কথা মনের আশুনে গলাইয়া ছাঁচে ঢালিয়া দিলেই
কাব্য, সুতরাং এ অংশে কিছু মাত্র অপ্রতুল নাই।

উপন্যাসেরও কল আছে; ইংরেজীর মাথা মুণ্ড কলের ভিত্তর
শুষ্টিয়া দিলেই খাসা খাসা উপন্যাস বাহির হইয়া আইসে।

নাটক আরও প্রচুর; যেখানে দেখিবেন দুই বা ততোধিক ব্যক্তি
এক উদ্দেশে সমবেত হইয়া হাসিতেছে, কাঁদিতেছে, দীর্ঘ নিশ্বাস কেলি-
তেছে এবং যে যাহার পারে বুকে ছুরি মারিঁয়া মরিতেছে, সেই-
খানে জানিবেন নাটক। দোকানে যেমন মূর্তী মূর্তকী, বাজালায়
তেমনি নাটক।

বিজ্ঞান, দর্শন, অর্থনীতি, নীতিশাস্ত্র প্রভৃতি কিছুই অভাব নাই,
যে সে পাড়াগাঁয়ের বাজালায় বিজ্ঞানালয়ে গিয়া দেখিবেন ৮।১০ বৎসরের
কচি ছেলের এ সমস্ত কণ্ঠ।

সুতরাং ভাষা বিষয়েও তাদৃশ কষ্ট পাইবার প্রয়োজন নাই। এক

কতক আছে যে বলিয়াছি, সে প্রকৃত সম্বন্ধে । প্রাচীন কথা যে সকল লুপ্তপ্রায় হইয়াছে, তাহার উদ্ধার করাই আবশ্যিক, তৎপক্ষে বন্ধ করাই মনুষ্যত্ব, তাহাতে নিরবচ্ছেদে লিপ্ত থাকাই মাহাত্ম্য । আমি এক জন প্রকৃত-ধোপ ।

এ সম্বন্ধে বহুতর প্রবন্ধ আমার লেখা আছে ; মধ্যে মধ্যে পাই-ইয়া আপনার উপকার করিতে আমি কৃষ্টিত নহি । এবার একটা পাই-ই, পত্রিক করিয়া বাধিত হইবেন ।

শ্রী: রা ।

পাঁচী ধোপানী ।

অশ্বকোর স্তম্ভের পূর্বে কি পরে পাঁচী ধোপানীর আবির্ভাব হয়, তৎসম্বন্ধে পণ্ডিতগণের মত-ভেদ আছে (১) । প্রসিদ্ধ চৈনিক পর্যটক হোয়েঞ্চ সাঙের পূর্বে কাম্বুজটকা-বাসী জিনকৃষিহা (২) যে সময়ে ভারতবর্ষে পরিভ্রমণ করেন ; তৎকালে পাঁচী ধোপানী জীবিত ছিলেন না, এরূপ অনুমান করা যাইতে পারে ; কারণ, জিনকৃষিহার গ্রন্থে তাহার নামের উল্লেখ নাই, দায়োদোরস সেকুলস (৩) এ কথা স্পষ্ট-রূপে নির্দেশ করিয়াছেন (৪) । ইহাতে অনুমান হয় যে, যীশুখ্রীষ্টের

(১) *Vide* Keith Johnston's Atlas; also, Ramayana, Vol. V. pp. 49 72, by j. Talboys Wheeler.

(২) *Vide* Gulliver's Travels, a voyage to the Houyhnhams, cap. VI, p. 199.

(৩) Diod. Sec. fase. IX leaf 320 ; মহাভারত শব্দার্থ-প্রতিভা, দশম অধ্যায়-অরোক্ষিণ শ্লোক ।

(৪) "Chiemikron charasso datur Jinkriska phaino masoa

জন্মের অষ্টাদশ শতাব্দী পুষে কিম্বা পরে (৫) পাঁচী ধোপানী জীবিত ছিলেন । পণ্ডিতবর বাবরের এই মত (৬) ।

প্রকৃতপক্ষে পাঁচী ধোবানী নামে কোনও ব্যক্তি ছিলেন কি না, অনেকে সে সংশয় করিয়া থাকেন । বন হম্বোল্ডট্ (৭) বলেন যে, উক্ত নাম পৌরাণিকদিগের কল্পিত ; মাংস-পুরাণে (৮) যদিও পাঁচী ধোপানীর নাম পাওয়া যায় সত্য, কিন্তু তাহাতে পাঁচী ধোপানী স্ত্রীলোক বলিয়া বর্ণিত আছে, অথচ ভারতবর্ষের প্রধান প্রধান নগরে পাঁচী ধোপানীর নামে এ পর্য্যন্ত স্থানের নির্দেশ দেখিতে পাওয়া যায় । ভারতবর্ষের আচার ব্যবহার বিষয়ে বিবেচনা করিয়া দেখিলে স্ত্রীলোকের নাম এতাদৃশ প্রকাশিত হওয়া অসম্ভব বলিয়াই স্বীকার করিতে হইবে । এতদ্ভিন্ন ভারতবর্ষীয় মহিলাগণ কেহ কখনও অবিবাহিতা থাকিতে পারেন নাই ; পাঁচী ধোবানী বিধবা স্ত্রীলোক বলিয়া অনুমান করিলেও তাহার নাম পাঁচী ধোবানী হইত । অজ্ঞাপি “দেব্যা” “দাস্যা” শব্দে ইহার প্রমাণ পাওয়া যায় ।

(৫) বারানসীস্থ পুস্তক, দ্রাবিড়ের মূর্ত্তয়ে স্বামীর হস্তলিখিত পুস্তক, Schlegel কর্তৃক মুদ্রিত Greek Recension, Ryehouse Plot by Titus Oates—এই সকল গ্রন্থ মিলাইয়া দেখিয়াছি, কিন্তু উল্লিখিত পাঠান্তরের সীমাংসা করিতে পারি নাই ; কোনও গ্রন্থে ‘পূর্ব্বক’ কোথায় ‘পূর্ব্ব,’ কোথায় পূর্ব্ব কোথাও বা পর লিখিত আছে ।

(৬) Barber's Ain-i-Akberi ; Ass. recherche Vol, 9—1 passim.

(৭) “Hlafden ver gottzgirjen moller grahferlunzig trmnstopkter. An Llandder vrost matod utan sulfra och die j phos phos,” —Tandstickor Hohenzollern, p. 99.

(৮) “পাঁচী পঞ্চাননী দশাঙ্গী । বিংশতশতাব্দীশৈক্যাংনী” মাংসপুরাণ, ১-ম পটল ১০ হুক্ত । অপিচ,—“পক্ষিকা পঞ্জিকা চৈত্যা-সম্বোধি বাসুদেবলক্ষিকা । গায়ত্রী ক্রৌঞ্চমালীনে নন্দাদৌ নিওযামিন” ইতি । বখৈদ, পঞ্চাশত্তম ব্রাহ্মণ ।

• ফ্রেডরিকো পেলিতি (৯) এতদ্বস্তু বলেন যে, মহাত্মার জন্মের পূর্বেবর্তীকালে স্ত্রীলোকের যথেষ্ট স্বাধীনতা ছিল; এরূপ বিশ্বাস করিবার ছুঁই ছুঁই কারণ আছে (১০)। নতুবা “স্বৈরিনী” “স্বাধীনভর্তৃকা” প্রভৃতি শব্দের সার্থকতা হয় না। পাঁচী ধোপানী প্রকৃতপক্ষে একজন মুসলমান ধর্মাবলম্বিনী রমণী, সেইজন্যই তাহার উপাধি পরিবর্তিত হয় নাই; বিশেষতঃ তিনি হিন্দুবিধবা হইলেও ‘ধোপানী’ শব্দের প্রয়োগ দৃষ্টে তদ্বিকল্প অনুমান করা সম্ভব হইতে পারে না। যে হেতু অধ্যাপক মোক্ষমূলর তাঁহা নিঃসন্দেহরূপে সপ্রমাণ করিয়াছেন যে “মিত্র” উপাধি ব্রাহ্মণদিগের হইতে পারে।

যাহাই হউক পাঁচী ধোপানী ছিলেন; তদ্বিষয়ে সন্দেহ নাই (১১) তবে তিনি স্ত্রী কি পুরুষ (১২) তাহা এত দীর্ঘকাল পরে নির্ণয় করা

(৯) Sezoine Italien Indiciy Frederico Peliti, “Ecosa standi vel pruchere chi mon fan fora lo e mulatto par suza in &c.” pp. 33’7

(১০) (a) “Cuu cogiture nos interpretationis Seluccæ adhuc sunt smilibaris tam tandro mutando non alientibur parlos: si dicunt inter rationes suum.” Don Giovanni Ecloga movum. (b) Ass. Res. Bom. 99’ MS. (c) M. Bardelot: “Une marionette per fenetre j’aillignolles &.” (Euvres. o.

(১১) শিশুবোধক, অসংগোদয় বিশ্বাস এত কোং দ্বারা মুদ্রিত ও প্রকাশিত, ৩৩৭ সংখ্যক ভবন, বটভাঙ্গা ৬ এই ঠিকানায় উক্ত করিলে পাইতে পারিবেন। ইতি মূল্য ১।।০ দেড় টাকা মাত্র।

(১২) “ন স্ত্রী স্বাভাবিকভিত্তি—মহু, ১০।১০ অপিচ “স্মিত্তিকভিত্তি: পুরুষত্ব ভাগ্যে মেঘে নক্ষত্রস্তি কুতো মহুচ্যা:”—বিবাহভা ৩৮, ৫ অধ্যায় ১৭ শ্লোক।

। অনেক জীবিত পুরুষকে হ্রীলোক বলিয়া ভ্রম হয়, এবং এ প্রকার হ্রীলোক হেঁথিতে পাওয়া যায়, যাহাকে সুশিত্তশুদ্ভ জ্যেষ্ঠ পিতৃ-কং বোধ হয় [১৩] ককতঃ পাঁচী ধোবানী-ভারবহনকম যোগ্যতর পণ্ডিতগণ এ তর্কের বীমাংসা করিবেন ।

পাঁচী ধোবানীর অস্তান্ত বিষয় সমগ্রাক্ষরে আলোচনা করিবার বাসনা রহিল ।

— র; রা ।

পরিচয় এবং প্রার্থনা ।

এখন দিন ছিল যে, পঞ্চানন্দ দেবতাদের সঙ্গে আসন পাইয়া, শুক ঠাকুরালী করিয়া, লোকের ঘাড়ে চাপিয়া স্বচ্ছন্দে দিনযাপন করিত । তখন হিন্দুমানির প্রকোপ ছিল, বুজুকীর আমল ছিল ; সুতরাং পঞ্চানন্দের তখন সুখ ছিল । এখন হিন্দুর বড় হৃদশা, হিন্দুমানির তলোথিক । অগত্যা পঞ্চানন্দ, ঘাড়ে চাপা দূরে থাকুক, মুকব্বীহীন চাকরীর ভিকারীর মত, এখন লোকের দ্বারস্থ । অতএব, হে দয়াময়, তোমরা পাঁচ জন পঞ্চানন্দ পানে, একবার মুখ তুলিয়া চাও ।

কি বলিলে ? “পাত্ৰাপাত্ৰ, বিচার না করিয়া ভিক্ষা দেওয়াতে অপকার ভিন্ন উপকার নাই” ?—এই তোমার কথা ? মুখে বলিতেছ বটে, কিন্তু তোমার মন একথার সাঘ দিবে না । কথাটায় যে তর্জমার গন্ধ বাহির হইতেছে; আর একবার বিবেচনা করিয়া বলা, দাতাকর্ণের বংশধর, অর্থাধি বিমুখ করিও না ।

• মন নরম হইল না? পরিচয় করিয়া আহার সক্ষম করিতে
বলিতেছ? না হয় সম্ভবতই হইলাম;—এ বয়সে কি পরিচয় করিব,
বলো? ব্যবসা করিতে পুঞ্জি চাই, চাকরী করিতে মুক্কাই চাই।
পঞ্চানন্দের হুয়েরই অভাব। অধিকন্তু বেখানে এক পুজা, সেখানে
তেরিশ কোটা দেবতা; একটা কৰ্ম্মখালি পাঁচশ উমেদার, এক ব্যবসা,
কাহণ দরে ব্যবসাদার। মুটে মজুরের অভাব নাই—দেশ শুধু
লোকই তাই। পঞ্চানন্দকে যদি তাহা করিতে বলো, সে শু একই
কথা হইল;—তোমাদের অর্থে হস্তারক হওয়ার চেয়ে তোমরা হাতে
জুলিয়া যৎকিঞ্চিৎ দাও, সেটা কি ভাল নয়? আর দশটা কুপোষা
ত তোমার আছে; জানিবে, পঞ্চানন্দ তাহার ভিতর একটা।

বাজে খরচ করো না? শুশ্রূপাড়ার ব্রাহ্মণকেও সে কথা এক
বার বলিয়াছিলেন। গল্পটা বলি। বাবুর একটা বৈ চক্ষু ছিল না,
কিন্তু সেরেসাদারী চাকরি করিতেন বলিয়া টাকা যথেষ্ট। বাবু এক
দিন কাছারি হইতে আসিয়া সন্ধ্যার সময় যথ হাত ধুইতেছেন, এমন
সময়ে শুশ্রূপাড়ার সেই ব্রাহ্মণ ভিকার্যে উপস্থিত। বাবু কিছু দিতে
মান না, ব্রাহ্মণও ছাড়ে না। “আমি বাজে খরচ করি না”—
শবে এই কথা বলিয়া বাবু তাহাকে নিরস্ত করিলেন এবং বিদায়
করিয়া দিলেন। পর দিবস সকালে ব্রাহ্মণ আবার গিয়া উপস্থিত ;
বাবু তখন লেখা পড়া করিতেছেন।

বাবু বলিলেন—“ঠাকুর, তুমি ত বড় বেলায়?”

ব্রাহ্মণ উত্তর করিল—“আজ্ঞে, তা’ না হইলে আপনার কাছে
নাগবো কেন? ভদ্রের কাছেই ভদ্র যায়”।

বাবু কিছু কষ্ট হইয়া পুনরপি বলিলেন—“কাল ত তোমাকে
লোহি, আমি কিছু দিব না, তবে মিছা আলাতন করো কেন?”

ব্রাহ্মণ। “আজ্ঞে দিবেন না, তা জানি; আজ সে জন্তে আসিও”

নি ; তবে, আর একটা কথাও নাকি কাল বলেছিলেন ; তাই জিজ্ঞাসা করতে এসেছি যে আপনার যদি বাজে খরচ নেই, তবে হুপাটা চসমা ব্যবহার করছেন কেন ?

বাবু অন্য উত্তর না দিয়া, একটা টাকা বাস্তবকে দিলেন । পঞ্চানন্দও তাই জিজ্ঞাসা করিতে ইচ্ছা করেন যে, বাপের শ্রদ্ধা করে না, অথচ স্বর্গীয় ডিঙ্গিল্ক সাহেবের পাথরের ছাত্তা চাঁদা দাও কেন ; আর এই যে দিনজান বাইজী সেদিন তোমার বাগান বাড়ীতে নেচে গেয়ে এতগুলো টাকা লইয়া গেলো—তুমি সমস্তাদি বিদ্যার অম্বরঙ্গী এবং পুরিপোষক ভাণ্ডার জানি—তবে সে যে এত বেশী পাইল, তাহা কি দিনজান গায় ভানো, সেই জন্ত, নাচে ভানো, সেই জন্ত, নাকি, দিনজান হচ্চে দিনজান, সেই জন্ত ? আরও জিজ্ঞাসা করি, সে দিন ম্যাড্ অক্স্ সাহেবের বাড়ী হুমি দেখা করিতে গিয়াছিলে, উত্তম ; তাহার পরদিন পেয়াদা খুঁটা, আরদানি বাবাজীদের এত ভিড় তোমার বাড়ী হইয়াছিল কেন ? তাহারা কিরিয়া বাইবার সময়ে তোমাকে দুব সেলাম আর মান সম্মান করিয়া গেল কেন ? ইত্যাদি ইত্যাদি সকল গুলাই স্তাঘ্য আর বুড়া পঞ্চানন্দ, কেবল সেই কি এত বাজে খরচের দলে পড়িল ?

”পঞ্চানন্দ চাও কি ?”

বাবু জয় হউক ! পঞ্চানন্দ হাতী চাও না, ঘোড়া চাও না ; চাও,—তোমরা পাঁচ জনে সুখে থাকো, আনন্দ কারো ; চাও, পাঁচ জনকে দেখিতে গুনিতে, পাঁচ জনে মিলিয়া মিশিয়া আমোদ আহ্লাদ করিতে ; চাও—পাঁচরকম বলিতে কহিতে, সুতরাং পাঁচটা কথা সহিতে ; চাও দশে পাঁচে দেখা করিতে, পাঁচটা করিয়া টাকা লইতে, চাও,—পাঁচ বাড়ী ঘুরিয়া ঘুরিয়া পাঁচটা লোক বাহাতে প্রতিপালন হয়, তাহার উপায় করিতে ।

তোমরা পাঁচ ইয়ার, পঞ্চানন্দ জানেন তোমরাই তাহার 'পাঁচো হাতি-
য়ার' পঞ্চানন্দের আশা ভরসা, বল বুদ্ধি, সকলই তোমরা ! তোমা-
দের জয় হউক ।

“পঞ্চানন্দ খায় কি ?

যস্যামান্ত !—পাঁচ জনের মাথা, পাঁচটা গালাগালি ! তবে অমনি
অমনি খায় না, বদান্যতা অর্থে ; পাঁচ জনকে না দিয়া খায় না !

পঞ্চানন্দের প্রতি পঞ্চানন্দের উপদেশ ।

“যাও উত্তম পুরুষ, সাবধানে যাও । ঐ যে দূরে, বহু দূরে
আলোক দেখিতেছ, উত্থাকে লক্ষ্য করিয়া যাও । পরচিত অন্ধকার,
তাহার উপরু দিয়া তোমার পথ ; বুঝিয়া, বুঝাইয়া চলিবে, কিন্তু লক্ষ্য
ভুলিও না, ঐ আলোক সত্য । তোমার শঙ্কা নাই ।

অন্ধকারে পাদ বিক্ষেপ করিতে হইবে, অতএব সন্তর্পণে চলিবে,
অতি কোমল ভাবে পদ সঞ্চালন করবে, দেখিও তোমার অস্থির পদ-
পলনে ক্ষুদ্র কীট যেন বিনষ্ট না হয় । সামান্ত বাধাকে বিষ মনে
করিয়া যথায় তথায় খজা উত্তোলন করিও না ; যাহা অধম, যাহা তুচ্ছ,
যাহাকে ঘৃণা করিলেই পর্যাপ্ত আত্মাবমাননা করা হয়, তাহার প্রতি
ক্রোধ প্রদর্শন করিও না । অসমানে যুদ্ধ সজ্জা করিও না, হৃৎকলকে
দয়া করিও, অজ্ঞানকে শিক্ষা দিও ।

নিভীক হৃদয়ে অগ্রসর হও । তোমার পথে বহুতর বিভীষিকা
আছে ; দণ্ডবিধি, মুদ্রণবিধি, প্রভৃতি কত মূর্ত্তি ধয়িয়া তাহারা তোমাকে
ভীত করিতে, লক্ষ্য ভ্রষ্ট করিতে চেষ্টা করিতে পারে ; কিন্তু ভয়
নাই । মহাব্রত উদ্‌ঘাপনের নিমিত্ত, দেবদত্ত মহাস্ত্র তোমার
হস্তে দিয়াছি ; বিবেচনা করিয়া প্রয়োগ করিলে সকল বিষ দুর্নী-

ছুত হইবে। যে পানী সেই তর করে। তুমি পানীর শান্তি বিধান করিবে।

তোবার যদি তর হয়, মার্জনা করিব। জানিয়া শুনিয়া পাপে নিশ্চ হও, পক্ষহেও প্রায়শ্চিত্ত হইবে না।” পঞ্চানন্দ মনোযোগপূর্বক উপ-বেশ গ্রহণ করিয়া বলিল—“হু, তা কি আর বলতে।”

সতী প্রমাদের কোণের বো।

[ষিনি ১৫ই বৈশাখের সোম প্রকাশের সঙ্গে বেরিয়েছেন।

[পাড়া-পড়শীর লেখা]

না মা, হুদ করেছে! তা' না হবেই বা কেন? সোয়ামীর ঐ নাই দেওয়া, ছোড়াদের ঐ মাথায় তোলা—যা হবার তাই হচ্ছে।

সোয়ামীকে দিবে সোম প্রকাশের ছাপার কাগজে কাঁহুনি গেয়েছেন। শুন্তে পাই যে মিন্‌সে সোম প্রকাশে লেখে, দে নাকি বুড়ে। তাই কি ছেলে বুড়ে সমান হ'তে হয়। লজ্জা করলে না, বুড়ে মিন্‌সে দেখলে না, শুন্তে না, তালিয়ে বুঝলে না—যে কথাটা কি? আর ঐ ছোড়ার ধোয়ায় ধোয়া ধবুলে? সত্যি বে নু, দেখে শুনে পেটের ভেতর হাত পা শোঁদিয়ে যাচ্ছে।

কোণের বউ! খাবার সময় খেতে পান না, শোবার সময় শুতে পান না, হেসে কথা কইতে পার্ন না, তেঁষ্টায় জলরস্তু চাইতে পান না! এমনি ছুঃখিনাই বটে, বাছার এমান কষ্টই বটে! এদিকে চাক বাজিয়ে দেশে দেশে পাওতী ননদের কুছোটুকু ত পাওয়া আছে! ভাতারের হাত দে ছুঃখের কাঁহুনী লিখিয়ে পাঠিয়েছেন। হু ড়িদের কি দড়ি

সোয়ামী রোজকরে, এক শ টাকা মাইনের চাকরে ; তাই বুঝি বুড়ো শাওড়ীর এত লাহনা ? পনেরো বছরের ছোড়ার বে দিয়ে ন বছরের বাঁহরী ধরে এনে মানুষ করেছে, তার সন্তিতে হ'লো ভাল। আজ যেনো তোবু সোয়ামী টাকার মুখ দেখছে ; এতকাল আপনার বুকের উপর দিয়ে মই চালিয়ে বিষ্টিকে বিষ্টি রোদকে রোদ মনে না করে' বুড়ে! মাগী যে জলের পোক মানুষ করে, তাও কি বৌকে কষ্ট দেবার জন্তে ? এখনও যে ছুবেলা উননে ফু পেড়ে মাগীর চোখ যাচ্ছে ভাতের তোলো নাবিয়ে নাবিয়ে হাতের ছাল যাচ্ছে, তাও কি বউকে যন্ত্রণা দেবারই জন্তে ? না—মা, আর বলব না, কটি বেছে কটে, আপান ঘরে নিয়ে যান, আপান চাকা দিয়ে রাখেন, সোয়ামী ঘরে এলে আপান চাকা খুনে দেন, সুখে বসে বসে' যতক্ষণ খাওয়া না হয়—ইটি খাও উটি খাও বলেন, কত গল্প করেন ;—বউয়ের কষ্টের কি সীমে আছে!

নন্দ ! ছার কপাল যে অমন বউয়ের নন্দ হয়ে' ঘরে থাকতে হয়, অমন ভাইয়ের বোন হয়ে বেঁচে থাকতে হয় ! কি করে সার্থ্য নেই সেই—কাচ্চা বাচ্চা দুটো আছে, কুনানের ঘরে ভাত পায় না—বাঁদীর মত খাতে, নাটাইয়ের মত ঘুরে, ছুবেলা ছু মুঠো ছাই পাশ খেয়ে ভাই-বউয়ের মন যোগাবে মনে করে। ত' অমন অভাগীর কপালে ও টুকি সুখই বা হ'বে কেন ? ও বউয়ের মন কে যোগাবে বলো ?

কোণের বউ ত কোণেরই বউ। সকাল সন্ধ্যা কোণেই আছেন, আকিস থেকে ঘরে এলেই, "সোয়ামীর আঁচল ধরে' বসে"—আকিসে যতক্ষণ,—বউ থাকতে পারবে কেন, লেখাপড়া শিখেছে কি না ? বউ চিঠি লিখছেন। শাওড়ী নন্দকে কখন মুখ ফুটে কথা কয় বলো ? কথা কইবার ফুরানু কে, লজ্জাশীলের বড় কষ্ট ! মরে' যাই অমন কষ্ট-বনের—লজ্জাশীলের—বালাই লইয়া যাবি !

কোণের বউ গেরস্তর কুটোটি কেটে হুখান করে যে উপকার হয়, তা কবুবেন না। তাই যদি কেউ বস্ত্রের আগুন লাগল, কেঁদে কেঁদে সোয়ামীকে দেখাবার জন্যে চোক করুণা করতে লাগলেন, মোয়ের পুতুল গলতে লাগলেন। ভেড়াকান্ড ঘরে এলে মা বোনকে ঝাটা লাধি ধাওয়াবেন তার উজ্জ্বল কোত্তে লাগলেন। কোণের বউয়ের মুখ ফোটে না; না ?

কুকুর হাঁড়ি খেয়েছে, তাই কোণের বউকে বকেছে। মরে' যাই ত' কি বলতে আছে ? শান্ত্রী রাখতে রাখতে জল আনতে গেছলো নন্দ কুটনো বাটনা করুছিল,—এমন ফাঁকে কুকুর আসবে তা বউয়ের দোষ কি ? কোণের বউয়ে তখন কোণে ছিলেন, নাটক পড়ছিলেন,—তিনি কি তাই ছেড়ে কুকুর তাড়াতে আসবেন না কি ? এও কি কথা গা ? এমন সোণার চাঁদ বৌ ঘরে এনে শান্ত্রীকে মবুতে হয়, নন্দকে বোরিয়ে যেতে হয় !

বউয়ের বউ ছুঃগ—সে বাকুর কাছে ছুঃগের কান্না কান্ডতেও পায় না, চাঁদলেই বা শোনে কে ? বটে ত। ভাগ্যা না বলতেই লিখিয়ে সোয়ামীর প্রাণ কেঁদে উঠেছিল, ছাপাওয়ালার বুকে শেলপড়ে ছিল,—সেই সব কথাটা বেকুল, নইলে ত এই গুন্ডের কান্নাই চাপা থাকত !

ও মা যাব কোথা ! বোউ যে গায়ের কাপড় খুলতে পায় না, এক সামান্টি কথা ? “শান্ত্রীপুরে কানাপেড়ে কলে চুড়িদার” এ সব কাপড় কি বউ গায়ে রাখতে পারে ? গেরেস্ত ঘরের মেয়ে কত গা ঢেকে ঢেকে বেড়াবে' বলো ? তায় আবার বাবু লিখেছেন—
যৌবন কাল। সন্তা বোন যৌবনেই যদি গায়ের কাপড় না ফেলতে পেলে, তবে আর এর পর গিন্নী বান্নী হয়ে' কেল্লেই কি, আর না কেল্লেই কি ?

যা হোক, আর বড় ভাবনা নাই, যখন মাথার কাপড় কেলে
খবরের কাগজ অবধি গ্যাছেন, তখন গায়ের কাপড় কেন্তে আর
বড় দেরি হবে না। ই্যা গা, অমন ডাগর ডাগর চোখ, তা' কি এক
ফোটাও লজ্জা থাকতে নেই ?

শেষ কথাই সার কথা,—স্বাধীন হয়ে, দেখে শুনে বে করতে হবে।
ভালো, স্বাধীন যেন হ'ল, শাওড়ো নন্দ যেন নাই রইল,—তখন
পিণ্ডি রেঁধে দেবে কে ? বউয়ের ছেলে ধরবে কে ?

শোন বাছা, রাগই করো আর রোষই করো, আমাদের দিন দুখে
সুখে কেটে যাবে, যখন তিন কাল গ্যাছে এক কালে ঠেকেছে,
তখন যাবেই যাবে—কিন্তু তোমাদের রীতি চরিত্রের বড় ভালো
বোধ হচ্ছে না। তোমাদের কপালে দুঃখ আছে।

পূজনীয় শ্রীশ্রীপঞ্চানন্দ ঠাকুর

শ্রীচরণসরসীকুহরাজেষ ।—

অবনত-মস্তকে, যোড়হস্তে, নিবেদনমিদম্

আমার অন্তঃকরণে বিসম এক সন্দেহ উপস্থিত হইয়াছে : তাহার
নিরসন করে, মানুষের এমন সাধা আছে বলিয়া আমার বিশ্বাস
নাই ; সেই জন্তু আপনার কাছে হত্যা দিতে আসিয়াছি।

বহুকাল হইতে শুনিতে পাই যে, অনেক বাদশাহীর ছেলে বারে-
ষ্টর হইবার জন্তু কিম্বা সিবিল হইবার জন্তু বিলাত গিয়া থাকেন।
আমি পাড়ার্গেয়ে লোক, বিশেষ জ্ঞানি না, কিন্তু তাহাদের মধ্যে
এক এক জনেরও কিরিয়া আসা সংবাদ আমি পাই নাই। তাহার
পর অত্যন্ত উৎকণ্ঠিত হইয়া সস্ত্রাতি আমি কলিকাতা গিয়াছিলাম।

কলিকাতার লোক বড় রহস্য-প্রিয়, ভাল মানুষ, পাড়ার্নেয়ে পাইলেই তাহাদের আমোদস্পৃহা বড়ই চাপিয়া উঠে । আমি ইতস্ততঃ অল্প-সন্ধান করিতে করিতে কতকগুলি কলিকাতা-বাসী—আমি প্রথমতঃ তাহাদিগকে ঠকের হাটে ভদ্রলোক মনে করিয়াছিলাম—আমাকে বলিয়া দিল যে বড় আদালতে যাও, কেবল বাঙ্গালী অনেক দেখিতে পাইবে । লুক আশ্বাস সহজেই প্রতারণিত হয় ; আমিও প্রতারণিত হইলাম ।

বড় আদালতে আসিয়া যাহাকে দেখি তাহাকেই ধরিয়া বাস, মহাশয় কি বিলাত গিয়াছিলেন?—সকলেই বলে—না । পরিচয় লইয়া বুঝিলাম কেহ উকীল, কেহ মোস্তাফিজ, কেহ কেরানী, কেহ আমলা ইত্যাদি ; কিন্তু বাঙ্গালী বাবুদের কিছা দিবিল একটাও দেখিলাম না ।

হতবাস হইয়া, ক্ষুধাচিত্তে কিরিয়া আদিব মনে করিতেছি, এমন সময়ে একজন জুয়াচোর—সবই জুয়াচোর—আমার বিমর্ষতাবের কারণ জিজ্ঞাসা করিয়াছিল । এমন আরও পাঁচ সাতজন জিজ্ঞাসা করিল, কিন্তু আমি মামলা করিতে আসি নাই শুনিয়া, তাহারা স্বিকৃতি না করিয়া চলিয়া গেল । কিন্তু এ লোকটা চেহারা যেন কতই ভদ্রলোক—বেটা পাঞ্জি পাষণ্ড!—এ লোকটা, একটা কালো কালো, ছোট খাটো, সাহেব আমাকে দেখাইয়া দিয়া বলিল—এ দেখো, বাঙ্গালী বাবুদের । সহসা বিশ্বাস হইল না, কিন্তু পরকণেই মনে হইল, হইতেও পারে, আমি পাড়ার্নেয়ে মানুষ, হয় ত এ সরগরম আদালতে আসিয়া দিশাহারা হইয়া মানুষ চিনিতে পারিতেছি না ।

তথাপি সেই লোকটাকে আর একবার জিজ্ঞাসা করিলাম ; সে চটিয়া বলিল, তুমি কোথাকার পাগল ! তেঁয়াকি আমি মিথ্যা সন্নিহিত । একটা অপ্রতিভ হইলাম, কারণ বুকের উপর খোঁটা দিলে

সকলকারই গারে লাগে, তাহাতে সে ত একবারে পাগল বলিয়া কেলিল । লোকটা ত এই বলিয়া হানাজুরে গেল । আমিও, আর অপদস্থ হওয়া উচিত নহে, মনে করিয়া, সাহসে ভয় করিয়া এক-বারে গিয়া সাহেবের সম্মুখে উপস্থিত ।

বলিলাম, কাবু আপনি কি—? আর বলিতে হইল না । বাপু রে বাপু! সে রক্ত চক্ষু, সে ক্ষয়িত নাসারক্ত, সে কম্পিত গুঠাধর, সে কুঞ্চিত কপাল,—যদি ইহার এক বর্ণ কখনও ভুলি, তবে গোরক্ত, ব্রহ্মরক্ত । তাহার পরে, সেই নিশীড়িত-দন্তপণ্ডিত-বিনিঃসৃত—‘চিপ্‌র্যাসীএ’—আর ত বুদ্ধিতেই পারি নাই, প্রথম চোটেই কথা, তখনও পুরা অচেতন হয় নাই, তাই একটু একটু মনে আছে—আর সেই মদগন্ধ ব্যালোল হৃদয়মর্ষ-স্থল-বিদারী স্বর—সাহেবদের গলা কি বস্ত্রে গড়া?—তাহার পর যাহাতে চেতন পুনঃ প্রাপ্ত হইলাম, সেই পলাতনবাসমোদিত নেড়ের সেই করলাহিত, অস্বপ্নীকার শোভাকারী সেই অর্ধ চন্দ্র; ইহার বিদু বিসর্গ যে ভুলিতে পার, তাহার অন্নপ্রাপনের প্রথম গ্রাস বিস্ময়কিত হউক ।

চেতন পুনর্লাভ করিয়া আমার বিকলীকৃত ইন্দ্রিয়গ্রামকে পুনশ্চ আয়ত্ত করিয়া লইতেছি, এমন সময়ে সেই ধূস্র আবার আসিয়া উপস্থিত । আমি তখন রাগে আপাদমস্তক থরথরায়মান, নহিলে কথা কহিয়া তাহাকে চপেটাঘাতই করিতাম । কিন্তু হস্ত পদ তখন অবশ, স্মৃতরাং কি করি, তাহাকে বলিলাম, ভালো বাপু ভালো, এখনও এক পোয়া ধর্ম আছে, চন্দ্র সূর্যের উদয় হয়, তোমার এই কাজটা কি উচিত হইয়াছে? ভালো সাহেব যদি বাঙ্গালী হন, তবে উহার নামটা কি?

বেহারী অন্নান বদনে বলিল—ছি ছি ভুস্! তবে রে-পাষাণ্ড, এই তোমার বাঙ্গালী!

এই প্রহারের সময় উপস্থিত হইয়াছিল, কিন্তু তখন সে পলাই-
 ন্ধে । একাকী ধৈর্যাবলম্বন করিলাম, কুর্কিলাম যে সেও একটু
 রহস্য করিয়া থাকিবে ।—কিন্তু, হঠক, এমন রহস্যও কি করিতে হয় ?
 কলিকাতার মাটিকে দণ্ডবৎ !

ঠাকুর, এক রকম স্থির করিয়াছি যে, কেহ কিরে না । তথাপি
 বাঙ্গালীর বাঙ্গালীর জন্ত প্রাণটা না কি কান্দে, আপনাকে জিজ্ঞাসা
 করি, কেহই কি কিরিতে পায় না । ঐ যে ঠাকুরমার কাহিনী
 শুনিলাম, কোন দেশে পুরুষ গেলে ভেড়া করিয়া দিত, এ কি
 তাই ? দেখাই ঠাকুর, সেবকের আদাশ অবহেলা করিবেন না ।

ভৃত্যবৃত্ত্য

শ্রীশ্যামসুন্দর

[পত্র প্রেরক ভ্রমে পতিত হইয়াছেন । চৈতন্য চরণ দাস মহাশয়
 স্বার্থই বাঙ্গালী এবং স্বার্থই ব্যারিষ্টার ।]

দেপাড়ার: (১) লক্ষ্মী (২) বৈষ্ণবী ।

[আজি কালি ঐতিহাসিক উপন্যাসের কিছু বাড়াবাড়ি, ছড়াছড়ি
 বলিলেও বলা যায় । পঞ্চানন্দের কাছে পুরাতনের আদর নাই !
 ঠাহারা হাল বাবু, পেটরোগা, ঠাহারাই নৃতনকে ভয় করেন, নবান্ন
 ঠাহাদের পেটে সয় না ।

এই প্রবন্ধের লেখক প্রাচীন লোক, ইনি বাল্যকালে ঠাকুরদের
 দিয়া দুইসের নৃতন চাউল উদরস্থ করিতেন এবং তাহাতে কাভর
 হওয়া দূরে থাকুক, ফাতি বোধ করিতেন ।

(১) দেবপত্নী—পৃথিবী । (২) ভরতভূমি ।

সেই জন্তু আদরের সহিত তাঁহার এই নূতন প্রাণীর নূতন প্রবৃত্তি পঞ্চানন্দ গ্রহণ করিলেন। এ প্রকার প্রবৃত্তির নাম ঔপন্যাসিক ইতিহাস। ষাঁহাদের অকৃতিকর হইবে, তাঁহারা ডাক্তার না থাকিয়া ইহা পাঠ করিতে প্রবৃত্ত না হন—পঞ্চানন্দ।]

প্রথম পরিচ্ছেদ ।

লক্ষীর পরিচয় ।

লক্ষী বৈষ্ণবী অনেক কালের মানুষ, তবু কিন্তু সকলের চক্ষে এখনও বুড়ী হইল না। লক্ষীর বয়সী একটি প্রাণীও দেপাড়াই নাই, তবু কিন্তু লক্ষী দেখিতে শুনিতে এখনও এমন যে, কেমনও কোনও ঘোড়নাকে ফেলিয়া লক্ষীর দিকে আপনার আপনি নজর যায়।

এ লক্ষীর পরিচয় জানিতে কাহার না ইচ্ছা হয়? লক্ষী নিজে কাহাকেও জাহ্নু-পরিচয় বলে না (১); দেমাক টুকু আছে বলিয়াই মাগি এখনও হেলিয়া ছলিয়া চলিয়া যায়। অন্ত কেহ হইলে, কি এমন দেমাক না থাকিলে, এ বয়সে শ্মশানে তাহার অস্থি খুঁজিতে হইত। লক্ষীর পরিচয় ইহার উহার মুখে শুনা। কথাটা নাকি বড়ই কৌতুহলের, তাই অনেক যত্নে সংগ্রহ করা হইয়াছে।

লক্ষী ভগবান্ বিশ্বাসের মেয়ে। বিশ্বাস বহুতর জাতি হইতে পারে, সুতরাং নানা লোকে নানা জাতি বলিয়া পরিচয় দেয়; কেহ বলে ভগবান্ আছে, কেহ বলে নাই। তাহার বাড়ী কোথায়, কেহ নিশ্চিত করিয়া বলিতে পারে না।

ভগবানের অনেকগুলি মেয়ে, সবগুলি প্রায় আমাদের লক্ষীর মত; তবে দু'চারজনু স্বামীর ঘর করিয়াছে, এরূপ শুনিতে পাই।

(১) ভাষ্যত্বর্বে “ইতিহাস নাই।

কিন্তু ভগবানের পরিচয় দিতে বসি নাই, তাহার অস্ত্র যেহেতু সঙ্কেও আমাদের কথার সম্পর্ক নাই, সুতরাং সে সব কথা আর তুলিয়াও কাজ নাই।

লক্ষ্মী রূপে অধিতীয়া, যাহারা রূপ দেখিয়াছে, রূপের বিচার জানে, তাহারাই বলে, লক্ষ্মীর মত রূপ কখনই কালে কাহারও ছিল কি না, আছে কি না, সন্দেহ। বিবাহের আগে লক্ষ্মী বাঁপের বাড়ী হইতে বাহির হন; অনেক সোণা রূপা, মণি মুক্তা লইয়া বাহির হন। বাহির হইয়া, সে বিস্তব লইয়া, সে অতুল সৌন্দর্য্য লইয়া, লক্ষ্মী আসিয়া দেপাডায় বাস করিলেন; অধিক দিন যাইতে না যাইতে লক্ষ্মী ভেক লইলেন, বৈষ্ণবী হইলেন।

লক্ষ্মীর রূপ ছিল, দেয়াক ছিল, খাবার ভাবনা ছিল না। কাজে কাজেই লক্ষ্মী প্রথম প্রথম অমুগ্রহের সহিত সদাশ্রিত বসাইলেন। গোটা কতক বাদর—যে প্রকার শুনা যায়, তাহাতে সে শুলাকে মাঝে মাঝে ইচ্ছা করে না—লক্ষ্মীর প্রসাদ-ভোগী হইল। বাদর শুলা খায় দায়, নাচিয়া বেড়ায়; কিন্তু মুক্তা মালা বাদরে চিনিবে কেন? লক্ষ্মীর মর্শ্ব তাহারি বুঝিল না। পেটভরিলেই সন্তুষ্ট, সুতরাং তাহারি যেমন বাদর তেমনই রহিয়া গেল। লক্ষ্মীরও প্রাণ চটিয়া গেল।

একটা কথা এখানে বলিয়া রাখা উচিত। আজি কালি চরিত্র বলিলে আমরা যাহা বুঝি, সে অংশে লক্ষ্মীর কখনও কোন নিন্দা দ্বানি শোনা যায় নাই। এখন, মিথ্যা কথা না বলিলে যাহার জন-গ্রহণ হয় না, পরের মন্দ না করিলে যাহার দিন বৃথা যায়, এমন লোকের কথাতেও চরিত্র দোষে উল্লেখ পাওয়া যায় না; অথচ এক ব্যক্তি লক্ষ সৎকর্ম করিয়া, অপরাধের মধ্যে হাসিয়া খেলিয়া বেড়াইলে স্বান কালের সন্দেহ করিয়া তাহার চরিত্র মন্দ বলা হয়। এখনকার অধিধানে দেক লইয়া চরিত্র, অস্ত্রাচার সঙ্কে চরিত্রের সম্পর্ক নাই।

এই চলিত অর্থে বলিয়া রাখিতে চাই যে, লক্ষ্মীর চরিত্রে মন্দ বলিয়া কখন শোনা যায় নাই; লক্ষ্মী আমোদ প্রমোদ ভালবাসে, লক্ষ্মীর ভ্রাতৃত্ব বিচার নাই, লক্ষ্মী কুলভ্যাগিনী, অনুগ্রহ-পাত্রকে লক্ষ্মী সর্বদা দিবে, কিন্তু যাহা হইলে এখন চরিত্রে দোষ দেয়, তাহাতে লক্ষ্মী কখনই নাই। লক্ষ্মী ঐ এক রকমের লোক। যাহা বলিলাম, তাহাতে অনেকেই লক্ষ্মীর দোষ আর দেখিবেন না; কিন্তু আমাদের মতে লক্ষ্মী হুঁচারত্রা। দোপাড়ার পূর্বাংশে অচ্যুত (১) নামে এক ব্রাহ্মণ তনয় ছিল; অচ্যুত দেখিতে দিবা সুন্দরী, কিন্তু তাহাদের অবস্থা তত ভাল ছিল বলিয়া বোধ হয় না। লোকে বলে অচ্যুত কেবল হোহো করিয়া গুলিভাঙা খেলিয়া বেড়াইত।

অচ্যুত এক দিন লক্ষ্মীকে দেখিল; লক্ষ্মীকে দেখা, আর লক্ষ্মীর কুহকে পড়া, একই কথা। লক্ষ্মীরও তখন মন ধারাপ হইয়াছিল, আকার ইঙ্গিতে লক্ষ্মী অচ্যুতকে প্রসাদ দিবে, এইরূপ জানাইল। দুই ইয়ার সঙ্গে অচ্যুত লক্ষ্মীবাড়ী আসিয়া উপস্থিত। একবার যিনি লক্ষ্মীর বাড়ী পদার্পণ করিলেন, তাহার কিরিয়া যাওয়া অসম্ভব। অচ্যুত রাহিয়া গেলেন। তাহার ইয়ার রাম সিং (২) এবং বেপেদের হুসা দত্ত (৩) ইহারাও রাহিয়া গেল।

অচ্যুতের আমোদ আর ধরে না; ক্ষুধি দেখে কে? তাহার বিশ্বাস যে, লক্ষ্মীকে শু হস্তগত করিয়াছি, আর আমায় পায় কে? এ বাড়ীর কর্তাই এখন আমি। এই ভাবে মত্ত হইয়া বাড়ীর বাদর-গুলার উপর অচ্যুত ধুমধাম আরম্ভ করিল; সেগুলো থাকিলে আমোদের একচেটে হইবে না, বাধা বাধা হইবে, কি বাঘাত হইবে মনে করিয়া অচ্যুত শেষে তাহাদের মারা ধরা আরম্ভ করিল। কেহ কেহ

আর সহ্য করিতে না পারিয়া শেষে পলাইয়া গেল ; কতকগুলো নিতান্ত অন্ন-দাস, লক্ষ্মীর বাড়ীর মায়াও ছাড়িতে পারে না, প্রহাবও সহিতে পারে না, কাঁদিয়া গিয়া লক্ষ্মীর নিকট উপস্থিত । পূর্ব্বে মনে করিয়া লক্ষ্মীর একটু হুঃখ হইল, একটু দয়াও হইল, অথচ বাদরগুলার উপর একটু বিরক্ত ছিলেন বলিয়া লক্ষ্মী বলিলেন,—“দেখ আমি কি করিব ? ভাল মানুষের ছেলে, ওরা এসেছে, আমি ত আর ওদের কিছু বলিতে পারি না ; যদি মিলে মিশে ওদের হাতে পাবে ধরিয়া থাকিতে পারি সুখ ।”

কাণা কুকুর, মাড়ে তুষ্ট ; ইহা বা তাহাতেই সম্বন্ধ । লক্ষ্মীর দৃষ্টি-পথের বাহির 'না হইতে হইলেই ইহাদের পর্যাপ্ত লাভ বিবেচনা করিয়া ইহারা অচ্যুতের পায়ে পড়িল, অনেক কাকুতি মিনতি করিয়া কাঁদিতে লাগিল । অচ্যুত ভাবিয়া চিন্তিয়া দেখিল যে, ইহাদিগকে চাকর করিয়া রাখা মন্দ নয় ; খাইতে খাইবে লক্ষ্মীব, খাটবে আমাদের ! এই ভাবিয়া ইহাদের সঙ্গে পরামর্শ করিয়া, তাহাদিগকে থাকিতে বলিল । তাহারাও কৃতকৃতার্ণ হইয়া রহিয়া গেল ।

দেপাড়ার লক্ষ্মী বৈষ্ণবী ।

দ্বিতীয় পরিচ্ছেদ ।

বাদরগুলার সঙ্গে যখন এত রকম রক্ষা রক্ষিণ হইয়া গেল, ঘরাও হাঙ্গাম যখন এই প্রকারে চুকিয়া গেল, তখন অচ্যুত সুখের নেশায় ভোর হইয়া আমোদের রগড়ে দিন রাত্রি সমান করিয়া তুলিল । অচ্যুত আপনি কিছু করে না; আর ইয়ারদেরও কিছু করিতে দেয় না; সেই পোষমানা বাদরগুলো, শুক, পাতা,

কল, মূল, যাহা আনিয়া দেয়, পৌকথেজুরের মত তাহাই খার দায়, আর পড়িয়া থাকে ।

লক্ষ্মী দেখিলেন বেগতিক । ভাল মানুষের ছেলে জানিয়া যাহা-
দিগকে স্থান দিয়াছেন, তাহারা এমন অকস্মা হইয়া পড়িলে, শেষে
তাহারাও যে বাদর হইয়া যাইবে, লক্ষ্মী সহজেই ইহা বুঝিতে
পারিলেন । বাস্তবিক, নিষ্কস্মা লোক উৎসরে যাইবার পথে সর্বদাই
যেন বোচকা হাতে করিয়া পা বাড়াইয়া দাঁড়াইয়া থাকে । বাহার
হাতে কাজ থাকে, সে নষ্ট হইবার অবসর পায় না । এই সকল
বিবেচনা করিয়া একদিন আহারান্তে লক্ষ্মী সবলকে ডাকিয়া বলিলেন
—“দেখ অচ্যুত তোমাকে আমি বড় ভাল বাসি; কিন্তু তোমার
স্বভাব চরিত্র যে রকম হইয়া যাইতেছে, তাহাতে আমার মনে ভয়
হইতেছে পাছে তোমার সঙ্গে আম র পোট রাখা না চলে । এমনভর
করিলে চলিবে কেন ? আমি তোমাকে পরামর্শ দিই—রামসিং, হলা-
দত্ত প্রভৃতি সকলকেই পরামর্শ দিতেছি যে, তোমরা একটু ভদ্র হও;
একটু আদব কায়দা শিখ” । এই বলিয়া একটু চুপ করিয়া থাকিয়া,
লক্ষ্মী আবার বলিল—“আমার বাড়ীতে তোমাদের স্থান দিয়াছি;
যদি এখানে থাকিয়া তোমাদের চৈতন্য না হয়, দশজনে তোমাদের
সুখের কথা না জানিতে পারে, অন্য বাড়ীর লোকে যদি তোমাদের
একটু হিংসাই না করে, তাহা হইলে আমার নামে কলঙ্ক হইবে, আর
এখানে তোমাদের আশ্রয় দেওয়াই বৃথা হইবে । লোককে সুখে
রাখিতে আমার মত কে জানে ?

লক্ষ্মীর যে বড় দেমাক ছিল, লক্ষ্মী যে কেন ঐত হেলিয়া হুনিয়া
চলিতে ভালবাসিত, তাহা এখন বেশ বুঝিতে পারা গেল । অচ্যুত
এবং তাহার সঙ্গীরাও বুঝিল; বুঝিয়া ভয়ে ভয়ে লক্ষ্মীকে কৃতজ্ঞতা
করিল—“তুমি যাহাতে সুখে থাক, যাহা করিলে তোমার নাম পসার

খুব জারি হয়, তাহা করিতে কবে আমরা কুণ্ঠিত হইয়াছি, তুমি যাহা বলিবে, তাহাই করিতে আমরা ত প্রস্তুত আছি। তোমার বাগান ছাড়িয়া দিয়াছ, তোমারই লোকজনে এটা সেটা আনিয়া আমাদের দেয়; আমরা তাই খাই দাই, ঘুমাই। তবে আর আমাদের দেব কি ?”

লক্ষ্মী একটু অপ্রতিভ হইল, হইয়া বলিল—“কুণ্ঠ হইও না, তোমাদের ভালর তরেই আমার বলা। তু এত দিন যাহা করিয়াছ, তাহা আমার অমতে কর নাই, ভালই করিয়াছ; এখন আবার যাহা বলি, তাহাই কর; তাহা হইলেই আমার রাগ হুঃখ কিছু হইবে না। আমার ইচ্ছা, আমার অনুরোধ যে তোমরা সকলেই বিবাহ কর, সংসারী হও। আর অচ্যুত, তুমি একটু লেখা পড়া শিখিবার জন্ত যত্ন কর; রামসিং বাড়ী ঘর দুয়ার দেখুক শুধুক, কর্ণক করুক, গোর ডাকাইত আসিয়া উদ্ভব করিতে না পারে, সে ভারও গ্রহণ করুক; হলাদত্ত দোকান করিয়া বেচা কেনা আরম্ভ করুক, আর বাকী লোক গুলা আমার বাগানে কাজ করুক। ইহাতে তোমার মানের ধৰ্মতাও হইবে না; তবে আমি বলিয়া দিতেছি, কোনও বিষয়ে তোমায় কেহ অমান্ত করিতে পারিবে না, তবে বিষয় আশয়ে খুব নেশা থাকিলে লেখা পড়ার নাকি ব্যাঘাত হয়, সেই জন্তই বাড়ী ঘরের ভারটা তোমার উপর না দিয়া রামসিংকেই দেওয়া গেল।”

সকলেই সন্তুষ্ট হইল, সকলেই লক্ষ্মীর কথায় সন্তুষ্ট হইল, কিন্তু বিবাহ করিতে, দোকান চালাইতে, বাড়ীর ভার লইতে ব্যয় বিধান আবশ্যিক; অর্থ আসিবে কোথা হইতে, অচ্যুত এই কথা লক্ষ্মীকে জিজ্ঞাসা করিল। লক্ষ্মী হাঁসিয়া বলিল—“সংসার, তোমাদিগকে এখন খাইতে পারিতে দেয় কে? আমি পরামর্শ দিতেছি, পুঁজিও

আমি দিব। সে অল্প তোমাদের ভাবিতে হইবে না। যে আমার আশ্রিত, তাহার আবার অভাব কিসে; ভাবনাই বা কি ?”

ক্রমে ক্রমে সকলে বিবাহ করিল। অচ্যুত খুব মন দিয়া লেখা পড়া করিতে লাগিল, রাম সিং বিষয় বিভবের উপর কর্তৃত্ব করিতে লাগিল, হলাদত্ত বাবনায় ক্রান্ত হু প্রদর্শন করিতে লাগিল; অল্প সকলে বাগানের অপূৰ্ণ শেতা বৃদ্ধ করিল। গ্রামে গ্রামে পাড়ায় পাড়ায় লক্ষ্মীর নাম ছুটিল। পরবে লক্ষ্মী মেদিনী কাপাইয়া তুলিল।

যথাসময়ে সকলেরই সন্তান সন্ততি জন্মিল। লক্ষ্মী ব্যবস্থা করিয়া দিল, ছেলেরা আপন আপন বাপের ব্যবসা শিখবে, তাহারই উন্নতি করিতে যত্ববান থাকবে। বংশধরেরাও তদনুরূপ আচরণ করিতে লাগিল।

তখন লক্ষ্মীর বাড়ীর অপূৰ্ণ শ্রী হইল, নূতন নূতন পরম রমণীয় গৃহাদি নিৰ্ম্মিত হইতে লাগিল, অচ্যুতের বংশধরগণ বিদ্যার চৌষষ্ঠি কলায় পারদর্শিতা লাভ করিল; সংক্ষেপে বলিতে হইলে সকল বিষয়ে লক্ষ্মীর বাড়ী দেপাড়ার সর্বত্র আদর্শ বালিয়া গণ্য হইয়া উঠিল। ক্রমে অচ্যুত, রাম সিং, হলাদত্ত প্রভৃতি সন্তানদের উপর সকল বিষয়ের ভারার্ণন করিয়া, আপনারা আরাম কুঞ্জে গিয়া ভগবৎ চিন্তায় কালাতিপাত করিতে লাগিল।

মোটী রসিকের প্রবন্ধ ।

আপনাকে ভালো বাসা, আপনাকে বড় মনে করা, মানুষের স্তম্ভাৰ্ণন হইলেও হইতে পারে; কিন্তু তাই বলিয়া ঘোষের কী নিচ্ছেন্ন গরুর ঘুংকে ঘুং বলিলে ভাল যে ঘুং না হইয়া অলই হইবে, ভালার কেমনও মানে নাই। সত্য সত্য, তাহা ভূমি বলিলেও

সত্য, না বলিলেও সত্য ; তবে কেহ বিচার করিয়া দেখিতে চাহিলে, অবশুই তাহার বিচার করিবার অধিকার আছে। এ মুখবকটুকুর তাৎপর্য ক্রমে প্রকাশ পাইবে।

আমার দৃঢ় বিশ্বাস যে, মোটা না হইলে মানুষ রসিক হইতে পারে না। যাহারা রোগা, সরু, খিটখিটে বা পাতলা, তাহারা ছুট হইতে পারে, পাজি হইতে পারে, মূর্খ হইতে পারে, বড় জোর অহঙ্কারীও হইতে পারে, কিন্তু রসিক কিছুতেই না। মোটা লোক দেখিলে, ইহারা ভোঁদা বলে, হাঁদা বলে, গোবরগণেশ বর্গে—বলুক ; তাহাতে মোটা মানুষের রসিকতাই প্রতিপন্ন হয়, তাহাদের নিজের রসিকতার প্রমাণ হয় না। আগুন আপনি গরম, যে আগুনের কাছে যায়, সেও গরম হয়। মোটাদের বেলাও তাই ; মোটা আপনি রসিক, আর মোটার লুৎস্পর্শে যে আইসে, সেও তখন রসিক হইয়া ওঠে। রসের আধার মোটা, যে নীরস সেই শুষ্ক।

আমি নিজে কিঞ্চিৎ মোটা, আমার পেটের বেড় পোনে চারি হাতের বেশী নয় ; তথাপি আমি রসিক বলিয়া প্রসিদ্ধ, একবারও দেখি লাম না যে, আমার দরজী আমার কাপড়ের মাপ নিতে আসিয়া না হাসিয়া কিরিয়া গেল। কিন্তু আমি রসিক বলিয়াই যে মোটা মানুষ মাঝেই রসিক কিংবা আমি মোটা বলিয়াই যে রসিক লোক হইলেই মোটা হইতে হইবে; তাহা বলিতেছি না। হইতে পারে আমার বেলায় এটা একটা দৈব সমাবেশ মাত্র, এবং সেই সমাবেশ জন্ম আমার এই স্বজাতিপক্ষপাত জন্মিয়া আমাকে অন্ধ করিয়াছে। কিন্তু যখন ইহার যুক্তি ও কারণ যথেষ্ট পরিমাণে পাওয়া যাইতেছে, তখন মোটার রসিকত্ব যে প্রাকৃতিক সাধারণ তত্ত্ব এবং স্থলবিশেষের সমাবেশ নহে—ইহা কেমন করিয়া না বলিব ?

স্মরণ করিয়া দেখে, মোটা লোকে একটা কথা বলে, সহজে কেহ

তাহার প্রতিবাদ করিতে পারে না ; তাহার পর মনে করো, বিক্রপের শাসন হইতে গুরুতর শাসন নাই, রসিকতার আশঙ্কা অপেক্ষা বেশী ভয়ানক আশঙ্কা নাই । এই দুই কথা একত্র করিয়া বলো দেখি, কি দাঁড়াইল ? মোটা লোকের সম্মান বেশী, আদর বেশী, মর্যাদা বেশী, ধন বেশী—কি নয় ? ভালো বস্তু, দামী জিনিস হইলেই তাহা একটু দুলভ হয় ; মোটা মানুষও দুলভ, এক স্থান হইতে অন্য স্থানে মোটা মানুষের আমদানি রপ্তানি করিতেও সমস্যা বেশী চাই, বন্দোবস্ত পাকা গোছের হওয়া চাই । ইহাতে কি প্রতিপন্ন হয় না, যে মোটা মানুষ দামী, রসিকতা দামী, অতএব মোটা মানুষ রসিক ।

জল হইতে রসের আপেক্ষিক গুরুত্ব অধিক ; চপলতা হইতে রসিকতারও তাই, এবং বাদরামি হইতে মনুষ্যত্ব তদ্বিধ । বাদর বেশী মোটা, না মানুষ বেশী মোটা ? আধেয়ের গৌরব থাকিলে আধারেরও গৌরব জানিতে হইবে, রসিক মানুষকে মোটা হইতেই হইবে । সামান্য ভূণে যত দিন খস থাকে, ততদিন তাহা কাব্যের বস্তু, সৌন্দর্যের আধার ইত্যাদি ; ভূণ যখন শুষ্ক নীরস, লঘু, তখন উপহাসের বস্তু । মোটাই রসিক ।

শুদ্ধ ধারে সকল বস্তু কাটা যায় না, শুধু ভারে সবই কাটা যায়, নিতান্ত পক্ষে খেতো করা যায় । যাহার রস আছে তাহার ভার আছে, রস আর ভার থাকিলেই মোটা । বৈষ্ণবদের গ্রন্থে যত রস, তত আর কোথাও নাই ; বৈষ্ণবদের পোঁসাইরা যেমন মোটা, তেমন মোটাও ভূভারতে নাই । শুদ্ধ রস আছে বলিয়াই ত ? রসিকের আর এক নাম রসগ্রাহী ; আয়তন না থাকিলে কি গ্রহণ করা যায় ? বাস্তবিক মোটা না হইলে মোটা রসিক হইতেই পারে না ।

চটুল চরণে চুইকি পরিমা খেমটাওয়ালী নাচে ; তাহাতে যদি

রসিকতা ভরপুর হইত, তাহা হইলে মোটা মোটা বর্ষককে আকুর
করিয়া আসরের সম্মুখে সকলের আগে বসাইয়া দিবার নিয়ম হইত
না। মোটারাই সে প্রশস্ত আসরের ভারকেন্দ্র, সেই রস-অগতের
সূর্য্য, সেই রস-কুরুক্ষেত্রের কুরুপাণ্ডব।

উপযুক্তি পরি কয়েকবার আবরণ বাদ দিয়া বিস্কন্ধ মনোনিবেশ-
পূর্ব্বক পঞ্চানন্দেৰু আপাদ মস্তক নিরীকণ করিয়া দেখিলাম; ইহার
ষথ্যে যে একটুকুও সরস স্থান নাই, তাহা বলিতে পারি না, কিন্তু
আমার আশঙ্কা হয় যে, ইহাতে মোটা বুদ্ধির অভাব আছে। পাঠকা
বুদ্ধিতে কুণাইবে না, ইহাও আমার বিস্ময়। কাধাটা বড় সামান্য
নয়, গুরুতর কার্ঘ্যে গুরুতর বুদ্ধিরও প্রয়োজন—আমার এই উপ-
দেশটা গ্রহণ করিলে সুখের বিষয় হইবে! (১)

মোটা রসিকের প্রবন্ধ।

[দ্বিতীয় বার।]

করিলাম এক, হইল আর; বলিলাম এক, পঞ্চানন্দ বুঝিলেন
আর। দোষ পঞ্চানন্দের নয়, দোষ আমারও নয়, দোষ পোড়া
দেশের, আর পোড়া কপালের। যখন বলা গেল যে, মোটা না
হইলে রসিক হইতে পারে না,—পঞ্চানন্দের মোটা বুদ্ধির অভাব আছে
—তখন কি আমি লিখিয়া রসিকতা করিব মনে করিয়া এ কথা বলি-
য়াছি? হে ভগবন্! ইন্দ্ৰিতে কথা কহিলে লোকে বোঝে না, ইহার
বাড়া কি দুঃখ আছে?

১। গ্রহণ করিল' বলিলার কি? মোটা বুদ্ধির পরিচয় পাটুঠাকুর পঞ্চানন্দ
আপাদিত হইয়াছেন; নিজ নিত্য এইরূপ পাইলে পঞ্চানন্দ সূচ্যের লবণকে
কেন্দ্রের বন্ধে আনয়ন নিঃসৃত হইয়াছেন। এ প্রসঙ্গ 'মোটা বুদ্ধি' হুল্লু
কর্ষ।

পঞ্চানন্দ।

সে বার বলি নাই, এবার তাড়িরা বলিতে হইল—বান্দালার রসিকতা চলিবে না। কারণ অনেকগুলি; সমুদয় বলিতে গেলে একখানি শব্দকল্পত্রয় তৈয়ার হয়। অমার তত অবসর নাই, অবসর থাকিলে প্রবৃত্তি নাই, মোটামোটো দুই চারিটি বলিয়া দিতেছি।

এক কথা এই, অহোরাত্র মনে রাখিতে হইবে যে, আপন করে কোন বান্দালী কম রসিক নয়। গৃহিণীর কাছে পসার রাখিতে হইলেই ত এক প্রস্থ রসিকতা চাই, তাহাতে বান্দালীর বাহিষ্ণী আছে। হৃদয় জনের না থাকিতে পারে; কিন্তু তাই বলিয়া সাধারণ সূত্রের ব্যাঘাত হইতেছে না; প্রমাণ, যেখানে গুনিবে গিন্নী' সেই সঙ্গে সঙ্গেই গুনিতে পাইবে বান্দী। তবে বল দেখি তোমার রসিকতা লইবে কে? লইবে কখন? লইবে কেন? ভায় আবার যে দর। পাঁচ টাকার পঞ্চানন্দ, কি মজার কথা। এই পাঁচ টাকায় আনন্দের বাজার বসান যায়, আনন্দের সাগর ভাসান যায়, আনন্দের জীবন্ত প্রতিমা গড়ে, পূজা করে শেষে, চাই প্রতিমাই ভাসাও আপনি ভাসো—দুইয়ের এক চলে কিছা দুই চলে। কেন তবে ছাঁপার আকরের উপর মাথা ধরিয়ে লোকে মরিতে যাইবে?

বলিতে পারেন, সকল লোকের মতি গতি এক রকম নয়, আমিও স্বীকার করি, “বায়ুগাং বিচিত্রা গতিঃ” কিন্তু রসিকতা অপেক্ষা—যদি রসিকতাই মানিয়া লওয়া যায়—ধার্মিকতাই ভালো, স্তাবকতা ভালো, যোজকতা ভালো, ভোজকতা ভালো, ইহাতে সংশয় নাই। এক পাঁচে বালা হয় না, পাঁচ জড়ো করিলে তাহা হয়, অথচ পঞ্চানন্দই কোন এক পাঁচে হয়। আমার হয় বটে, কিন্তু বুঝিয়া দেখুন পঞ্চানন্দের হয় না।

ঘরের রসের কথা বলিয়াছি, সেটা মজাগত, বাহিরে যে রকম চাঁদ, ভগবান জানেন তাহাতে টাকুরা শুখাইয়া যায়; পঞ্চানন্দের মাঝি-রানা বাড়ে না, টেন্ন কমে না, উপাধি জোটে না, সুখ্যাতি রটে না,

আরোম মেটে না, কল কথা মনের মতন কিছুই বটে না, হাতে কি রসিকতার মন ওঠে? কিছুতেই না।

শূন্যপেটে চেকুর তোলা আর ছাঁচি পানে মুখওঙ্কি করা অভ্যাস ইংরেজের থাকিতে পারে, ফরাসির থাকিতে পারে, মার্কিনের থাকিতে পারে, কিন্তু বাঙ্গালীর কখনই নহে। বাঙ্গালী সারপ্রাই, কাজ বোঝে, কক্কুড়ী বোঝে না, সেইজন্য বাঙ্গালী বিক্রপ করে, বিক্রপ সহ্যেতে পারে না। তবে তবু দেখি, পঞ্চানন্দে তাহার কি আনন্দ হইবে? যাহার চক্ষু আছে, সেই দেখিয়াছে যে, বাঙ্গালী লিখিয়া সুখী, পড়ে না; খাটাইয়া সুখী, খাটে না; এইটুকু শিখিয়া, রাখা উচিত, সেই জন্য একটা কথা আছে—“শতং বদ মা লিখ”। আমি আরও একটু বলি,— শতং লিখ মা ছাপো। রসিকের কাছে রসিকতা কেবল বিড়ম্বনা। সফ হয়, “শ্রীশ্রীমতী মহারাণীর কার্ঘ্য” সফ মিটাইতে পারেন। স্বার্থ পরতার দাস হইয়া অর্থের টান ধরিয়া অনর্থক হাড় জালাতন করি-
রেন না।

নূতন ভূগোল।

পৃথিবীর আকৃতি।

১। পৃথিবীর আগাগোড়া চাপা নাহলে নামস্তই গোল। চাপা বলিয়াই সকলে মনের কথা বলিতে পারে না। এবং সকল সময়ে সত্য কথাও বলিতে পারে না। -

২। ষাহারা খেলেন, তাহারা বলেন পৃথিবী ভাঁটার মত, ষাহারা পেটুক, ষাহারা বলেন কমলা নেবুর মত। কথা একই, তবে ষাহারা যেমন কৃষ্টি।

৩। জাহাজ আসিতে দেখিয়াই গোল বোঝা গিয়াছে, গ্রহণ দেখিয়া সন্দেহ ভঞ্জন হইয়াছে।

পৃথিবীর গতি ।

১। পৃথিবীর দুই গতি ; নিত্য যাহা হয় তাহাকে দুর্গতি এবং বৎসরে যাহা একবার হয় তাহাকে সম্প্রতি বলা যায়।

২। পৃথিবীর গতি নিয়মিত চক্রে হইয়া থাকে; সে চক্র দেখা যায় না, অনুমান করা যায়, সেইজন্য তাহাকে অদৃষ্টচক্র বলে।

৩। পৃথিবী শূন্যে অর্থাৎ অকূল পাথারে ভাসিতেছে, দাঁড়াইবার স্থান নাই!।

৪। পৃথিবী এক গ্রহ, আরও অনেক গ্রহ আছে, সকলেই টানাটানি করে, তাই পৃথিবী এক রকমে চলিয়া যায়।

পৃথিবীর ভাগবর্ণন ।

১। পৃথিবীর কতক জল, কতক স্থল, ভাষা কথায় ইহাকে অর্কঃ গঙ্গাজলী বলে, কিন্তু সেটা ভুল; কারণ জলই বেশী।

২। অধিক ভূমি এক স্থানে দেখিলেই দ্বেষ হয়। অনেকে দ্বেষ স্বীকার করিয়াও লেখেন—দেশ। কলতঃ দ্বেষে দোষ নাই, ইহা সর্ববাদিসম্মত, কেননা দেশত্যাগী হইতে যে সে অনুরোধ করে; কিন্তু দ্বেষত্যাগী বলিয়া কোনও কথা চলিত নাই।

৩। যেখানে গৌরাজের জন্ম, সেই স্থানকে দ্বীপ বলে; দেশী গৌরাজের জন্মস্থান বিশেষরূপে জানাইতে হইলে নবদ্বীপ বলা যায়।

৪। বড়লোক যেখানে হাত ঝাড়ে সেই স্থানে পূর্বত হয়।

৫। অঙ্ককারে সিঁধু কাটিয়া সিঁধের ভিতর হাত বাড়াইয়া দিলে সেই হাতকে অন্তরীপ বলা যায়, পৃহু যদি সেই হাত চাপিয়া ধরে, তখন তাহাকে যোজক বলে।

৬। বাহা সকলে ভিছাইতে পারে না, অথচ ভিছাইতে পারিলে অমরত্ব লাভ করা যায়, তাহাকে সমুদ্র বলে ।

৭। উচ্চকুলে জন্মিয়া যে নিজের তরলতা দোষে আপনি ভাসিতে ভাসিতে শেষে হুই কুল ভাসাইয়া সাগর-সদৃশে প্রাণত্যাগ করে, তাহাকে নদ বলে ।

৮। জলের অন্তান্ত বিবরণ দেওয়া গেল না । বঙ্গদেশে দভী কলসী অত্যন্ত সস্তা শুদ্ধ সেই কারণে । তন্তিন্ন অনেকে জল দেখিলে জল পান ।

পৃথিবীর স্থল স্থল বিবরণ ।

১। মানচিত্র করিবার সুবিধার জন্য পৃথিবীকে হুই ভাগে বিভক্ত করা হইয়াছে । দুপাচী মণ্ডা (১) ছাড়াইয়া হুই ভাগে রাখিলে যেমন হয়, সেই ভাবে পৃথিবীও বিধা অঙ্কিত হয় ।

২। বারকোসে মণ্ডা সাজান থাকিলে যে পিঠে ধূল। শুভা বেলী পড়ে তাহাকে কহে পুরাতন পৃথিবী । আর এক পাচী এক সন্ধে দৃষ্ট হওয়া সবেও প্রথমে নজরে পড়ে না, শেষে ভদ্র লোকের সুখ-সেব্য হয়, তাহাকে নূতন পৃথিবী বলে ।

৩। পুরাতন পৃথিবীতে ভিড় বেশী নানা প্রকার নরলোকের সমাগম । যেখানে প্রথমে আসিয়া জন্মায়েৎ হইয়া তথা হইতে, নর-কুল পৃথিবী ছাইয়া কেলে, এবং শেষে যেখানে আসিয়া নরগণ (বিকল্প) দৌরাণ্য করে, তাহাকে কহে আসিয়া । কাকেরীর যেখানে জন্ম, তাহাকে কহে আফেরিকা । কেহ কেহ বলেন যে আফেরিকার প্রকৃত নাম আকেক্কা ; ইয়রপে (europe) যে প্রকার সিংহ জন্ম

প্রভৃতি চতুশ্লোক এবং গৃহ প্রভৃতি মহা পক্ষীর প্রভৃতি, তাহাতে স্বেক হইতে আফেককার নাম করণ অসম্ভব নহে । যিনি ইয়রপ, তাঁহার পরিচয় দেওয়া নিম্প্রয়োজন, কারণ ইয়রপের অর্থই (you-are-up-) তুমি এখন উপরে ।

৪ । পৃথিবীর যে আধ খানা জুড়িয়া দেবগণ বাস করেন এবং যোগানে বাস করিলে অমরতা লভ হয়, তাহার নাম জুমরিকা । দেব-গণের আধিভাবের পূর্বে যে সকল লোক বাস করিত, তাহাদের নাম অনুসারেও কেহ কেহ এই মহাদেশের নাম করণ করিয়া থাকেন, এই অনুসারে আমেরিকারে কেহ কেহ মারকীণ (১) বলিয়া থাকেন ।

যারের মেটে কীপ ।

• ছাপাখানায় বসী ।

পাঁচু-ঠাকুর

দ্বিতীয় কাণ্ড ।

দুই প্রহরের কাজ সমস্ত দিনমানে সম্পন্ন করিয়া পঞ্চানন্দ এক কাণ্ড সাক্ষ করিয়াছেন । এখন এই দ্বিতীয় কাণ্ডে আরোহণ করিয়া ভূতের সুখ-দুঃখটা ভাবিয়া দেখিলে মন্দ হয় না । তাই একবার দেখা যাউক ।

দেবতাই হউন, আর মানুষই হউন, সংসারে মুক্‌সি নহিলে চলিবার যো নাই । তুমি হাজার বিদ্বান হও ; যত খুসি বুদ্ধিমান হও, সব সময়ে সব কাজ উদ্ধার করিতে কিছুতেই পারিবে না ; তখন অপরের সাহায্য অপরিহার্য্য । তাহা যদি পাওয়া যায়, তবে কাজ হইবে, নতুবা হায় হায় নিক্রপায় । কিন্তু সকলেই জানে যে, বাঙ্গালীর সাহায্য নাই, সম্পত্তি নাই, বাঙ্গালীর সাহস নাই, সামর্থ্য নাই । তবে যে দুই প্রহরের কাজে সারা দিন লাগে, তাহাতে আর দোষ কি ? দোষ হইলেই বা চারা কি ? বরং কাজটা যে সারা গেল, সেই বাহাছরি ।

যাহারা মনের কথা কলমের মাধ্যমে আনিয়া ছাপানার প্রতিপালন করে, আর দলের তিন সংগ্রহ করিয়া নিজের ভাল পাকাইবার চেষ্টা করে, "গ্রাহক এবং অগ্রগ্রাহকবর্গকে ধন্যবাদ" "ব্রহ্ম-প্রসাদ" "অমৃত কমা, কটির নিমিত্ত মার্জনা প্রার্থনা" করিবার একটা নিয়ম

তাঁহারা ঘরে ঘরে করিয়া লইয়াছে । পঞ্চানন্দ এখন হে... এই নিয়মের দাস ; অতএব মামুলী কাজটা তিনি করিবেন, সেই কৈশিক্যৎ বগো, ষাই বগো, একটা তিনি দিবেন ।

বঙ্গ সংসারে পঞ্চানন্দের প্রয়োজন আছে, তাহাতে সন্দেহ নাই । কেবল যে রক্তভঙ্গের জন্য পঞ্চানন্দ থাকিবে, তাহা নয়, সে হ হর-বোলার কাজ, ভাড়ের কাজ । হো হো করিয়া হাসান যে পঞ্চানন্দের কাজ, তাহাও নয়, কুহুকাহু দিনেই ত অনেক হাসিয়া গলিতা যায় । পঞ্চানন্দের প্রয়োজন গুরুতর,—ভ্রমের বিরুদ্ধ যুক্তির চিত্র প্রদর্শন অসারতার মর্শ্বোদ্ঘাটন, ভাষার পুষ্টিসাধন, প্রকৃত দেশহিতৈষিতার উৎসাহবর্ধন—তদভাবে পাঁচটা লোক প্রতিপালন এবং নিজের কিকিৎ অর্থোপার্জন—ইহাই পঞ্চানন্দের প্রয়োজন । ভূমি বিস্তার ভাণ্ডারী, জ্ঞানের কুবের, তোমার প্রয়োজন না থাকিতে পারে; কিন্তু এক আর একে দুই হয়, ইহা যে বুঝিতে পারে, সেও এখন বুঝিতে পারিবে যে, পঞ্চানন্দের প্রয়োজন আছে । নহিলে আবির্ভাব কেন ?

যাঁহারা পঞ্চানন্দের পরম বন্ধু, তাঁহারা একটা অনুযোগ কারিয়া থাকেন, সেটার উল্লেখ অগ্রে করা আবশ্যিক । তাঁহারা বলেন যে, পঞ্চানন্দের অনেক কথা বোঝা যায় না । ইহা যদি সত্য হয়, তবে বলিব দোষ পঞ্চানন্দের নয়, দেশ তোমাদের বুদ্ধির, আর দোষ তোমাদের ভাষার । বাস্তবিক কিন্তু অনুযোগটাই অমূলক ; বাঙ্গালা ভাষা বুঝিলে নাকি তাঁর নিন্দার কথা, সেই জন্য বুঝিয়াও অনেকে বলেন যে বোঝা গেল না । তাহার এক প্রমাণ এই যে, হুদে কাঁকড়া, ছেলে ছোকরা, পালে পালে দলে দলে যখন চৌন্থলে রাজনীতির বিষয় সমস্তার বিজাতীয় বিতণ্ডা শুনিলে অল্প হাঁসাইয়া থাকে, তখনও কেহ বলে না যে আমি বুঝি না, তবু

আসিয়াছি ; বাগ্মীও বলেন না যে কেহ বোঝে না, তবু আমি বকিতেছি ! ভাই আসল কথা কি জানো, পঞ্চানন্দ না কি বাঙ্গালা, তাই অনেকে বুঝিতে পারে না । আর তা ছাড়া, যে ব্যথা বোঝে না, সে কি কথা বুঝিতে পারে ?

এমন কতকগুলি লোক আছে, যাঁহারা পঞ্চানন্দে রস দেখিতে পায় না । ইহাদিগকে প্রথমত এই বলা যাইতে পারে যে, এই দোদুলপ্রতাপ প্রচণ্ড মার্জিত-তাপে পুকুরের জল শুকাইয়া যায়, হৃদয়ের রক্ত শুকাইয়া যায়, জিহ্বায় ধূলি উড়ে, এমন অবস্থায় পঞ্চানন্দ কেমন করিয়া রসে টলমল করবে ? তাহার পর যে রস আছে, তাহা মজ্জাগত । যাঁহারা রসের ব্যবসা করে, তাঁহারা মহাক্রম্ খেজুর গাছের গলা কাটিয়া রস বাহির করে । রস চেনা চাই, রসগ্রাহী হইতে জানা চাই ।

একটা ক্রটির কথায় পঞ্চানন্দ করুন জবাব দিতে প্রস্তুত । ইচ্ছা না থাকিলেও, কামনা না করিয়াও কালে ভদ্রে ভদ্রলোকের মনে পঞ্চানন্দ আঘাত করিয়া ফেলেন । কিন্তু সেটা অনিবার্য্য । এই ত বড় লাটের ছেনে এ দেশে শিকার করিতে আসিয়া দুইটা মানুষকে গুলি করিয়া ফেলিলেন, কিন্তু তাই বলিয়া কি রাগ করা উচিত ? এ সব যে দুর্ঘটনা, ইহার জন্ত দুঃখ করিতে হয়, করো, কিন্তু রাগ করিও না । বাস্তবিক অনেক সময়ে, অনেক স্থলে মানুষ কি পশু ঠাওরান যায় না ; আর শেষে যদি ঠাওর হয়, তখন নিরুপায়, আর সারিবার আয় থাকে না ।

অতএব, আইস ভাই, সকলে মিলিয়া—

- ১। যুদ্ধবিধি উঠাইবার জন্ত প্রার্থনা করি ।
- ২। নিরবচ্ছিন্ন ইংরেজি ভাষার চর্চা করি ।
- ৩। কাজকর্ম ছাড়িয়া বক্তৃতা ঘুড়িয়া দিই ।

- ৪। চাকরি লক্কী করিয়া মোতে গা ঢালিয়া দিই ।
৫। আড়াই টাকা দিয়া পঞ্চানন্দের গ্রাহক হই ।

বিলাতের

সংবাদ দাতার পলা

সেবকশু দৃগুবৎ প্রথমা নিবেদনক বিশেষ আপনার প্রদাদাৎ এ দাসের প্রাণ গতিক মঙ্গল । পরে নিবেদন, আমার অস্তঃকরণে বড় দুঃখ হইয়াছে, যেহেতু এ সংসারে যোগ্য ব্যক্তির মরণ, অযোগ্যের সুখ সমৃদ্ধ হইয়া থাকে । যে অকাল কুম্বাণ্ডের পিতা পিতামহ জমিদারি রাখিয়া গিয়াছে, সে তাকিয়া ঠেসান দিয়া স্বচ্ছন্দে মদের ইয়ার, গুলির গোলামে পারবেষ্টিত হইয়া দুনিয়াকে অঙ্গুষ্ঠ প্রদর্শন করিতেছে ; আর আমি নাকি আজন্ম খাটিয়া বিদ্বান হইয়াছি, সেই জন্ত আপন ভিত্তায় দুদিন কাটাইতে পাই না । আপনি আমাকে খরিয়া কাবুলে পাঠাইয়া দিলেন ; সেখানে যেই সুখ্যাতির সহিত কাশ্মীরে আশ্রয় দিলাম, অমনি আমার মস্তকে বহুপাত হইল ; আপনি আমাকে বিলাতে পাঠাইবার সঙ্কল্প করিলেন । তবু এতদিন নানা টান বাহানাঘ ফাঁকি দিয়া আসিতেছিলাম ; কিন্তু যখন দেখিলাম যে আমা ভিন্ন আপনার গতি নাই, আপনার ভক্তগণ চটিয়া যাইতেছে, তখন অগত্যা আসিতে হইল । বলুন দেখি, ইহাতে দুঃখ হয় কি না হয় ?

যাহাজে আরোহণ করিয়া আমার আরও কষ্ট হইয়াছিল । প্রথমতঃ সামুদ্রিক বীচি বর্ণনেই ত অহরাতার চৈতন্যলাভ হয় ; তাহার

পর অনেক বিচ্ছেদের অর্থাৎ তাইবোর্শের মোকদমার স্বত্বপাত জাহাজেই হইয়া থাকে, একথা যখন শুনিলাম, তখন আর আমাতে আমি ছিলাম না। জাহাজে অনেক মেম থাকেন, দর্পণ আমার অতিশয় চাটুকায়, এবং বঙ্গবাসীরা পুরুষ হওয়া দূরে থাকুক মহিলাদের মধ্যে গণ্য নয়—তাহা আপনি বিলক্ষণ জানেন, সুতরাং আমার ভয়ের যে বিশেষ কারণ ছিল, ইহাও অনায়াসেই বুঝিতে পারিবেন। যাহা হটক ধর্ম্ম আমাকে রক্ষা করিয়াছেন; নিরাপদে আমি তীরস্থ হইয়াছি। আমার স্বীকার করা উচিত যে, আসিবার সময়ে আমি চাঁদনি হইতে যে একজোড়া নূতন জুতা কিনিয়া আনিয়াছিলাম, তাহ একখানা রবিবারের মিররে জড়ান ছিল; জুতা জোড়াটি যখন তখন খলিয়া দেগিতাম, সুতরাং মিররও একটু আধটু পড়া হইত। যাহারা মনে করিবে, যে ইহাতে ধর্ম্ম সঞ্চার হইতে পারে না, এবং এষ্ট মনে করিয়া বিক্রম করিবে, তাহারা পাতক, নাস্তিক। প্রমাণ-স্বরূপ একটা গল্প বর্ণনা করিবেন।

হলা ডোম ছেলেবেলা পর্য্যন্ত অতি দুঃপ্রকৃতি ছিল। জলার ধাবে মানুষ দেহাইবার মতলবে হলা ববাবর বন্দিয়া থাকিত। একদিন মানুষ দেখিতে না পাওয়া হলা তিন ছুড়িয়া একটা বককে মারিল, বকের গায়ে তিন না লাগিয়া জলে পড়িল, সেই জল ছিটকাইয়া একটা তুলসী গাছে লাগিল। মৃত্যু পর্য্যন্ত হলা কখনও কোনও সংকল্প করে নাই।

ক্রমে হলায় মৃত্যু হইল; যমের কাছারীতে চিত্রশুষ্ঠ পাপ পুণ্যের খাতা খুলিয়া দেখিলেন, পুণ্যের মধ্যে একদিন তুলসী গাছে জল দিয়াছিল (সেটা উপরে বলা হইয়াছে) ভক্তির সমুদয়ই পাপ। সেই তুলসী গাছে জল দেওয়ার দরুণ, যম হুকুম দিলেন, হলা একবার বৈকুণ্ঠে বিষ্ণুমন্দির দেখিতে পাইবে আর অবশিষ্ট কাল তাহাকে নরক-

বাস করিতে হইবে । হুকুম শুনিয়া হলা যমরাজকে বলিল “মহারাজ, চিরকাল নরকে থাকিয়া শেষে কবে, বিষ্ণু-মন্দির দেখিব, তাহার ত স্থিরতা নাই ; তাই নিবেদন করিতেছি যে, যদি বিষ্ণু-মন্দিরটাই প্রথমে সারিয়া লইতে দেন ত আমার পক্ষে ভাল হয় ; শেষে নিশ্চয় হইয়া নরকে থাকি । প্রার্থনা সঙ্গত দেখিয়া যম বলিলেন—“তথাস্তু ।” অমনি বিষ্ণুদূত আনিয়া হলাকে স্বক্ষে আরোপণ করতঃ লইয়া চলিল ।

কিয়দূর গমনানন্তর বিষ্ণুদূত বলিল—“ঐ দেখ, হলা, ঐ বিষ্ণু-মন্দির দেখা যাইতেছে ।” হলা বলিল—“বাপু বিষ্ণুদূত । চক্ষের যদি সে জ্যোতিই আমার থাকিবে, তাহা হইলে এমন তদশা হইবে কেন ?”

আরও কতদূর গিয়া বিষ্ণুদূত আবার সেইরূপ দেখিতে বলিল । হলা উত্তর দিল যে—“তোমাদের যদি বেগার দেওয়া হয়, তবে আমাকে ফিরাইয়া যমের বাড়ী লইয়া চলো । আমি আগেই বলিয়াছি, আমি ভ্রম, তবে আর আমাকে দূর হইতে দেখিতে বলিয়া কল কি ?”

বিষ্ণুদূত লজ্জিত হইয়া বিষ্ণু-মন্দিরের যত নিকটবর্তী হইয়া হলাকে দেখিতে বলে, হলাও তত অন্ধের ভান করিয়া দেখিতে অস্বীকার করে । ক্রমে ঠিক বিষ্ণুমন্দিরে যেই উপস্থিত হইয়াছে, অমনি বিষ্ণুদূতের স্বক্ষ হইতে লাফাইয়া পড়িয়া হলা বিষ্ণু-পাদস্পর্শ করিল । হলাই তৎক্ষণাৎ মোক্ষ এবং বৈকুণ্ঠ প্রাপ্ত হইল ; যে যমদূতেরা হলাকে আনিবার জন্ত প্রেরিত হইয়াছিল, তাহারা অপ্রতিভ হইয়া কিরিয় গেল, এবং যমরাজও বিস্ময়ের সহিত খাতায় হলাকে পাক্ষা খরচ লিখিবার জন্ত চিত্রগুপ্তের প্রতি আদেশ করিলেন ।

সকালে হলা তেমন করিয়া তুলসীগাছে জল সেচন করিয়া উদ্ধার

পাইয়াছিল ; আর একালে আমার উক্তবিধ মিরবু-পাঠে মোক্ষ হইবে না, ইহা অসম্ভব ।

কনতঃ বিলাত পৌছিয়া আমার দুঃখের কতক নিবৃত্তি হইয়াছে । তাহার প্রধান কারণ এই যে, এত দিনে ভারতবর্ষে যে জাতিকে সাহেব বলিয়া ভয়ে তটস্থ হইতাম, এবং যাহারা নেটিব বলিয়া, আমাদিগকে তুচ্ছ ভাঙ্কীলা করিত, এখানে আসিয়া অষ্টপ্রহর সেই জাতির সঙ্গে নির্ভয়ে নিঃসঙ্কোচে দহরম মচরম করিতেছি এবং তাহাদের সম্বন্ধে এখন অর্থাৎ যে সকল কথা আপনাকে লিখিয়া পাঠাইব, তাহাতে নেটিব বলিয়া তাহাদের উল্লেখ করিব । “নাও পরু গাড়ী, গাড়ী পরু নাও” চিরকাল শুনিয়া আসিতেছিলাম, এতদিনে সে কথাটা সার্থক হইল । আমার নেটিবগণ আপনাদের ভক্তিভাজন সাহেব, একথা মনে হইলে প্রতিশোধ প্রবৃত্তির পরিপূরণ জন্ত আমার আহ্বাদ হয়, এবং আপনার আমার হিংসা করিবেন ভাবিয়া, আরও আনন্দের বৃদ্ধি হইয়া থাকে ।

এখানে আসিয়া কয়েক জন নেটিব ভদ্রলোকের সঙ্গে আমার পরিচয় হইয়াছে, এবং আমি মহাশয়ের শ্রী রসরাজের চিহ্নিত ব্যক্তি জানিয়া সকলেই আমাকে শ্রদ্ধা ও যত্ন করিতেছেন ।

একটা সুলক্ষণ দেখিতেছি যে, নেটিবগণ বিজ্রপের ভয়ে অতিশয় ভীত, ইহাদের চামড়া খুব পাংলা, সহজেই বিকল হয় । আমাদের দেশে লোকের চামড়া গণ্ডারের মত পুরু এবং অভেদ্য, যত কেন তাঁর বিজ্রপ করুন না, তাহাদের গায়ে কিছুতেই লাগিবে না । মনে করুন, আইনের নিষেধ জানিয়াও একজন আমাদের দেশী উকীল পূজার সময়ে মোক্তারদের ডাকিয়া পার্বণী বলিয়া সংবৎসরের দশসত্তর বা মোক্তারানাটা মিটাইয়া দিয়া থাকেন । আপনি “শনিবারে পাল্লা” লিখিলেন, উকীল বাবু হয় ত পড়িলেনই না, কিম্বা যদি পড়িলেন, তবে

ক্রমেপই করিলেন না, উল টিয়া হো হো শব্দে হাসিয়া দিলেন । তাহার পর যদি তাঁহাকে কেহারা, নীচ প্রকৃতি, পাজি, নচ্ছার, জুরাচার বলিয়া অপদস্থ করিবার কামনা করেন, সেও বৃথা হইবে, নাম ধরিয়া না বলিলে বাবু চটিবার লোক নহেন ।

কিন্তু এখানে নেটিবদের প্রকৃতি স্বতন্ত্র রূপ । অমন তরো একটা কথার ইঙ্গিত যদি এখানে হয়, তাহা হইলে আর রক্ষা নাই, সকল উকীলে যুটিয়া সেই পালনষ্টকারী কুক মেম্বাক শিকার করিয়া বাহির করিবে, তবে ছাড়িবে ; সম্প্রদায়কে সম্প্রদায় ফিপ্তের স্থায় হইয়া উঠিবে, যতক্ষণ প্রতীকার না হয়, ততক্ষণ জলগ্রহণ—এ দেশে বাগ্ণী-গ্রহণ—করিবেন না । এই দোষিয়া আমার আহ্লাদ হইয়াছে । হয় ত নেটিবদের আমি ভালো বাসিয়া ফেলিব । যাহা হয় পবপরে, টের পাঠিবেন ।

২।

বিলাতের সংবাদদাতার পত্র ।

আমারার প্রিয় পঞ্চানন্দ,

আমি এখন সভ্যতার গনিতে প্রবেশ করিয়াছি, সুতরাং আর সে সেকেলে—“দণ্ডবৎ প্রণাম” ইত্যাদি বর্ষর সম্বোধনে আমার পত্র কলঙ্কিত করিতে পারি না । ভারতবর্ষের লোকের একটা ভয়ানক কুসংস্কার আছে; তাহারা মনে করে যে পিতা বা তত্তুল্য লোক হইলেই ভক্তি'র পাত্র হইয়া পড়ে, তাহাদিগকে সরস প্রিয় সম্বোধন করিলে পাপ হয় ! কি মূর্খতা ! কলে, এখানে কোনও প্রকার কুসংস্কারের স্থান পাইবার অধিকার নাই ; একজন নেটিব কবি লিখিয়াছেন—

বিলাতের মাটি ঠেকে যদি পায়ে,
দাসের শিকল খসিয়া যায়;
বিলাতের হাওয়া লাগে যদি গায়ে;
পরবশতাব বিনাশ পায় ।”

(আমার অনুবাদের দোষ ক্ষমা করিবেন, আমি যে এখন পর্যন্ত বাঙ্গালা ভাষার “পরবশ” হইয়া রাখিয়াছি, ইহাই যথেষ্ট ।) — কাজে কাজেই এখানে আসিবার সময়ে ভারতের কুসংস্কার, ভারতের কব্যবহার, ভারতের কুপরিচ্ছদ—সমস্তই বৃটিশ চ্যানেল, অর্থাৎ ডোবরের দক্ষিণবর্তী খালে বিসর্জন দিয়া আসিয়াছি । বাস্তবিক, আমার স্মরণ হইতেছে যে, আমাদের দেশের অনেক লোক শুদ্ধ বিলাতের গন্ধ বলে এ সকল পরিত্যাগ করিতে সমর্থ হইয়াছে; এখন মেষ্টের বাবু অবধি নিরেট স্মারবাগীশ পর্যন্ত অনেকে সত্য হইয়া উঠিয়াছে । তবে আমি যে “কালাপানী” পায় হইয়া, লালপানী উদরে ধরিয়াও বে-আদব চটা এবং বোলক টিকার ভয়ে সেই বকেয়া বাপ পিতামহের বোকামি বহিরা মারব, ইহা কখনই সম্ভবে না । আপনি যদিও আমার শিক্ষাগুরু, তথাপি বিনয়ের সহিত আপনাকে শিখাইতে ইচ্ছা করি যে, আপনি যত সত্বর আপনার সেই হাস্যজনক হাব ভাব এবং ক্রিয়া কলাপ পরিত্যাগ করেন, ততই মঙ্গল । যে গোক আমাদের সেবায় লাগে, আপনারা সেই গোকের সেবা করিয়া পুণ্য সঞ্চয় করিতেছেন,—এ লজ্জাকর কথা যেন আমাকে আর না শুনিতে হয় । যাই হউক, এইবার আলাত পালাত ছাড়িয়া আসল কথায় প্রবেশ করা যাইতেছে ।

আমার শেষ পত্রে আভাস দিয়াছিলাম যে, এখানে থাকিয়া হয় ত নেটিবদিগকে আমি ভালো বাসিয়া ফেলিব । এখন সত্য সত্যই

বুঝিতেও পারিয়া থাকিবেন । বাস্তবিক এখনকার কয়েকজন নেটিবের সঙ্গে আলাপ করিয়া আমি এ দেশের গুণে মোহিত হইয়া উঠিয়াছি !

নেটিবদের প্রধান গুণ এই যে, বখামি কাহাকে বলে, ইহার জানে না । আমাদের দেশের লোকে সংসারকে ভবের হাট বলে, অথচ হটগোল ভিন্ন হাটের কোনও পরিচয় তাহাদের কাছে পাওয়া যায় না । নেটিবদের ভাব অন্তরূপ, ইহারা মুখে বলে না, কিন্তু কাজে দেখায় যে সংসার ভবের হাটই বটে । খরিদ, বিক্রী, লেন-দেনা ভিন্ন এখানে আর কোনও কথা নাই ।

ভারতবর্ষের সঙ্গে এ দেশের কি সাদৃশ্য ? অনেকগুলি নেটিব ভ্রমলোককে আমি এই কথা জিজ্ঞাসা করিয়াছি, তাহারা সকলেই আমার প্রশ্নে অবাক হইয়া ঈষৎ হাদিয়া, মধুর ভাবে আমাকে উত্তর দিয়াছে—“গুরুর দিবা !—(ইংরেজীতে “বাই জোব্,” কি না ‘বাই জুপিটর’ কি না বৃহস্পতির দিবা,—সুতরাং আমাদের দেশীয় ভাষায় গুরুর দিবা !)—তুমি পঞ্চানন্দের আখ্যায় (ইংরেজী শব্দ—ওন) হইয়াও এ কথা জিজ্ঞাসা করিতেছ ? আমি তোমাকে বিশ্বাস করিতে পারি না ! কেন, একজন দুঃখপোষা শিশুও তোমাকে বলিয়া দিতে পারে যে, ভারতবর্ষের সহিত এদেশের ‘খাঙ্গ খাদক’ সাদৃশ্য । যদি সে সাদৃশ্যই না হইবে, তাহা হইলে প্রতিনিয়ত ভারতবর্ষের আধ্যাত্মিক, আধিভৌতিক এবং আধিদৈবিক উন্নতির জন্য আমরা এত ব্যস্ত থাকিব কেন ?” উত্তরের শেষভাগটা শুনিয়া আমি অধিকতর কুজ্বলিগ্রস্ত হইলাম দেখিয়া নেটিবেরা হাসিতে হাসিতে আমাকে বুঝাইয়া দিল—“আমরা মেষ ভক্ষণ করি, তাহা ত জানো । ‘বেশ্,’ কিন্তু তাই বলিয়া কি হুঙ্কল, মাংসহীন, বসাহীন মেষ অহহার করি ?

শেষকে ছুঁ পুঁ করি—তাহার পর উচিত ব্যবস্থা করি । ভারতবর্ষের উন্নতি না করিলে আমাদেরই ক্ষতি, আমাদেরই অসুখ, ইহা কি তোমরা বাস্তবিক বুঝিতে পারো না ?” এই ব্যাখ্যা শুনিয়া আমার দিব্যজ্ঞান জন্মিয়াছে । নেটিবদের সঙ্গে ভালোবাসা ত হইয়াছেই, অধিকন্তু তাহাদের উপর আমার অচলা ভক্তি হইয়াছে । যথার্থ বলিতেছি, এমন ক্ষতি-লাভক্র, সুবিভ্র পরিণামদর্শী মনুষ্য সংসারে আর কোথাও আছে বলিয়া আমার আর প্রত্যয় হয় না ।

ভারত-রাজ্য চালাইবার জন্ত নেটিবেরা যে বন্দোবস্ত করিয়াছে, দেশে থাকিয়া সেটা ভালো বুঝিতে পারিতাম না; আর দেশের অধিকাংশ লোকেই বুঝিতে পারে না । কাজেই এত অসন্তোষ, আন্দোলন এবং গণ্ডগোল সর্বদা দেখিতে পাওয়া যায় । এখানে আসিয়া উদ্ভমরূপে ইহার গূঢ় মর্ম বুঝিয়াছি, এবং বুঝিয়া প্রেমরসে অভিষিক্ত হইয়া আমি এখন কি বলিব, কিছুই স্থির করিতে পারিতেছি না । তাই অনুরোধ করিতেছি যে, কেমনও কথায় ছিট দেখিতে পান, কিছু মনে করিবেন না । মাকুর মা বলিতেন, এক দেশে এক মালিনী ছিল, সে রাজপুত্রগণকে গাড়ল করিয়া রাখিয়া দিত । এখন আমার মনে হইতেছে যে, এটা সেই মালিনীর দেশ; নহিলে যে একবার এখানে আসে, সেই গাড়ল হইয়া যায় কেন ?

ঘাউক । বন্দোবস্তের কথা বলিতেছিলাম । হিন্দুর ভারত না কি খুব পুরাতন, খুব ভক্তির সামগ্রী, তাই জানিয়া ভারতবাসীকে তুঁট রাগিবার অভিপ্রায়ে ভারত-লক্ষ্য কার্যক্রমে নেটিবগণ ভারতের প্রাচীন আচরণ বিচরণে জোর জবরদস্তি করিয়া কোন গোলযোগ করিয়া দেন নাই । ভারতবাসী জানে যে সমাগরা পৃথ্বীর রাজা না হইলে রাজাই নয়, তাই ইন্দ্রদেবী সাগরের বুকের উপর সিংহাসন পাতিয়া ভারতের ভূ-সম্পত্তির উপর অধিকার চালনা করেন । ব্রাহ্মণ,

কত্রিয়, বৈশ্য, শূদ্র—এই চতুর্ভুজের সংযোগ ভিন্ন সংসার চলে না, ভারতবাসীর এই চিরস্তনের বিশ্বাস। এ দেশের সহিত সম্বন্ধ হইলেও সে বিশ্বাসে হস্তক্ষেপ করা হয় নাই।

এই দেখুন ষাঠারা সিবিলিয়ান নামে পরিচিত, তাঁহারা হইতেছেন ব্রাহ্মণ,—বেদ-বিধির কর্তা, সকলের পূজা, যজ্ঞের দক্ষিণাত্ম পর্য্যন্ত বিরাজমান; আর সিবিল সাক্ষিণে প্রবেশ ইহাদের উপনয়ন, কবে-নাট ইহাদের উপবীত, অতএব ইহারা দ্বিজ পদবাচ্য। ইহারা স্বয়ং অবধ্য হইয়া ষাঠাকে যে নরকে নিক্ষেপ করা আবশ্যিক, করিতে সম্পূর্ণ অধিকার-বিশিষ্ট, দণ্ডনুগের কর্তা, সর্বপ্রকার পাপের প্রায়-শ্চিত্ত বিধানের একমাত্র প্রযোজক এবং ক্ষণস্থায়ী অঙ্গার সংসারে দেবতা ব্রাহ্মণের উপাসনা এবং তাঁহাদের উদ্দেশ্যে স্বার্থের উৎসর্গ করিলেই অর্গের সার্থকতা—এই পরম জ্ঞানর নিত্য উপদেষ্টা। ব্রাহ্মণের উপবীত সংস্কার অল্প বয়সেই কর্তব্য; এই জন্ত সিবিলিয়ানও অল্পবয়সে হইতে হয়, পাছে ইহারা ভারতবাসীর সংস্কার ব্যবস্থার গ্রহণে অক্ষম হইয়া অর্গে কার্য ফেলেন, এই আশঙ্কায় ইহাদিগকে এ দেশে কিছু শিখিতে দেওয়া হয় না; সুতরাং অপক্ষপাতে, অবিচলিত-চিত্তে, শুদ্ধান্তঃকরণে ইহারা তথায় কাজ করিতে পারেন।

এই রূপ মিলটারি অর্গাৎ সৈনিকরূপে, ক্ষত্রিয়, মাচ্চা-ট অর্গাৎ বণিকরূপে বৈশ্য হইয়া ভারতের গালন পালন, ধন্য রক্ষা, শাস্ত্র দীক্ষা প্রভৃতি সমস্ত ব্যাপার নেটিবেরা নিঃসঙ্গে নিষ্কাহ করিয়া আসিতেছেন। শূদ্র অর্গাৎ আমাদের দেশের লোকে যে মনে করে, নানা ভেদে ভিক্ষা করাই ইহাদের উদ্দেশ্য, সেটা নিতান্ত ভুল। সহজে বুঝিলেই ত হয় যে, একমাত্র দস্যুবৃত্তিতে যাহা সাধ্য, তাহার জন্ত এতগুলি ভিন্ন বৃত্তি কে কোথায় অবলম্বন করিয়া

সবের ছাট যে বলিয়াছি, সে কথাই মাহাশ্যও ইহারা যথাবিধি রক্ষা করিয়া থাকেন। সকলেই ত বেচা কেনার ব্যাপার লইয়া আছে; তাহার মধ্যে আমার সূতার ব্যাপারীর সম্মান সর্বাগ্রে। যে সংসারে সকলেই কর্ম্মসূত্রে বাধা, সেখানে সূতার মান বাড়াইবার চেষ্টা করাই সুবোধের কাজ! তাই এখানে মানচেষ্টারের মান রক্ষার এত চেষ্টা। ভারতবাসী না কি ব্যাপুর বোঝে না, কেবল গোল করিতেই মজ্ববুত, তাই ভক্তি কাণ্ডের সূত্রপাত লইয়াই এত বিতণ্ডা করিয়া থাকে। বাস্তবিক মানচেষ্টারের তাঁতিকুলের মান না রাখিলে এখানে কাহারই কুল রক্ষার আশা থাকে না।

এখনকার রাজকার্য্য মহাসভার দ্বারা সম্পন্ন হয়; ভারতে যেমন মহানাট, অনুনাট প্রভৃতি বিরাট পুরুষেরা সকল বিষয়ের কর্তৃত্ব করেন, এখানে সেরূপ কেহ নাই। এমন কি স্বয়ং সম্রাট বা সম্রাজ্ঞীকেও এখন সাক্ষী গোপাল হইয়া থাকিতে হয়। গৃহস্থের ইচ্ছামত ভোগ রাগে যেমন কুলবিগ্রহকে তুষ্ট থাকিতেই হইবে, এখনকার সভার কার্য্যে রাজাকে বা রাণীকেও সেইরূপ অনুমোদন করিতেই চাইবে। এ দেশটা বাস্তবিক অদ্ভুত দেশ, এখানে নামে রাজা আছে অথচ কাজে রাজা নাই। তাই বলিয়া দেশটা যে অরাজক তাহাও নহে। সেই জন্তই ত অদ্ভুত বলিতেছি।

সভার দ্বারা রাজকার্য্য নির্বাহিত হয় বলিয়াছি। এই সভায় দুই দল লোক থাকে, একদল কর্তৃত্ব করে; অন্যদল সেই কর্তৃত্ব কাড়িয়া লইবার জন্ত নিয়ত বিরোধ করিতে থাকে। মজা এই যে, কর্তৃত্ব যখন যে দলের হাতু ছাড়া হয়, তাহারাই রাজ্যের পরম বন্ধু বলিয়া আপনাদের পরিচয় দেয়। মনে করুন, এখন পাতির দল কর্তা আছে, গোড়ার দল এখন বলিয়া বেড়াইতেছে, "এ দেশ, দেশের সর্বনাশ

করিল, মানসম্মত সব গেল, লোকের টাকা ওলা খোলামকুটির মত উড়াইয়া দিল, আমরা থাকিলে কিছুতেই এমন হইত না।” কিন্তু এ দেশের লোকে বেশ বুদ্ধিতে পারে যে, দুই দলেরই মুখভারতী বিন-ক্ষণ, কাজের রীতিতে সে লক্ষণ বড় একটা থাকে না, সুতরাং রাজ্যটা খেয়ালের উপরেই চলে। নেটিবদের এই একটা আয়োজন।

সভার দুই দলেই খুব আনন্দে লোক আছে, হাতে কড়িই না থাকিলে, ইহারা ভারতবর্ষের কথা তুলিয়াও কত আয়োজন করে। কেহ ভারত-বাসীকে ইন্দ্র দিতে চায়, কেহ ভারতবর্ষকে নন্দন-কানন করিতে ইচ্ছা করে, এইরূপ কত খেয়ালই তোলে; কিন্তু কাজের ভার পড়িলে ইহারা গম্ভীর হয়, তখন আর সে কথা আয়োজনের কথা লইয়া সম্বন্ধ নষ্ট করে না। এটা খুব গুণ বলিতে হইবে, কাজের সময়ে কাজ, আর আয়োজনের সময় আয়োজন করাই তা মনুষ্যত্ব। নহিলে মনে করুন হাসিতে হাসিতে আমরা যত কথা বলি, সে সব ধরিয়া যদি কাজের বেলায় চলিতে হয়, তাহা হইলে কি রক্ষা আছে ?

চোর। চিঠি ।

[পঞ্চানন্দ ঠাকুর,

মুঙ্গীগঞ্জের ডাকমুঙ্গী আমার পরমাষ্ট্রীয়, সুতরাং লোকটা রসিক, ইহা বলাই বাহুল্য। ডাকের চিঠির ভিতর অনেক রকমের আয়োজনের কথা থাকে, ডাকমুঙ্গী ভায়া সেই লোভে, লেফাফার যোড়ের জায়গা রসনা-রসসিক্ত করিয়া অভ্যস্তরের গুট তথা মধ্যে মধ্যে জাঁনিয়া লন। নির্দোষ রসিকতা বাঙ্গালীর সম্ভবে না, সুতরাং এ বিষয়ে ইহাকে অপরাধী করিতে পারিলাম না। সেদিন

এইরূপে একখানি পত্র ইনি আমাকে পড়িতে দেন, শেষে অনুরোধের বশে নকল করিতে ও দিয়াছেন। অবিকল নকল পাঠাই; বোধ হয় ইহাতে অসন্তুষ্ট হইবেন না। ভাষার অনুরোধে লেখকের নাম গোপন করিতে বাধ্য হইলাম, কারণ রসিকতা অপেক্ষা চাকরির মূল্য বেশী।

[শ্রীপরিচিত পূজারী ।]

“আমার প্রিয়তমা জাহ্নবিঃ

ক এক দিবস যাবৎ উৎসবের কার্যে ব্যস্ত থাকা জন্ত তোমারে পত্র লিখিতে পারিয়াছিলাম না। তোমার প্রেম যদিও পিতার প্রেমের থাকিয়া লঘু জ্ঞান করি না, কিন্তু ধর্মের যদ্বারা উন্নতি সম্ভব হয়, সে বিষয়ে তোমাকেও উপদেশ দিতে আমি বাধ্য আছি। সেই জন্ত আমি সাহস পাইতেছি যে, উৎসবের বৃত্তান্ত জানানে তোমার নিকট আমার কর্তব্য করণ হইবে, এবং সেই সঙ্গে তোমার প্রতি আমার ব্যবহারে অমনোযোগ না হও প্রকাশ পাইবে।

পরম শ্রদ্ধাঙ্গদ আচার্য্য মহাশয় যে প্রকার উৎসাহের সঙ্গে আত্মাদ পৃষ্ঠদেশে হস্ত দিয়া ধর্মের পথে ঠেল দিতেছেন, তাহাতে আশী কর যায় যে, স্বর্গের দ্বার অধিক ব্যবধান নাই, কেবল নিকট হইয় আসিতেছে, প্রাণপ্রতিষ্ঠা হইতেছে, জলসংন হইতেছে, হোম হইতেছে, শান্তি হইতেছে, অভিষেক হইতেছে,—সারদা পূজার কালে পাঠাকাটন হইবে কি না; একাল যাবৎ নিশ্চয় না; কল, হওন সম্ভব করি। কেবল তাহাই না, মুসলমানের উজ্জ্বল আজান, খ্রীষ্টানের রক্ত মাংস ভক্ষণ, সেও হইতেছে।

এখনে জানা গেল, যে, শ্রদ্ধাঙ্গদ আচার্য্যের কোচা টিপিয়া ধরিতে পারিলে স্বর্গে যাওন পক্ষে বাধাঘটন হইতে পারে না। বেদ, বাইবেল, কোরান, জৈনাবস্থা, ললিত বিস্তার, চৈতন্যচরিতামৃত, ব্রহ্মমালা;

আরব্য উপভাস এবং সুগত সমাচার এই নববিধানে স্বর্গ-নিকেতনের নবস্বার বর্ণিত হইয়াছে । ব্রহ্মসন্দ আচার্য্য মগাণয়ের কল্পনার জন্ত কেহই এখন আর শুধু না, সকলেই সুপ্রকাশ, এমতে পরকালের চিন্তা আর নাই । তোমারে এইকণ আমার অনুরোধ যে তুমি সেমত গৃহিণী আর থাকিবা না, প্রেমচিন্তা এবং বৈরাগ্য অভ্যাস করণে মন দিবা ।

মায়া যাত্রার দিবস নিশ্চয় হইয়াছে । সাহেব হইয়া যখন প্রত্যাগমন করিব, সেকালে তোমার মুখচন্দ্রে উকী কলঙ্ক না দেখিতে হইলে বিলক্ষণ আনন্দ পাইব, ইহা মনে রাখিবা । ছই পয়সার সাবুন কিনিয়া হস্তে এবং মুখের পর মাখিবা, তাহাতে রং গোরা হইবে এবং উকীও পুছিয়া যাইবে । ক্রৌ আষ্টমঙ্গ গাউন পরিলে লুকান থাকিবে, তাহাতে সাবুন মাখিয়া পরসা খর্চ করিবা না ।

আইনন কালীন যেমন যেমন कहিয়া আসিয়াছিলাম, সেইমত ইং-রেজী শিখনে মন রাখিবা । ধন দাদার এবং সোণা কাকারে দেখিলে মাথার কাপড় কেলাইয়া দিবা । আমি সাহেব হইয়া আসিলের পর তোমার বিবি হওন চাই [পড়া গেল না] যাওন কালে নৌকার পর মাল্লার কোমর ধরিয়া নাচ [পড়া গেল না] বুঝা কর্তারে নমস্কার না করিয়া এইকণ থাকিয়া হস্ত চান্নন করিবা । লজ্জা থাকিলে বিবি হওন যাব না, একে বারে বেহায়া হইবা এবং রাস্তার পর ভদ্রলোক দেখিলেই পাণিগ্রহণপূর্বক সমাদর করিবা । আমাদের কুলপ্রথা এককালেই নিন্দার, সে জন্ত কুলে কাটা দিয়া বাহির হইতে প্রস্তুত হইবা ।

ব্রহ্মনে আর কৰ্ম দেখি না । কিরিয় আসিলে পর বাবুরটি পাক উঠাইবে নামাবে, খানসামা সে বাটীয়া দিবে । তুমি আমি ছুড়ি কাটা ধরিয়া টেবলে শুকন করিব । এখন কেবল মাত্র নবাব সাহেবদের করে যত্নে যত্নে বেকানে হইয়া মুসলমান অভ্যাস করিব । আখি

যেমন পুরা সাহেব আসিব, তুমিও সেইমত পুরা বিবী হইয়া থাকিতে পারিলে সুখের কারণ হইবে ।

আমার কারণ চিন্তা করিবা না । বিবী লোক বিধবা হইলে বিবাহ করিয়া থাকে, তুমিও করিতে পারিবা ; আমি তাহাতে রাগ করিব না, বরং খুশী হইব ।

সকলদিন আমারে পত্র লিখিবা । তাহাতে মাই ডিয়ার করিয়া লিখিবা, বাবু করিয়া লিগিলে আমার জাতি থাকন সঙ্কট হইবে । ঠাকুরাণীয়ে আমার প্রণয় কহিবা এই পত্রের উত্তর, মনুমেন্টের পশ্চিম চাদপালের ঘাট ঠিকানায় লিখিলে আমি পাঠ করিতে করিতে জাহাজের পর ভাসিব, দেশের হুলাশে চক্ষুর জলে ভাসিব না”

“পুনশ্চ নিবেদন, সমাজে যাতায়াত রাখনে অনাবেশ করিবা না”ঃ

পঞ্চানন্দের নিলামি আড্ডা

আমরা বলি দিলাম !

তোমরা বলো নিলাম !

নিলাম ! নিলাম !! নিলাম । ! ?

উঁচু দর যার,

জিনিশ হবে তার ।

আগামী চৈত্র সংক্রান্তির পর,

শুভ বৈশাখের পূর্বে,

হপুর বেলায়

তাড়ি-খানার সামনে,

ওটির আড্ডার পাশে

শাঁড়ির দোকানের কাছে
বর্ধমানরাজ পবানক্লাইবেরী ঘরে
(যেখানে সম্প্রতি
পঞ্চানন্দের নিলামি আড্ডা
প্রতিষ্ঠিত হয়েছে)
প্রকাশ নিলামে, সর্বোচ্চ দরে,
ছাড়িয়া দেওয়া যাইবে
তালিকার মাল । *

১ নং লাট ।

বাঙ্গালা ভাষা, পৈতৃক ও স্বোপার্জিত, মাঝে মাঝে ইংরেজীর
বুকুনী দেওয়া, মাঘ বানান ভুল, ব্যাকরণ ভুল, “বিধাতার ভুল”
ইত্যাদি সাজ সরঞ্জাম । অতি সুশাব্য, সুদৃশ্য ও সুখাণ্ড । সর্বাংশে
মদমত্ত বাবুকুলের উপযোগী ।

(সম্প্রতি একজন বাবুর যিনি সাহেব বাড়ীতে মদ্রা সাহেব, মেম-
সাহেব, খানশামা সাহেব প্রভৃতিকে তেলের যোগান দিতে চলিয়া
গিয়াছেন ।)

২ নং লাট ।

মা ঠাকরনের ঠেটি, বাবার খান কাড়া, নিজের কালা-পেড়ে শান্তি
পুরে ধুতি ও ঢাকাই উচ্চনি ও পিরান । প্রকাশ থাকে যে মেগের
শাড়ীখানি থাকিবে, নিলাম হবে না ।

সম্প্রতি জনৈক ভদ্র বাঙ্গালীর, যিনি বেলে যাইতেছেন ।)

৩ নং লাট ।

এক চাপকান (তালি দেওয়া, কিছু নূতনেরই মত), এক চোঁগা
(কিছু কশাকশি), এক মখমলের টুপি (শাঁড়ির ভিতর গুজে রাখার

দক্ষণ যৎসামান্ত বেখাপ গোছ, কিন্তু অল্পদিনের খরিদা), এক পানটু-
লুন [বোতাম নাই] এক যোড়া মোজা [গোড়ালি ছেঁড়া], এক যোড়া
জুতা [ঠনঠনের ডবল ইম্পিরিং বার্ণিশ-চটা], এক ছড়ি [পিচের]
এক ঘড়ি [অচল], এক ছেঁড়া চেন [গিল্টি করা]

[সম্পত্তি ছেনেক বাঙ্গালী বাবুর, যিনি রেলের গাড়ী থেকে নামিয়া
গিয়াছেন

৪ নং লাট ।

একটু মলবাহু কমোড [ডাক্‌ন ছাড়া], নূতন খবরের কাগজ
[গোসলখানার], একজোড়া বিলিতি ছতোর তল [পেরেক মারা]
একটা পিতলের গলাবন্দ [পোষা কুকুরের গলায় দিবার], এক ছড়ি
শিকুলি [কুকুরের, এখন গুণ্ড গুণ্ড করিলে ঘড়ীর চেন হইতে
পারে ।]

[সম্পত্তি এক সাহেবের, যিনি বদলি হইয়াছেন । জমিদারের
পুষ্টিপুত্র, উপাধিগ্রস্ত উকীল, এবং অপরাপর বড়লোকের পছন্দসই
জিনিস ।]

৫ নং লাট ।

ঝুটা (মুড়ো), দড়ি (দেড় হাত), কলসী (কিঞ্চিৎ কানাভাঙ্গা) :
(খোদ পঞ্চানন্দের সম্পত্তি, অন্য লাটের গ্রাহককে অমনি দেওয়া
যাইবে ।

পরিমাণের দোষে পরিণাম নষ্ট ।

খরিদাম সঙ্কীর্ণ হইতেছে, বিস্তর লোক জমিয়া গিয়াছে, তাহার
পাশে হীরলাল বাবুও একটু মদবিহ্বল হইয়া দাঁড়াইয়া শুন্নিতে
লাগিলেন—

ভাবযুক্ত হইয়া গায়ক গাইতেছে—

“কলসে কলসে ঢালে শুধু না ফুরায় রে ।”

তিনিয়াই হীরালালের প্রাণ চটিয়া গেল, “হুঃশালা, ধেনো । ভাইতে এত লোকের জটলা, বটে ?” বলিয়া হীরালাল সরিয়া পড়িল ।

নদীয়ার অঞ্জনা মন্দনের * চেপ্টা ।

নদীয়া জেলা জ্বরে জ্বরে থাকু হইয়া গেল । এখন জ্বরের কারণ নির্ণয় করিবার জন্য কমিশ্বন বসিয়াছে । লোক অজস্র মরিতেছে, কমিশ্ব-নরেরা কারণের কিছুই করিয়া উঠিতে পারেন নাই ; কেবল এবেলা ওবেলা অঞ্জনার কাছে যাইতেছেন, আর “হেই মা কি হবে, ওমা কি করিব, বলিয়া মাথায় হাত দিয়া কাঁদিতেছেন ।”

পঞ্চানন্দের বিশ্বাস যে, এ জ্বর বায়ুর কোপে নহে, তবে অমন ভর করিলে কি ফল হইবে ? হুঃ দেখা ভাল, অঞ্জনার রাগ পড়িলেও যদি উপকার হয় ।

খবর ।

“গোশ খবরের কুটোও ভাল ।”

—বগুড়ায় একটি স্ত্রী লোকের পুত্র মরিয়া যায়, সে কাঁদিবার জন্য পাশের দরখাস্ত করে । শাস্তিভঙ্গের ভয়ে শার্ণ সাহেব তাহা দেন নাই ; গরীব বেচারী কাঁদিতে পাইল না বলিয়া হাহাকার করিতে করিতে বাড়ী ফিরিয়া গেল । পঞ্চানন্দ এ সংবাদ সত্য বলিয়া বিশ্বাস করেন না ।

* আফ্রিকার ভূগর্ভস্থ খনিজ উত্তমরূপে জানেন, তাহাদের উপকারার্থে জ্ঞান যাইতেছে সে, অঞ্জনার প্রবাহ রোধেই নদীয়ার জ্বরের একমাত্র না হইলেও প্রধানতম কারণ বলিয়া অনেকে বিশ্বাস করে ।

পঞ্চানন্দের পিণ্ডিত ।

• — শুনা যাইতেছে যে ভারতবর্ষের জন বায়ু অত্যন্ত অস্বাস্থ্যকর বলিয়া ইংরেজেরা এদেশ পরিত্যাগ করিতেছেন। সংবাদ সত্য হইলে অতিশয় দুঃখের বিষয়; কেননা তখন আমরা বক্রতা করিলে কুনিবে কে, আর মেমোরিয়েল লিখিলেই বা পড়িবে কে ?

হিন্দুদের দুঃখে দুঃখিত হইয়া ভগলীর কএক জন উকীল ও জমিদার গোৱাদের গোকু খাওয়া বন্ধ করিবার ঐশ্বর বন্ধপত্রিকর হইয়াছেন। ইহাদের স্বজাতিবাৎসল্য প্রশংসার যোগা; কারণ, জর্জ বন্ধার উপায় করাই স্বজাতিবাৎসল্যের উৎকৃষ্ট প্রমাণ :

— তাহার সঞ্চয় বৈঠকখানার দরজা বন্ধ করিয়া মদ খাইয়া থাকেন, তাহার খোলাভাটির প্রতিবাদ করিতেছেন। পঞ্চানন্দ নিবেদনা করেন যে, একপ স্বার্থপরতা মিন্দনীয়, এবং বোধ হয় যে ভারতবর্ষীদের এই প্রকার মতদ্বৈধ দেখিয়াই সরকার বাহাদুর কাহারও কথায় কর্ণপাত করেন না। বাস্তবিক, খোলা হটক বন্ধ হটক, বাহাতে যাহাব সুবিধা সে সেই পথ অনুসরণ করিবে। ইহাতে অর্পিত করিলে ঘরে ঘরে বিবাদ হয় মাত্র। শাস্ত্রে বলে, “যেন তেন প্রকারেণ ভজ্ঞকৃৎ পদান্বজম্।” কাজ নিব্বৈই কথা।

— বর্ধমানের কমিশনার বীমস সাহেব ভগলীর বাঙ্গালীদের বিরুদ্ধে বিরক্তিকর বাচালতা বন্ধান্ত করিতে পারেন না; সেই নিমিত্ত খোলাভাটির পোষকতা করিয়া লাট সাহেবকে এক পত্র লিখিয়াছেন। ধেনো কেনো যাহাই হটক, A good glass of grog পাইলে গলা একটু সরস হইবেই হইবে। বীমস সাহেব, আর আমার একবার।

— ডিগ্গেপের প্রসিদ্ধ ঔষধের উপকার লাভের প্রত্যাশা করিলে “জীবিত মৎস্তের ঝোল” খাওয়া আবশ্যিক। কয়েকজন পুরাতন রোগী “জীবিত মৎস্তের ঝোলের” ভয়ে ঔষধ ব্যবহার করিতে না পারিয়া উপায় জিজ্ঞাসা করিয়াছেন। ঠিক বলিতে পারি না, কিন্তু

বোধ হয় মৎস্কে আগে যথেষ্ট পরিমাণে ত্রিঃ গুণ খাওয়াইয়া শেষে তাহার কোল বাঁধিলে জীবিত থাকিতে পারে । অস্ত্রঃ পরীক্ষা করিয়া দেখা উচিত ।

সমালোচনা ।

পঞ্চানন্দ, রস-প্রধান অসাময়িক পত্র ও

সমালোচন । বর্ধমান । সন ১২৮৮ সাল ।

অনেকদিন পরে পঞ্চানন্দেব দেগা পাইয়া আমরা বিশেষ খ্রীতি লাভ করিলাম । এ প্রকার পত্র বঙ্গদেশে আর নাই, ভারতবর্ষে আর নাই, পৃথিবীর কুত্রাপি আর নাই, সাহস করিয়া ইহা বলিতে পারা যায় । বাস্তবিক পঞ্চানন্দ আমার নৃগ টুঙ্কল রাখিয়াছে । যে দিন পঞ্চানন্দ বিলুপ্ত হইবে, আমরাও সেই দিন অবধি এ মুখ আর দেখাইব না । কেহ কেহ মনে করিতে পারেন, যে এটা পক্ষপাতের কথা, পক্ষপাত হইতে পারে, কিন্তু সে ভালোর ভালোবাসার পক্ষপাত, অন্ত্রানকৃত পক্ষপাত, আত্মগৌরব-জনিত স্বপক্ষে পক্ষপাত । যাহারা এ কথার পোষকতা চাহেন, তাহারা কৃষ্টি স্পেসরের সমাজ তত্ত্ব বিষয়ক গ্রন্থাবলী পাঠ করিয়া দেখিবেন, এই আমাদের অনুরোধ ।

ভাষার জন্ত কেহ যদি গৌরব করিতে পারে, তাহা হইলে পঞ্চানন্দই পারেন । অতি সরল কোমল, লালিত্য কথায় পঞ্চানন্দ মনের কথা প্রকাশ করেন, অথচ যেন ইক্ষুদণ্ড, যেন সছোবড় বুনো নারিকেল,—কাহার সাধ্য যে দহুক্ষুট করে ! কিন্তু পারিলে, রসে শীসে বিলক্ষণ ; চর্ক্য, চুম্ব্য, লেহ্য, পেয় সমস্তই বিগ্ৰহমান । কি গগাঘাত

কি পঞ্চশাব, পঞ্চানন্দের কিছুতেই কাহারও কথাটি কহিবার যোটি নাই। পঞ্চানন্দ সত্য সত্যই রস-প্রধান।

পঞ্চানন্দ অসাময়িক পত্র। ইহা অতি সুব্যবস্থার পরিচায়ক। যাহা সাময়িক অর্থাৎ Periodical তাহা কুইনানের আয়ত্ত; আর সাময়িক, সেইজন্য আর কুইনানের আয়ত্ত। সাময়িক পদার্থ মাত্রই হয় অনিষ্ট-কর, যেমন জরাদি, নচেৎ নূতনবহীন, যেমন চন্দ্র মূর্খাদি। সাময়িকের আর এক দোষ আছে, অসময়ে কোন উপকার করে না। যখন লেখকের অভাবে ছাপকের অভাবে, পাঠকের অভাবে, প্লামদায়কের অভাবে তোমার সাময়িক পত্র হৃদয়ের অন্তস্তলে লুকায়িয়া অক্ষ-বসজ্জন করিতেছে, লোক সমক্ষে বাহির হইতেছে না, তখন সাময়িক পত্র তোমার কি উপকার করিতে পারে? উপকার দূরে আস্তাং, তোমার প্রান্ত্রা ভঙ্গ, তোমার লীলাসঙ্গ, তোমার নাস্তা-নাবুদ করিয়া সাময়িক সঙ্গীনাশ করিয়া থাকে। অতএব সাময়িককে বিশ্বাস করিও না। কিছু পূর্বেই বলিয়াছি, পঞ্চানন্দ অসাময়িক, যখন সংসার আর স্থানে এক ভাব, যখন সমাজ-সমালোচনে আর গোচারণের মাঠে নেই এক অক্ষয়, অব্যয় মূর্তি সাধারণী রুত বলিয়া উপলব্ধ হয়, ফল কথা, যখন তোমার নিতান্ত অসময়, তখনই পঞ্চানন্দ। অসময়ের বন্ধুই বন্ধু, কে বলিবে, কোন পামর ইচ্ছা করিবে যে পঞ্চানন্দ সাময়িক হউক? যে করে, তাহার কাণ্ডজ্ঞান নাই। তা ছাড়া সাময়িক পত্রই ত সব গুনা; অসাময়িকেরই নিতান্ত অভাব। পঞ্চানন্দ সে অভাব পূরণ করিয়া-ছেন।

আরও এক কথা বলা আবশ্যিক। পঞ্চানন্দ শাস্ত্রার্থদর্শী, সেইজন্য অসাময়িক, শাস্ত্রকারেরা কলির এই কয়েকটি গুণ লিপিবদ্ধ করিয়া-ছেন, কলিত—(ক) অন্নগত প্রাণ, (খ) জঠরাগ্নি উগ্র, (গ)

ব্যাধিযন্ত্রির শরীর, (৪) রোগ শোক—পরিভ্রাণ—বহন—ব্যসন—
সঙ্কল জীবন, (৫) সহায়হীনের হুগতি, (৬) লোক সকল পাপযতি,
(৭) ভাষ্য গণ্ডা কেলিয়া দিতে সাধারণের মনে হয় কতি । এই
সাত পদার্থ সময়ের ‘কোদণ্ড’ অর্থাৎ “বড়রিপু” * । এতগুলি এড়া-
ইয়া কি সময়ের মান রাখা সম্ভব ?

অনেক কথা বলা গেল, আরও বিস্তর কথা বলা ঘাইতে পারে,
কিন্তু পাঠকবৃন্দের বুদ্ধিকে, খোরাক দিবার জন্য আর একটা মাত্র
কথার উল্লেখ করিয়াই আমরা কান্ত হইব ।

সমালোচনে পঞ্চানন্দ অদ্বিতীয় ; উচিত কথা উচিত মত বলিতে
পঞ্চানন্দ কখনই সঙ্কুচিত হন না । যোলো আনার জায়গায় বরং
আঠারো আনা—কম কিছুতেই না । অধিক কি, পঞ্চানন্দ আপ-
নাকেই ছাড়েন না । আপনার নিন্দা না করিয়া যে কেবল প্রশংসাই
করেন, তাহাতে বিশেষ ক্ষতিকূর্ণি নাই, তিনি যে নাছোড়বন্দা,
তাহাতেই তাঁহাকে ধন্যবাদ প্রদান করিতেছি ।

সমালোচন ।

২ ।

বড় দুঃখ হইয়াছে, আর কিছু ভালো লাগে না, নহিলে সমালোচ-
নার সমালোচনায় দেশ শুদ্ধ বিব্রত করিয়া তুলিতাম । সমালোচনা
করিব কি, দুঃখেই অিয়মাণ হইয়া রহিয়াছি এবং “দেবের মরণ নাই
তাই বেঁচে আছি ।” দুঃখ না করিয়া রাগ করিলেই এ বিভ্রম আর
সহ্য করিতে হয় না, কিন্তু দুঃখের বিষয় এই যে, রাগ করিবার যো
নাই । কারণ পঞ্চানন্দ রাগ করিলে, রক্ষা করিবে কে ?

* “বড়রিপু হলো কোদণ্ডরূপ ।”

—দাণ্ডায় ।

ছাপাখানা-রূপ স্থানে পঞ্চানন্দের প্রধান অমুচর—নন্দী !
নন্দীর দৌরাণ্ড্য কিছু বেশী বেশী ; মানুষে কখনও এত সহ্য করিতে
পারিত না। নন্দীকে শাসন করাও চলে না ; কারণ, প্রমথ ভিন্ন
পঞ্চানন্দের অমুচর আর কে হইবে ? অথচ সকল ভূতই তুল্য ।

সমালোচনা করিবার জন্য পুস্তকের অভাব আছে তাহা নহে ।
অভাব হইলেও যে সমালোচনা চলিত না, এমত নুহে । অনেক
পুস্তক অদ্যাপি লিখিত হয় নাই, লিখিত গ্রন্থ সমালোচনার জন্য যাহা
পাওয়া যায়, তাহার অধিকাংশ হইতে সেই অলিখিত গ্রন্থগুলি সুখ-
পাঠ্য, সুকচিসম্পন্ন, রসভাবযুক্ত এবং বিদ্যাবস্তার পরিচায়ক ।
প্রশংসা করিতে হইলে সেই গুলির প্রশংসা করিলে চলিতে পারে;
নিন্দার পাত্রেয় কথা ত বলাই বাহুল্য । সুতরাং গ্রন্থভাবে সমা-
লোচনা হইতেছে না, ইহা বলা চলে না ।

সূক্ষ্ম বিচার ।

গঙ্গারাম মগুন শুদ্ধ কৃষি কার্যের দ্বারা দশটাকার সফলতা
করিয়াছিল । তাহার বাড়ী রাত্রিতে ডাকাইত পড়িল । গঙ্গারামের
পিতামহের আমলের এক মন্ত কাতান ছিল; সাহসে ভর করিয়া
গঙ্গারাম দ্বার খুলিয়া বাহির হইল, ডাকাইতদের সম্মুখে গিয়া পড়িল,
তুই জনকে গুরুতর আঘাত করিলে, শেষে একাই দলকে দল
ভাগড়া করিল ।

পরদিন পুলিশের ইন্স্পেক্টার জমাদার কন্টেবল প্রভৃতি
আসিল, গঙ্গারামের নিকট চতুর্দিক তোলন লইল, বোড়শোপচারে
পূজা লইল ; অর্থাৎ তুই জনের নিকট অপর ডাকাইত কয়েক জনের

সন্ধান লইল, ডাকাইত ধরিল। শেষে ডাকাইত জখনি গঙ্গারাম মণ্ডল, প্রভৃতি চালান দিল।

মাজ্জেষ্ট্রসাহেব ডাকাইতদের দাওরা সোপর্দ করিলেন, গঙ্গারামকে পঞ্চাশ টাকা পুরস্কারের হুকুম দিলেন।

কিয়ৎকাল পরে গঙ্গারামকে সাহেব জিজ্ঞাসা করিলেন “গঙ্গারাম! কিসের সোইট টুপি মারিয়াছিল সেই ডেকয়েট এঃ?”

গঙ্গা! “ধর্ম্মাবতার! এই কাতান দে।”

মাজ্জে! “পাইয়াছে টুপি লাইসেন্স ইহা টর ওয়ালার নিমিট?”

গঙ্গা! “ধর্ম্মাবতার! আমরা চাষী রেওৎ, আমাদের ত লাইসেন্স নেই।”

মাজ্জে! “টুপি হাটিয়ার রাখে, হাটিয়ার বহন করে, কিণ্টু লাইসেন্স লয় না। তোমার ডুই সটো টাকা জোরমান, আওর শ্রম সর্হিট টিন মাহিনা, না ডে, আর টিন মাহিনা।”

গঙ্গারাম সন্তুষ্ট হইল। রুতজ্ঞতার বেগে তাহার গণ্ড বহিয়া আনন্দাশ্রু প্রবাহিত হইল।

প্রশ্নোত্তর

প্রশ্ন। বলো দেখি বুড়রা বেশী দিন বাঁচে কেন?

উত্তর। যাহারা অল্প বয়সে মরে তাহার বৃদ্ধাবস্থা প্রাপ্ত হয় না বলিয়া।

প্রশ্ন। যদি তোমার কৃত প্রতিজ্ঞা ভঙ্গ হয়, তবে কি করিবে?

উত্তর। আর একটা ঠিক সেইরূপ প্রতিজ্ঞা করিয়া তাহার স্থান পরণ করিব।

প্রশ্ন । সহজে কাহারও বুদ্ধি পরীক্ষা করিবার উপায় কি ?

উত্তর । তাহার সম্মুখে তাহাকে বোকা বলা । কাণাকে কাণা বললে রাগ করে, যাহার চক্ষু আছে সে করে না ।

প্রশ্ন । একটি রূপার ঘড়ীকে মদের বোতল কিরূপে করা যায় ?

উত্তর । ঘড়ীটা বাধা দিলেই টাকা, শুঁড়িকে টাকা দিলেই বোতল ভরা মদ ।

প্রশ্ন । তোমার পরিচিত কোনও পাঁচ জন লোকের মধ্যে কে কে তোমার আগে মরিবে বলিতে পার ? এ প্রশ্নের উত্তর দিতে, তোমার যত ইচ্ছা, সময় পাইতে পার ।

উত্তর । ঈ, তাহা হইলে পারি । যেমন যেমন দেখিব, তেমনি তেমনি বলিয়া দিব ।

প্রশ্ন । ব্রহ্ম এবং ব্রহ্মার প্রভেদ কি ?

উত্তর । ব্রহ্ম—নিরাকার ; ব্রহ্মা—সাকার ।

প্রাপ্ত পত্র ।

(নিম্নোক্ত পত্রখানি ইংরেজী ভাষায় লিখিত ছিল ; ইহার অনূদিত শব্দগুলির জন্ম পঞ্চানন্দ স্মরণ দায়ী ।)

পঞ্চানন্দ প্রতি ।—

প্রিয় মহাশয়,—আমি বিজ্ঞাপিত হইয়াছি যে, তুমি এক খাতা লইয়া লোকের বাড়া বাড়া গিয়া থাকে, এবং সকলকে উক্ত খাতায় নাম দস্তখত করিতে বলিয়া থাকে ; এবং এইরূপে জীবগণের প্রতি নিষ্ঠুরতা প্রদর্শন করে ।

তোমার মঙ্গলের জন্ম আশা করা যাইতেছে যে, তুমি এ সত্য, যাহার আমি সম্পাদক হওনের সম্মান উপভোগ করি, অস্তিত্ব বিষয়ে

অবগত নও। কারণ অসুখা তোমার বুদ্ধিমত্তা এক বিবেচকতার প্রতি সন্দেহ করণের যে কষ্টকর আবশ্যকতা, তাহা আমাকে উপলব্ধি করিতে হইবে। যাহা শুউক আমি জানাইতে আদিষ্ট হইয়াছি যে, চারিখণ্ড পদের উপরে বিচরণ না করিলেই যে কেহ এই সভার আশ্রয় পাইবার যোগা হয় না, এমত নহে। প্রাণিতর্কবিৎ পাণ্ডিত্যের সংজ্ঞা ও শ্রেণী বিভাগ বিষয়ে বর্তমান কাল পর্য্যন্ত সম্পূর্ণতা লাভ করিতে পারেন নাই; এবং তাঁহারা একমুতও নহেন। অতএব বাহ্য মূর্তি দেখিয়া বিচার করা সম্পূর্ণরূপে বুদ্ধিবৃত্ত নহে; আর এ বিষয়ে তুমি যত শীল আপনাকে অপ্রভাবিত করো এবং যে ভয়ের অধীনে তুমি পরিশ্রান্ত হইতেছ বর্নয়ঃ বোধ হয়, তাহা হইতে তোমাব চিত্তকে অনপমার্গগামী করো ততই উত্তম।

উপসংহারে তোমাকে আমার অনুরোধ করিতে হইতেছে যে, এই সভার সংঘর্ষণ এড়াইবার জন্য, কাগাকেও উৎসীড়ন করিবার অগ্রে, সে তোমার ভাষা বুঝে কি না, এবং তৎপরিবর্তে, নিশ্চয় করিবে। যাহাতে ক্রটি করিলে, সভার কণ্ঠচারিগণ তোমার বিরুদ্ধে উপায় অবলম্বন করিতে উপদিষ্ট হইবেক।

তোমার আজ্ঞাধীন ভৃত্য

(স্বাক্ষর অপার্টা)

পঞ্চদশদিগের প্রতি নিষ্করতা

নিবারিণী সভার সম্পাদক।

[সময় মত এই উপদেশ পাইয়া পঞ্চানন্দ উক্ত সভাকে ধন্যবাদ দিতেছেন। অধিকন্তু সভার সমীপে অনুরোধ যে তাঁহাদের আশ্রয় লাভযোগ্য সকল প্রাণীর এক একটা নমুনা, আলিপুরের প্রাণী বাটিকায় রাখিয়া দিয়া তাঁহারা পঞ্চানন্দের উপকার করেন। কারণ “মুনীনাঞ্চ মতিভ্রমঃ।”

সুসমাচার ।

“মশিনাল পেপার” নামক দৈনিক পত্রে বিধ্বংসন মিত্র লিখিয়া-
ছেন যে ১৬ই জানুয়ারী কেশব বাবুর দলের ব্রাহ্মগণ এক উৎসব
করেন, তৎপলক্ষে খ্রীতি ভোজন হয়, তাহার পর, “The demon
of drunkenness was then burnt,” (অর্থাৎ) মাতলামির কুশ-
পুস্তন করিয়া তাহার অগ্নিসংস্কার করা হইয়াছিল ।

পঞ্চানন্দ ইহাতে দুই চাঁরি কথা জিজ্ঞাসা করিতে ইচ্ছা করেন ।

(১) মাতলামি কি দ্বাদশ বৎসর কাল নিক্রমশ হইয়াছিল ?

(২) মাতলামি নিরাকার, ব্রাহ্ম হইয়া মাতলামির কুশপুস্তন
অর্থাৎ গুণি নিশ্চয় করা কি পৌত্তলিকতার চিহ্ন নহে ?

(৩) দাঃ করিবার আগে মুখাণ্ডি করা হইয়াছিল কি না ?
হইয়া থাকিলে, কে করিয়াছিল ?

(৪) ব্রাহ্ম মতেই হটক, আর হিন্দু মতেই হটক, যখন
সংকার হইয়াছে, তখন ব্রাহ্ম হটক । মনের শ্রদ্ধা কবে হইবে, এবং
কোনদে হটকবে ?

পঞ্চানন্দ পরোপকারী “দৌবতাম্ ভূজাতাম্” অবধি কাঙ্গালী
বিদায় পয়ান্ত উপস্থিত থাকিতে প্রস্তুত আছেন ।

সরকারী বিদ্রোপন ।

শস্তা! খুব শস্তা!! মজির দর!!!

শ্রীল শ্রীযুক্ত ভারতবর্ষের মন্ত্রিসভাধিষ্ঠিত বড লাট ও রাজ্যী
প্রতিনিধি—এতদ্বারা ভারতবর্ষীয় সর্বসাধারণ জনগণকে জানাইতে-
ছেন যে, শ্রীল শ্রীযুক্ত ভূতপূর্ব লাট ডানহোসির আমল হইতে

মহারাজা, রাজা প্রভৃতি যে সকল খেতাব রাজভাণ্ডারে মজুদ
হইয়া সময় মত রৌদ্র বাতাস না পাওয়া হেতু ক্রেমখোঁদা অর্থাৎ
পোকায় কাটা ও বন্মোকদষ্ট অর্থাৎ উইধরা হইয়া জীর্ণ ও ছিন্ন ভিন্ন
হইয়া যাইতেছে, তাহা এবং হাল আমদানি রায়বাহাদুর, খাঁ বাহা-
দুর, এ, পি, ই, এ,-জয়,-এস্ প্রভৃতি বহুতর খেতাব আগামী ১লা
এপ্রেল মেকিস্তি লায়ারের প্রকাশ্য নিলামে দিবা দুই প্রহরের সময়
বিক্রয় করা যাইবেক। নিলামের সময়ে অর্ধেক টাকা দিয়া রাখিতে
হইবেক, এবং কাবুলঘুকের অবলান হইলে বাকী টাকা লইয়া গুদাম
খোলা যাইবেক। যাহাদের প্রয়োজন হয়, এমন সুযোগ তাহায়া
না ছাড়ে, বডলাটের এই অনুরোধ।

আদেশক্রমে

শ্রীসেক্রেটারী।

বিজ্ঞাপন।

২।

দ্বিতীয় সংস্করণ! দ্বিতীয় সংস্করণ!! দ্বিতীয় সংস্করণ!!!

“অত্যাৎকষ্ট” কাব্য।

ছয় মাসের মধ্যে এই অপূৰ্ণ গ্রন্থের ‘মলাটের’ দ্বিতীয় সংস্করণ
হইয়াছে। মূল গ্রন্থ অবিকল আছে। মূল্য ২৫। একখণ্ডের
কম পুস্তক না লইলে শতকরা একশ টাকা কমিশ্বন দেওয়া যাইবে,
ডাক মাণ্ডল দেওয়া না দেওয়া ক্রেতাদিগের ইচ্ছাধীন।

গ্রন্থকার স্বয়ং এই পুস্তকের সমালোচনা করিয়াছেন; বেয়ারিং
পত্র লিখিলে, এই সমালোচনা বিনা মূল্যে দেওয়া যাইবে।

শ্রী—হঃ।

মাতবর দলীল ।

কড় লাট লীটন যে বড় কবি অনেকে জানেন না, অথবা মানেন না । কিন্তু এবার তিনি মাতবর দলীল দেখাইয়াছেন, আর কাহারও সন্দেহ করিবার অধিকার নাই ।

ইংরেজী-কবিকুল-চূড়ামণি একস্থানে বলিয়াছেন যে, প্রণয়ী, কবি, এবং পাগল,—এ তিনই এক । এই কথা'র উপর নির্ভর করিয়া লাট সাহেব পূজার পক্ষে হুকুম দেন যে, সরকারি অফিস প্রভৃতি দুর্গাপূজার সময় ১০ বারো দিন বন্ধ রাখিলে বাবসায়ের এত ক্ষতি হয় যে, ছোট লাট সাহেবের অনুরোধ সত্ত্বেও তিন দিনের বেশী ছুটি মঞ্জুর করা যাইতে পারে না ।

এখন আবার সেই কথারই—অর্থাৎ কবির কুটুস্থিতার কথা—পোষকতা করিবার জন্য হটাৎ হুকুম দিয়াছেন, পূজার ছুটি বারো দিন অবশ্যই হইবে, ইচ্ছাতে বাবসায় মাটি হয়, হউক । এই হুকুম দেওয়াতে সকলকেই স্বীকার করতে হইয়াছে যে, লাট সাহেব খুব উচু দরের কবি ।

আগামী পূজা পর্যন্ত এ হুকুম স্থিরতর থাকে কি না, ইহা না দেখিয়া আশীষাদের বিষয় বিবেচনা করা যাইতেছে না ।

টীকা টিপনী ।

হর্ষে-বিষাদ ।—গেজেটে দেখা গেল দ্বিতীয় খণ্ড পঞ্চানন্দের সরকারি বিজ্ঞাপনের কাজ হইয়াছে,—বঙ্গদেশে অনেকগুলি রাজা বাড়িয়াছেন । দেখিয়া পঞ্চানন্দ বড়ই আহলাদিত হইয়াছেন । বাহারা রাজা হইয়াছেন, তাঁহারাও আহলাদিত হইয়াছেন, এইরূপ

অনেকের বিশ্বাস। একজন মহারাজও হইয়াছেন,—ইহার সম্বন্ধেও ঐ কথা। এই গেল সুখের বিষয়, সুতরাং হর্ষ।

এ দিকে মহারাজ বাড়িল, রাজা বাড়িল, কিন্তু রাজ্য লাভ কাহারও ভাগো ঘটে নাই; লাভের মধো, “নাম গোয়ানা কাজি ভক্ষণ”—এ সকল Jack Lackland. Johannes Sansterre এর দেশে হটক, সেই ভালো, এ গোলামের পুরীতে কাজ কি? সুতরাং সুখের বিষয়, অতএব বিষাদ।

দ্রবাণ্ডণ।—পঞ্চানন্দের কাবুলস্থ সংবাদদাতাকে প্রশ্ন-কমিশ্বনর সাহেব একখানি চসমা দিয়াছিলেন, তাহার গুণে তিনি যে যে বস্তু দর্শন করিতে পাইয়াছেন, তাহা কাহারও অবিদিত নাই। চসমা না থাকিলে তিনি যদি এই সকল দেখিতেন, তাহা হইলে লোকে তাহাকে মুখ্য খোশামুদে, ভীকু প্রভৃতি বিশেষণ দিয়া এক ঘরে করিত। দ্রবাণ্ডণ মানিতেই হইবে, এই জন্ত তাহার সুখ্যাতি হইয়াছে।

গোলাসের কান! ছুইয়া, তাহার পুর সোটে সেই আঙ্গুল ঠেকাইয়া গোবর্দ্ধন গুণনিধিকে অশ্লীল, অসভা, অবাচ্য, অশ্রাব্য কথা প্রয়োগ করিয়া বিরক্ত করিতে লাগিলেন। দ্রবা-ণ্ডণ স্বীকার করিতে সকলেই বাধ্য বলিয়া গোবর্দ্ধনের প্রত্যেক শব্দে হাসির গিটখিরি উঠিতে লাগিল, গোবর্দ্ধনের বাকপটুতার প্রশংসা হইতে লাগিল, রসিক বলিয়া গোবর্দ্ধনের একটা নাম পড়িয়া গেল। সহজে যাহাতে ভদ্র-সমাজে গোবর্দ্ধনের কলিকা পাওয়া দুর্ঘট হইত, দ্রবাণ্ডণে সেই হেতু-তেই গোবর্দ্ধনের আদর বাড়িল।

কেশব সেন চক্ষে চসমা দিয়া, চক্ষু মুদিত করিয়া আকাশ পানে তাকাইয়া নিরাকার ব্রহ্মকে দেখিতে পাইলেন, ব্রহ্মের দক্ষিণ হস্তে যৌগন্ধীষ্টকে, বাম হস্তে মুসাকে, যৌগুর দক্ষিণে চৈতন্তকে, মুসার বামে শাক্য মুনিকে, এইরূপে প্রতিমা সাজান গোছ সমস্ত দেখিতে পাই-

লেন। সহজে, শুধু চর্য চর্যে এইরূপ কিছু দেখিলে অস্ত্রে পরে
দূরে থাকুক, কেশব সেনই তাঁহাকে দোক্তাহীন ভণ্ড, পাপিষ্ঠ প্রভৃতি
আখ্যা দিতে ক্রটি করিতেন না। দ্রব্য গুণ স্বরণ করিয়া সকলে
একবাক্যে স্বীকার করিতেছে, কেশব সেন পরম ধার্মিক, একেশ্বরবাদী
নিরাকার ত্রফের উপাসক বৈরাগ্যব্রতধারী, সংসারের মায়ার অতীত,
নিস্কাম এবং গুণধাম ।

দ্রব্য গুণে সকলই ইদ বলিয়া আজি কালি প্রাকৃতিক বিজ্ঞানের
উপর লোকের এত টান পাড়িয়াছে। ফলে, দ্রব্যগুণ মানো আর
নাই মানো, সাদা চোখে মজা নাই, ইঙ্গা মানিতেই হইবে। সম্ভাব্য
যদি সুখ চাও, পঞ্চানন্দের পরমশ নাত, দোক্তা বাদ দিয়া ত্রিভা-
নন্দের চেষ্টি দেখো।

ভাব ব্যাখ্যা।—ইংলণ্ডের রাজত্ব উপলক্ষে কোনও কথা বলিতে
হইলে ব্রিটিশাই বলিয়া তাহার উল্লেখ হয়, সিংহই ইংলণ্ডের
রাজাচিহ্ন। সকলে এ কৃপকের সম্পূর্ণ ভাবগ্রহণ করিতে পারে না
বলিয়া, বুঝাইয়া দিতে পঞ্চানন্দের বাসনা হইয়াছে। সিংহ পশু-
রাজ : আর ইংলণ্ড যাজাদের উপর রাজত্ব করেন, তাহারাত
পশু। পশুরাজ হইলেও সিংহ নিজেও পশু ; ইংলণ্ডের আচরণে
ইংলণ্ডের আফালনে, ইংলণ্ডের হুকুমে ইহার প্রমাণ। কোথায়ও
খল্ক শাদ্দুল একটি মৃগশিশু লইয়া বিবাদ করিলে, সিংহ গিয়া
মধ্যস্থ হয়, এবং আপনার সংস্থান তাহার ভিতর করিয়া লয় ;
ইংলণ্ডও সাইপ্রস্ অধিকার করিয়াছেন। ক্ষুদ্র ক্ষুদ্র জীবজন্তু
দেখিলে সিংহ তাহাদিগকে আক্রমণ করে ; ইংলণ্ড নাগাদের সঙ্গে
বুদ্ধ করিতেছেন। গল্পে আছে, একদা এক সিংহ কূপমধ্যে স্বীয়
প্রতিবিম্ব দেখিয়া, প্রতিদ্বন্দী মনে ভাবিয়া, তাহাকে বিনাশ করিবার
কল্পিতামস

আকগানস্থান অধিকার করিতে গিয়াছেন । আইন কানুন ইংলণ্ডের
নথর কেশর, টেক্স ইংলণ্ডের পুচ্ছ, বন্ধুক সন্ধিন ইংলণ্ডের দংষ্ট্রা ।
অতএব ইংলণ্ড সিংহ ।

নূতন নিয়মে জাতিভেদ ।

অনেকে বলেন যে, ইংরাজী বিচার প্রভাবে চিরাগত জাতিভেদ
প্রায় লোপ পাইয়া আসিয়াছে ; কিন্তু প্রকৃত পক্ষে পুরাতন প্রণালীর
পরিবর্তে নূতন প্রণালীতে জাতিভেদ প্রবর্তিত হইতেছে মাত্র ;
একেবারে একাকার কিছুই হইতেছে না । নূতন প্রণালীর একটা
দৃষ্টান্ত দেওয়া যাইতেছে ।

আজ্জ কালি যাহারা কন্যাদায়গ্রস্ত, তাহারা চণ্ডালের অধম ;
সকলেই তাহাদের পূজ্য, সকলেই তাহারা কন্যা সম্প্রদান করিতে
পারে । যে লেখা পড়া শিখিয়াছে, ইংরেজীরূপ বেদে যাহার
অধিকার আছে, সেই এখনকার ব্রাহ্মণ, বরের প্রয়োজন হইলে,
তাহার আদর মর্যাদা যথেষ্ট । যাহার বিষয় বিভব আছে, অন্নচিণ্ডা-
রূপ শত্রুকে যে পরাজয় করিয়াছে, দাসদাসী রূপ প্রজাপুত্র যাহার
বশুতা স্বীকার করে, সে ইদানীন্তন ক্ষত্রিয়, বরস্বরূপে সেও
প্রার্থনীয় । যে দোকান পসার ব্যবসা কৃতি করিয়া জীবন যাত্রা
নির্বাহ করে, সে বৈশ্য বর, ইহাকেও কন্যা দেওয়া প্রশস্ত । নিতান্ত
অভাব হইলে পরপদসেবাধিকারী; অর্থাৎ যাহার একটা যেমন তেমন
চাকরি যুটিবার সম্ভাবনা আছে, বরের হাতে সে শূদ্রেরও মূল্য আছে ।

সকল দেশেই চিরকাল জাতিভেদ আছে, চিরদিনই থাকিবে ;
সেই পুরাতন ভাঙ্গিয়া চুরিয়া, গড়িয়া পিটিয়া এখন যে যত নূতন

দরকারি বিজ্ঞাপন ।

চাই—একটা লেজ !

পঞ্চানন্দের একটি প্রিয়পাত্র আছে । রূপ, যৌবন, ধন, মান, আশা, আশ্রয়, যাহা কিছু করিয়া দিতে হয় পঞ্চানন্দ ইহার সকলই করিয়া দিয়াছেন ; প্রিয় পাত্রটি একটি পোষা বাদর ।

বাদরামি যত রকম ইহাতে পারে, প্রিয়পাত্র তাহার সমুদায় প্রদর্শন করিতে অদ্বিতীয় বালিলেই হয় । সংসারে যে লেজ পাইলে অনেকেই বাদর জন্ম সার্থক করে, সে উপাধি লেজও প্রিয়পাত্রের পর্যাপ্ত পরিমাণে আছে । পঞ্চানন্দের সুপারিশে বিধাতা পুরুষের কলমে, আটকুড়ার কপালে, যাহা লেখান সম্ভব, তাহা সমস্তই লেখানু হইয়াছে । এমন কি, প্রিয়পাত্রকে দেখিয়া সকলেই বলে—“আহা ! এটা রাজপুত্রের বিশেষ !” লোকে বলে বটে, কিন্তু পঞ্চানন্দের যোল আনা সুখ ইহাতে হয় না ; কারণ, তাঁহার পোষা বাদর যে সে নাচাইয়া বেড়ায় । প্রিয়পাত্র যখন উঁচুর উপর বসিয়া থাকে, তখন নীচে দাড়াইয়া কেহ হাততালি দিলেই মনের মত বাদরামিটি দেখিতে পায় । হুঃখ এই যে, অন্তরালে থাকায় পঞ্চানন্দ তখন প্রিয় পাত্রকে আদৃত করিতে পারেন না । ইহার একমাত্র কারণ,—প্রিয়পাত্রের একটি লেজের অভাব ! °

অতএব এতদ্বারা সংবাদ দেওয়া যাইতেছে যে, যদি কেহ এই প্রিয় পাত্রের উপযুক্ত একটি লেজ সংযোগ করিয়া দিতে পারেন, তাহা হইলে পঞ্চানন্দ তাঁহার নিকট বিনিমুল্যে কেনা রহিবেন অর্থাৎ তাঁহাকে একধণ্ড পঞ্চানন্দের অবৈতনিক গ্রাহক শ্রেণীভুক্ত করিয়া লওয়া যাইবেক ।

সময়োচিত প্রস্তাব ।

আমেরিকাতে ডাক্তার টানর স্বয়ং চল্লিশ দিন উপবাস করিয়া থাকিয়া সপ্রমাণ করিয়াছেন যে, আহার একটা বদ অভ্যাস মাত্র ; বস্তুতঃ আহার না করিলে সংসারের কোনও ক্ষতি নাই, বরং উপকার আছে ।

ভারতবাসী এ সহজ কথাটা কিন্তু বুঝতে পারে না, সেই জন্য লাইসেনের টাকা কাবুলের যুদ্ধে খরচ হইতে দেখিয়া মহা গুণ্ডাগোল করিতে থাকে ।

স্বপ্নের বিষয় এই যে, সমুদয় ভারতবাসী এ প্রকার ভ্রান্ত নহে । কারণ যাহারা দেশীয় ভাষায় সংবাদ পত্র চালায়, তাহাদের অধিকাংশই 'ডাক্তার টানরের চৌদ্দ পুরুষ :—ইহারা পেটেত খাইতে পারাই না, অধিকন্তু পিটে খাইয়া থাকে ।

এই সকল অবস্থা বিবেচনা করিয়া পঞ্চাশক প্রস্তাব করিতেছেন যে, কাবুল যুদ্ধ বন্ধ না করিয়া মধ্যে মধ্যে কাবুলীদিগকে লাইসেনের তহবিল হইতে টাকা ষোগাইয়া লড়াই করাইয়া লওয়া হউক, এদিকে দুর্ভিক্ষ নিবারণের জন্য এন্টা অনাহারবিবাহিনী সভা সম্পাদিত হউক, ডাক্তার টানর তাহার সভাপতি, দেশীয় সংবাদ পত্রের লেখকেবা সভা, এবং হিন্দু-বিধবারা সভা নিয়োজিত হইয়া ভারতে অনাহার শিক্ষা দেওয়া হউক । তাহা হইলে সকল দিক রক্ষা হইতে পারিবে ।

উক্ত সভার ব্যয় বিধানও অধিক হইবার সম্ভাবনা নাই ; কারণ পেটের দায় না থাকায়, একটা মোটা গরু একেবারেই লাগিবে না, আর ভারতবর্ষ গ্রীষ্ম প্রধান দেশ, কাপড় পরাটা ক্রমে উঠাইয়া দিলেই চলিতে পারবে ।

• ভরসা করি ভারতসভা এ প্রস্তাবের পোষকতা করিয়া চসার, আড্ডিসন, ডি কুইন্স্বা মেকলের ইংরেজীতে পার্লামেন্টের বরাবর এক দরখাস্ত করিবেন, এবং এ বিষয়ের আন্দোলন জন্ত বিলাতে এক জন প্রতিনিধিও পাঠাইবেন। এখন বিবেকাল সম্প্রদায় প্রবল, সুতরা আশার গর্ভতা হইবার কোনই হেতু দেখা যায় না।

হিসাবী লোক ।

বারাসাতের ভুলু মাষ্টার গাঁজা খায়, কিন্তু খুব হিসাবী লোক। লালু বাবুর বৈঠকখানায় বসিয়া ভুলু মাষ্টার এক দিন শুনিল যে, কলিকাতায় গাঁজা বড় শস্তা।

দিন দুই পরে ভুলু মাষ্টার আবার লালু বাবুর বৈঠকখানায় উপস্থিত। গল্পের প্রসঙ্গে বলিয়া ফেলিল “যথার্থ কথা; কলিকাতায় গাঁজা খুব শস্তা। হু আনায় যাহা আনিবাছি, এখানে দশ পয়সাতেও তত পাওয়া যায় না।”

এক জন জিজ্ঞাসা করিল “তুমি গিয়াছিলে না কি?”

ভুলু। “ভাই, না গিয়ে কি রোজ রোজ ঠকিব? এক খান ফিরতি গাড়ী পেয়েছিলাম; সবে বারো আনা ভাড়া। আসবার সময় কিছু বেশী পড়েছিল—পাঁচ সিকা। কিন্তু, বন্ধে বিশ্বাস করবে না, আট পয়সায় এই এত গাঁজা।”

উপস্থিত বুদ্ধি ।

বাবু আকিষ ঘাইবার জন্ত সেজে শুজে বাহির হইতেছে, এমন সময়ে দুই জন ইয়ার মদের বোতল সঙ্গে আসিয়া উপস্থিত। বাবুকে

অনুরোধ, একটু বসিয়া এক গেলাস খাইয়া আকিণে যান, এখনও তত বেলা হয় নি, তাড়াতাড়ি কেন ?

বাবু। “না ভাই; এখন খেয়ে গেলে মুখ দে গন্ধ বেরোবে, সকলে টের পাবে।”

ইয়ার। “হ্যাঁ টের পাবে, না ঘোড়ার ডিম হবে। নেহাত টের পায়, বলবে, যে আজ তার নয়, কাল রাত্তিরে খেয়েছিলে, তারই গন্ধ।”

তর্ক অকাটি। বাবু নিরুত্তর।

যেটা পছন্দ হয়।

কেশব চক্রবর্তীরা তুই ভাই; জ্যেষ্ঠ কেশব, কনিষ্ঠ গদাধর। গ্রামান্তরে কলারের নিমন্ত্রণ হইয়াছে; বাড়ীতে ঠাকুর। অনেক বেলা পর্যন্ত গভীর চিন্তা করিয়া কেশব বালিল—“গদা কি করবি ? হয়, তুই ঠাকুর পূজা কর, আমি কলারে যাই; নয়, ত, আমি কলারে যাই, তুই ঠাকুর পূজা কর।”

গদাধর সাদা সিধা লোক; উত্তর দিল—“যা বলো দাদা, তাই করি; কিন্তু কলারটা আমি ছাড়'ব না।”

স্মরণ রাখিবে।

মিতান্ত অনুরোধের বশীভূত হইয়া পঞ্চানন্দ প্রকাশ করিতেছেন যে, বাঙ্গালীদের কঁাসি যাহাতে না হয়, তদ্বিষয়ে বিবেচনা-পূর্বক পার্লামেন্টে দরখাস্ত করিবার জন্ত, আগামী চৈত্র সংক্রান্ত

করম, মোতাবেক ইংরেজী ১লা এপ্রিল চৌনহলে এক মহতী সভা হইবে। সভার উদ্দেশ্য আত মহৎ; গলার জোরেই বাঙ্গালী বাঁচিয়া আছে, এমন গলায় ফাঁসি দিলে নিতান্ত প্রভুভক্ত একটা সভ্যতম জাতির রুটি মারা যায়। সুতরাং পঞ্চানন্দ ভয়সা করেন, যে দেশহিতৈষী ব্যক্তি মাঝেই ঐ দিবস সভাস্থলে উপস্থিত থাকিয়া সভাগণের আনন্দ ও উৎসাহ বর্ধন করিবেন।

বিদ্যাসাগরের নূতন উপাধি।

বিদ্যাসাগর মহাশয় রাজদ্বারে নূতন উপাধি পাইয়াছেন শুনিয়া, একজন পল্লীগামের অধ্যাপক তাঁহার সঙ্গে দেখা করিতে আইসেন। বিদ্যাসাগর মহাশয়কে অধ্যাপক জিজ্ঞাসা করিলেন—“নূতন উপাধিটা কি?”

বিজ্ঞা।—“সি, আই, ই।”

অধ্যা।—“তাহাতে কি হইল?”

বিজ্ঞা।—“ছাই।”

অধ্যা।—“সাধু! সাধু! রাজার মুখে সকলই শোভা পায়।”

প্ৰেশ কমিণনার হইতে প্ৰাপ্ত ।

যে সকল বাবু ভ্রমক্রমেও বাঙ্গালা লেখেন না, বাঙ্গালা পড়েন না, এবং বাঙ্গালা ভাষায় কথাবার্তা কহেন না, তাঁহাদের সম্মানার্থ এন্ (n) উপাধি সৃষ্টি করিবার কল্পনা ভারতবর্ষীয় গবর্ণমেন্ট করিতেছেন। ষাঁহারা উপাধির যোগ্য হইবেন, তাঁহারা প্রত্যেকে

এক এক রক্তাকল ধিল্লৎ স্বরূপ পাইবেন। মুক্তার মালা তাঁহা-
দিগকে দেওয়া যুক্তিসিদ্ধ বোধ হইতেছে না।

পঞ্চানন্দ আশা করেন, ষাঁহাদের এই উপাধি লাভের প্রত্যাশা
আছে, তাঁহারা এখন দম্ভবিকাশ পুরঃসর নৃত্য আরম্ভ করিবেন।

সার্থক শিক্ষা।

বুল্ সাহেবের অগ্ৰ ভারি আহ্লাদ ; বিবাহের ছয় মাসের মধ্যেই
পুত্রমুখ দর্শন করিলেন। তাহার উপর বাঙ্গালার পরীক্ষায় উত্তীর্ণ
হইয়া হাজার টাকা পুরস্কারের সমাচার আসিল। হাসিতে হাসিতে
সদ্বারকে বলিলেন—“ডেকো স্তর্ডাও, এক গ্যাটা আনয়ন কোরিবে
লেকেন্ নহে, আমাব স্তায় গ্যাটা, মেন্ সাযবের মটেন্ গ্যাটা মাংটা,—
বাচ্ছা দুগড ভোজন কোরিবো।”

যেমন গাছ তেমনি ফল।

মাকুব খাঁর সহিত লর্ড লিটনের যে সন্ধি হয়, তাহার পর কাবুলে
এত বিড়ম্বনা ও গোলযোগ হইতেছে দেখিয়া অনেক রাজনীতি-
বিশারদ পণ্ডিত এবং সংবাদপত্রের সম্পাদক লর্ড, লিটনকে অবিবে-
চক বলিয়া ভৎসনা করিতেছেন। কিন্তু গণ্ডমুর্খের সন্ধির ফল যে
এইরূপ হইবে, পঞ্চানন্দ ইহাতে, বিশ্বয়জনক কিছুই দেখেন না।
লিপিকরের অনবধানতা প্রযুক্ত উক্ত সন্ধি গণ্ডমুর্খের সন্ধি বলিয়া
খ্যাত হয় ; কিন্তু তাহার প্রকৃত নাম পঞ্চানন্দ অস্ত লিপিবদ্ধ করি-
লেন। এক ভ্রমের কলে অন্য ভ্রম হইয়াছিল।

কথার অন্তথা হয় নাই।

রামনিধি একটা বাস্ক কিনিতে চিনাবাজারে গিয়া এক জন দোকানদারকে বলিলেন, যথার্থ বলো, তুমি ধর্ম্মতঃ কি লাভ নেবে ?

দোকানদার বিনয়সহকারে বলিল—আপনি দেখছি খাঁটি লোক ; তা' প্রবঞ্চনা হ'বে না, ছ'কথা হ'বে না, টাকাটার উপর চারি আনা নেবো।

রামনিধি সন্তুষ্ট হইয়া বাস্ক মনোনীত করিয়া, জিজ্ঞাসা করিলেন—কত দিতে হ'বে ?

দোকান। আজ্ঞে সাড়ে চার টাকা।

রাম। তোমার পরিদ হ'ল কত দে ?

দোকান। সে কথায় আর কাজ কি ? আপনি ত ধর্ম্ম ভার দেছেন, তবে ছাব কেন ?

রামনিধি দ্বির্ভ্রক করিলেন না। বাস্ক লইয়া বাড়ী গেলেন। তাহার একজন আলাপি লোক বাস্কের দাম শুনিয়া অবাক হইল ; বলিল এর দাম যে ছন্দ মন্দ ন সিকা, আড়াই টাকা।

রামনিধি বুলিয়া বলিলেন—দোকানদার কথার অন্তথা করে নাই। টাকাৰ উপর চার আনার মানে টাকাৰ পাঁচ সিকা লাভ।

ধর্ম্মের অনুরোধে অধাৰ্শ্বিক।

সম্প্রতি “আৰ্য্যধর্ম্মপ্রচারিণী সভা” সংস্থাপিত হইয়াছে ; সভার প্রচারকদের অনুরোধ কেহ ধর্ম্মান্তর গ্রহণ না করেন।

“আদি ব্রাহ্মসমাজ” আছেন ; তাঁহারা বলেন বেদ ছাড়া শাস্ত্র নাই, তাহা অমান্ত এবং অগ্রাহ্য ; আর পুতুল পূজা করা হইবে না।

কেশব বাবুর মন্দিরে ঘোষণা হইতেছে যে, মল্লধা—ভ্রমর
জাতি ;—শাস্ত্র—কুল ; ধর্ম—মধু ; (প্রভুর) গুণ, গুণ গাও, যে কুলে
মধু পাও; অমনি লুটিয়া লও—কে জানে বেদ, কে জানে কোরাণ, কে
জানে বাইবেল। তার পর, ভগবানের মজ্জা। এটা বাড়ার ভাগ।

কেশব বাবুর ভাঙ্গা দলেরও ঐ সুর, ঐ গান, ঐ কথা। কন্ঠের
মধ্যে ভগবানের মজ্জাটা ইহারা মানেন না; তেমন আচার
অনুরোধটা কিছু বেশী বেশী।

ক্রেস্তান ব'লিতেছেন এই যে, এক ভাল মানুষের ছেলে
তোমাদের পাপের বোঝা বহিয়া মরিল, তোমাদের জন্ত রক্ত দিন,
তাহার আশ্রয় ভিন্ন কি উপায় আছে? তাহার দলে থাকিবে না
কেন? ইহা ছাড়া নাড়া নাড়ী আছে, পীর গাজি আছে, কভ
আছে; তাহাদের চেলাদের অনুরোধ, তাহাদের মত করো, চলো,
বলো।

এখন যাহার চক্ষু লজ্জা আছে, তাহারই মরণ, কা'র কথা রাখে?
পক্ষপাত করিলে অধর্ম, দলাদলিতে থাকা অন্তায়। সুতরাং
ধার্মিকদের জালায় অধার্মিক হওয়া ভিন্ন উপায় কি?

রসিকতা।

পঞ্চানন্দ একজন ব্রাহ্ম ভ্রাতাকে কিঞ্চিৎ রসিকতা করিতে বলায়
তিনি উত্তর দিলেন—যে রামকমলের কস্তার সঙ্গে রাধামাধবের
বিবাহ হইয়াছে।

রসিকতার কেহ হাসিল না দেখিয়া ভ্রাতা বলিলেন—আচ্ছা, তবে
সে বিধবা হইয়াছে।

তাগতেও কেহ হাসিম না দেখিয়া ভাতা দ্বঃখিত হইয়া বলিলেন, সধবা বিধবা কিছুতেই যে রসিকতা পাইল না, সে নেহাত বেরসিক ।

ছেলে চিত্র কর ।

নাসিরাম (স্বীয় বন্ধুর প্রতি)—আমার ছেলে চমৎকার ছবি লখিতে শিখেছে; যা বলিলে, প্রায় অবিকল আকৃতে পারে । (চিত্রাঙ্কনে ব্যাপৃত সন্তানের প্রতি)—দেখি, ওটা কি হচ্ছে । (একটু চিত্রা করিয়া বন্ধুর প্রতি)—দেখো, ঠিক বানরের চেহারা একেছে কি না ?

সন্তান । না, বাবা, ওটা তোমার চেহারা!

কেন বল দেখি ।

ইংরেজ কখনও কখনও আর্ধ্যসন্তানের প্লীহা বাহির করিয়া দেন, অথচ কেহ তাহার গায়ে হাত দিতে পারে না কেন ?

“জন্মবুলু” আর্ধ্যগণের পূজা; তাহার উপর প্রতিশোধ লইতে সন্তান মতাপাতকে পড়িতে হয় এবং কঠিন প্রায়শ্চিত্ত করিতে হয় ।

উচিত সন্দেহ ।

একজন চুটকির “শিকানাবিশ” লিখিয়াছেন, যে “মার্কিন দেশীয় একখানি কাগজে পৃথিবীর সমস্ত গাধার সংখ্যা লিখিত হইয়াছে ।

কিন্তু আমরা এক গলা গঙ্গাজলে দাঁড়াইয়া বলিতে পারি, সংখ্যাটি ঠিক নহে।”

জলে নামিয়া কাপড় ভিজাইবার দরকার নাই! পঞ্চানন্দ সহজেই বিখাস করিতে প্রস্তুত; কারণ তানিকার মধ্যে লেখকের নাম পাওয়া যায় নাই।

৭.

নিঃসন্দেহ

পূর্বে কাহারও সন্তান জন্মিলে সংবাদপত্রে দেখা যাইত—অনেক সাহেব বা অমুক বাবুর সন্তান হইয়াছে। এখন দেখা যায়—অমূকের পত্নীর সন্তান হইয়াছে।

পরিবর্তনটা বোধ হয় ব্রাহ্ম ভায়াদের অনুরোধে হইয়া থাকিলে। যাহার অনুরোধেই হউক, এখন হলে আর কোরবাপ্ খাঁ বার যো নাই।

মাণিকলালের বয়

কঠোর তপস্যার বলে মাণিকলাল বিধাতা পুরুষকে সন্তুষ্ট করায়, মিথ্যা কথায় বোকাই করা তিন খানি জাহাজ তাহার জন্ম বড় বাজারের ঘাটে আনিয়া নাগিল। মাণিকলাল তখন একটা বেওয়া-রিশ শ্রাদ্দের ঘৌ ময়দা আন্নসাৎ করিতে ব্যস্ত ছিল। এদিকে মিথ্যা কথা, আদরের সামগ্রী, বড় বাজারের ঘাটে কতক্ষণ থাকিলে? বাজার শুদ্ধ লোক সম্মান পাইয়া তাড়াতাড়ি বেঁহত পারিল মিথ্যা কথা হস্তগত করিয়া চলিয়া গেল।

প্রবোধ বাক্য ।

৩৩১

মাণিকলাল এই সংবাদ পাইয়া দৌড়িতে দৌড়িতে আসিয়া দেখে, জাহাজে আর মিথ্যা কথার এক ছিন্কা পড়িয়া নাই। কপালে করাঘাত করিয়া মাণিকলাল কাঁদিতে লাগিল এবং বিধাতা পুরুষের কাছে আবার হত্যা দিল ।

বিধাতা দেখিলেন, নিরুপায় ; মাণিকলালকে দর্শন দিলেন ; সাহস করিতে লাগিলেন, কিন্তু মাণিকলাল রোদনে কাঁদে হইল না ।

ভাবিয়া চিন্তিয়া বিধাতাপুরুষ বলিলেন,—মাণিক, যাও আর কাঁদতে হইবে না ; এখন হইতে তুমি যাহা বলিয়ে তাহাই মিথ্যা হইবে । মাণিকলাল বর লাভ করিয়া কৃতার্থ হইল ।

পাশনন্দ এ গল্প মাণিকলালের মুখেই শুনিয়াছেন ; সুতরাং কথটা মিথ্যা হইবার দস্তাবনা নাই ।

দান গ্রহণে অস্বীকার ।

অশিষ্টে যাহু ক্রোধে অধীর হইয়া মাধুর উর্দ্ধতন চতুর্দশ পুরুষকে কদর্ঘা দ্রব্য প্রদানপূর্বক গালি দিল । মাধু হাসিয়া বলিল, এখন গালি দিও না ; তোমাদের কুলিয়ে বাড়ে ত বিবেচনা করা যাবে ।”

প্রবোধ বাক্য ।

সত্য বাবু পিতৃশ্রদ্ধ করিতে অনুরুদ্ধ হওয়ায় হাসিয়া বলিলেন—
পিণ্ড পৃথিবীতে দিলে স্বর্গে যাইবে কিরূপে ? অসভ্য পুরোহিত ইহাতে ক্রুদ্ধ হইয়া বাবুর পিতার উদ্দেশে একটা অভ্যস্ত কটুক্তি করিয়া ফেলিলেন । বাবু চাবুক ধরিলেন । বাবুর বুড়া চাকর রামা

ব্রহ্ম হইয়া বলিল—“বাবু রাগ করিবেন না, আপনি হাতে ক'রে দিলে পিণ্ডিতে যদি না পৌঁছয়; পুরুত ঠাকুরের কথায় ওটাও পৌঁছবে না।”

মিথ্যা কথা ।

গত বি. এ, পরীক্ষা বড় কঠিন হইয়াছিল বলিয়া কয়েক জন অনুযোগ করিতেছিলেন। আমরা স্বচক্ষে সংবাদপত্রে দেখিয়াছি ভৃত্য শ্রেণীতে এক জন ‘হাতি’ পাস হইয়াছেন। কঠিন পরীক্ষা কেমন করিয়া বলা যাইতে পারে ?

গিরিশের সন্দেহ ।

কৈলাস বড় ভালো ছেলে ছিল; তাহার মৃত্যু সংবাদ শুনিয়া সকলে দুঃখ করিতে লাগিল। গিরিশ সেইখানে বসিয়াছিল, একটু চিন্তা করিয়া বলিয়া উঠিল—এমন হ'বে না। এক মাস পরে পরীক্ষা, এমন সময়ে পড়া কামাই করে' কৈলাস কখনই মরবে না, সে ভেমন ছেলেই নয়।

ভুল হইয়েছিল ।

রামহরি তামাক টানিতেছে, উমাচরণ ছকাটা পাইবার প্রত্যাশায় লোলুপ নয়নে তাকাইয়া আছে। রামহরি সুখটান টানিবামাত্র উমাচরণ হাত বাড়াইল। অমনি আবার রামহরি ফুড়ুৎ ফুড়ুৎ

করিয়া ছোট টান আরম্ভ করিল ; ইচ্ছা, যে উমাচরণ অপ্রতিভ হউক । পাঁচ সাত বার এইরূপ করিয়া রামহরি বলিল,—কি ভাই, বারে বারে বেড়ালের মত খুলো বাড়াচ্ছ কেন ?

উমাচরণ বলিল—আমার ভুল হয়েছিল, আমি মনে করেছিলাম, ইঁদুর : তা নয়, এখন বুঝিছি—ছঁচো ।

তবে দোষ নাই ।

গোবিন্দ লাল মদ খাইতেছে, এমন সময়ে সুরাপান-নিবারিণী সভার এক জন সভা আসিয়া উপস্থিত । গোবিন্দ লালকে তদবস্থ দেখিয়া সভা বলিলেন—সভার প্রতিজ্ঞা পত্রে সহ করেছ, তবু মদ খাচ্ছ ?

গোবিন্দ । ঔষধার্থে বিধি আছে ।

সভা । কেন, তোমার হয়েছে কি ?

গোবিন্দ । আর কি হ'বে, না গেলেই যে অসুখ করে ।

রুর ফাও ।

সে বৎসর বেগুন বড় সস্তা হইয়াছিল । ছিক্কা একা মানুষ, এক পয়সার বেগুন কিনিতে গিয়া সাত আট গুণ বেগুন পাইয়াছিল, কাণ্ড চাহাতে আরও চারিটা পাইল । এক মানুষ, এত বেগুনের দরকার নাই জানিয়া ছিক্কা চারিটা বেগুন তুলিয়া লইল, এবং চলিয়া যাইতে উদাত হইল । যাহার বেগুন, সে বলিল—দাম দিলে না ?

ছিন্ন গন্তীরভাবে বলিল—তোমর এক পয়সার বেগুণে আমার কাজ নেই ; তুই কিরে নে ; এই কাণ্ড আমার রইল, এতেই হবে ।
বেগুণ ওয়ালা—অবাক্ ।

তা'ত বটে ।

রাধামাধব দিব্য সুশ্রী সুরসিক পুরুষ, কিন্তু ছুংগেব বিষয় তাহার ছুইখানি পায়েই বড় গোদ । রাধামাধব পথ দিয়া যাইতে যাইতে দেখিলেন, একটা বাড়ীর বাহিরে রোয়াকে অতি বিকটাকার মোটা এক ব্যক্তি বসিয়া আছে । রাধামাধব বিক্রপের লোভ সন্দরণ করিতে না পারিয়া তাহাকে বলিলেন—দাদার দেহখানি ত দেখ্ ছি বিলক্ষণ । বাড়ীর ভিতর যাওয়া আসা হয় কেমন কবে ?

সে উত্তর দিল—ভায়া, যা' বল্লে, তা' সত্যি , কিন্তু ভূমি যে পতন কবেছ, গেঁগে তুল্তে পার্লে, আমি কোথায় লাগি ।

বুঝিমান ভৃত্য ।

বাবুর কাছে অনেকক্ষণ অবধি অনেকগুলি লোক বসিয়া আছে , চাকরদের বলা আছে অনেকবার না ডাকিলে তামকটা না দেয় । বাবুর ডাকা ডাকিতে একজন বৈহারা চাকর আসিয়া উপস্থিত হইল, বাঙ্গালী চাকর তখন বাজারে গিয়াছে । বাবু হিন্দুস্থানী ভৃত্যকে বলিলেন—তামাকু ফের্ দেও ।

চাকর বলিল—ধর্ম্মাবতার, তামাকু ওয়ালা যব্ অরা' যো আপুক' তুকুম পর উসি বধৎ সব তামাকু ফের দিয়া ।

বাবু বুঝিলেন, চাকর বুদ্ধিমান, এক ছিলিম তামাকও ধরে রাখে না। আর তামাক না চাহিয়া মনঃ সংযোগপূর্বক কাজ করিতে লাগিলেন ।

গিরিশের পরিণামদর্শিতা ।

একবার বড় বস্থা হইয়াছিল । নৌকাযোগে গিরিশ বাটা যাইবে, নৌকায় আসিয়া উঠিল । গিরিশের একজন সঙ্গী বলিল— দাদা, এবার খুব বান, গঙ্গায় ঘুরে ধরে যেতে হ'বে না, ডাকার উপর দিয়ে সোজা সুজি যাওয়া যাবে ।

গিরিশ নৌকা হইতে লাফাইয়া পড়িল । সঙ্গী জিজ্ঞাসা করিল— দাদা, নাম্লে যে ?

গিরিশ । ভাই খুব সময়ে মনে করে' দিয়েছ; ছটো কনুসী নিয়ে আসি, জল তুলে নিতে হক্' নইলে পথে জল পাব কোথা :

সাবধানের একশেষ ।

স্কুলের ছেলেদের কাছে গিরিশ থাকিত : হাট বাজার করিত, রাঙ্কিয়া বাড়িয়া দিত, আর নিজের পড়া শুনা করিত । একজন গিরিশকে এক দিন বলিল—“এক পয়সার বড়ি আর এক পয়সার তামাক আন্তে হ'বে, দেখিও তামাকে বড়িতে এক ঠাই করে' এনো না ।—এই নাও এক পয়সা বড়ির, আর এই এক পয়সা তামাকের ।”

গিরিশ বাজার পর্যন্ত গিয়া কিয়িয়া আসিল । “কিরে এলে

যে”—জিজ্ঞাসা করায় গিরিশ হুই হাত খুলিয়া, দুইটা পয়সা দেখাইয়া বলিল—“তুমি যে মিশিয়ে আন্তে বারণ করেছিলে, তাই কিরে এলাম। কোন পয়সাটা বড়ির আর কোনটা তামাকের তা' ভুলে গিয়েছি।

অদ্ভুত প্রশংসা

মদনপুরের বৃন্দাবন দত্ত খুব ব্যয়বিধান করিয়া পিতৃশ্রদ্ধ করিলেন, কিন্তু অধ্যাপকদের বিদায়টা তাদৃশ সম্ভোষজনক হইল না। দত্তজ ক্রিয়া সাক্ষ করিয়া এক জন ভট্টাচার্য্যাকে একটু অহঙ্কারের সহিত জিজ্ঞাসা করিলেন—কেমন মহাশয়, লোক জনের খাওয়ান দাওয়ান কেমন হ'ল ?

ভট্টাচার্য্য উত্তর দিলেন—সে কথা আর বলতে হবে কেন ? এ একটা ভূতের বাপের শ্রদ্ধ হ'য়ে গেল। এমন ক্রিয়া প্রায় দেখা যায় না।

যতক্ষণ শ্বাস ততক্ষণ আশ ।

রামগোবিন্দ এক খুনী মামলায় ধরা পড়িয়া চালান হইয়া গেল। যে কন্ঠেবল তাহার সঙ্গে যায়, সে তাহার উপকার করিবে, এই আশাস দিয়া কিঞ্চিৎ হস্তগত করিয়া লইল।

মাছেষ্টের সাহেব রামগোবিন্দকে দাওরা সোপর্দ করিলেন ; কন্ঠেবলকে রামগোবিন্দ বলিল—“ভাই বাঁচলাম না ত ?” কন্ঠেবল বলিল—“ভর ক্যাছা ভাই উপরমে খোলাসা হো যাওগে।”

• দাওরাতে রামগোবিন্দের ফাঁসির হুকুম হইল, কন্ঠেবল ইঙ্গিত করিয়া বলিল—“আপীলমে হুকুম নেহি বাগাল রহে গা ।”

যে দিন রামগোবিন্দের ফাঁসি হয়, সে দিনে সেই কন্ঠেবল উপস্থিত । রামগোবিন্দ বলিল—“হ্যাঁ ভাই, শেষে কি ধনে প্রাণে মারা গেলাম ?”

কন্ঠেবল তখনও সপ্রতিভ, অম্লান বদনে বলিল—“ভাই রামগোবিন, হুকুম পরোয়া নেহি ছায় । আভি ভুকুম ভামিল করো, রামজী ক নাম লেকে ফাঁসি মে বয়েঠ যাও, পিছে যো হোগা, হাম সমক লেঙ্গে ।”

সত্যবাদা ভৃত্য ।

বাবু অনেকক্ষণ ধরিয়া ডাকাডাকি করিতে চাকর আসিয়া উপস্থিত হইল । বাবু রাগ করিয়া বলিলেন, ভদ্র লোক সব এতক্ষণ বসে' রয়েছেন, তামাক দিসনে কেন ?

চাকর । “আজ্ঞে আপনি যে বারণ করেছেন । সত্যি সত্যি তামাক আনব না কি ?”

নীতি কথার রসিকতা ।

... নীতিকথা ... কদাচ মিথ্যা কহিও না ... কদাচ কাহারও
দেনা ধারিও না ... কদাচ পঞ্চানন্দের মূল্য বাকী রাখিও না ... কদাচ
গালি খাইও না ... কদাচ টাকা দিতে আলস্য করিও না ... কদাচ
ভুলিও না যে মানুষকে মরিতে হইবে ... তুমি কখন মরো তাহার
ঠিক নাই, অতএব দান দেওয়ার পর ষাহাতে সে দুর্ঘটনা হয়, কদাচ

তৎপক্ষে যত্নের ক্রটি করিও না । ... কদাচ রসিকতা করিও না ... :...
কদাচ পঞ্চানন্দকে অরসিক বলিও না ... কদাচ ভুলিও না যে যাহা
তোমার ভালো লাগিতেছে না, তাহা তুমি বুঝিতে পার নাই বলিয়াই
ভালো লাগিতেছে না ।

বিশেষ আত্মীয় ।

একটী ভদ্র সম্ভান ছোকর; বয়সে বিদেশে কৰ্ম্ম করেন । এক
জন আত্মীয় দেশে কিরিয়া আসিবেন শুনিয়া তাঁহার হস্তে পঞ্চাশটী
টাকা দিয়া বলিলেন—ভাই, আমার পারবারকে টাকা কটী দিও ; কিন্তু
সাবধান, কেহ যেন টের না পায় । চুপে চুপে তাহার হস্তে দিও ।

আত্মীয় ।—অন্ত করে দতক করতে হবে না । আমি কি বুঝি
না ? দেখবেন, ষাকে দিতে দিলেন, তিনিও টের পাবেন না ।

এডুকেশন স্কেলের প্রতি প্রশ্ন ।

এই যে কন্মখালির বিদ্রোপন বিনা মূল্যে দেওয়া হয়, তাহার
সকল গুলাই কি সং কন্ম ? না কি এই উপলক্ষে কু-কন্মেরও প্রশয়
হু ।

সুখের বিষয় ।(১)

কোনও একটী গ্রামে মড়ক অর্থাৎ মারি ভয় হইয়াছিল । এ
উপদ্রব শেষ হইলেই এক জন ভদ্র লোক, গল্পের প্রসঙ্গে, তাঁহার
আত্মীয় বন্ধুর মধ্যে কাহারও কোনও অমঙ্গল হয় নাই বলিয়া
আহ্লাদ প্রকাশ করিতেছিলেন, অপর এক জন ভদ্র লোক বলিয়া

উঠিলেন, “ভাই এবার মড়কটা আমিও পরে পরে কাটিয়েছি ; হুটী মেয়ের বিয়ে দিয়েছিলাম হুটীই মরেছে ; আর ছেলেটির বিয়ে দিয়েছিলাম, বৌমাটা মরেছেন । মড়কটা পরে পরেই গিয়েছে ।”

প্রশ্নোত্তর ।(১)

প্রঃ । স্বাবর ও অস্বাবর সম্পত্তি কাকে বলে ?

উত্তর । ঘড়া ;—চলিলেই অস্বাবর, না চলিলেই স্বাবর ।

প্রঃ । (গ্রন্থকারকে বন্ধু) কেমন হে, তোমার ধই কাটছে কেমন ?

উত্তর । উই আর ইঁহুয়ে—বিলক্ষণ !

প্রঃ । মানুষের চলা বন্ধ হয় কখন ?

উত্তর । মানুষ যখন মাটা হয় ।

ভারতবর্ষের সুখ

একজন রাজনীতি-শিক্ষার্থী জিজ্ঞাসা করিয়াছেন যে, বিলাতে মন্ত্রি-পরিবর্তন হইলে, ভারতবর্ষের তাহাতে সুখ কি ? পঞ্চানন্দ এই বলিয়া দিতে পারেন যে, এক দলের আমলে ভারতবর্ষ জোয়ারে ভাসিয়া যাইতেছিল, অশু দলের আধিপত্য কালে আবার ভাটার ভাসিয়া যাইবে । ভাসিয়াই ভারতের সুখ ।

সদালাপ ।

উমাচরণের অনুরোধে তাঁহার একটা কাজের ভার রামহরি লইলেন । উমাচরণ কৃতার্থ হইয়া বলিলেন --“ভাই আমাকে বাঁচাইলে ;

কথায় বলে, যার কন্ম তারে সাজে, অন্ত জনে লাঠি বাজে,—এ
ভূতের বোকা কি আমি বইতে পারি ?”

রামহরি—“অত করে ব. হে হবে কেন, আমি ত ইচ্ছাপূৰ্ব্বক
সম্মত হ'লাম। তোমার ঘাড়ে যত দিন ছিল, তত দিন সত্বা সত্বাই
ভূতের বোকা ছিল, তা কিন্তু এখন আর তা হবে না।”

চূড়ান্ত কৈফিয়াৎ ।

কমল কেরণী বিন্দে আক্ষিণে অসিয়া, আবার সকালে সকালে
পলাইয়া যাইতেছিলেন। আক্ষিণের বড বাবু দেখিতে পাইয়া
কমলকে বলিলেন—“সে কি হে ? তুমি ওবেলা গাত দেবি কবে
এসিছ, আবার এরি মধো যাক ?

কমল বলিল—“আজ্ঞে এক দিনে তবার হলে, *সাত্বক
রাগ করবেন।”

সুখের বিষয় ।(২)

মুর্শিদাবাদ পত্রিকায় এক ব্যক্তি বিজ্ঞাপন দিয়াছেন যে, কুমুম
নামে • সৰ্বপত্র এক কল্পা করিয়া প্রকাশিত হইবে। ইহাতে
থাকিবে “জীবনচরিত্র, নীতিবিষয়ক গদ্য ও পদ্যপ্রবন্ধ, উপদেশ-
পূর্ণ কৌতুক-কথা; বিখ্যাত নগরাদির বিবরণ” এবং ইহা ছাড়া
“অস্তান্ত বিষয়।” •

এই ক্ষুদ্র আয়তনের ভিতর একমাসের খোরাক দিতে হইলে,
হয়, পরমাণুর মত অক্ষরে ছাপিতে হইবে—নহিলে এত বিষয়
ধরিবে কেন ?—তাহা হইলেই উৎকৃষ্ট অনুবাক্য সৃষ্টি হইবে।

বন্ধের মঙ্গল অথবা হোমিওপেথিক মাত্রায় বিষয় গুলি দেওয়া হইবে, পার্শ্ববর্গ জল মিশাইয়া বাড়াইয়া লইতে পারিবেন। হোমিওপেথিক প্রভাব বাড়িলেও মঙ্গল। উভয়তই সুখের বিষয়, সন্দেহ নাই।

প্রশ্নোত্তর। (২)

প্রঃ। "সাহিত্যসভা" কাকাকে বলে ?

উত্তর। একটা বয়্যাটে ছেলে; পড়াশুনায় মন নাই; আদ্বাটুকু বিনয়, চিঠি পত্র ছাপাইয়া দরখাস্ত করে, ভিক্ষা করে, অভিনয় দেখে, শেষে ধরা পড়ে।

"Eden must have lost his head"

লার্ড লিটন ভারতবর্ষ ছাড়িয়া যাওয়াতে ছোট লার্ড ইডেন সাহেব শোকাভূত হইয়া বলিয়াছেন, "এমন লার্ড সাহেব আর হবে না, ভারত হুড়িয়া লার্ডের জন্ত কাম্মা হাটি পড়িয়াছে।"

কথা মিথ্যা নয়; লার্ড লিটন সকলকেই কাঁদাইয়া, গিয়াছেন, কাজে কাজেই এমন লার্ড আর হ'বে না, ইহা ঠিক কথা। কিন্তু এমন ইডেনও হ'বে না,—ইডেন, অর্থে স্বর্গকানন, আশ্চর্য অর্থে পাণ্ডুবৎ।

লিটনও এই ইডেনের খুব গোড়া।

ডার্বিনের কথা যথার্থ।

একখানি বিলাতী কাগজে এই সংবাদ প্রকাশিত হইয়াছে;—
পল্টনটীতে একটা ভোজ হয়, তাহাতে আসল ফলের গাছ দিয়া ঘর ও

টোবিন সাজান হইয়াছিল। একোকারা স্বচ্ছন্দে গাছ হইতে কল
পাড়িয়া খাইয়া ছিলেন।

ক্রমে ঘর ও টোবিন উঠিয়া যাইবে; পাছে গাছে গাছেই
কার্য সমাধা হইতে পারিবে।

পৌরাণিক ঋণ শোধ।

গুপ্তিপাড়ার গোপীনাথ মুখুযো কুলীনের সন্তান, ফুলের মুখুটি,
ভ্রাক্ষণ ইষ্টনিষ্ঠ, বয়স দৃষ্টি বৎসর, উদার সন্তান জন্ত কুকোড়
কোম্পানীর আফিসে দিন কুরকারি করেন; স্নান আধিক করে
সহস্রে পাক করিয়া আহারান্তে আফিস আসিতে মধো মধো বিলদ
হয়, কাজেই সন্ধ্যা সশঙ্কিত হইলেও কাজের আশ্রয় করেন।
একদিন একটু কিছু অধিক বিলদ হইয়াছে, দুন্দাস্ত ডেমান্ট সন্ধ্যে
সজোরে ভ্রাক্ষণের বক্ষে সপাতক পদাঘাত করিলে, গোপীনাথ তখন
চোরঙ্গীর রাস্তার মাঝে পৌরাণিক ঋদন করিতে লাগিল,---

ভুগুরে ভুগু!

তোর ধার আমায় শুধুতে হ'ল

বাপুরে বাপু।”

পাইকের জড় করা অভ্যাস।

জীতনপুরের ঙ্গ মদারী কাছারির দাওয়ায় ভজহরি পাইক শুইয়া
আছে, মশার দোরাহো অনেকক্ষণ হইতে তাঁহার ঘুম হয় নাই, এ
পাশে পাশ করিতেছিল; গোমস্তা মশারি ফেলিয়া অদূরে গাট
নিজাভিত্ত; নিকটের ডেপুটি কাছারির পেটা ঘড়িতে টং টং শব্দ

হইল, শকে গোমস্তা গামোড়া দিয়া উঠিয়া বলিলেন, 'ভজহরি একবার তামাক সাজতো বাপু'—'কটা বাজলো রে?' ভজহরি উঠিয়া বলিল 'আজ্ঞে এই তিনটা বাজছে।' আর এক জন পাইক জাগত ছিল, সে বলিল 'আজ্ঞে না এত দুটা বাজিল।' ভজহরি কুপিত হইয়া বলিল, 'তুই ত সব জানিস, আর একটা অনেকক্ষণ বেজে গেছে, তুই তখন ঘুমিয়ে ছিলি।'

উপদেবতা কখনও কিছু না নিয়ে ছাড়ে কি ?

দক্ষিণা না পাইলে কবিগণ অর্থাৎ যজ্ঞের আচার্য্য স্থির জানিয়া উঠিয়া ভট্টাচার্য্য যজ্ঞস্থল ভাগ কাঁধে যাবেন কেন ? পঞ্চাশ কোটি অর্থ-মেধের পঞ্চাশ সহস্র দক্ষিণ আদ্যতই না কি ? ভাট ভট্টদ্বারের পুরোহিতের প্রাপ্তিতে চাঞ্চল্য করিয়া অদক্ষিণায় যজ্ঞ নষ্ট করিলে পুরোহিত আবার আচমন করিয়া বসিবেন—সেইটাই ভাল হবে ?

ভবী ভুলিবার নয় ।

সরকারি সভায় মূলকি নাট শ্রীপদ অর্পণ করিলে, বাপু পা লাকো তাঁহার 'আপ্যায়ত' করিলেন, সভার আশা ভরসার অনেক কথা বলিয়া সরকারি সভার জন্ম উপলক্ষে কিঞ্চিৎ অর্থ সরকার হইতে যাচ্ছা করিলেন; বিরাট লাট আনু্যায়িত হইয়া সকল কথার সঙ্কল্প দিলেন, তবে কেহ কেহ বলেন, কেবল কবিগণের কথায় বোধ হয় বধির হইয়াছিলেন, নহিলে কোন উচ্চ বাচ্য করিলেন না কেন ? পঞ্চানন্দ জানেন, লাট লিটনের আংশিক মৌনভাবে নিগূঢ় অর্থ আছে; প্রথম কথা—তিনি বিজ্ঞ, বৈজ্ঞানিক ব্যাপারে অর্থনীতির

বিত্ত ধা করিবেন কেন? আর দ্বিতীয় কথা, বিজ্ঞানসভার যেকোন
বিদ্যুত বেগে উন্নতি হইতেছে, তাহাতে সম্ভোয়া অচিরে অক্ষর
হীরকে, বাষ্প সুবর্ণে, শিশির মুক্তায় পরিণত করিতে পারিবেন,
অভাব হইতে আবিষ্কার, সভার অভাব মোচন করিয়া আবিষ্কারের
পথে বাধা দিবেন কেন?

• মাতাল বাঁটিয়া লয় ।

নিশিকান্ত প্রায় নিশীথ অতীতে, আরক্ত নোচনে টল বিটল
চরণে বাটীতে আসিতেন; সেদিন কিছু অতিরিক্ত সেবন হইয়াছিল,
বিনদ্রও অতিরিক্ত হইয়াছিল, ভোদের বেল। ভোর হয়ে উপস্থিত,
গৃহিণী শশব্যস্ত; কুটির ঢাকা খুলতে যান এমন সময়ে ঘড়ি বাজিতে
লাগিল, নিশিকান্ত গণিতে লাগিল,—টুং এক; টাং এক, ট —
এএক, টাং এএএক। ঘড়িতে এমন হ'ল কেন, চাবিব'র একটা
বাজিল যে?

পরাপকারের নিমি তুই সাধুর জীবন ।

হাকিম—তুমি চুরি করিয়াছ?

আসামী—আজ্ঞে হাঁ।

হাকিম—কেন চুরি করিলে?

আসামী—আজ্ঞে আপনাদেরই ভয়ে।

হাকিম—আমাদের ভয়ে চুরি! সে কি?

আসামী—আজ্ঞে, এই আমরা যদি চুরিটা আসটা বন্ধ করি,

আপনুর চাকরি থাকবে না, তা' হ'লেই আপনারা এই বাবসা ধর-
বেন, আমরাও মারা খাব, বাবসাটাও মাটা হবে !

হাকিম আর প্রঃ না করিয়া রায় লিখিতে লাগিলেন ।

প্রতিবাদ ।

৩৩, লোকে লোকারণ্য ; বক্রা হ'ত পা নুড়িয়া মদের দোষ
গাটতেছেন, মাতনের নিন্দা কবিত্তেছেন এবং সকলকেই মদ ছাড়িতে,
মদ না ধরিতে এবং মদকে বিষতুলা জ্ঞান করিতে উপদেশ দিতে-
ছেন । বক্রা বলিত্তেছেন “যাঁচার দেশের অলঙ্কার, জন্মভূমির
গৌরব, তাঁহাদের কত জন মদ খাইয়া কালগ্রাসে পতিত হইয়াছে ।”

সভায় একজন মাতাল ছিল, দাঁড়াইয়া বলিল “বাবা তুমিও ভদ্র
লোকেব ছেলে, আমরাও ভদ্র লোকেব ছেলে । মিছেমিছি কতক-
গুলি মিথ্যা কথা বলে কেনেকারি করছ কেন ? খতিয়ে দেখ দেখি,
মদ খেয়েই বা কত লোক মরেছে, ঘাব না মদ খেয়েই বা কত লোক
মরেছে । ঘাব মরে ত'রা বাবো মাসই মরে ।”

রাজভক্তির অতিরিক্ত কারণ ।

১ । ইংরেজী শিখিয়া তুরতবর্ধের লোক নানা প্রকারে অসম্বুধে
হইতেছে, আর যখন তখন ইংরেজের নামে লাগানে কথা লিখিতছে
আর বলিতেছে । ইহা সকলেই জানেন, এমন এক, ইংলিশম্যান ও
পাইওনিয়ারও মানেন, তু কেরণী বজায় আছে, নূতন লোকে নিত্য
নিত্য কেরণীগিরী পাইতেছে ।

২। কাবুলের যুদ্ধ লইয়া কত জনে কত কথা বলিতেছে, আসল ব্যাপারটা এই যে, ভারতবর্ষে চাকুরি অপেক্ষা চাকরের সংখ্যা অতিশয় বেশী হইয়া পড়িয়াছে, একটা নূতন দেশ হস্তগত হইবে, এই উমেদার কুলেরই উপকার, ইংরেজেরও তাহাই সংকল্প ।

ছঃখের কথা এই যে, পোড়া লোকে হিতে বিপরীত ভাবে ।

যেমন শিক্ষা তেমন পরীক্ষা ।

আই—হ্যাঁ না শেষে কুল মজ্জালি ? এঁ লজ্জা রাখ'ব কোথা ?

নাতিনী—(ঈষৎ কান্নার সুরে) তুই যে এক দিন বলেছিলি, না মজ্জলে কুল মিষ্টি হয় না ।

প্রেম সন্তোষণ ।

স্বামী—(কবিতা লেখেন) বিধুমুখি, তোমায় না দেখিলে দশদিক আমার অঙ্ককার বোধ হয় ।

স্ত্রী—কেন, চোখের মাথা গেয়েছ না কি ?

বিশেষ বিজ্ঞান ।

আজি কালি মহাভারত প্রভৃতি অনেক গ্রন্থ বিনা মূল্যে বিতরিত হইতে দেখিয়া, কেহ কেহ মূল্য দিয়া পঞ্চানন্দ গ্রন্থে অনিচ্ছা প্রকাশ করিতেছেন ; এই সকল ব্যক্তির সুবিধার নিমিত্ত জানান যাইতেছে যে, এই বৎসরের পঞ্চানন্দ বিনামূল্যে দেওয়া মাইবে । কেবল ডাকমাণ্ডল এবং “ইত্যাদি” ব্যয় মির্কাহ

জন্ম মগদ, নোট অথবা মণি অর্ডার দ্বারা ৫ টি মাত্র টাকা সমেত সহর আবেদন করিতে হইবে। আপাততঃ তিন হাজার সাতশত খণ্ড ছাপান যাইতেছে, তন্মধ্যে ষোলশত সায়ত্রিশ জন গ্রাহক হইয়াছেন। বিগত ১৫ই মাসের মধ্যে আবেদন করিতে হইবে। গ্রাহকসংখ্যা পূর্ণ হইয়া গেলে, আর আবেদন গ্রাহ্য করা না করা আমাদের ইচ্ছাবীন থাকিবে। অতএব এ সুযোগ ছাড়িয়া দেওয়া সুবোধের কার্য হইবে বলিয়া বোধ হয় না।

ডাবিনতরীর শিক্ষা-সোপান।

এক ব্যক্তি চিত্রবিদ্যা শিখিবার জন্ম ওস্তাদের নিকট উপস্থিত হইলেন। শিক্ষার্থীর মূর্তি দেখিয়া ঐ ওস্তাদ তাহার বুদ্ধি ঠাওরাইয়া লইলেন। বলিলেন—মানুষের ছবি আঁকা শিখবে?

শিক্ষার্থী—হ্যাঁ

ওস্তাদ—তবে বাঁদরের চেহারা থেকে আরম্ভ করে দাও আর কি?

শিক্ষার্থী—তা' কেমন তর করে' আঁকতে হয়?

ওস্তাদ—তাও জানো না? কাগজ নিয়ে পেন্সিল নিয়ে সম্মুখে এক খানি বড় আশী রাখবে, একবার একবার আশীতে দেগবে, আর মন দিয়ে ছবি আঁকতে থাকবে।

দিব্য জ্ঞান।

সিধু বাবু মাতালু হইয়া রাস্তার উপর পড়িয়াছেন; সঙ্গে তাঁহার ইয়ার নিধু বাবু ছিলেন; অনেক যত্ন করিয়া হাত ধরিয়া তুলিবার চেষ্টা করিতে লাগিলেন।

বিধু বলিলেন—ওঠো 'ওঠো, মাটিতে পড়ে' কেন? লোকে দেখলে বলবে কি?

সিধু উত্তর করিলেন—বাবা, বৃথা অনুরোধ, জন্ম ভূমির মায়া আমি পরিত্যাগ করতে পারব না। “জননৌ জন্মভূমিষ্ঠ স্বর্গাদপি গরীয়সী;” যার যা বলতে হয় বলুক, অহঙ্কার করে মাথা তুলে আর আমি চলব না।

সৎপথের কণ্টক।

ধর্মোপদেশী বলিলেন—সাধু পথে থাকিয়া শাক অল্পে জীবন ধারণ করিতে হয়, সেও ভালো; কিন্তু চুরি, ডাকাইতি করিয়া ঐশ্বর্য্য হইলেও তাহা অগ্রাহ্য। তবে তোমরা কেন পাপে লিপ্ত হইবে?

শ্রোতাদের মধ্যে রঘু ডাকাতও ছিল; দণ্ডায়মান হইয়া যোড় হস্তে বলিল—শুদ্ধ টেক্সর দায়ে চোর ডাকাতের খাজনা দিতে হয় না, টেক্সও লাগে না।

সুশীল বালক।

বিধুভূষণ বড় সুবোধ ছেলে, যাহার যেমন উঁচিৎ খাতির মর্যাদা করিতে বিধু অস্বীকার। বিধু একদিন একজনের দোকানে বসিয়া আছে, আর সেইখানে বৃদ্ধ চৌধুরী মহাশয়ও আছেন। দোকানদার তামাক সাজিয়া আনিল।

বিধু সুসম্মে বলিল—চৌধুরী মহাশয়, আপনি ঐখান থেকে এক বার সরে যান?

চৌধুরী জিজ্ঞাসা করিলেন—কেন ?

বিধূষণ বলিল—আমায় একবার তামাক খেতে হ'বে, ত' আপ-
নার সুমুখে ত সেটা ভাল হয় না ।

উপায় কলঙ্ক ।

প্রিয়ে, তোমার মুখ-শশী যখন মনোমধ্যে উদ্ভিত হয়, তখন
তখন আমাতে আর আমি থাকি না !

“কেন ভাই ! আমার গানে কি এতই মেতেভা।”

প্রণয়ী দম্পতী ।

ব্রাহ্ম স্বামী ।—“মনে কর শেষের সেদিন ভয়ঙ্কর ।”

ব্রাহ্মিকা স্ত্রী ।—“কেন, তুমি ত বিধবা বিবাহে বিরোধী নও !”

ধনী হইবার সহজ উপায় ।

আমেরিকাতে এক ব্যক্তি সংবাদপত্রে এই বিজ্ঞাপন প্রকাশ
করেন—“যাহারা সহজে ধনী হইবার উপায় জানিতে ইচ্ছা করেন,
তাঁহারা অগ্ন হইতে ছয় মাসের মধ্যে আধ আনা মূল্যের এক
একখানি টিকিট সহিত পত্র আমাকে লিখিলেই সবিশেষ জানিতে
পারিবেন ।

ধনী হইতে সকলেরই ইচ্ছা, সুতরাং বিজ্ঞাপনদাতার নিকট
নিত্যই রাশি রাশি পত্র আসিতে লাগিল ; কিন্তু ছয় মাস অতীত

হইয়া গেল, তথাপি কেহ উত্তর পায় না। ব্যস্ত হইয়া অনেকে পুনর্বার পত্র লিখিতে লাগিল। তখন সেই ব্যক্তি আবার এই বিজ্ঞাপন দিল—“আমি পুষ্ক-বিজ্ঞাপন অনুসারে যে টিকিট পাইয়াছি, তাহা বিক্রয় করিয়া আমার লক্ষাধিক টাকা হইয়াছে। ইহা অপেক্ষা সহজে ধনী হইবার উপায় আর কি আছে?”

জ্ঞান টন্টনে।

ব্রাহ্মসমাজে বহুতা হইতেছে, তদুপরিচিন্তে শ্রোতারা বসিয়া আছেন; এমন সময়ে এক জন মাতাল গিয়া উপস্থিত। যোড় হাত করিয়া কাতর ভাবে দাঁড়াইয়া মাতাল বহুতা শুনিতে লাগিল। তাহার ভক্তি ভাব দেখিয়া, তাহাকে ভক্ত ব্রাহ্ম মনে করিয়া কয়েক জন শ্রোতা বলিলেন—“বসুন না মশায়, বসুন”—বলিয়া বসিবার স্থান করিয়া দিলেন।

মাতাল তাহার দোহলায়মান চাদরের খুঁটটি তুলিয়া বলিল—
“গজা বাবা! এখানে ছত্রিশ জাত আছে, হোঁয়া পড়বে।”
শ্রোতারা অবাক।

মিউনিসিপেল বিচার।

অনাহারী মেজেষ্টর (প্রথম আসামীর প্রতি) তোমার জায়গায় জঙ্গল হয়েছে?

আসামী—আমি সে জায়গা আমার নয়।

মেজেষ্টর—আচ্ছা, তোমার বাড়ীর কাছে ত বটে

আসামী—তা বটে

মেজেষ্টর—তু টাকা জরিমানা ।

• (দ্বিতীয় আসামীর প্রতি) হোমার বাড়ীর কাছে জঙ্গল পরিষ্কার
করো নাই কেন ?

আসামী—আজ্ঞে, আমার বাড়ী নয় ।

মেজেষ্টর—ঐ পাড়ায় ত তোমার বাড়ী ?

আসামী—আজ্ঞে, তা'ও নয় ; আমি কুটুঘের বাড়ী এসেছি ।

মেজেষ্টর—তোমার এক টাকা ।

(তৃতীয় আসামীর প্রতি)—হোমার বাড়ীর———

আসামী—সে কথায় আর কাজ কি ?—এই চৌদ্দ গুণ্ডা
পয়সা আছে, নিন্ ।

• খোশ খবরের বুটোও ভাল ।

শুনিয়া সন্তুষ্ট হইলাম, আগামী বার হইতে নব-বিভাকর এক
কর্ম্মা এবং সোমপ্রকাশ দুই° কর্ম্মা করিয়া বেশী দিতে আরম্ভ
করিবেন । ইহাতে কেবল বিবাদের কথা থাকিবে, এবং বিবাদ
সম্বন্ধীয় একখানি অভিধান গুণ্ডাঃ প্রকাশিত হইবে । কলিকাতা
উপনগরের প্রধান প্রধান মেছুনীরা ইহাতে নিয়মিতরূপে লিখি-
বেন, এমন আভাস পূাওয়া গিয়াছে ।

জিহ্মা ।

গর্গেমেণ্টের, আয়বায়ঘটিত হিসারের ভুল হওয়া বলিয়া যে তিন
কোটি.তেয়ে লক্ষ টাকা বর্জ্জ করা হইয়াছে, রাজস্ব মন্ত্রী ষ্ট্রাচি

নাহেবের পুরস্কারের পক্ষাংশ হাজার টাকা এই কাজের ভিত্তর ধরা
কইয়াছে ত? না হইয়া থাকলে, পৰিমাণটা এই সময়ে বাইয়া
নে ওয়া ভালো না?

থেদের কথা।

একজন এই বলিয়া ছুখ করিতেছিল—হা ভগবান, দু'খ 'নহে,
হুই এক হইত, করিয় কাম্বুদা অন্ন দু স্থানটা করিহাম। তাহা না
দিলে নাহি, যুদি পাগল করিতে দেও যে ভালো ছিল। এ'য়
দুইরই বা'র।

চন্দের কথা।

নামের উপর চন্দের যে প্রকার অবিপত্য একরূপ জার কাহারও
নয়। সংস'রচন্দ্র, জগৎচন্দ্র, ভারতচন্দ্র, বঙ্গচন্দ্র, দুন্দাবনচন্দ্র,
নবদ্বীপচন্দ্র, প্রভৃতি ব্যতীত চন্দ্রমোহন শ্রীচন্দ্র ইত্যাদি আছে।

আচ্ছা, কলিকাতাচন্দ্র, ঢাকাচন্দ্র, বলাগড়চন্দ্র, কাঁসায়াপাড়াচন্দ্র—
নাহি কেন? এখানকার অপ্রকাশচন্দ্র অপেক্ষা কি এ গুলি ভালো
নয়?

সার কথা।

শ্রীনিবাস 'গাঙ্গুলী কস্তাভায়গ্রন্থ, সর্বদাই মনের অশুখ।
অনেক স্থান হতে অনেক লোক কস্তাটিকে দেখতে আসে, কিন্তু
সব্বদ্ব অার স্থির হয় না। অথচ মেয়ে দেখানির হাক্কায়ে ব্রাহ্মণের

খালি খরচাস্ত। মাস কতক এইরূপে যায়, একদিন একজন ঘটক,
এক জন বাবু এবং তাঁহার দুই তিন বন্ধু মেয়েটিকে দেখিতে
দেখা শুনা হ'লো, জনযোগ বিলক্ষণ রূপে হ'লো, শেষ
ভামাক খেতে খেতে কেহ বলেন "মেয়েটী মন্দ নয়, তবে আর একটু
গৌরাঙ্গী হলে ভালো হ'তো" বাবু বলেন "নাকটী যেন বসা বসা।"

কন্ঠাকর্তা আর থাকতে পারেন না, বলে উঠলেন "আমার
এক নিবেদন আছে, যদি ঘর করা কত্তে হয়, তবে পাঁচ পাঁচিই
ভাল, আর যদি ব্যবসা করার ইচ্ছে থাকে, তবে অন্তত চেষ্টা
দেখুন।"

বিষয় বুদ্ধি।

রসময়—কেমন ভাই, তোমার পরিবার কেমন ?

রামনিধি—আর ভাই, সে কথা আর জিজ্ঞাসা করো' না,
দু'তিন হাজার টাকা বায় হয়ে গেল, কিন্তু ব্যারামের কিছুই
কম দেখা যাচ্ছে না।

রসময়—বলো কি ? দুই তিন হাজার। তা' রিপূর কাজে এত
খরচ করার চেয়ে, নতুন দুটো বে করা যে ছিল ভালো ?

রামনিধি—তোমার মত বিষয় বুদ্ধি থাকলে এত কষ্ট পাব কেন,
বলো ?

যা নয় তাই।

বিনোদ ভট্টাচার্যের বাড়ীর সম্মুখে একজন মাতাল বড় সোর-
গোল করিতেছিল; ভট্টাচার্য দুই চারিবার তাহাকে চলিয়া যাইতে

বলাতেও সে নিবৃত্ত না হইয়া বেশী হাঙ্গাম করিতে লাগিল । ভট্টাচার্য্য আর সহ্য করিতে না পারিয়া বলিয়া উঠিলেন—নে আয় ত বেটাকে বেঁধে, বেটার মাতলা ম বার করে দি ।

মাতাল—সে কি বাবা, যা নয় ভাই বন্ডে আরম্ভ করলে ? এ ত চাল কলা নয় যে বাঁধবে, আমি যে মানুষ, বাবা ।

দেবলোকের শোক ।

শিমলা পাহাড়ে উপত্যকায় নয় দিন সূর্য্যদেব দর্শন দেন নাই, ক্রমাগত মেঘ ও কুষ্টি হইয়াছে ।

জ্যোতিষ শ্রেণী দেখে গোন, লাট লিটনের অকালে তিরোভাব জন্ম দেবলোকে দারুণ শোক উপস্থিত হইয়াছে । বিশেষতঃ সূর্য্যদেবের রোদ্দনের বিরাম নাই ।

একটা পামর্শ ।

সকল ধর্ম্মসভাতেই দেগা যাব য, ধর্ম্ম ভিন্ন অন্য বিষয়ের আলোচনা হয় না । ছুংগের বিষয়, ইংল্যান্ড ও খবরশ্বের লোপ হইতেছে না ।

দিন কতক অধর্ম্মের আলোচনা করিয়া দেগিলে হয় না ? লোকে তাহাতে অন্ততঃ ধর্ম্মাধর্ম্মের প্রভেদটা বুঝিতে পারিবে ।

জাতি গুণ ।

(মিরারের অনুরোধে আউড পঞ্চ হয়তে উদ্ধৃত)

একদা এক কাঠুরিয়া কুঠার দ্বারা কাঠ ছেদন করিতে ছিল । কাঠ কুঠারিকে সম্বোধন করিয়া কহিল “ভাই কুড়ুল, আমি তোমার

কোনও অনিষ্ট করি নাই, তুমি কি জন্ত আমাকে কত বিকৃত করিতেছ ?

তাহাতে কুঠার স্বীয় বাঁটের দিকে লক্ষ্য করিয়া কাষ্ঠকে বলিল
“ভাই তুমি যাহা বলিলে তাহা সত্য, কিন্তু আমার পেছনে তোমার
জ্ঞান লাগিয়াছে, নতুবা আমি এমন করিতাম না ।”

সদালাপ ।

পাঁচজন ভদ্রলোক একস্থানে বসিয়া পরস্পরের গুণাভ্যাস
করিতেছিলেন। ধীরপ্রকৃতি নসিবামের প্রশংসা করিবার জন্ত
হনধর বলিলেন—“নসি বাবু মত ঠাণ্ডা লোক আর দেখা যায় না ।”

সুরেশ বলিলেন—“আমি অনেক দেখেছি ।”

হনধর ।—“তোমার ঐ ফাজলিামি, কোথায় দেখেছ বল দেখি ?”

সুরেশ ।—“ওলাওঠার শেগী শেষ অবস্থায় গুর চেয়েও তাঁণ্ডা
হয় ।”

বিনয়ের পরাকাষ্ঠা ।

ভুলু বাবু খুব ধুমধামের সহিত পিতার আদ্যাশ্রদ্ধ করিলেন ;
তাঁহার ব্যয় বিধান দেখিয়া সকলেই স্তুতি করিতে লাগিল ।

ভুলু ঈষৎ লজ্জিত ভাব প্রকাশ করিয়া বলিলেন, “আপনারা
অপরাধ নেবেননা ; আমি পিতৃহীন, তাই আপনাদের যথোচিত
সমাদর করিতে পারলেম না । আজ যদি বাবা থাকতেন, তাহা

হইলে এর দশ গুণ ক্রিয়া করতে পারিতাম, বাবা সন্তুষ্ট হতেন,
আমার জন্ম সার্থক হত।

ওঝা চেয়ে ভূত ভালো।

বন্ধু। (রোগীর প্রতি) কেমন হে, আহ "কেমন? আর জ্বর ত
হয় না?

রোগী। রোগের হাতে রক্ষা পেয়েছি, কিন্তু কবিরাজের হাতে
বুঝি পাই না।

বন্ধু। কেন কবিরাজ কি করেছে?

রোগী। কঁবুবে আর কি? অন্যভাবে ত জীবন ধারণ হয় না,
তাই বলছি।

প্রশ্নোত্তর।(৩)

প্রঃ। কে সর্ষাপেক্ষা লগ্ন মূহুর্ত ঠিক গণনা করিতে পারে?

উত্তর। পাণ্ডনাড়ার, তাহাকে যখন আসিতে বলিবে, সে ঠিক
তখনই আসিয়া উপস্থিত।

প্রঃ। সর্ষাপেক্ষা উত্তম বাগ্মী কে?

উত্তর। যুবতীর চক্ষের জল।

আকেল আছে।

সেকালে সেরেসাদারেরা যে ঘুম ধাইত, তাহা অস্তায় বলা যায়
না; কারণ তেমন ছসিয়ার লোক গারগুণ বেতন দিয়া আজি কালি
পাওয়া যায় কি না সন্দেহ।

এক দিন টিপি টিপি বৃষ্টি হইতেছে, অনেক বেলায় দেরি করিয়া
স্তাদার আদালতে উপস্থিত। জজ্ সাহেব বলিলেন, এ বড়
ব, তুমি এত দেরি করিয়া কাছারি আসিলে কেন ?

সেরে। ভক্ষুর, পথে যে কাদা, দুপা এগিয়ে আসিতে তিন পা
পেছিয়ে পড়, কাজেই একটু গোল হইল।

জজ্। যদি দুপা এগুতে তিন পা পেছিয়ে পড়লে, তবে পৌছিলে
কেনমন হবে ? তোমার এ মিথ্যা কথা।

সেবে। দোহাট্ট ধর্ম্ম অবতার ! মিথ্যা না, যখন দেগলাম
নেহাত আশা যায় না, তখন কাছারির দিকে পেছন ফিরে নগর
দিকে সম্মুখ করলাম।

• অন্তায় দেখিলেই রাগ হয়।

বুখুজোদের বাড়ী কালীপূজা দেখিতে গিয়া স্বেধ দবীকুন্দীন
হেঁচোট পাঠিয়া বলিল—

“শালাব মুকমো পিতি বছবই আদাবে কালী কব্বে, ভুলেও যদি
একবার জোছনায় করলে।”

পদবৃদ্ধি।

সদরালার আদালতে মোকদ্দমা হারিয়া আসিয়া হাকিমকে
নিরোধ ইত্যাদি বলিয়া অর্থী গালি দিতে লাগিল।

তাহার উকীল বুঝাইয়া দিলেন—সদরালার ত বোক হবেই !
চতুর্পদ কি আ ?

আর আর উকীলেরা জিজ্ঞাসা করিলেন—চতুস্পদ কেমন ?
 তিনি বলিলেন—এটা আর বুঝলে না ?—ভগবান্ দন্ত দুই পদ ।
 মুসেকীতে প্রথম পদ বুদ্ধি, কাজে কাজেই সদরলা হইলে পূর্ণ
 চতুস্পদ !

মর্শ্বগ্রাহী শ্রোতা ।

পাদরী সাহেব চৌরাস্তায় দাঁড়াইয়া বৃদ্ধতার সূত্রপাতেই প্রশ্ন
 করিলেন—বলো দেখি, এ ছনিয়াটা কার ?
 এক জন শ্রোতা বাধা দিয়া বলিল—এক শ বার উচিত কথা
 বলিব, তাহাতে আর সন্দেহ নাই । এ ছনিয়া—টাকারই বটে !

একটা ভরসার কথা ।

মিরর পাঠ করিয়া একটা বিশেষ দুঃসংবাদ জানিতে পারা যায় ।
 তাহা এই যে, বঙ্গদেশের শুভদিন উপস্থিত হইয়াছে, বাল্য বিবাহ
 এ দেশ হইতে উঠিয়া গিয়াছে । বিবাহ যখনই হউক, তাহাতে ক্ষতি
 বুদ্ধি নাই, কারণ সে বিবাহ বিবাহই নয়, সহস্র মাত্র । যখন
 দেখিবে ঘরকন্না, তখন জানিবে বিবাহ । দৃষ্টান্ত কুচবিহারে ।

বিদ্যা অমূল্য ধন ।

বিশ্ববিদ্যালয়ে যাবদীয় উপাধি হস্তগত করিয়া আসিয়া এক বৎসর
 ধরিয়া ভরসারাম দন্ত ওকালতীর চেষ্টা করিলেন, কিন্তু রক্ততপসু
 দূরে থাকুক, একটা তামার পয়সার মুখও দেখিতে পাইলেন না ।

শেষে ইতাম হইয়া, ওকালতী ছাড়িবার সময়, প্রকাশ সত্যি বক্তৃতা করিয়া বলিয়া গেলেন—এত দিনে বুঝলাম যে, বিজ্ঞা অমূল্য ধনই

শ্রীমৎস্য উত্তর ।

প্রশ্ন । “ঘোড়া এবং গাধার মধ্যে শ্রেষ্ঠ কি ?

উত্তর । “গাধা ।”

প্রশ্ন । “কেন ?”

উত্তর । “গাধা পিঠি লেজের ঘোড়া চষ ।”

বিদ্রোহ প্রার্থনা ।

রামহরি (ক্রুদ্ধভাবে)—“ওরে বেটা তুই উচ্ছরে যা” !

বিষ্ণু (ভক্তিতে)—“অরুগ্রহ করে যদি আগে আগে পথ
দেখিয়ে যান ত ভালো হয় । নইলে চিন্তে পারব না ।”

সরকারি বাহাদুরের ভ্রম ।

সেন্শেব, আর্মি-সুমার বা জনসংখ্যা লইবার ছক হইয়া গিয়াছে । এবং সর্বত্র একই সময়ে ঘর, দুয়ার, নৌকা পর্যন্ত দেখিয়া। মানুষের সংখ্যা ঠিক করবার বন্দোবস্ত হইয়াছে ।

ছুঃখের বিষয়, একটু সঙ্কীর্ণ ঠাক থাকিয়া যাওয়াতে অনেক উচ্চলোক গণনার বাহরে পড়িবেন । খানা ও বাগান গণিবার উপায় করা হয় নাই, অর্থাৎ অনেক উচ্চলোক রাজিতে নন্দনাবাসী

হইয়া থাকেন, অথবা ভুল ক্রমে বাগানবাড়ীতে ঘুমাইয়া পড়েন, এ কথা সকলেই জানে ।

আর একটা কথার মীমাংসা করিয়া দেওয়া হয় নাই, তাহাতেও ভুল হইবার সম্ভাবনা । গণনার সময়ে প্রসবোন্মুখী রমণী এবং আধখানা জলে, আধখানা ডাকায় ৮ তীরস্থ খাবি-ভক্ষণ-পরায়ণ ব্যক্তি, পূর্ণ এক জন বলিয়া অথবা কম বেশ করিয়া গণিত হইবে, তাহা স্পষ্টাক্ষরে বলিয়া দেওয়া উচিত ।

শ্রায়রত্ন-কীর্তি ।

এখন অবধি শ্রায়রত্ন মহাশয়ের মতানুসরণ অভ্যাস করা উচিত, সেইজন্য নিম্নে দুইটি সরল পাঠ দেওয়া গেল—

১। “এসো, এসো, ভায়া এসো” লিখিতে হইলে S-o So Via S-o” এইরূপ বানান করিতে হইবে ।

২। Gave him logacy দেখিলে পাঠ করিবে “গোবে (রর্থাৎ গোবিন্দের হিম লেগেচে ।”

ছমিয়ার ছেলে ।

শিক্ষক । পাঁচ থেকে দুই নিলে কত থাকে ?

ছেলে । (মাথা চুলকাইতে চুলকাইতে)—জানি না ।

শিক্ষক । অচ্ছা মনে করো, তোমাকে পাঁচটা কমলা লেবু দেওয়া গেল—

ছেলে । কখন দেবেন ?

শিক্ষক । মনে করো দিলাম, তার ভেতর থেকে দুটি লেবু আমাকে কিরে দাও তা হ'লে তোমার কটা থাকে ?

ছেলে । পাঁচটা ত আমায় দেবেন ? তা পাঁচটাই আমার থাকবে ।

শিক্ষক । না না, তা কেন ? দুটো যে আমায় কিরে দিবে ।

ছেলে । (কাঁদিয়া) না, তা আমি একটাও দেবো না ।

আসামীর জবাব ।

রাধামাধব মাতাল হইয়া রাত্তায় দৌরাভ্য করিতেছিল, এমন সময়ে পুলীশ আসিয়া তাহাকে ধরিয়া কোলার তুলিয়া লইয়া গেল এবং ধানায় সমস্ত রাত্রি কয়েদ করিয়া রাখিয়া দিল ।

সকালবেলা চালান দিবার সময়ে নাম জিজ্ঞাসা করাতে, রাধামাধব মনে করিল যে নাম প্রকাশ হইলে লজ্জার বিষয়, অথচ জরিমানা কিছু হইবেই, সেইজন্য প্রকৃত নাম গোপন করিয়া আপন নাম লেখাইয়া দিল—রামচন্দ্র ।

আদালতে উপস্থিত হইলে রাধামাধবের একজন বন্ধু তাহাকে দেখিতে পাইয়া প্রকৃত নাম ধরিয়া ডাকিল । তাহার কলে, নাম ভাড়াইবার অপরাধে আর এক অভিযোগ তাহার উপর চাপিল ।

বিচারক জিজ্ঞাসা করিলেন—তোমার আসল নাম কি ?

“আজ্ঞে, রাধামাধব” ।

বিচারক—“তবে পুলীশে নাম ভুড়াইয়া প্রবন্ধনা করিবার চেষ্টা করিয়াছিলে কেন ?”

“হুজুর, আমি আত্মবিন্মৃত হয়েছিলাম,—তখন কাজে কাজেই—রামচন্দ্র ।”

বিচারক—“রাত্তায় উপর মাতলাবি করিতেছিলে কেন ?”

“হুজুর, মাতলামি করি নাই। তবে রাত্রি অধিক হয়েছিল, গাড়ী পাক্তী পাওয়া গেল না, হেঁটে বাড়ী যাই এমন সঙ্গতি ছিল না, তাই কোম্পানীর কোলা ডাকুছিলাম।”

দেবতার পক্ষপাত ।

যে দরিদ্র, তাহার উপর দেবতারও কোপ দেখা যায়; কিন্তু মহাপাপীও যদি দরিদ্র না হয়, তাহা হইলে দেবতা তাহার অনিষ্ট করেন না। আমার ঘর নাই, মাথা বাঁচাইবার স্থান নাই, আমিই বৃষ্টিতে ভিজিব; আর, তুমি চুরি করা ছাতাটি মাথায় দিয়া চলিয়া যাইতেছ, তোমার মাথায় জল পড়বে না।

অকাট্য প্রমাণ ।

যাহারা উন্নত ব্রাহ্ম, তাহারা হিন্দু নহেন—ইহা কিসে জানা যায়?”

“তাঁহারা আদরের সহিত রবিবারে দর্পণ দেখেন।”

“তাহাতে কি প্রকারে জানা গেল?”

“হিন্দুদের বিশ্বাস আছে যে, রবিবারে দর্পণ দেখিলে কলঙ্ক হয়। কলঙ্কে হিন্দুর সাধ নাই।”

রাজকার্যের রহস্য ।

জেলার জজ সাহেবেরা প্রাণদণ্ড পর্যন্ত সমস্ত গুরুদণ্ড বিধান করিবার ক্রমতা প্রাপ্ত হইয়া থাকেন। কিন্তু ইহার প্রকৃত কারণ অনেকেই অবগত নহেন। অনেক সাহেব অপরাধ করিলে শাস্তি-

স্বরূপ জজের পদ প্রাপ্ত হইয়া থাকেন । তাঁহারা ভুক্তভোগী, সুতরাং
সংগের ব্যবস্থা ভালো বুঝিবেন বলিয়াই এ প্রকার কমতা তাঁহাদিগকে
দেওয়া হইয়া থাকে ।

একজন বাঙ্গালী অতিরিক্ত জজ হইয়াছেন, কিন্তু অগাপি কোনও
বিষয়ে স্বয়ং দণ্ডিত হন নাই । বোধ হয়, সেই জন্তই তাঁহাকে দাওয়ার
কমতা দেওয়া হইতেছে না ।

আশ্চর্য্য অজ্ঞতা ।

মেম সাহেব (খানসামাকে)—গত রবিবারে সাহেব তোমাকে
মারিয়াছিলেন কি? কৈ আমি ত জানিতে পারি নাই?

খানসামা।—আপনি জানিতে পারেন নাই বটে, কিন্তু আমি সঙ্গ
সঙ্গেই জানিয়াছিলাম ।

কবির ভবিষ্যদ্বাণী ।

পাঁচ ইয়ারে একত্র হইলেই একটা মদের বোতল খোলা আবশ্যক
নহিলে আর ভদ্রতা রক্ষা হয় না । নসী বাবুর বৈঠক ঘানায় এইরূপ
মজলিশ হইয়াছে, খানসামা এক বোতল 'বী-হাইব' ত্রাণী দিয়া গেল ।
নব অম্বরাঙ্গী একজন নবীন ইয়ার "ত্রাণীর" নাম শুনিয়া চমকিয়া
বলিল—“না ভাই, আমাদের বাঙ্গালীর পেটে ত্রাণী খাওয়াটা
উচিত নয় ।”

নসী বাবু বলিলেন—“বী-হাইব” জিনিষটা ভালো হে, এতে
কোনও অনিষ্ট হয় না ।

এক জন বন্ধু ইয়ার নসী বাবুর পোষকতা করিয়া বলিল—“বী-

হাইব, কি না মধুচ্ক্র,—বাদালীর জন্ত ব্যবহাও আছে । দুয়দ-
কবিবর মাইকেল দত্তজ মহাশয় লিখিয়া গিয়াছেন—

—‘মধুচ্ক্র, গোড় জন যাছে,
আনন্দে করিবে পান সুখা নিরবধি’ !—

যদি শুভ্র লোক হও, নেশাছুরাসী হও, তবে বী-হাইবের নি-
করিতে পারো না।

জিজ্ঞাসা ।

“বর্ধমান সঞ্জীবনী”কে একটা কথা জিজ্ঞাসা করিতে ইচ্ছা করি
কিছুদিন হইতে গো জাতির উন্নতির জন্ত “সঞ্জীবনী” প্রবন্ধ লিখিতে
আরম্ভ করিয়াছেন ।

প্রথমতঃ, এই সমস্ত প্রবন্ধ গো জাতির অবোধগম্য এব গোপাল
সম্প্রদায়ও প্রবন্ধ পড়ে বলিয়া বিশ্বাস হয় না ।

দ্বিতীয়তঃ, গোজাতির অগ্রে স্বজাতির উন্নতির জন্ত যত্ন করা
উচিত এবং আবশ্যিক । তবে, যদি “সঞ্জীবনীর” গোজাতি এব
স্বজাতি একার্থবাচক হয়, তাহা হইলে কথাই নাই ।

তাই জিজ্ঞাস্য করিতোছ ।

অবৈধ অনুযোগ ।

বাদালীর দেশহিতৈষিতা নাই, এই কথা বলিয়া অনেককে
অনুযোগ করিতে শোনা যায় । কিন্তু কথাটা সত্য নহে, স্মৃত্তরাঃ
অনুযোগও অমূলক । খোলা ভাটা হইবার পূর্ব হইতেই “কনট্রিয়ার”
নামে অনেকের মুখ লালারিত এবং হৃদয় প্রকুর হইতে দেখা গিয়াছে ।

১. বাঁহারা “কন্ট্রি” কথায় বমি করেন, তাঁহারা অবশুই বিনাতী
চক্র এবং দেশের পরম শত্রু ।

যে যেমন বোঝে ।

“প্রকৃত সুন্দর কে ?”
“যাহার বিজ্ঞা আছে !”
“ইহার প্রমাণ কোথায়
“ভারতে ।”

ক্ষমা প্রার্থনার নব বিধান ।

মৌশলির অতুল কীর্তি ওরফে বজ্জাতি ব্যাপার বোধ হয় এখনও কেহ বিস্মৃত হন নাই। সেই যে ছোট লাট লিথিয়া পাঠাইলেন, যে, বজ্জাতির জন্ত জেলার মেজেষ্টার ডেপুটী মেজেস্টারের সদনে ক্ষমা প্রার্থনা করুন, তাহার ফলে মহামতি মৌশলি আদেশ করিলেন যে, অতুলানন্দ বর্দন জন্ত ডেপুটী জারিগী বাবু এই মর্মে রুবকারি প্রেরণ করুন যে, বজ্জাতির বদার্থ যত কেন বদ হউক না, তৎসম্বন্ধে বিবাদ করা বৃথা, কারণ অপবাদের অভিপ্রায়াভাব, অতএব অপরোধ অসম্ভাবিত ।

এই ত গেল ক্ষমা প্রার্থনা; ইহাকে নব বিধান অভিধান দিবাব তাৎপর্য এই যে, ইহাতে আদেশ আছে, অমুতাপ আছে, গৌরব আছে, কৃষ্ণমূর্তি আছে, ইহার উপদেশানুসারে গণ্ডাস্তরে চপেটাঘাত আছে, মইন্দ্রদের শাসনানুগত করবালাঘাত আছে, আর সঙ্গে সঙ্গে উপাচার্য ইত্যেনারতারের জয়-পতাকার উড্ডীনতা আছে ।

এ হেন প্রয়াগ তীর্থে, এমন গলা-ঘমুনা-সকমে যে ব্যক্তি মস্তক মুগুনে কুণ্ঠিত হয়, তাহার পরকালের পথ কণ্টকাকীর্ণ, ইহকালের অবস্থা নিতান্ত জীর্ণ, সকাল সকাল এ ভব জাল হইতে উত্তীর্ণ হইতে পারিলেই তাহার মঙ্গল ।

সং পরামর্শ ।

ফাঁসি দিবার জন্ত বৃন্দাবনকে মশানে লইয়া যাইতেছে । আর ফাঁসী দেখিবার জন্ত দলে দলে লোক দৌড়িতেছে । একদল লোককে ডাকিয়া বৃন্দাবন বলিল—“ভাই সকল, কেন ছুটাছুটি করিয়া মরিতেছ ? আমি না যাওয়া পর্যন্ত কোনও কাজই ত হইবে না ।”

আশার অতিরিক্ত ।

পিতা । (পুত্রকে) কেমন, আজ তোমাদের স্কুলে ওঠাওঠি হ'ল না ? তোমাদের ক্লাসের ক'জন উঠল ? তুমি উঠেছ তো ?

পুত্র । (সহর্ষে) আজকে কারুই উঠতে বাকী নাই, স্কুল শুধু উঠে গগছে; আর পড়া করতে হ'বে না ।

বৈজ্ঞানিক দৃষ্টান্ত ।

শিক্ষক । তাপের গুণ এই যে, তাহাতে পদার্থের সম্প্রসারণ হয়, অর্থাৎ পদার্থের আয়তন বাড়ে । শৈত্যের গুণ ইহার বিপরীত, শীতে পদার্থ সংকুচিত অর্থাৎ ছোট হইয়া যায় ।—বুঝিতে পারিলে ত ?

ছাত্র । আছে, বলিয়াছি ।

শিকক। আচ্ছা, একটা দৃষ্টান্ত দাও দেখি ?

ছাত্র। এই যেমন—দিন। গ্রীষ্ম কালে বাড়ে, আর শীত
কালে ছোট হয়।

এডুকেশন গেজেটে এই বিজ্ঞাপন বাহির হইয়াছে;—

“এক জন সুবিদ্র ইংরাজিতে এন্ট পাস, বাঙ্গালা, পারসীতে
উত্তম পারদর্শী ও আইন উত্তমরূপ জ্ঞান আবশ্যক, এরূপ এক জন
লোকের প্রয়োজন। মাসিক বেতন ৮ টাকা। ইহার সবিশেষ
জেনা নদীয়ার মহকুমা রাণাঘাটের চাকদহ থানার অধীন কাজিপাড়া
গ্রামে মুন্সী রওসল আলি সাহেবের বাটীতে আসিলে জানিতে
পারিবেন। কার্য্য দেওয়ানি; সতত জমিদারী বন্দোবস্ত, মোকদম
মামলাদি অনেক কার্য্য করিতে হইবে।”

আট টাকা মাহিয়ানাতে আপত্তি নাই; খুঁটের পয়সা খরচ করিয়া
কাজিপাড়া যাইতেও আপত্তি নাই; কিন্তু এ কার্য্যের যোগ্যতা
বিশিষ্ট ব্যক্তি বঙ্গদেশে এ পর্য্যন্ত জন্মিয়াছে কি না, পঞ্চানন্দ তাই
ভাবিয়া ব্যাকুল হইতেছেন। এডুকেশন গেজেটের উচিত, যেমন
কর্ম্মখালির বিজ্ঞাপন ছাপিয়াছেন; তেমনি কর্ম্মে ভঙ্গির একট
বিজ্ঞাপনও তিনি বাহির করেন।

তিনি কে ?

• নূতন স্ত্রী চুরি করে, হৃদয়ের শর তুলে খায়, বামুন ঠাকরুণ এই
কথা স্ত্রীকে বলে' দিলে গিন্নী আবার কণ্ঠকে তাই জানাইলেন।

কর্তা বাবু বড় ধাৰ্মিক, হঠাৎ বীকে কিছু ন বলে' এক দিন রান্না ঘরে তাকে হাতে পাতে ধরে' ফেলেন, ফেলে বলেন—“দেখ পাণ্ডীয়সি! তুই এই চুরি করে, শুধু যে আমার অনিষ্ট করছিস তা নয়; ঋর সম্মুখে আমিও কীটাকীট, এমন এক জন উপরে আছেন, তাঁর কাছেও তোর ঘোর অপরাধ হচ্ছে। তুই জানিস, তিনি কে? বী খত মত পেয়ে বলে—“আজ্ঞে জানি,—তিনি মা গিন্নী।”

বুঝিবার ডল।

খোলা ভাটি হওয়াতে অনেকে রাগ বিরাগ করিতেছে, প্রকৃত পক্ষে কিন্তু খোলা ভাটি হওয়াটা সুলক্ষণ। এখন নাকি যুক্তের দৌরাশ্ব্যে ভজলোকে মদ খাওয়া ছাড়িয়া দিয়াছে, সেই জন্ত সরকার বাহাদুর সাধারণ লোকের মনে মদের উপর বিতৃষ্ণা জন্মাইয়া দিবার জন্ত এই ব্যবস্থা করিয়া দিয়াছেন। মদ যেমন উত্তেজক, তেমনি অবাগদক; প্রথম প্রথম দিন কতক মদ মাতালের বাড়াবাড়ি হইবে বটে, কিন্তু আশেয়ে আর কিছুই থাকিবে না। সরকার বাহাদুর সার বুঝিয়াছেন যে, মদ না থাকিলে মদের দোষ জানা যায় না; হুঃখের বিষয় যে, পোড়া লোকে এটা বুঝিতেছে

প্রকৃত কারণ।

অনেকে মনে করিয়া থাকে যে, মদের দোকান স্তম্ভিক হওয়াতেই মাতলামি বাড়িতেছে। কিন্তু বাস্তবিক তাহা নয়।

সরকার বাহাদুরের অনুমতি না লইয়া কেহ কেহ নু কি মদ বিক্রয় করে, তাই আবকারীর একটা নিয়ম আছে যে, মদ পরিতে

পারিলে, যে ধরে তাহাকে বক্শিস দেওয়া যায় । এই কক্শিসের
লোভে অনেকে চুপি চুপি মদ ধরে ; বক্শিস পাউক আর না পাউক,
ধরিলে আর কেহ ছাড়িতে পারে না । ইহাই মাতলামি বাড়িবার
প্রকৃত কারণ ।

প্রভুত্ব ভৃত্য ।

সাহেব রাগত হইয়া খানশামাকে—

“শূর কা বাচ্ছা—”

খানশামা ঘোড়হাত করিয়া বলিল,

—“হুজুর মা বাপ, সব বলতে পারেন ।”

তা তো যথার্থ ।

রামমণি পঞ্চাশ বৎসরের বিধবা ব্রাহ্মণকন্তা, পীড়ায় শয্যাগত
বডই কাছিল, নিতান্ত ক্ষীণ, তাহাতে আজি আবার একাদশী
রামমণির আত্মীয়বর্গের বুদ্ধি ওন্ধি লোপ পাইয়াছে । কি করে
বিত্রত হইয়া গোবর্দ্ধন ডাক্তারকে ডাকিয়া আনিলা ।

গোবর্দ্ধন ডাক্তার রামমণির বুক ঠুকিয়া প্রথমতঃ পঞ্জর ডাক্তার
চেষ্টা করিলেন, জিহ্বা টানিয়া প্রাণ চমকাইয়া দিলেন, ঘড়িতে
নাড়ী দেখিলেন, তার পর গীতীর ভাবে বলিলেন—দোষ
কলম, কাগজ । •

রামমণির এক জন আত্মীয় জিজ্ঞাসা করিল—বাবু দেখলে
কেনমন ? • তাঁর ক্রম করবার ব্যবস্থা করা যায় কি ?

গোবর্ধন ডাক্তার তীরস্বের খবর জানেন না; রোগীর অবস্থা খারাপ, উদ্বেজক ঔষধের ব্যবস্থা করিলেন—৪ ঔষুদ্র ত্রাণী আধ ষণ্টা অন্তর ছ বার। সঙ্গে সঙ্গে পথা মুর্গীর সুরক্ষা; বাঁক-টা হইলে আরো ভালো।

“সে কি মহাশয়! বামুনের বিধবা যে? তার আজ একাদশী!”

• “আমি তার কি করব বলো?” পুস্তকে বয়োভেদে ঔষধের মাত্রা ভেদের কথা লেখা আছে; কিন্তু ধর্মভেদ, তিথি ভেদের কথা কিছু তো নাই। তোমাদের মনোমত না হয়, আমার বিজিট দাও চলিয়া যাইতেছি। আমি কর্তব্য কর্মে অমনোযোগ করি নাই, এই আমার সুখ।

গদাধর একটু গোঁয়ার গোছ; এতক্ষণ চুপ করিয়াছিলেন, কিন্তু আর থাকিতে পারিলেন না। বলিলেন—“মেজোঁ কাকা, ঠাকুরমার যা হবার হবে; এখন, আগে এই গোবরা বেটাকেই তীরস্ব করা যাক। কি বলেন?”

কলির শুভঙ্কর ।

কদমতলার বংশীধর দত্ত গত জনসংখ্যা উপলক্ষে আপন পরিবারের ব্যক্তিদের পরিচয় লিখিতেছিলেন। স্বীর বয়স লিখিলেন কুড়ি ষৎসয়।

এক জন প্রতিবেশী সেই খানে বসিয়াছিলেন, “দত্ত-দা, উপনের বয়সই যে কুড়ির কাছাকাছি।” উপনি দত্ত মহাশয়ের পুত্র।

বংশীধর বলিল—“তা হোক ভায়া, কিন্তু স্বীর বয়সে আমার ভূঁস

হ'বার যো নাই । আঠারো বছরে আমার বিয়ে হয়, তখন তাঁর
মাস, ন বছর প্রায় আধাআধি । এখন আমার ঠিক চল্লিশ,
দেখ'ছ না ?

তার একটুকু ।

কতকগুলি ব্রাহ্ম “ভ্রাতা” প্রস্তাব করিতেছেন যে, মৃতদেহ
পোড়াইলে আত্মার অতিশয় যত্না হয়, অতএব ন পোড়াইয়া গোর
দিবার নিয়ম প্রচলিত হউক ।

প্রস্তাব অতি সং এবং সুবুদ্ধির পরিচায়ক । পঞ্চানন্দ ইহাতে
সম্মত আছেন ; তবে মৃত্যুর পূর্বে “ভ্রাতা” সকলকে পুঁতিতে
পারিলে আরও ভালো হয় । কেননা, তাহা হইলে সম্বরীয়ে স্বর্গ
প্রাপ্তির পক্ষে আর সংশয় থাকিবে না ।

ছেলে ভুলানো উত্তর ।

কহু । (যাহার মামা বিলাতি পাস দিয়া আসিয়াছে)—ই বাবা,
মামা অত করে, রাত দিন মুখে সাবান মাখে কেন ? আগে ত এ
সব করত না ।

কহুর বাপ । হাবা ছেলে, এও জানিস নে ; তা নইলে “উদ্ধারের
কলঙ্ক যাবে কিসে ?”

আইনের উপদেশ ।

ছাত্র । এক জন সামান্ত বাঙ্গালীও আপনার গলায় আপনি
নড়ি দিয়া মরিতে চেষ্টা করিলেও কেন যে তাহার দণ্ড হইবে, বুঝিতে
পারিতেছি না ।

অধ্যাপক । এ আর বুঝিলে না ? আশ্চর্য্যের চেষ্ঠা করিলে
যে রাজদ্রোহিতার লক্ষণ দেখা যায়, সেই জন্ত ।

ছাত্র । কিসে ?

অধ্যাপক । সকল লোককেই ফাঁসি দিবার অধিকার রাজার, তাই
কেহ যদি আপনার গলায় আপনি ফাঁসি দিতে যায়, তাহা হইলে সে
স্পষ্টত রাজার অধিকারে হস্তক্ষেপ করে, সুতরাং বিদ্রোহী ।

‘নব বিধান’ ।

(ভাবগুচ্ছ ও অল্পপ্রাসচ্ছটা)

- ১ । “ব্রহ্ম মদে মাতিল মুদ্রের ।”
- ২ । ব্রহ্ম গাঁজায় গাঁজিল গাজিপুর ।
- ৩ । ব্রহ্ম চরসে চৌরস চটগ্রাম ।
- ৪ । ব্রহ্মাফিঙে ফাঁপিল কতেগড় ।
- ৫ । ব্রহ্মগুলিতে গলিল গারো দেশ ।
- ৬ । ব্রহ্ম চণ্ডে চেতিল চাপক ।
- ৭ । ব্রহ্ম ভাঙ্গে ভোর ভাগলপুর ।
- ৮ । ব্রহ্ম তামাকে তবু হইল তমুলুক ।
- ৯ । ব্রহ্ম চাটে চকিত চাটমোহর ।

শকু সওয়াল ।

পৌষ মাসের সংক্রান্তিতে অনেক বাঙ্গালী ধুমধামের সহিত পিটে
খায়, আর নাম দেয় “পৌষপার্কণ ।” বন্ধবাসী তো প্রায়ই খায় না,
বারো মাসিই অকাতরে পিটে খায়, তবে পার্কণ বলে না কেন ?”

কথার বলে বারো মাসে তেরো পার্কণ ; একি তাই না কি ?
পার্কণ নামে একটা ধুমধামের শব্দ আছে, সেইটা মনে করিয়াই পৌষ-
পার্কণ বলে ? অথবা এমন হইতে পারে কি না, যে পৌষ মাসে সকল-
কার ঘরে চাবুটি চাবুটি ধান হয়, বছরের মধ্যে এক বার পেট ভরিয়া
খাইবার যোগাড় হয়, তাই গ্লেব করিয়া সেই দিন পিটে খাওয়া
বলে ?

ফুল নম্বর ৫০ । এক মাসে উক্তর দিতে হইবে ।

বিনাশ নয়, নাশ ।

ব্রাহ্মী জমাইয়া এক জন করাসী ব্রাহ্মীর ডেলা তৈয়ার করিতেছে ।
বাহারা মদের বিনাশ হইবে মনে করিতেন, তাঁহারা এখন দেখিবেন
যে মাতালেরা মদের নাশ করিতেছে । অহো !

সারগ্রাহী বাবুর গুণগ্রাহিতা ।

কালেক্টারীর ঘর মেরামত হইতেছে, প্রকাণ্ড প্রকাণ্ড লোহার কড়ি,
বড় বড় কপিকলের সাহায্যে তোলা হইতেছে, কত কুলী মজুর খাটি-
তেছে । এক জন সাহেব-কুলীও সে সঙ্গে খাটিতেছে এবং কালো
কুলীদের খাটাইতেছে ।

বাকালী বাবু— বেলা হইয়াছে, আকিস বাইবার তাড়া—সেইখান
দিয়া দৌড়িয়া যাইতেছেন । সেই সাহেব-কুলী বাকালী বাবুকে ধাক্কা
দিয়া সে পথ হইতে সরাইয়া দিল, মুখে বলিল—“ড্যাম খালা নিগর,
বাকট মরিয়া যাবি, আর বলিবি কি সাহেব আমার পিলা কেটিয়ে
দিলে ।”

কথাটা না কহিয়া রাজভক্ত, প্রহুভক্ত বাঙ্গালী বাবু আপন গায়ে হাত বুলাইতে বুলাইতে চলিয়া গেলেন । কতকদূর গিয়া কিরিয়া দেখিলেন, সাহেব তখন অনেক দূরে পড়িয়াছে । তখন আর একবার দাঁড়াইয়া, খুব আহ্লাদের হাসি হাসিয়া বাঙ্গালী বাবু বলিয়া উঠিলেন,—“সাহেব ত খাশা বাঙ্গালা শিখেছে ।”

সন্ধান ।

“এখন রাজা কোথায় হে ?”

“চিড়িয়া খানায গ্যাছেন ।”

“সেখানে এখন কেন ?”

“কি, একটা জানোয়ার পালিয়ে গিয়েছে, সেই জন্তে ।”

“শিগ্গির কিব্বেন ত ?”

“সন্ধান না হ'লে ত নয় ।”

সরল বিজ্ঞাপন ।

১। আমি একখানি কাগজ বাহির করিব, কেননা সম্প্রতি আমি বেকার ।

২। অল্প অল্প কাগজে যে কথা থাকে, আমার কাগজে ঠিক তাই থাকিবে । সেই রাজনীতি, সেই সমাজনীতি, সেই সুনীতি, সেই দুর্নীতি, সেই ইতিহাস, সেই পরিহাস, সেই কাব্য, সেই গব্য ইত্যাদি । বেশী কিছু দিতে পারিলে দিতাম, কিন্তু সামর্থ্য নাই ; কম দেওয়া অনেক জায়গায় দরকার, কিন্তু আমার সে সাহস নাই ।

৩। বাঙ্গালা লেখা আমার খুব অত্যাস আছে । অপর কাগজের

অনেক প্রবন্ধ লিখিয়া পাঠাইতাম, কিন্তু সম্পাদক বাবুরা আমার লেখা পছন্দ করিতেন না, ফেলিয়া দিতেন। সেই আক্রোশেই, আমি নিজের কাগজ বাহির করিতে চাই।

৪। আমার কাগজে বাঙ্গালার কোনও উপকার হইবে না, তাহা জানি, আমার উপকার হইবে না, তাহাও মানি; কিন্তু তবু একখানি কাগজ আমি বাহির করিব। আর দশ জনে করিয়াছে, আমিও করিব।

৫। বাঙ্গলা কাগজ কেহ পড়ে না এই আমার বিশ্বাস, আমি নিজে নিশ্চয়ই পড়ি না; বাঙ্গলা কাগজের কোনও একটা বিশেষ মত আছে, এমন ধারণা আমার নাই, আমারও কোনও বিষয়ে কোনও একটা স্থির মত নাই। সেই সাহসেই আমি কাগজ বাহির করিতে উদ্যত হইয়াছি।

৬। এখন বড় কম দামে কাগজ পাওয়া যাইতেছে, আমিও কম দামে দিব। আমার লাভের প্রত্যাশা নাই সত্য, অন্তত মাটি হইবে।

৭। যত এম্-এ,-বি-এন্ ইংরেজীতে চিঠি লেখেন, আর দো-আশলা কথা কন, সকলেই আমার কাগজে লিখিতে অঙ্গীকার করিয়াছেন। হুই কারণে তাঁহাদের নাম প্রকাশ করা গেল না।—এক, বিশ্ববিদ্যালয়ের পাজীতে তাঁহাদের নাম ছাড়া আছে; দ্বিতীয়, আমার কাগজে লেখার বিষয়ে কাহারও সহিত আমার কোনও কথা হয় নাই। শুধু সাধারণ প্রথার, অমুরোধে, এ কথাটা আমি প্রকাশ করিলাম।

৮। দু হাজার গ্রাহক অগ্রিম মূল্য পাঠাইয়া দিলেই কাগজের নাম এবং আমার নাম এবং অন্তান্ত বিবরণ প্রকাশ করিব।

ব্যবহার অতিরিক্ত ।

বিলাত কেবল হেলেকে জাতিতে উঠাইয়া লইবার জন্য ব্যক্তি পিতা অধ্যাপকের ব্যবস্থা আনাইলেন; হেলেকে বলিলেন,—“বাকী সব টাকায় হবে; কিন্তু বাপু, তোমার যে একটু গোবর খেতে হবে?” হেলে জনহুঁয়ার্ট মিলের জার-দর্শনে পরম পণ্ডিত; বিনয়ের সহিত উত্তর দিল,—“আমার উদরেই বিস্তর গো-বর আবার কেন?” প্রাশস্তি আর হইল না।

শ্রীশ্রী পঞ্চানন্দ ঠাকুরেষু ।

ঠাকুর আগ্নি বেরলেন, আমি বাচলুম। আপনাকে না দেখে পেয়ে আমার যে কি হোচ্ছিল, তা আর কি বোলবো। মাজে মাজে আমার মনে যে খটকা ওটে, তা নাকি আপনি নৈলে কেউ মাস্তে পারে না, তাই যাত হুশিষ্টে। মোক্ষো যা হয়েছে শুধুন।

সেদিন আনখোটা সাহেব বোলে গ্যালেন্বে, “সার্কজনীন ভ্রাতৃত্ব”—(অথাৎ যদি কিছু বুজে থাকি)—খুব উচিত, আর সেই ভাব যাকে বাড়ে, তাই করা উচিত।

ভালো এর কি এই মানে যে, সকল মানুষই পরস্পর ভাই ভাই ভাক্কে? তা যদি হয়, তা হোলে ত ভারি গোল। “ভাই ভাই ঠাই ঠাই”—এই যে যাকুটা কথা আছে, তা কি উটে যাবে না কি? আর এই শালা ভগ্নিপোৎ, বাপ ব্যাটা, মামা পিশে এই রকম যত সম্পদ আছে, তাও উটিয়ে দিতে হবে নাকি? হয় হোক ভ্রাতৃত্ব, কিন্তু এসব নৈলে তো সংসার চোলবে না, তাই আপ্রীতে ঞ জিপেশ কোচ্ছি।

আপনার চিরন্তনের শিশো:

শ্রীবোদে ।

• [আমার দ্বারা সমস্তার পূরণ হইবে না । পূর্বেও এ হুকুম অনেক-
কাল উঠিয়াছিল, চুপি চুপি নিবিয়াও গিয়াছিল । বোধের যদি নিতান্ত
আগ্রহ হয়, সীমন্তী বলবৎসখীকে জিজ্ঞাসা করিতে পারেন ।

বৈবাহিক রহস্য ।

একটা নিবেদন ।

মালখাসের কথা ঠিক হ'উক আর না হ'উক, তোমায় ত' কিছু বলি
নি; তুমি যখন ঝুঁকেছ, তায় হাতের গোড়ায় এমন দাঁও পেয়েছ,
তখন ছাড়া হবে না, তা ত নিশ্চয় । তুমি বিয়ে কতে হয় করো, কিন্তু
তাই বোলে মালখাসের কথা তুলেই তোমায় পিঠ পেতে নিতে হবে,
তা কে বোলে ?

নূতন সংবাদ ।

ভারতবর্ষের লোক বড় মিথ্যাবাদী ; মোকদ্দমা উপস্থিত হইলে,
ইহারা উভয় পক্ষে বিপরীত উক্তি করে, আর আপন আপন পক্ষে
পোষক প্রমাণ দেয় । বিলাতি সকল মোকদ্দমাই একতরফা হয়,
মিথ্যা কথা কাহাকে বলে, বিলাতের সাহেবেরা জানেন না ; ইহারা
এ দেশে আসিয়া শিক্ষা করেন ।

প্রশ্ন ।

একজন এম-এ-গ্রন্থ বারু, এই মর্মে বিজ্ঞাপন দিয়াছিলেন, যে
“দোকানে” না স্বইরা বঙ্গ মহিলারা আমার নিকট পত্র লিখিলে
অর্ধমূল্যে ভালবাসা পাইবেন ।”

পঞ্চানন্দ জানিতে চাহেন, ভালবাসার আশার বন্ধ-মহিলারা সশরীরে বাবুর কাছে উপস্থিত হইলে, অমনি পাইবে কি না ? কথাটা না কি উঠিয়াছে, তাই জিজ্ঞাসা করিয়া সন্দেহভঞ্জন করা আবশ্যিক হইয়াছে।

প্রশস্তি অনুবাদ ।

একজন বড় লোকের জীবনবৃত্তান্ত বিষয়ে কোন ব্যক্তি ইংরেজিতে বক্তৃতা করিতেছিলেন। আর দশক্ষর পর বক্তা বলিলেন—“He did good by stealth”—তখন ঘোর রবে করতালি হইল। একজন নিরেট বাঙ্গালী বক্তৃতা শুনিবার ছলে বক্তার হাত পা নাড়া দেখিতেছিল, এবং চসমা চক্ষে, ফুল ষ্টাভিঙ্ পায়ে একটি বাবুর কুর্জুইএর স্তূতো ভঙ্গণ করিতেছিল। করতালির ধ্বনিতে বাঙ্গালী কোঁতুহলাক্রান্ত হইয়া, বক্তা কি বলিলেন, জিজ্ঞাসা করিল। বাবু বুঝাইয়া দিলেন—“তিনি হুঁ রি করিয়া ভাল করিয়াছিলেন।”

গোয়ালার জল ।

যাহারা কিনিয়া খায়, তাহারা প্রায় কখনই নির্জলা হুধ পায় না ; অথচ গোয়ালারা জল দেওয়াও স্বীকার করে না, দামও বেশী লয়। জল দেওয়া ধরিবারে জন্ত অনেক অনেক উপায় সময়ে সময়ে স্থির করেন, এমন কি, এই নিমিত্ত একটা কল পর্যন্ত হইয়াছে। কিন্তু তাহাতেও সকল সময়ে কৃতকার্য হওয়া যায় না। হুধওয়ালারা এমনি ধুঁক্ যে, কলের উপরেও তাহারা হুকুমত চালায়। আমরা এই জন্ত এক অতি সহজ উপায় স্থির করিয়াছি, ইহাতে ব্যয় নাই, অথচ

শ্রীমতী নিঃসন্দেহ । ষাহার নিকট হৃথের যোগান লওয়া হয়, দোহনর অগ্রে তাহার বাটার পাখে আড়ি পাতিয়া থাকিয়া, সে যখন জল মিশ্রিত করে, তখন খপ করিয়া গিয়া তাহার হাত চাপিয়া ধরা !

সাধারণের উপকার হইবে জানিয়া আমরা আমাদের নবাবিকৃত এই প্রক্রিয়া গোপন করতঃ অর্ধোপার্জননের চেষ্টা করিলাম না ।

বেথরচা উপদেশ ।

যাহাদের চাকর বাজারের পয়সা চুরি করিয়া উত্যক্ত করে, তাঁহারা অতঃপর চাকর রাখিবেন না ; নিজে বাজার করিলেই চুরির সম্ভাবনা খুব অল্প হইবে ।

জয়েন্ট ষ্টক কোম্পানী ।

‘সাধরণী’ মধ্যে মধ্যে ভারতবাসীকে জয়েন্ট ষ্টক কোম্পানী করিবার উপদেশ দিয়া থাকেন । পঞ্চানন্দর তাহাতে বিশেষ আপত্তি আছে—জয়েন্ট কোম্পানীর মা হইলে ভারতমাতার গলালাভ হইবে না ।

জ্ঞানের পূর্ণমাত্রা ।

অন্ধকার রাত্রিতে এক ব্যক্তি পচা নর্দমায পড়িয়া গিয়া, উঠিবার জন্য যত্ন করে, সব বিকল হইয়া যায় ; এমন সময়ে সার্জন সাহেব

সেই পথ দিয়া মাইতেছিলেন ; জিজ্ঞাসা করিলেন—“কোন হাঁস ?”

উত্তর হইল—“আমি ভ্রাতা । ”

প্রশ্ন । “ক্যা হোটা হায় ?”

উত্তর “অমৃতবাজার পত্রিকা” পাঠ হচ্ছে ।

সঙ্গত প্রার্থনা ।

নরহত্যা অধরাধে এক ব্যক্তির বিচার সমাপন করিয়া বিচারপতি বলিলেন,—“তোমার অপরাধের নিঃসন্দ্বিগ্নরূপে প্রমাণ হইয়াছে ; তোমর শিখা উচিত যে, নরহত্যা ভয়ঙ্কর পাপ, সেই ক্ষম্ত আমি তোমার ফাঁসির হুকুম দিলাম ।”

অপরাধী বোড়হস্তে বলিল,—“ধর্ম্মাবতার, ফাঁসি দেবেন না, ফাঁসি দিলে একেবারে মরে’ ঘাব’ কিছুই শিখতে পারুব না ।”

শিষ্টাচার ও মিষ্টালাপ ।

নসীরাম । (শিক্ষকের প্রতি)—আপনার হাতে ছেলেরা অর্পণ করেছি, কিছু হবে ত ?

শিক্ষক । হবে না, সে কি কথা ? কত কত গাধা পিটে মানুষ করা গেল, আর এমন ছেলের হবে না ? তুমি ত আমারই ছাত্র !

বহুদর্শিতার অস্তাব ।

বারু । (হাসিতে হাসিতে পাচক ব্রাহ্মণের প্রতি,) হ্যাঁ°ছে চক্রবর্তী, তুমি নাকি বাদর দেখনি ? আমাদের দেশে, লক্ষ লক্ষ

বান্দর; এবারে যখন আমাদের বাড়ী যাবে, তখন তোমাকে সেই দলে ছেড়ে দেব, যত ইচ্ছা দেখবে।

চক্র। আচ্ছ, আপনার অল্পগ্রহে দেখিনি এমন নয়, তবে, আপনার মত দেখিনি।

প্রশ্ন ।

“বালকবন্ধু বলেন, পেতিনী নাই।” কেন, বালকবন্ধুর কি স্ত্রী বিয়োগ হইয়াছে।

উত্তর ।

“তুমি কি ছুত মান না?”

“আগে মানতাম না বটে; কিন্তু তোমার কথা যে অবধি শুনেছি সেই অবধি মানি।”

উকীল গিনিবার উপায় ।

রেলের গাড়ীতে মলিনমুখ ভদ্রসন্তান দেখিলে জিজ্ঞাসা করিবে, “মহাশয়ের বিষয় কুর্ষ কি করা হয়?” তোমার প্রম্বে যে বিরক্ত হইবে, নিশ্চিত জানিবে, সে উকীল।

বিষয় সমস্যা ।

ব্রাহ্ম সমস্ত হইয়া এক ব্যক্তি জিজ্ঞাসা করিল, “মহার সাড়ে চারিটের গাড়ী কতকণে ছাড়ে?”

জিহ্বাসিত ব্যক্তি কিঞ্চিৎ ভাবিয়া চিন্তিয়া উত্তর করিলেন—“ঠিক চারিটে ত্রিশ মিনিটের সময়ে।”

রক্ষা পেলেম! তবে এখনও সময় আছে।”

পরোপকারি-ভৃত্য।

মুনিবের কাছে, ছয় টাকা বেতন লয়, বাড়ীতে থাকে না। প্রভুর এবং প্রতিবেশীর উভয়েরই উপকার করে। প্রভুর—তামাকের পয়সা রক্ষা; প্রতিবেশীর অল্পমূল্যে জলভার লাভ।

বিজ্ঞাপন।

সন্ন্যাসিদত্ত মহৌষধ।

সর্বৈশ্বর্যচূর্ণ।

এক পরম কারুণিক পরমহংস হইতে প্রাপ্ত।

অনেকে এই ঔষধ সেবন করিয়া মস্তিষ্কের কঠিন কঠিন পীড়া হইতে অব্যাহতি লাভ করিয়াছেন। ইহাতে বাত, দাঁতের পোকা, সিকতামুষ্টি, পবননন্দন জ্বর, ক্রমহত্যা প্রভৃতি নিবারণ হয়।

মূল্য বড় বোতল

২ টাকা

মকস্বে

আড়াই টাকা

সা-কোম্পানীর দোকানে এবং প্রায় সমস্ত ঔষধালয়ে পাওয়া যায়।

যাঁহাদের আত্মীয়বর্গ এই ঔষধ সেবনে মুক্তি পাইয়াছেন, তাঁহাদের প্রতিষ্ঠাপত্র স্বতন্ত্র পুস্তকাকারে মুদ্রিত আছে।

গবর্ণমেন্টের পেটেন্ট লওয়া হয়, ভেদ নাই, ছিপির উপর নাম দেখিয়া লইবেন।

বাঙালীর মেয়ে ।

৫০৩

দ্বিতীয় খণ্ড কবিতাবলীতে

শ্রীযুক্ত হেমচন্দ্র বন্দোপাধ্যায় লিখিয়াছেন—

বাঙালীর মেয়ে ।

কে যায় কে যায় অই উঁকি বুঁকি চেয়ে ?
হাতে বালা, পায়ে মল, কাঁকালেতে গোট,
ভাষুলে ভাকুক রস—রাঙা রঙা ঠোঁট,
কপালে টিপের কেঁটা খোঁপা বাঁধা চুল,
কসেতে রসনা ভরা—গালে ভরা গুল,
বলিহারি কিবা সাঁচী হুকুল বাহার,
কালাপেড়ে শান্তিপুরে, কয়ে চুড়িদার,
অহঙ্কারে কেটে,পড়ে, চলে যেন ধেয়ে—

হায় হায় অই যায় বাঙালীর মেয়ে ।

হায় হায় অই যায় বাঙালীর মেয়ে—
সুখের সাপটে দড়, বিপদে অজ্ঞান,
কৌদলে ঝড়ের আগে, কথায় তুফান,
বেহুদ সুখের সাধ—পা-ছড়ায়-বসা,
আঁচলের খুঁটি তুলে অঙ্গ মলা ঘষা !
নমস্কার তার পায়—পাড়ায় বেড়ানী
পেট্টিভরা কুঁজ ডো-কথা, পরনিন্দা গ্লানি,
কথায় আকাশে ভোলে, হাতে দেয় টান,
যার খায়, যার পরে, তারি নিন্দাবাদ,
বাসনা কল্লুর গাড়ী চলে যাত্র দিন,
ঘাড়োতে পড়েন যার—বিপদ সঞ্জন,

পঞ্চম খণ্ড পঞ্চানন্দে

শ্রীমতী ভুবনমোহিনী দেবী লিখিতেছেন।

বাঙালীর ছেলে ।

কে যায় কে যায় অই আশে পাশে ছেলে ?
 হাক্ মোজা ছুতা পায়, আঙটা আঙলে,
 চাক্ অঙ্গে চৌনে কোই চলে ছলে ছলে ।
 পমেটমে পাটিকরা সিঁধি-কাটা চুল,
 পিচের ইষ্টিক হাতে, বুকে বেঁধা ফুল,
 চিকন চুনট করা কোঁচা চমৎকার
 কালা পেড়ে শান্তিপুরে, কল্মে চুড়িদার,
 মুর্তিমান্ মুর্তিখান দেমাকে পা কেল
 হায় হায় ঐ যায় বাঙালীর ছেলে ।
 হায় হায় ঐ যায় বাঙালীর ছেলে,
 মুখের দাপটে দড় আমোদে অজান,
 বকুনিতে বহে ঝড়, কথায় তুকান,
 বেহুদ সুখের সাধ—দাবা তাস পাশা,
 ক্রমালে খুবিয়া ধুঁতি খুক খুক কাশা ।
 সন্ধ্যা হলে পাড়া যুদ্ধে খুঁজে মেলা আর,
 মেয়েদের কুচ্ছকরা পেশা তবু তার,
 কথায় আকাশ তোলে, হাতে দেয় টাদ,
 ধরিলে করির কাচ করে নিন্দাবাদ,
 কুকথায় পঞ্চমুখ কণ্ঠস্বর বিহ,
 মেয়েদের সঙ্গে শুধু বন্দ অহনিশ,

বাঙালীর মেয়ে ।

খেয়ে যান, নিয়ে যান, আর যান চেয়ে—

হায় হায় অই যার বাঙালীর মেয়ে !

হায় হায় অই যার বাঙালীর মেয়ে—

ধারাপাত ঘুড়িমান, চাকপাঠ-পড়া,

পেটের তিতরে গলে দাওয়ারী ছড়া !

চিক্রিকাজে চিত্রিত—পুঁড়িতে আলপনা,

হৃদ বাহাছরি—“ছিরি,” বিচিত্র কারখানা !

অঙ্কশাস্ত্রে বরকচি, গ্যালিলো, নিউটন,

গণ্ডা কড়ি শুভে হলে জানের বাড়ি যান,

পান্তেড়ে পড়োর বত অকরের হাদ,

কলাপাতে না এতে গ্রন্থ লেখা-সাধ !

কীরগুলি, পায়স, পিঠা মিষ্টানের সীমা,

বলিহারি বন্ধনারী তোমার মহিমা ।

জলো হুখে পুঁটকেহ তেলে জলে নেহে—

হায় হায় অই যার বাঙালীর মেয়ে !

হায় হায় অই যার বাঙালীর মেয়ে—

সমুখে হুধের কড়া—কাঁটিতে ঘোঁটন,

খোলা চুলে চুলো জলে ধোঁয়াতে কন্দন !

তপ্ত তাতে তরা হাড়ী বেড়াঁ ধরে তোলা

যদন র-সংস্কার কোলে ধরে বাটা গোলা,

পাঁচুঠাকুর।

বাঙালীর ছেলে ।

খেয়ে যায় মিয়ে যায় আর যায় কেলে,

হায় হায় ঐ যায় বাঙালীর ছেলে ।

হায় হায় ঐ যায় বাঙালীর ছেলে,

ছন্দে বন্দে মুক্তিমান "কালি ঠঙ ঠঙ"

পেটে ভিতরে গজে মাইকেলি চং ;

চর্যা চোষ্য কাব্য রসে বাঙলা গেল ছেয়ে,

হৃদ বাহ্যস্থি পশু "বাঙালীর মেয়ে" !

শাস্ত্রজ্ঞানে—বরকচি, গ্যালিলিও সমান

শুভকরের নাম শুনে তাই মুচ্ছা যান ।

পক্ষা হাঁদে কাঁচা ভাব এ বড় বিষাদ,

চৌদ্দ শুভে ইপিষা যান, পশু লিখতে সাধ ।

পোড়ার মুখে পায়ের পিঠে আর মিঠা লাগে না,

চপ্ কারি চাই, চাচার ঘরে বাছা রয়েছে কেনা,

জ্বালো মদে পুষ্ট দেহ চর্চেন জলে ভেলে

হায় হায় ঐ যায় বাঙালীর ছেলে ।

হায় হায় অই যায় বাঙালীর ছেলে,

সমুর্থে টেবিল শোভে হংসপুচ্ছ হাতে

মাছি মেয়ে কাপি করে বাহ্যস্থি তাতে ,

মখন বক্রার বেশ, চোখে দিরা ঠুলি,

গলা চিরে কায়ে জোতা বিদেশীর কুলি ।

মাধামুগু মুগী মটন বিলকণ টান,

কালিয়ে কাবাব পেলে দেমাকে অজ্ঞান,

কপাতারে বিনকণ টাম,
কালিয়ে কাবাব রেঁদে দেমাকে অজান ।
শাঁখেতে পাড়িতে ঝঁক চূড়ান্ত সিপুণ,
হনুধনি কোলাহলে চতুর্ধ্ব-ধ্বন !
রান্নাঘরে হাওয়া খাওয়া, গাড়ী মুদে যাওয়া,
দেশভক্ত লোকের মাকে গঙ্গাঘাটে নাওয়া !
বাসুর ঘরে ঝুঁঝুর কবি চঁধের মাথা ধরে

শাওড়া ঘোমটা মুখে ছেয়ে

সাবাস্ সাবাস্ তোরে বাঙালীর মেয়ে!

ব্রতকথা টপকথা, সৈঁজুতি-পালন,
কালীঘাটে যেতে পেলে স্বর্গে আরোহণ !
মেয়ে ছেলের বিয়ে পর্বে গাজনের গোল,
যাত্রা-সঙে নিজাত্যাগ —ছেলে ভরা কোল,
ছুত পেরেতে দিনে ভয়, অঙ্ককারে কাঠ,
শঙ্ক যোগে রোজা ডাকা, স্বস্ত্যয়ন পাঠ,
তীর্থহানে পা পড়িলে আহ্লাদে পুঁতুল,
হাট-বাজারে লজ্জাহীনা, ঘরে কুঁড়িফুল !
ঔড়িকাঠ, হুড়িশিলা, ভক্তিপথে নেয়ে—

হায় হায় অই যায় বাঙালীর মেয়ে !

হায় হায় অই যায় বাঙালীর মেয়ে,—

স্নসের ময়াল যেন জলটুকু ছেড়ে

তুখটুকু টেনে স্তান আগে গিয়ে তেজে

চিনের পুঁতুলে সাধ, বাকুস টিনে পেটা !

“র্যাফেল”-বধা ছবিগুলি ঘরে দোরে সঁটা !

বুক কোলাতে চেন কোলাতে চূড়ান্ত নিশুণ,
 “চিয়ার” “বিয়ার” গোলে চকুখুঁধ খুন
 গরম দিনে জামাজোয়া অবরজদ হয়ে,
 ঠাণ্ডা যেতে হাওয়া ঠাণ্ডা বাগান বাড়ী পেয়ে ।
 চক্ষু যুদে চোয়া কেন—বেশ সত্যর গেলে;
 খুঁড় র পারে কুমুর নাচে মছের বোতল পেলে,
 সার্বাস সাবাস তোরে বাঙালীর ছেলে ।
 ইষ্ট-ভুক্তি বিটরিতে, নবেলে বিহ্বল,
 হোটেলেতে খেতে পেলে সপ্তস্বর্নকল,
 বেয়ে ছেলের বিয়ে পরে গলা তাকেন আগে,
 খিয়েটারে সাজের ঘরে ঘোরেন অহুরাগে,
 দিনের বেলায় ছুত মানেন না, অঙ্ককার হলে,
 বাইরে যেতে তাইতে ডাকেন “গিন্নি কোথা” ব’লে;
 দরবারে দাঁড়াতে, পলে আঁচখানা হন বাবু,
 মেগের কাছে পেকের বড়াই সাহেব দেখলে কাবু
 উইলসেন কেশবসেন নেয়ে পরকালে

হার হার ঐ হার বাঙালীর ছেলে !
 হার হার ঐ হার বাঙালীর ছেলে—
 দোষের মক্ষিকা যেন, সবটুকু ছেড়ে,
 কতটুকু খুঁজে ন্যান আগে গিয়ে তেড়ে,
 “স্ব্যাকেল” বখা ছবিগুলি ঘরে দোরে আঁটা
 কার গুণে তা, তাবেন না কে ঘেরেঘের খোঁটা
 খেলার বীরত্ব বস্ত চোঁচের চাপরে,
 হাঁকহাঁকি তাকাতাকি তাকাত কেন পড়ে;

বাঙালীর মেয়ে ।

বাঙালীর মেয়ে ।

খেলায় দিগ্‌গজ কেঁদে, চোয়ের সফরে,
লুকোচুরি ঘরের বাড়ী—পট্ট করে ঠার !
আরেন্ খালি খোঁপা-বাঁধা, নয় বিনলো ঝারা,
হৃদ হলো কাঁচ ছেলে চেঁনে এমে মারা !
কার্ণেটে কাঁরচুপি কাজ কারু নব্য চাল,
ঘরকমার জলাঞ্জলি তাত রাঁধতে ডাল !
নিজে ঘাটে, অস্তে দোবে, মুকুসাপটে মড়,
হুকুতে হারিলে কেঁদে পাতা করে জড় ;
বাঙালী মেয়ের গুণ কে হুদাবে গেয়ে—

হায় হায় অই যায় বাঙালীর মেয়ে !

হায় হায় অই যায় বাঙালীর মেয়ে—

মুহু মুহু হাসিটুকু অধরে রক্তন,
সাধাস সাধাস নাক চোকের গড়ম',
কালো চুলে কিবা ঘট, চোখে কাল তারা,
দেখে নাই যারা কতু দেখে যাকু তারা !
ভাসা ভাসা খাসা চোখ তুলি দিয়ে আঁকা,
তা-উঁপরি কিবা সফ ছুরুগুগ বাঁকা !
ধমকে ধমকে ধির গতি কি সুন্দর,
হাসি হাা মুখখানি কিবা মনোহর !
আহা-আহা ! লজ্জা কেন গায়ে হুটে আছে—
কোথা লজ্জাতী তুই এ লতার কাছে ?
চকু যদি থাকে কারো তবে দেখ চেয়ে—
হায় হায় অই যায় বাঙালীর মেয়ে !

পাঁচুঠা কুর।

বাঙালীর ছেলে।

আরেসে দেমাক তার তামাক অধুরি,
 একসা নব্বর এক সান্শেন শেরি,
 কার জন্তে ইাড়ি কালো করবে রেঁধে বলো ?
 জুতা টুপি অঙ্গে ওঠে তা' নর কি ভালো ?
 নিজে ঘাটে অস্ত্রে দোষ বুধের সাপট.

চোদতে মনে ন তবু পদ্যে - দাপট,
 বাঙালী বাবুর যোড়া কোথা গেলে মেলে—

হায় হায় ঐ যায় বাঙালীর ছেলে।

হায় হায় ঐ যায় বাঙালীর ছেলে—

অধরে মধুর হাসি, বাঁশরী বাজায়,
 থাকে থাকে নিধুগান কি'কিটেতে গায়।

ইঁচি মুখে কচি দাড়ি, পৌকের বাহার,
 দেখুক যে আঁধি ধরে বকের শীকার।

রাত জেগে বসা বসা রক্তিম নয়ন,
 মোটা মোটা যোড়া ভুক তাহে সুশোভন।

যায় যায় কিরে চায় কি ভাবে কি ভাবে,
 বিষণ্ণ প্রসন্ন-মুখ অন্নের অভাবে,

কাব্যে তবু নব্য বাবু রলে আই চাই,
 হায় রে মেয়ের লাজ পুরুষের নাই।

চক্ষু যদি থাকে, তবে দেখো চক্ষু মেলে,

বাঙালীর মেয়ে আর বাঙালীর ছেলে

সেও ত তোমার স্তরে ! সত্য বটে, মানি,
 নিজ ভুজবলে, কিম্বা তব কৃপাবলে,
 লেখনী চালায় নিত্য, বাঙ্গালার কবি,
 বাণীর করিমা নাম,—সাকী ছাপাখানা—
 কিন্তু সে বেনামী প্রথা,—বন্ধে চিরাগত ।
 বাগীন্দরী অন্তর্দান তব অধিষ্ঠানে !

গ্যাছেন হিন্দুর দেবী হিন্দুয়ানী সত্ব !
 বীণাধারি পূজা বন্ধে বারাকনা গৃহে ।
 বন্ধের বারবন্দ, কিম্বা কাব্য বার-বন্দ,*
 বক্তৃতার বাতুলতা, সত্যতার ধূস,
 থাকো বা না থাকো, তুমি, তোমা ছাড়া নয় ।

ডাক-হরকরা ।

(১)

দ্বিপদ বলদ তুমি ডাক-হরকরা !
 না দিলা বিধি পাষণ,
 সেই হেতু শিরহান,
 পাগড়ীর রূপ ধরি জায়তেছ ধরা ।
 নয়বেশ পশু তুমি ডাক-হরকরা ।

* বধা, 'ভারত উদ্ধার ।'

✓ ছাপাখানায় ছুত ।

ডাক হুকুরা ।

(২)

অন্নলোম তন্ন দেখি ভ্রম পাছে হয়,
তাই এত জায়া মোড়া
দিয়া ও ক্রীঅন্ন মোড়া ;
পুচ্ছাভাব তুচ্ছ, যা'র চাপকান রয় ।
জুতায় ধুরের কাজ কিবা নাহি হয় ?

(৩)

নিয়মিত চক্রে নিত্য ঘুরে ঘুরে মরো ;
নাই বটে চক্রে ঠুলি,
কিন্তু কতু চক্রে ধুলি
না দেখিলে এক দিন কার কাজ করো ;
তেন খোল তুল্য জানে শুধু ঘুরে মরো ।

(৪)

পণ্ড তুমি, তাই এত বিশ্বাসভাজন ;
রাজদ্রোহী রাজভক্ত
সমভাবে অন্নরক্ত
তোমা প্রতি, অবিশ্বাসী নহে কোন জন ।
মানুষে মানুষে এত নাই প্রিয়জন ।

(৫)

তব তুল্য ভারসহ কে আছে জগতে !
জগতের বার্তা যত
তব পৃষ্ঠে অবিরত,
তবু কিন্তু তুমি আশি নহ কোন মতে !
অকাতরে লও তার, যা'র বা জগতে ।

(৬)

জানো না কি তার তুমি বেফাও বহিরা
 কত বিরহিনী-ব্যথা,
 কতই মেহের কথা,
 কত আশাগতা ছিন্ন করো না জানিয়া,
 কি আশীষ, কিবা গানি, সমানে টানিয়া ।

(৭)

স্বপ্না নাই, নাই লজ্জা, যাও ধীরে ধীরে;
 যে লাজে বাঙ্গালা যরা
 মাটি হ'ল বসুন্ধরা
 সেই সে বন্ধের কাব্য কুলকাষিনীয়ে,
 দাও পণ্ড, নিতি নিতি, নাহি যাও কিল্পে ।

(৮)

চাকরির দরখাস্ত, বরখাস্ত আদি,
 যার তরে এই বন্ধে
 নাচে সখে নানা রন্ধে
 দিয়া যাও, নিম্ন এস, তুমি নির্ঝিবাদী;
 আপদ, সম্পদ যত, তুমি তার আদি ।

(৯)

কিন্তু নাহি দোষ তব হে বাহন বর,
 পর সেবা ব্যর্থ কর
 এমনি তাহার ধর্ম
 পণ্ডর কথক সেই, হইলোও নর ।
 সুখে থাকো কত কষ্টক সিংহেই এ বর ।

(১০)

অহুরোধ রাধি, রাধিবে হে মান,
 বাঁধ বাঁধী হবে বাবে
 সুধাবে কোমল তাবে,
 পঞ্চানন্দ সেখা পূজা পান কি না পান ?
 নহিলে, চাপাবে ঘাড়ে, বিস্তরিতে জ্ঞান।

চিড়িয়াখানা।

গাও দেখি সরস্বতি, লক্ষী মা আমার,
 আবার মোহন গান; মোহি জগজনে
 আপনার গুণগণা প্রকাশে আপনি
 লক্ষ্মী হইয়া দীনে, চন্দ্রদান দিয়া
 হুচাও আধার-ধাঁধা, দেখুক সকলে
 —অমল মুকুরে যেন—আঁধি বিফারিয়া,
 বিকাশি' দশন পাঁতি, কুঞ্চিত কপেটুলে,
 ভবের চিড়িয়াখানা। সঙ্গীত-সাগরে
 রঙ্গের তরঙ্গ তুলি', অঙ্গ হুড়াইয়া
 দ্যাটিক লবণ-রসে, ভাসাও বাঁজালা।
 সুজনে করিয়া সুখী, কালাঘুথে কালি
 ঢালো দেখি ভাল বাসো যদি ভকতে
 ভগবতি ! কহ দেখি, করি অহুরোধ
 ধারিয়া চরণ-ধুগ, বিচরে কেমনে
 হুঁটমনে, হুঁততাব বিশ্বরণ করি',
 অহুত স্পর্ক অহুতক মোহ-মোহে।

পাঁচুঠাকুর ।

অস্ত্যজ-সেবায় তুষ্ট, হুষ্টপুষ্ট তনু
 যতেক ইতর জন্ত, কোন্ মন্ত্রবলে
 আফালে সিংহাদি সনে সাহকার মনে ?
 বাধানি' চিড়িয়াখানা, বালক-দলনি,
 মুকুধ-পালিনি দেবি, শিখাও সকলে
 মুড়ি মিছরি একদর হইল কেমনে ।

স্মর্ রিচার্ড টেম্পল ।

(পার্লামেন্টের মেম্বর হইতে না পারিয়া)

(একাকী)

আশার ছলনে তুলি কি কল লভিলু হায়,
 তাই ভাবি মনে ?

লংঘিয়া সাগর শুধু, লাভ মাত্র পোড়া মুখ,
 দেখাব কেমনে ?

সুখাইল সব আশা, বাড়িল কেবল ভূষা,
 মশা না মরিল, শুধু গালে চয়—একি দায় !

বাকী কি রাখাল মন, প্রয়োজন অশেষণে,
 সে সাধ সাধিতে ?

সরলতা সত্য কথা, মুহূর্তের তরে স্থান
 পাই নাই চিতে ।

সাধিনি রে কত ছলে, জোষিতে উভয় দলে
 সকলি বিকল হ'ল পরাণ ধরি কেমনে ?

রাজ্যপদ ছিল হায়, রাজনীতি ছিল ভালে,
 লকের চৌপয় !

কু-আশায় সব ছেড়ে, শেষে কি এ বিষ ফোড়া
গোদের উপর !
হায় রে শ্মশান-ক্ষেত্র, এই কি দেশের মিত্র ?
ইতোনষ্ট ততোত্রষ্ট শেষে কি ছিল ক' !

ঘোমটা-রহস্য ।

চরাসুরে বদলি স্বন্দ স্বধার লাগিয়া ।
তাই বাধ রাখে সুধা চাঁদে লুকাইয়া ॥
সে চাঁদ দেখিয়া রাহু আসে গরাসিতে ।
পলায় বিধুরে ল'য়ে বিধি ধরনীতে ॥
আকাশে কলঙ্কী শশী ছলনার তরে ।
সুধাকরে লয়ে' পশে বাঙ্গালীর ঘরে ॥
রমণীর মুখে চাঁদে যত্নে রাখিয়া ।
সসম্মুখে দেয় বিধি বসন কাঁপিয়া ॥
সুধায় বাসনা যদি, যদি সুধাকরে ।
ঘোমটায় চাঁদ মুখ ঢাকিলে আদরে ॥
ভুলোনা ভুলোনা; বালা ঘোমটা তুলোনা ।
ভুলিলে, কলঙ্ক হ'বে চাঁদের তুলনা ॥

ভারতবাসীর গান ।

• (মুলতান—জলদ আড়্‌ধেমটা ।)

এবার লিবারাল রাজা হয়েছে ।
ল্যুঠির চোটে, লিটন লাটে, ভারত-ছাড়া করেছে ।

পাঁচুঠাকুর ।

হুঃখনিশি হ'ল ভোর
 ভাঙো হে ঘুমের ঘোর,
 এলে যিগন, সুখের স্বপন, সকল হ'বে
 এ যে গাছে দাগা রয়েছে ।
 আর দিতে হ'বে না কর
 টাকাতে পুরিবে ঘর,
 গিন্নীর গানে; গয়না দিয়ে, প্রাণ যুড়াবে
 ভাগ্যের পাতা উড়ে গিয়েছে ।
 ন আইন হবে না আর,
 হাতে পাবি হাতিয়ার,
 পিয়ে সীধু, গাইবে নিধু, আর কে পাষ,
 সুখের "মিলেনিয়ম" এয়েছে
 কালাপানি কেউ না হোবে,
 খাড়ি ছানা সিবল হ'বে,
 ঘরে বসে, নিজ বশে, হায় রে হায়,
 ভবের বাঁধন এবার ছিড়েছে ।
 চলবে না আর রাজ্যতন্ত্র
 না মিলে বাঙ্গালীর মন্ত্র,
 কর'তে বিধি, প্রতিবিধি, সত্য হ'বে,
 তাইতে লালু সেধা রয়েছে ।

ভায়—হুলকী গছনে, বন্ বন্ বনে
 বাজে করতাল ঘুঙ্গুর টেঁকা,
 করে—কাণ ঝালা পালা, প্রাণ পালা পালা
 চৈত মাসে যেন গাছুনে ঢকা ।

[যদি বল তার রূপ কেমন, তবে অরণ কর ।]

কিবা বাঁকু চটী বাশ, শোভে তুই পাশ

বাঁকু ও তৈ একাল ধকা,

দেয়—পাতা লতা দিয়ে, আসন গড়িয়ে

ছেড়ে যদি পথে অমনি অকা !

দিয়ে—লাল কালো সাদা, আশ মানী জরদা

জোতডুরী এক বুনয় ছাঁকা,

আহা—অধিনীনন্দন, তাহে বাঁধা রণ,

প্রাণ করে তার পঞ্জা ছকা ।

ষ্ট্রাচি-বিদায় কাব্য ।

“Sir Jhon Strachey will pass away unwept,
 unhonoured, and unsung.”

Times of India.

পঞ্চানন্দ বলিতেছেন—“This cannot, must not, be
 অতএব

ষ্ট্রাচি-বিদায় কাব্য ।

[১]

সচিবের মনি, ধনস্থানের শনি,

ভারতের তুমি ছিলে হে ।

পুড়িয়ে ভারতে, পরতে পরতে,
 খুব বলিহারি নিলে হে ।
 ওভর-অরি, আঁকে কারিগরি,
 দেখাইলে গুণধাম হে ।
 ভালো শিখেছিলে, পরধ দেখালে,
 অবতার ঢেকিরাম হে ॥

১৫।

আধ নটবর, আধ ভোলা হর,
 লিটন যখন ছিলেন লাট ।
 লীলা খেলা যত, ছিল মনোমত
 করে' নিয়েছিলে, ভূতের হাট ॥
 দেশে হাহাকার, লোক শবাকার,
 ভারত-শ্মশানে হানিয়ে বাজ ।
 হেথা দলাদলি, হোথা ঢলাঢলি,
 নাংরালি ছিল রাজার কাজ ॥
 তুমি ধরে' হাল, ডিঙী বান্‌চাল,
 ভারতের ধন ভাসিয়ে দিলে ।
 করে' লাইসেন, শুধু হুন কেন,
 কাঙালের তা'ও কাড়িয়া নিলে ॥
 ভুলিয়ে ধরম, ভুলিয়ে শরম,
 মরম যাতনা করিলে শেষ ।
 কাঙালের ছাই, তা'ও শেষে নাই,
 লোটাতে, লুটিতে পরের দেশ ॥
 মিছে কারসাজি, মিছে ভোজবাজি,
 ধরা পড়ে শুধু হলে বেহাল ।

পরে কাঁকি দিলে, কাঁকিতে পড়িলে,
নারিলে আধেরে ধরিতে ভাল ।

[৩]

কুবুড়ি ব্যতীত না ছিল সখল,
কুকীর্তি দেখালে, সে বুড়ির কল ;
আরে অকুলান, সে সমরে মান,
বিনাতি তাঁতির, কারিলে ;
—পরের ধনেতে পোকারগিরি—
ভারতের দক্ষা সারিলে ।
“আনাড়ির পাশা, পড়ে খাসা দান,”
—প্রবাদের গুণে, রাজপদে মান
লভিয়া প্রচুর, লাট বাহাদুর,
একটিন্, শেষে হইলে ;
আলীগড়ে গিন্না বিজয়া বিদায়—
তাঁহাও যাচিয়া লইলে ।

[৪]

আলাতন হুকুড়ি বহর,
এহ হাড়ে এত দিন পর ।
যার যার স্যরু জন্ ট্রাচি
আর ভাই বাহ তুলে নাচি ।
কড় ভোল কুলা বাজাইয়া,
বা'ক তরী তাঁর হাতাইয়া ।
ওত দিন এত দিনে এল,
ভারতের মহাপাপ গেল ।

[৫]

কি ধ্বজা তুলিয়া যন্ত্রি, স্বদেশে চলিলে
এ দেশেও চূণ কালি মহার্ঘ করিলে !
চিরজীবী হও তুমি, করি আশীর্বাদ ;
তোমার অশ্ব হোক চলিত প্রবাদ ।
যখন চাহিবে লোব তব মুখপানে,
জীবন্ত দেখিবে সবে কলঙ্ক-নিশানে ।

সেন্শেষ

বা

লোক-সংখ্যা ।

আবার, যে ভুলেছে দেশে, সেন্শেষের নিশান ।
এতে ছানা খাড়ি, কড়ে রাঁড়ী,
কেউ পাবে না পরিজ্ঞান ।

দেখতে পাই সবাই, তাবে,
পাছে কবে ভুতে পাবে ;
করবে বা কি ভুতের বাপে,
সেনে কাজের সমাধান ।

আবার ভুলেছে দেশে, সেন্শেষের নিশান ।

বঙ্গাল সেন হয়ে রাজা,
ভুলে দিলে কুলের ধ্বজা,

এখন কুল কিনেরা, যায় না দেখা,
 কুলের দায়ে হারাই মান।
 আবার যে তুলেছে দেশে সেনশেষের নিশান।
 দেশে আগে ছিল ধর্ম,
 কর্তৃত্ব লোকে ক্রিয়া কর্ত্ব,
 এখন, কেশব সেনের হ্যাপায় পড়ে,
 হিহুয়ানি অক্ষা পান।*
 আবার, যে তুলেছে দেশে, ইঁত্যাটি
 তখন ছিল জাত বিচার,
 কর্ত্ব ব্যাভার যেমন ধার,
 কালে, এক টেবিলে, বামুন যবন,
 উইলসেনে খানা খান।
 আবার, যে তুলেছে দেশে, ইত্যাতি।
 যারা বেচে মুড়কি মুড়ি,
 কর্ত্ব হুখে হুনের কড়ি,
 পোড়া লাইসেনে তাঁর গলায় ফাঁসি,
 বেঁধে' দিলে হ্যাচকা টান।
 আবার যে তুলেছে দেশে ইত্যাতি।
 ছলে বলে কি কৌশলে, °
 একে একে সকল নিলে;
 এখন, স্ত্রী পুরুষে, ভাবচি বসে'
 সেনশেষে বা যাবে প্রাণ।
 আবার যে তুলেছে দেশে, ইত্যাতি।
 কালে কালে সেনে সেনে,
 দেশে দিলে তুলো ধুনে,

ভালো, এত মূলুক বাইরে আছে,
সেন্জা কি আর পায় না স্থান ।

আবার যে তুলেছে দেশে, ইত্যাদি ।

চিন্তাকুল

ক্রীবাউল ।

[পঞ্চানন্দ এই প্রবন্ধ পাঠ করিয়া দুঃখিত হইলেন । ভারতবর্ষে
ও প্রকার অস্ত্র লোক থাকা অসম্ভব ; কারণ, সর্ভার অভাব নাই,
এবং বহুতার বিরাম নাই । পঞ্চানন্দের আশঙ্কা এই যে, কোনও
কল্পনাকুশল কবি এই অলীকবাদে অপবাদ করিয়া যশোলাভের
দুরভিসন্ধি করিয়াছেন ।]

পঞ্চানন্দের গান ।

দে গো তোরা দে, আঁমায় দে, বিলাত পাঠায়ে ।

রাজনগরে কর'ব ।ভক্ষে গলাবাজি করিয়ে ।

কোটে দে গো অঙ্গ ঢাকি, কালো বরণ হুকিয়ে রাখি,

হাতে মুখে সাবান মাখি

কালো জনম ভুলিয়ে ।

নে গো চিলে ধুতি ধুলে, নেটিব আর র'ব না মূলে,

উর্ধ্বাকুলার যা'ব ভুলে

চেয়ারে পা হুলিয়ে ।

মিসেস পাঁচী গাউন্-পর্য, ধরাকে দেখিবে শর্য,

হ'ল হ'লই উলুকী পর্য

নেবেত বিবী হ'য়ে ।

খেয়াল সখাদ ।

বহিছে বাসতি বাহু, মরিছে শিখরি,
বিরহে বিরহীকুল,—নির্করার গুহ ।
রাগেতে তৈরবরুণী ধরকর রবি
উঠিয়াছে শিরোপরি । এ ছেন ছপুরে,
প্রকাণ্ড প্রান্তর মাঝে, বটবৃক্ষমূলে,
ভবেকু ভাবনা ভুলি, গল্পিকার ঘোরে
ভোর হয়ে পকানন্দ বিরাজেন একা ।
হই মুখী ছোটো ইঁকা, (কলি পরিপাটী)
—সুদ্র অবদ্বব এক কলিকা শিরসে
শোভে যার (শোভে যথা মাধবের শিরে
এক গুহ শিখিগুহ,) গাঁজা এক আটি
তুচ্ছ খোলা ভাটি যাহে,—আর সরঞ্জাম,
আপনি আঞ্জাম করি রেখেছেন কাছে ।
নহে নিজাগত দেব,নহে আগরণে—
রাঙা আঁধি, থাকি থাকি, টানিয়া টানিয়া
আধ মুকুণ্ডিত, পুনঃ মুকুণ্ডিত তখনি
হইতেছে, তরে একু সটান হইয়া,
বটমূলে রাখি মাখা, সুগল কাণ্ডদেশে
ভুলিয়া চরণসুগ (ধন্যবন্ধুভিত্ত
বিনামা অতাবে সদা) ; পত্র ভেদ করি,
খেলিছে রবির ছটা কুণ্ডিত সলাটে ।

সহসা খেয়াল আসি প্রশমিল পদে,
নিবেদিল করপুটে—“নৌজেনের গুহ,

খেয়াল সম্বন্ধি ।

কত যে ভকত তব, কত জন মন
যোগাইতে এ দাসে করেছ নিয়োগ,
নহে অবিন্দিত তব । বংশধর যত
ছুভারতে ভারতীর, তারা ত স্মরিতে
অবশ্যই পারে মোরে, স্মরেও সর্বদা ;
কিন্তু প্রভু আছে যত কর্ম-কাণ্ডহীন,
অকাল কুঁয়াও ভণ্ড অগন্তের মাঝে ।
—মকর সিকতা সম চির বেসুম্বর—
করিতে তাদের সেবা লাহনা যে কত,
কি আর কহিব প্রভু ? বাহা নাহি চিতে ।
করিতে তাদের পাপ-মুখ বিলোকন ।
নিতান্ত ভকত তব, তেঁই খাটি আমি
তোমার খাতিরে প্রভু ছুতের খাটুনি ।”
“হির হও, হির হও, ভকত প্রধান”—
কহিল খেয়ালে প্রভু—“ছুত নাচাইতে,
তোমারে নিযুক্ত কেন করিয়াছি বলো,
তুমি না সহিবে যদি ছুতের উৎপাত ?
রাজা, রায় বাহাদুর, ভারত-ভারকা,
ভারত-মুকুট আদি যত ছুত আছে,
সুযোগ্য নামক তুমি, পূজ্য সবাকার
ছুভারতে, ভারতীর ভকত বাহারা
খন্দদেশে, ধরে প্রাণ তোমার আশ্রয়ে ;
তুমি যদি করো রাগ কে আর রাখিবে,
এত অর্কাচীনগণে—(শিকর অধম)—
সর্বসিদ্ধিদাতা তুমি বড়ের গণেশ ?”

নীরবিল, পঞ্চানন্দ, শাস্ত্র ভাব ধরি
 হাসিল খেয়াল এবে গয়বের ভরে
 নিকাশি ছুপাটি দাঁত বদন-গহ্বরে
 মধ্যাহ্নে পশিলে যথা সৌরকর রাশি
 শাদ্দুল বিবরে হায় ! প্রকাশে আপনি,
 ভীষণ কঙ্কাল পূর্বকালে কবলিত ।

ভূতেশ আদেশ পুনঃ করিলা খেয়ালে
 —“নিধুম কলিকা এবে, দাও সাজাইয়া
 আরবার, দেখিব রে আঁখি ভরে’ তোর
 ভালবাসা মুখখানি—আধারের মণি !
 শুনিব সুমুখে তোর কেমনে মরতে

গৌরী-আরাধনে করে আমার সম্মান ?
 কি রঙ্গে সে বঙ্গময়ী বঙ্গভূমে গিয়া,
 ভব-সঙ্গ ভুলে থাকে, কোন্ সুখ পেরে ?
 আছে কি পূজার বিধি যথা পূর্বারুধি ?”

যথা আজ্ঞা, তথা কাজ ; সেবক-প্রধান
 যোগাইল দেব-সুধা বাস্পযজ্ঞ-যোগে ।
 ঢালিয়া সুধার ধারা প্রভুর শ্রবণে,
 আরস্তিল গৌরী গান একতান মনে ।
 “নাহি আর সেই দিন পঞ্চানন্দ প্রভু,
 বঙ্গদেশে ; বৎসরেক শেষে যথা আগে
 পূজিত সে বঙ্গবাসী তিন দিন ধরি,
 শঙ্খ ঘণ্টা বাজাইয়া নানা ঘণ্টা করি,
 ঘণ্টে হা প্রতিমা গড়ি সবল বাহনে
 গিরিজারে ; মহালক্ষ্মী, তথা বীণাপাণি,

গণপতি, কার্তিকেয় (রূপে রতিপতি)
 পশুপতি মহাসিংহ, মুষিক, ময়ূর,
 অশুর সহিত যবে সবে সমভাবে
 পাইত হে ভোগরাগ, পাইত সে পূজা ।
 কাহার ও নাহিক মান, গৌরীর সমান
 এবে বঙ্গদেশে, এবে অনন্ত উৎসব
 বারোমাস নিতি নিতি ঘরে ঘরে হয় ।
 পরমা শক্তি গৌরী, গুহ গজাননে,
 এত দিনে দিয়াছেন যার যে সম্মান ।
 —এখন কুমার বর শক্তিধর তাঁর
 পাইতেছে অগ্রভাগ সকল পূজার,
 শক্তি অভিত শাক্ত শক্তি চিনিরাছে ।
 গজেন্দ্রবদন পুত্র গণপতি এবে
 যুগেন্দ্রের ভয়ঙ্কর; নাহি লছোদর
 নাহি সে বিপুল কায়,—মুষিক সহায়
 মাটি কেটে মাটি হয়ে মাটিতে মিশিয়া
 কষ্টে শ্রেষ্ঠে কোনমতে কাটাইছে দিন ।
 অশুর অমর, তাই কখন কখন
 নাগপাশে মোড়া দিয়া, শূল সরাইয়া
 সিংহের বিক্রম ভুলে, আক্রমণ ত্যজ
 এড়াইতে, চাড়া দিয়া ওঠে মাথা নাড়ি ;
 কিন্তু বৃথা ! সাথে যার সশস্ত্র কুমার,
 যুগেন্দ্রবাহিনীর কাছে সাজে কি বিক্রম ?
 কমলা—গৌরীর দাসী, আর নাহি পায়
 দেবী সমাসনে স্থান ; অচলা ভক্তি,

শক্তি প্রতি এবে তার; ত্যজি বঙ্গদেশ
 অশেষ বিশেষ যতে গৌরীর আদেশ,
 সাগর বা সিঁদু পারে পালিছে কমলা ।
 কি কব' অধিক দেব, বীণাপাশি এবে,
 মহাময় গৌরীতর শিখিরা যতনে,
 গলার কুঠার বাঁধি, কঠ কাপাইয়া,
 শক্তিগুণ গানে সদা, ভক্তিতাবে রত ।
 পুণকে পুরিত তরু, দেখিরা ত্রিলোকে,
 অক্ষয় দেবীর শক্তি, শক্তির সেবা ।”

বিলাতী বিধবা ।

বঙ্গের বিধবাকে পদ্যের কলে কেদারা অনেক ব্যক্তি কবির
 লে নাম লিখাইয়াছেন; কিন্তু বিলাতী বিধবা এখন পর্যন্ত অদলিড
 কত; সেই জন্য আমি একবার লেখনী ধারণ করিলাম, যশস্বী হইতে
 রিব না কি?—

[কবির দলের বাহারাম ।

[১]

বিলাতী বিধবা বুঝি অই রে !

হুধিনী উহার যত হুনিয়াতে কই রে !

হারারে তৃতীর পতি,

বিরহে কাঁতরা অতি,

পোড়া চিত্তা দিবা রাতি—পাইব কি আর ?

ললনা হলনা বিধি, কেন বায়বার ।

[২]

বিলাতী বিধবা বুঝি অই রে !
 একপ্রাণে পতিশোক কতবার সই রে !
 যেখানে চরণ চলে, পতি আছে কিত্তিলে,
 বুঝি বা করম কলে,—এই দশা হয় !
 যত গোর, তত পতি, তবু পতি নয় !

[৩]

বিলাতী বিধবা বুঝি অই রে !
 কি হবে উহার দশা ভেবে সারা হই রে !
 আশ্রয়ে নাই আশ, কালির বরণ বাস,
 মুখে মাখে ছাই পাশ, পাউটার ব'লে,
 পতি-সুখ, পতি-শোক মিটিবে না ম'লে ।

[৪]

বিলাতী বিধবা বুঝি অই রে !
 বিবাদে চৌচির ছিয়া তেন তাজা খই রে !
 মুখ চোক নাক কাণ, সকলি 'আছে সমান,
 যায় যেন দিনমান কিসে যায় রাত্তি ?
 পোড়ায়, পোড়ে না হয় জীবনের বাতি ।

[৫]

বিলাতী বিধবা বুঝি অই রে !-
 তপত তেবের কড়া তাহে যেন কই রে !
 ধ্রুণ করে আই চাই, শয়নেতে সুখ নাই,
 তবু যদি আসে ছাই, তাতেও বপন !
 রমণী মরমে মরে একি আলাতন !

পাঁচুঠাকুর !

[৬]

বিলাতী বিধবা বুঝি অই রে !

উহু উহু মরি মরি কাঁদিব কতই রে !

আছে দাঁড়, আছে হাল, আছে গুণ, আছে পাল,

তবু যেন আল খাল, মাঝির অভাবে ।

বানচাল হলে' কি রে ভরা ডুবে যাবে ?

[৭]

বিলাতি বিধবা বুঝি অই রে !

নহে হুধ, নহে কীর, হায় শুধু দই রে ।

বহে সদা দীর্ঘ শ্বাস, নবেলে মেটে না আশ,

হেন ভাবে বারো মাস কাটান কি যায় ?

নারীর জীবনে বিধি, এত কেন দায় ?

[৮]

বিলাতী বিধবা বুঝি অই রে !

করণ-রসেতে লেখা স্বভাবের বই রে !

সুখে হুখে একটানা, যা হোক করি নে মানা

মনে তবু থাকে জানি—কিরিবার নয় ।

এ যে ভয়, বড় দায়, কি কখন হয় ।

[৯]

বিলাতী বিধবা বুঝি অই রে !

পধি পধি ভয়ে তবু পতি না মিলই রে !

ঘোর নিশি বড় বয়, চারি দিকে চৌর ভয়

সতীপনা-মনিয়র—বিধবার হিয়া,

কেহ নাই, রাখে তার পাহারা বসিয়া !

[১০]

বিনাতী বিধবা বুঝি অই রে !
 ভেঙেছে আবার তার স্বরগের মই রে।
 নাই আর কারিকুরী, করিতে বয়স চুরি,
 কৃতান্তের করে ধরি, রাখি কোন্ ছলে ?
 চলিবে চক্ষিণ করা কত বার চরে ?

দশ-হরার গান

১২৮৮ সাল ২৬শে জ্যৈষ্ঠ দশহরার দিবসে জনৈক ভিক্ষুক,
 বিডালদেহের ব্রহ্মশুদামের দরজায় বসে নিম্নলিখিত গানটি
 গাইয়াছিল।

(রামপ্রসাদীর পুত্র)

এখন কেন পেছিয়ে এলে ।
 তোমায় বলে ছিলাম সেই সে, কালে ॥
 ধর্মের হাট বাজার খুঁজে,
 কিছু কি ভাই নূতন পেলে ;
 তার হৃদ করে গেছে মোদের,
 বুদ্ধ যুনি ঋষিদলে ॥
 ত্যজে সুরধনী গঙ্গা,
 জর্ডনে আশ্রয় নিলে ;

* বাহার উপহার দিলেন—পঞ্চানন্দকে ; পঞ্চানন্দ দিচ্ছেন-বন্ধ-রমণী এবং
 রমণীবন্ধকে ; কলসী যে তত্ত্বগণ এগাঠে পরিভূট হইবে ।

পাঁচুঠাকুর ।

শেষে পুকুরেতে ছুবিয়ে মাথা,
 ধর্ম্মব স্বয় বেগ ধামালে ।
 দেশী কৃষ্ণ ন'দের চাঁদে
 ঘেব করে জিসায় ধরিলে ;
 এখন কেশ মুড়ায়ে গেকরা পরে,
 হতে চাও মা শচীর ছেলে ।
 হিন্দুর যত অমুঠান,
 তখন হয় জ্ঞান করিলে ;
 এবে ব্রহ্মচারী শুদ্ধাহারী,
 শাস্তি খোজো শাস্তিভলে ।
 এদিক্ ওদিক্, ছুটোছুটি,
 করে বৃথা কাল কাটালে ;
 সেই খুলে মল, তবে কেবল,
 বুদ্ধির ভয়ে, লোক হাসালে ।
 তবুও ভাল বদ্বির ছেলে,
 এদিনে যে রোগ টের পেলে,
 ঘরে থাকে নিদান, নব বিধান,
 কর্তে গেলে টাউন হলে ।
 মীন বলে, ব্রাহ্মিঠানি,
 নাকের চসমা দাও তাই কলে ;
 আছে আশা মনে, তোমার সনে,
 আসবে ফিরে ভেড়ার পালে ।

বর্ধমানের বড়বাজারের বড় রাস্তায়, এই কবিতাটি কুড়াইয়া
পাইয়াছি। ভাল অর্থগ্রহ করিতে পারি নাই, কিন্তু বড় ভাল লাগি-
য়াছে বলিয়া ছড়িতেও পারি নাই। পাঠকগণ শ্রীত হইবেন মনে
করিয়া পত্রস্থ করিলাম।—(পঞ্চানন্দ)

১। কোথেকে হোলো।

ওনে তোমার নামের জাহির, ভিতর জাহির,

দেখতে এলেম শুধাকর !

কর নাকি বড় কীত্তি, নিত্য নিত্য,

কীত্তিচাদের কুলধর ।

কড সাগর ডিক্কে, গিরি লভ্যে

মাথার ঘামে ভিজিয়ে পা ।

লোকে উপায় করে, পেটের তরে,

পেট তরু তরে কি না ।

তোমায় হয় না আন্তে, হয় না জান্তে,

শুধ-সাগরে ভাসিয়ে গা,

বোসে আছ ভাগ্যিসন্ত, জল জীয়েন্ত,

পায়ের উপর দিয়ে পা ।

নিরে সিধু বিধু চৌ চাপটে, মজা লুটে,

ধৈ কোটাছ আট পহর

বসিম্বহু কুত্তের হাট, আজব নাট,

আবকারিতে হারিয়ে হয় ।

তুমি যে গও মুখু নাইকো হুঃখু,

তাতে কারুর একটা ভিল,

পাঁচুঠাকুর ।

সে তো হবারি কথা, ঐক্করে কোথা,
মানুষের সঙ্গে হয়েছে মিল ।

কিন্তু বাছা একটু কষ্ট, তাইতে নষ্ট,
সকল দিক্‌টে কোরেচে,
নইলে মেলে কত অমন, রাজার আসন,
শুধু, সেই ভয়ে লোক পেচিয়েচে ।

ঐ যে টাকার খাঁকে, যাকে তাকে,
বাপ্‌টি বলা শকু কাজ,
তা কি সবাই পারে, বাপ্‌রে মারে !
হোক না কেন মহারাজ !

কেমন মাথা তুলে, চাইতে হোলো,
বাধো বাধো মনে হয়,
লোকের টিটকিরিতে, দিনে রেতে,
জগৎ যেন আঁধারময় ।

এত বিগ্‌য়ে বুদ্ধি, স্বভাব শুদ্ধি,
কার্দানি কি কেরামৎ,

চাইনে ভারি, তবু কোরতে নারি
বাপের নামের মেরামৎ ।

হাত যখন পাতে উদো, জোরে বুদো
পিণ্ডিটে কে স্থায় কেড়ে,
তা ধর্ম্ম জানে, সয় না প্রাণে,
মিথ্যে বলে কোন্‌ তেড়ে ।

তাই বলি এই কথাটা, এত মোটা,
মনে রাখলে ঐতি কি ?

কোরে ধোপার পোষাক, কোন্নে দেমাক,
 লোকে বলে ছি ছি ছি।
 আমার কথা বাছা, বড় সাঁচা,
 শুনে মেনে চলতে হয়,
 দেখ, জরির শেষে, * উল্লু সেজে
 বসলে কিবা ফলোদয়!
 দেশের কথা নেবে দেখ বে ভেদে,
 কোণ্ঠেকে কি হোয়েচে।
 নইলে হাস্বে লোকে তফাৎ থেকে,
 কার কি বোয়ে গিয়েচে ?

১। হোরি

“খেলিব সদা রঙে হোরি,
 লালে লাল সব করি হো।
 “নহি বটে বৃন্দাবন,
 নগরে করব বন,
 যেখানে গোপিনী মিলে,
 সহি বন মোরি হো।!
 “সেকালে ছিহু গোপাল;
 আমি, একাই এখন একটা পাল,
 এখন পালে পাল মিশিয়ে দিলে,
 নিজমুত্তি ধরি হো।

“নাহি সে কালো কানাই,
 সে সব ব্রজনারী আর নাই,
 এখন, নাই দিলে তুলেছ মাথায়,
 আমায়, কতই সুন্দরী, হো
 “গোলোকে করি বিরাজ,
 নাইকো আমার লোকসাজ,
 আমার লোক আছে, লঙ্কর আছে,
 আমি কেন মরি, হো ।

“আমি রে রাখালরাজ,
 রাখালি আমার কাজ,
 তোরা রাজসাজ খুলে নে,
 তোদের পায়ে ধরি হো ।

“আমি জন্মগুণে পাইনি পদ
 কর্ণে করিনি সম্পদ,
 তবে পদে পদে আপদ কেন,
 মাথায় নিয়ে কিরি, হো !

“আমি জানিনে রে লোকাচার,
 ধান্নি না ধার উদ্ভতার,
 তাই পাঁচ প্রকারে পাঁচ মকারে,
 সদাই মজা করি হো ।

“আমি কিছু বুঝিনে,
 ও সব কিছু ধ'জিনে,
 সব, পুড়ে কেন হোক না থাক,
 (আমি) বাজাব বাশরী, হো ।

ধিনর ।

“গোরাকে দিবেছি তার,
হরিতে ভুবনের তার,
আরতো গোরহরি নই রে আমি,
শুধু হরির হরি হো ।

“ছেড়েছি সুদর্শন চক্র,
এখন, তন্ত্র বুঝে করি চক্র,
তবু কুলোপানা দেখাই চক্র,
বক্র যার উপরি, হো ?

“কে জানে কার কেমন মন,
আমি ভালবাসি গোবর্দ্ধন,
শুধু হাহারবে সুখে ভবে,
যাই সব পাশরি, হো ।

“আন রে একশ আট গোপিনী,
নাচুক তারা ধিনি ধিনি,,
জামার যায় যাবে সকলি যাবে,
নিব কোপিন ডোরি, হো

বলা ই, .

তোঁর মধুভাও কোথা ভাই,
দনে মধু-বিনে,
কেমনে প্রাণ ধরি হো ।:

৩। বিনয়।

“কেন হে আমোদে মাতোয়ারা

তুলে তান করচো গান

হৈয়ে যেন জ্ঞানহার

“পরের তরে মাথা ব্যথা,

হয় যদি হোক রোগের কথা,

ত’বোলে কেন না বহিবে

পর হুখে চোখে ধারা।

“ছেড়ে অমন রাজহ ভোগ

কেন এমন কর্মভোগ,

ভুগিতে যদি ভাল লাগে,

পরকে কেন কর সার:

“তুমি যদি মনে করো,

ত্রিভুবন তারিতে পারো,

মহিমা থাকিতে তোমার,

কেন শিরে কলঙ্ক পসরা

“হরিতে বিপদের ভার,

তোমার ও স্রীপদের ভার,

কেন আর ভ্রমেতে তোমার,

ভ্রমবে হুখিনী ধরা।”

৪। রাস। (অপ্রকাশ।)

ভারতের জয় ।

বিনামা ছন্দঃ ।

(১)

“জয় জয় জয় ভারতের জয় !
নাচ হিমালয়, নাচ হে সাগর
রঙ্গে গঙ্গে, তুমি উছলিয়া উঠ,
পূর্ব পশ্চিমে ছুই ঘাট-গিরি,
গা ঝাড়িয়া উঠ, কর কোলাকুলি
ভারত অরাত পদানত আজি ।
বাজ বাজ শঙ্খ, নগরে নগরে,
কুলবালা হুলু দাও ঘরে ঘরে,
ছাড়িয়া মায়ের কোল, হেসে এস শিশু,
মিশাও মধুর স্বর আনন্দের দিনে ।
বেবোর ফুটুক মুখ জয়ধ্বনি করিতে,
সুবারতা মদিরায় অধীর হইয়া,
জনম-বধিরে
লভুক শ্রবণ-সুখ এ পবিত্র, বিজয় উৎসবে ।”

(২)

চমকে বাসুকি কণা, কূর্মপৃষ্ঠতল,
স্থল জল ঠলমল, ধমকে ধরণী ;
ধ্যান ভাঙা, রাঙা আঁখি সহসা উন্মেষি'
উমেশ, ক্রভঙ্গ করি, তৃক্ষীমুগ পানে
চাহিলেন ; শঙ্করের ভালে শশধর
খর ধর—রাছ ভরে হায় রে যেমতি—

কম্পবান্ ; নন্দী নিত্য বন্দে যেই শূলে,
 অবশে, খলিয়া আজি, পড়িল ভূতলে,
 পাদমূলে । ভুলি তাহা না ভুলিল আর,
 ভোলার ভকতভোলা,—অচেতন যেন !
 ককভ্রষ্ট হয় হয়, লক্ষ লক্ষ গ্রহ,
 উপগ্রহ, নিগ্রহিয়া নিজ নিজ বেগ,
 অধরে সধরে গতি ; চমকি চপসা,
 চকমকে, লুকাইল জলদের কোলে ।
 ‘নমো মহাশয়’ বলি’ প্রসারিয়া কর,
 দ্বিজবর দিতেছিল জাহ্নবীর তীরে,
 বিন্ধপত্র শঙ্কুনাথে, চন্দনে চর্চিতা,
 মুখে না আইল মস্ত, সরিল না হাত,
 —নিম্পন্দ, পিত্তলময় পুস্তকের প্রায় ।
 বাগানে, নিশ্চিন্ত মনে, রসের সাগরে
 হাবু ডুবু, বাবু আজি বিভোর বিলাসে,
 মাই ডিম্বার ইয়ার সনে ; ডিকান্টার ভরা
 সুবর্ণ শাম্পান, শেরি সুরাকুল-চূড়া ;
 অধরে সুধার-তারি লিকার বিস্তর
 স্তরে স্তরে সুসজ্জিত ; পেটে কটলেট,
 আনন্দ রসের সার বুকের রসনা,
 চপ কারি’ নানা মত ; কল মূল কত ;
 (অবিচার নাই কছু চাচার উপর)
 মোসম্বম, মোতজন, কালিয়া, কাবাব,
 কোয়মা, পোলাও, কোপ্তা, গরম গরম,—
 টেবিলে পীড়িছে তারে ; নর্তকীর দল

বলমল পেশোয়ার সাজিছে বরাদ্দে—
 দেবাননা ঝিনি রূপে—অনন্ডে মোহিয়া
 আগে, মরতে মানবে ছলিবা-মানসে
 আসিয়াছে ; মিশাইয়া সারঙ্গের সনে
 সুন্দর,—(সুন্দরী কণ্ঠ অতুল জগতে)
 —মধুর মধুর নাচে, ধীরে ধীরে তালে,
 তালে, তালে, দোলাইয়া ছুজ-শূণ্ডা,
 পৃষ্ঠে দোলাইয়া বেনী, ভুলাইয়া মন,
 যুগাকী কটাকৈ সনা বিজুলীর খেলা ;
 —(হার রে গরল কেন সুধাসরোবরে ?)
 সহসা ধামিল নাচ, সহসা নীরব
 হইল সারঙ্গ-রব ; সুন্দর-লহরী
 লীলা লুরাইল ; গেল ভবনার বোল ;
 ভুলিয়া গেলাশ, বাবু, ঢালিবেন মধু
 মক্ষিকা-অক্রান্ত মুখে, ঠেকিয়া ঠোঁটেতে,
 গেলাশ রহিল ঠোঁটে গেল না গলায়
 বিন্দুমাত্র—(সিদ্ধ-নীরে পশিয়া পিপাসী
 বারি বিন্দু না পাইল) ; রম্যপী বেহারী
 রিমিঝিমি তালে তালে কিমিয়া কিমিয়া
 টানিয়া পাখার দড়ি বিহ্বলে আছিল,
 দিল ছাড়ি লোল রঙ্গু, চাহিল চকিতে ।
 যুগ-জল মাঝে মাঝি হালি ছাড়ি দিল ।
 কড়া ক্রান্তি স্মরণ করি সূদের হিসাব
 করিতে করিতে হায় ! কাই ভুলে গেল
 মহাজন,—ধনকুমি ; হল ছাড়িল কুবক

হলবাহী-বলীবর্দ-সাজুল, লাজুল
 মুষ্টি, যষ্টি । কক্ষচ্যুত হইল কলসী,
 জলপূর্ণ কামিনীর । অধিক আর,
 জঙ্গলের গতিরুক, স্থাবর চলিল,
 —শুনিল সকলে যবে জয়-কোলাহল
 সহসা ভান্নত ভরি' । ভাবিল সকলে,
 বিকল ভারত প্রাণ করিল বা কিসে ?

(৩)

অজকে কেন ভারতবাসী
 আহ্লাদে আটুখানা,
 ঘারে সুধাও, সেই বল বে,
 কা'র নাই তা জানা !
 বড়, লুকিয়ে লুকিয়ে, জাঁকের আইন
 করোছিলেন লাট,
 ভেবেছিলেন ছদ্মক করে
 ভাঙ্গ'ব ভবের হাট ।
 রাত পোহাল, জারি হ'ল,
 ছদ্মকের আইন,
 এও কখন শুনিলি মা
 (এখনও) হচ্ছে ত রাতদিন
 ঘরের ঢেকি, কুমীর হয়ো,
 দেখলেন ভায় সায়,
 তাই, লাট ভাবলেন, মূলুক মেলেন,
 আর কেটা তাঁরে পায় ?
 কেমন তাই, সভা করো, গলা চিরে,

মাতিয়ে আগে দেশ,
ভারতবাসী চেউ তুলে,
বিলেতে লাগল ঠেস ।

থাক্তেন যদি, লাট সেখানে,
সভায় উপস্থিত,
শুন্তেন যদি আপন কাণে
বুঝ্তেন আপন হিত,
বিলেত থেকে মুখ ধাবড়া,
হ'ত নাকো খেতে,
বাজ্ত না কলঙ্ক ঢোল,
চুক্ত রেতে রেতে ।

বিলেতের সাহেব ভাল, জগৎ আলো,
বুদ্ধি ভেঙ্গে করে,
ভারতবাসীর মান রেখেছে,
লাটের দফা সেরে ।

সবাই সভ্য হচ্ছে, উঠে যাচ্ছে,
অষ্টমীর নাচন,
নহিলে, ঘুরিয়ে কোমর, দিতাম নেচে,
কের লেগে যা ধন ।

এ আমোদে নাচব না শু,
নাচব আর কবে ?
পুর তুলে আজ কাটাও আকাশ
ভারতের জয় রবে ।

“জয় জয় জয় ভারতের জয়

নাচ হিমালয়, নাচ হে সাগর
 রঙ্গে গঙ্গে, তুমি উছলিয়া উঠ,
 পূর্বব পশ্চিম হুই ষাট-গিরি,
 গা ঝাড়িয়া উঠ, কর কোলাকুলি
 ভারত অরাতি পদানত আজি ।
 বাজ বাজ শব্দ, নগরে নগরে,
 কুলবালা হলু দাও ঘরে ঘরে,
 ছাড়িয়া মায়ের কোল হেসে হেসে এস শিশু,
 মিশাও মধুর স্বর আনন্দের দিনে ।
 বোবার ফুটুক মুখ জয়ধ্বনি করিতে,
 পুবারতা যদিরায় অধীর হইয়া, জনম বধিরে
 লজুক শ্রবণ সুখ, এ পুবিজ, বিজয় উৎসবে ।”

(৪)

নাচ হে ভারতবাসী, নাচাও জগতে,
 নাচিবে, বিচিহ্ন নহে, কিন্তু কোন্‌ও মতে
 পঞ্চানন্দ - আনন্দে উৎসব-কারণ
 দেখিতে না পায়! হায় শুমিতে বায়ণ,
 যদি; ঘটে বুদ্ধি কিছু থাকিত তোমার;
 মান অপমান ভেদ করিতে বিচার;
 লজ্জী, লুণা, হৃদয়িতা, হুঃখ-অহুঃখ
 করিতে কখন যদি; বিখন্ত বাস্তব
 অপদস্থ করে যদি হুঃখের হৃদ্বিনে
 মশের দয়ার পাজ করার হলনে
 মর্শ্বেহুদি বাক্যবাণে, বিষ দয় করি;

দক্ষিণা বিদগ্ধ হিয়া—প্রশ্নের তরী
 বন্ধুর কলহহৃদে যদি ভাগাইয়া
 সারিগান গায় তাহে “নাকী” বিশাইয়া
 কান্না দেখাইতে,—হায় ! কত যে মরমে
 বাজে হৃদয়ীর হৃদে, কতই শরমে
 পোড়ে যে অন্তর তাঁর, ভারতীর ভাই,
 বুঝিতে সে ব্যথা যদি, (কছু বুঝ নাই)
 কাঁদিতে পরাণ তবে, উঠিত না হায়
 দীঘল যুগল বাহ, পাগলের প্রায়,
 লাঘবে গৌরব ভাবি নাচিবার কালে ।
 নেচ না, নেচ না ভাই,—চূণ কালি গালে ।
 তোমার ষতনে ভাই, কেঁটার তোমার
 পরিবর্ত হইয়াছে আইন এবার,
 সত্য ; কিন্তু ভেবে দেখ কত বিশেষণ
 বিলাতী সভায় ভাই পেয়েছ কৃষণ,—
 “অস্ত্যজ দেশীয় পত্র, অজ্ঞান, অধম,
 কাণ্ডাকাণ্ড বোধ নাই শরম ভরম ;
 ভিক্ষাজীবী মূর্খজন, ন-গণ্য সমাজে,
 কেপার খেয়াল, ভাই সম্পাদক সাজে !
 তুচ্ছ ভারতের কীট মশা ক্ষুদ্রপ্রাণ
 তাঁর তরে সাজে না কো অিটিশ-কামান ।”
 বিলাতী মহতী সভা মাঝে উচ্চৈঃস্বরে,
 ভারত-হিতার্থী যার এ হৃদয় করে,
 থাকিলেও তার প্রাণ রাখিতে কি আছে ?

বুধাট ভারতবাসী, তোমাদের কাছে !
 - ভক্ত হই, ছোট্ট হই, সাকী ভগবান,—
 প্রাণ অতি তুচ্ছ মানি প্রাণাধিক মান ।
 লউক লেখনী কাড়ি, কাটুক রসনা,
 সেও ভাল শতবার ; কে কবে বাসনা
 করে নরাদম নামে ? কে তাহে উল্লাস
 প্রকাশে বল হে ভাই ? তোমার প্রবাস
 সফল হইল কিসে ? এ লেখার চেয়ে,
 না লেখা কি ভালো নয় ? কোন্ মূল্য দিলে
 কিনিলে কেমন বস্তু ? চেপে যাও ভাই,
 কাটা কাণ চুলে ঢাক নেচে কাজ নাই ।
 জানি হে আইন গেল, গেল দণ্ড ভয় ;
 তোমাদের কথা কিন্তু তৃণতুল্য নয় ।
 হারাইলে জাতি কুল, না ভরিল পেট,
 শত্রু মিত্র কাছে শুধু মাথা হ'ল হেঁট ।
 তথ্যে কি এ নৃত্য সাজে ? মাটির কলসী
 হ হাতু পাটের দৃড়ি—এতই কি বেশী ?

সমাপ্ত ।

